

Leprosy



6

4-c

16

M

= 11 = 7



~~6-1-c-16~~









Des. ERASMI Roterod.  
De utraq;  
**VERBORUM ac RERUM**  
COPIA LIB. II.

*Ad sermonem & stylum for-  
mandum utilissimi.*

Amstelodami  
Apud Ioannem Ianssonium. A. 1662.

PHILIPPUS ENGENTINUS  
STUDIOSO LECTORI.

**F**Uccarus haud unquam convectis undique gazis  
Orbe pererrato tot cumulavit opes :  
Cum gemmas auriq; modum perquirat inanem,  
Et bis Sarrana velleratincta manu :  
Quot simul in chartas modicas congestit Erasmus  
Munera, per longam non peritura diem :  
Si malis animum corpus quàm ornare superbum,  
Nunc sequere, & totus sordeat ille tibi.



DESIDERIUS  
ERASMUS ROTTERODAMUS,

JOHANNI COLETO Decano  
S. Pauli apud Lugdunum  
S. P. D.



**N**on possum equidem non ve-  
hementer laudare, Colete, sin-  
gularem istam vereque Chri-  
stianam animi tui pietatem,  
qui conatus tuos omnes, omnia  
vitæ studia semper huc desti-  
naris, non ut tuis privatim commodis consule-  
res, sed ut patriæ civibusque tuis quampluri-  
mum prodesse. Neque minus admiror judi-  
cium, qui duas præcipue res delegeris, quibus  
id cumulatissime consequi posses. Videbas  
enim amplissimum charitatis fructum in eo  
situm esse, si quis assiduis concionibus, sacra-  
que doctrina, Christum popularium suorum  
animis inserat. Quo tu quidem in negotio,  
jam annos complures versaris, non dicam quan-  
ta cum laude, quam tu adeo non spectas, ut nec  
admittas, sed certe magno cum fructu. Quo  
nomine Paulus ille tunc, atioqui modestissi-  
mus subinde gloriatur, ac sese sancta quâdam  
insolentia jactat. Deinde quod proximum ex-  
istimabas, ludum literarum longe pulcherri-  
mum, ac magnificentissimum instituisti: ubi  
sub electissimis, ac probatissimis præceptoribus,

*Britannica pubes rudibus statim annis simul, & Christum, & optimas imbiberet literas: nimirum graviter intelligens, & in hac aetate velut herba, spem Reipub. positam esse, & quanti referat in omnem vitam, protinus ab incunabulis, optimis imbui. Iam vero quis non adamet etiam generosam istam animi tui celsitudinem, ac sanctam (ut ita dixerim) superbiam, qui utrumque hoc in patriam officium ita gratuitum, ac sincerum esse volueris, ut nec ex tot annorum laboriosissimis concionibus vel teruncio factus sis ditior, cumque tua seminaris spiritualia, nullius unquam carnalia messueris: & scholæ sumptus, tam videlicet ingentes, ut satrapam quoque deterrere possint, solus omnes ferre volueris? Et cum vulgus hominum nulla in re libentius socium accersere soleat, tu patrimonium, ut censum universum, ad hæc domesticam etiam suppellectilem profundere maluisti, quam ullum mortalem in istius gloriæ partem admittere. Quæso quid istud est aliud, quam in universos tuorum liberos, in universos cives animum plusquam paternum gerere? Te ipsum spolias, ut illos locupletes. Te ipsum nudas, ut illos ornes. Te ipsum laboribus conficis, quo tua soboles vegeta sit in Christo. Breviter, totum te impendis, ut illos Christo lucrifacias. Nimum profecto sit invidus, qui talia conanti non impensissime faveat. Impius, qui reclamet & obstre-*

strepit: hostis Angliæ, quis non pro sua virili adiumenti aliquid conferre studeat. Ego sane non ignarus, & quantum Angliæ debeam publice, & quantopere tibi privatim sim obnoxius, officii mei sum arbitratus, literarium aliquod munusculum in ornamentum scholæ tuæ conferre. Itaque duos hos novos de Copia commentarios, novæ scholæ nuncupare visum est: opus videlicet cum aptum pueritiæ, tum non infrugiferum, ni fallor, futurum. Sed quantum habeat eruditionis, quantumve sit utilitatis allaturus hic labor meus, aliorum esto iudicium. Illud vere mihi sumere possum, argumentum hoc à me primum, & excogitatum, & proditum fuisse. Nam quod Iulius Pollux Græcus, & antiquus auctor singularum rerum vocabula per locos digessit, & synonyma quedam ac finitima velut in acervos congestit: quis non videt, quam id sit à nostro instituto alienum? Neque enim Isidoros, Marros aut Philiscos libet commemorare, homines in tantum alienos à copia, ut ne semel quidem, quæ sentiunt, Latine possint efferre. Iam vero libellus ille, qui Ciceroni inscribitur (ego magis ab aliquo Ciceronis studio ex illius scriptis collectum arbitror) quæso, quid aliud habet, quam tumultuarium paucarum vocum congeriem? Nos formulas quasdam copię, ceu fontes ostendere sumus conati, sic ut à generalibus per gradus ad particulares deveneri-

## 6 ERASMI EPISTOLA.

*mus. Quanquam & fateor, & doleo, huic operi justam curam defuisse. Siquidem olim rudem materiam in futurum opus congefferamus, ad quam expoliendam plurimorum auctorum lectione videbam opus fore. Itaque non admodum erat in animo edere. Verum cum intellexissem, quosdam his commentariis insidiari, parumque abfuisse, quin incastigatissimos etiam ediderint: coactus sum, utcunque emendatos in lucem emittere. Nam id malum visum est levius. Bene vale, Colete optime Londini, 1512. 3. Kalend. Majas.*

DESI-

DESIDERII  
 ERASMI ROTERODAMI,  
 De  
 VERBORUM COPIA,  
 Commentarius primus.

C A P. I.

*Periculosam esse copia affectationem:*



**V**T non est aliud vel admirabilius, vel magnificentius, quam oratio, divite quam sententiarum verborumque copia, aurei fluminis instar exuberans: ita res est profecto, quæ non mediocri periculo affectetur, propterea quod, juxta proverbium,

*Non cuivis homini contingit adire Corinthum.*

Unde non paucis mortalibus usu venire videmus, ut divinam hanc virtutem sedulo quidem, sed parum feliciter æmulantes, in fubilem quandam, ac deformem incidant loquacitatem, dum inani, citraque delectum congesta vocum & sententiarum turba, pariter & rem obscurant, & miseras auditorum aures onerant: adeo ut litteratores aliquot hac ipsa de re si Diis placet, etiam præcepta tradere conati, nihil aliud affecturi videantur, quam quod copiam professi, suam prodiderunt inopiam. Quæ quidem res nos commovit, ut partim è mediis artis Rhetoricæ præceptis ad hoc institutum idonea diligentes, partim quæ diutino jam dicendi, scribendique usu sumus consecuti, variaque plurimorum autorum lectione observavimus accommodantes, utraque de Copia rationes aliquot, exempla, denique formulas

complures proponeremus : non id quidem conantes , ut libro omnem rem absolute complectamur : sed edito veluti commentariolo , doctis & studiosis viam aperuisse contenti , quasque sylvam quandam operis futuri subministrasse : sive quod solo juvandi studio ad hoc laboris capeffendum adducti , non invidemus , si penes alium sit vel tota gloria , modo à nobis ad studiosam juventutem aliqua manarit utilitas : sive quod gravioribus studiis addicti sumus , quam ut in his utilissimis quidem illis etiam ad maxima , sed tamen in speciem minutis , vacet permultum operæ collocare.

## CAP. II.

*A quibus inventa, & à quibus exercitata Copia.*

**P**orro, ne quis hoc inventum, tanquam neotericum , ac nuper domi nostræ natum aspernandum existimet , sciat hanc orationis variandæ rationem, ab homine doctissimo pariter, & diligentissimo Quintiliano locis aliquot leviter attingi , & nobiles aliquot Sophistas in compendium contrahendi sermonis , viam ostendisse. Quod facere nequaquam poterant, nisi pariter & explicandi ratione demonstrata. Quorum si libri extarent , aut si , quod admonuit Fabius , ad plenum tradere voluissent non admodum futurum erat opus iis meis præceptiunculis. Accedit ad hujus negotii commendationem , quod neutiquam piguit viros omnis doctrinæ principes diligenter in hoc genere exerceri. Siquidem extant etiamnum mirabiles aliquot Maronis experientiæ de speculo , de fluvio gelu concreto, de Iride, de Solis exortu, de quatuor anni partibus , de signis cœlestibus. Idem satis indicat apologus ille Æsopicus de vulpe & corvo , quem Apuleius mira verborum parsimonia perstringit , & eundem plurimis verbis quam fusissime explicat , exercendi videlicet ostentandique ingenii gratia. Sed age quem tandem possit posthac hujus studii exercere , qui Ciceronem videat illum omnis eloquentiæ



quentiæ parentem, adeo huic exercitationi indul-  
fisse, ut cum Mimo Roscio familiari suo solitus sit  
contendere, utrum ille sæpius eandem sententiam  
variis gestibus effingere, an ipse per eloquentiæ co-  
piam sermone diverso pronunciaret.

## CAP. III.

*Auctores quemadmodum luserint ostentatione Copiæ.*

**Q**uid, quod iidem auctores non in palæstra so-  
lum, verum etiam in opere serio nonnun-  
quam ostentanda copiæ luserunt: dum rem  
eandem nunc ita cohibent, ut adimere nihil queas:  
nunc ita locupletant dilatantque, ut nihil possis ad-  
jungere. Homerus, teste Fabio, utraque juxta re-  
mirabilis est, tum copiæ, tum brevitate. Quanquam  
in præsentī animus non est exempla persequi: ta-  
men unum atque alterum ex uno Virgilio profere-  
mus, à quo quid brevius dici potuit, quam illud? *Et  
campos, ubi Troja fuit?* Paucissimis verbis, ut ait Ma-  
crobis lib. 5. Satur. cap. 1. civitatem hausit &  
absorpsit, ne ruina quidem relicta. Rursum hoc,  
ipsum audi quam copiose?

*Venit summa dies, & ineluctabile fatum  
Dardania, fuimus Troes, fuit Ilium, & ingens  
Gloria Teucrorum, ferus omnia Iuppiter Argos  
Transfudit: incensa Danaï dominantur in urbe:  
O patria, ô divum domus, Ilium, & inclita bello  
Mœnia Dardanidum.*

*Quis cladem illius noctis, quis funera fando  
Explicet, aut possit lacrymis aquare labores?*

Quis fons, quis torrens, quod mare tot fluctibus  
quot hic verbis inundavit? Verum hoc exemplum  
ad sententiarum copiæ magis referendum alicui  
videatur. Ludit & verborum luxurie cum ait:

*Superatne, & vescitur aurâ  
Ætherea, nec adhuc crudelibus occubat umbris?*

Sed hoc Nasoni familiarius est, ita ut eo nomine  
taxatus sit, quod in copiæ modum non teneat. At

complures proponeremus : non id quidem conantes , ut libro omnem rem absolute complectamur : sed edito veluti commentariolo , doctis & studiosis viam aperuisse contenti , quasque sylvam quandam operis futuri subministrasse : sive quod solo juvandi studio ad hoc laboris capeffendum adducti , non invidemus , si penes alium sit vel tota gloria , modo à nobis ad studiosam juventutem aliqua manarit utilitas : sive quod gravioribus studiis addicti sumus , quam ut in his utilissimis quidem illis etiam ad maxima , sed tamen in speciem minutis , vacet permultum operæ collocare.

## CAP. II.

*A quibus inventa, & à quibus exercitata Copia.*

**P**orro, ne quis hoc inventum, tanquam neotericum, ac nuper domi nostræ natum aspernandum existimet, sciat hanc orationis variandæ rationem, ab homine doctissimo pariter, & diligentissimo Quiniliano locis aliquot leviter attingi, & nobiles aliquot Sophistas in compendium contrahendi sermonis, viam ostendisse. Quod facere nequaquam poterant, nisi pariter & explicandi ratione demonstrata. Quorum si libri extarent, aut si, quod admonuit Fabius, ad plenum tradere voluissent non admodum futurum erat opus iis meis præceptiunculis. Accedit ad hujus negotii commendationem, quod neutiquam piguit viros omnis doctrinæ principes diligenter in hoc genere exerceri. Siquidem extant etiamnum mirabiles aliquot Maronis experientiæ de speculo, de fluvio gelu concreto, de Iride, de Solis exortu, de quatuor anni partibus, de signis cœlestibus. Idem satis indicat apologus ille Æsopicus de vulpe & corvo, quem Apuleius mira verborum parsimonia perstringit, & eundem plurimis verbis quam fusissime explicat, exercendi videlicet ostentandique ingenii gratia. Sed age quem tandem possit posthac hujus studii prænitere, qui Ciceronem videat illum omnis eloquen-

quentiæ parentem, adeo huic exercitationi indul-  
fisse, ut cum Mimo Roscio familiari suo solitus sit  
contendere, utrum ille sæpius eandem sententiam  
variis gestibus effingere, an ipse per eloquentiæ co-  
piam sermone diverso pronunciaret.

## CAP. III.

*Auctores quemadmodum luserint ostentatione Copia.*

**Q**uid, quod iidem auctores non in palæstra so-  
lum, verum etiam in opere serio nonnun-  
quam ostentanda copia luserunt: dum rem  
eandem nunc ita cohibent, ut adimere nihil queas:  
nunc ita locupletant dilatantque, ut nihil possis ad-  
jungere. Homerus, teste Fabio, utraque juxta re-  
mirabilis est, tum copia, tum brevitate. Quanquam  
in præsentī animus non est exempla persequi: ta-  
men unum atque alterum ex uno Virgilio profere-  
mus, à quo quid brevius dici potuit, quam illud? *Et  
campos, ubi Troja fuit?* Paucissimis verbis, ut ait Ma-  
crobius lib. 5. Satur. cap. 1. civitatem hausit &  
absorpsit, ne ruina quidem relicta. Rursum hoc,  
ipsum audi quam copiose?

*Venit summa dies, & ineluctabile fatum  
Dardania, fuimus Troes, fuit Ilium, & ingens  
Gloria Teucrorum, ferus omnia Iuppiter Argos  
Transsulit: incensa Danaï dominantur in urbe:  
O patria, ô divum domus, Ilium, & inclita bello  
Mœnia Dardanidum.*

*Quis cladem illius nôllis, quis funera sando  
Explicet, aut possit lacrymis aquare labores?*

Quis fons, quis torrens, quod mare tot fluctibus  
quot hic verbis inundavit? Verum hoc exemplum  
ad sententiarum copiam magis referendum alicui  
videatur. Luserit & verborum luxurie cum ait:

*Superatne, & vescitur aurâ*

*Ætherea, nec adhuc crudelibus occubat umbris?*

Sed hoc Nasoni familiarius est, ita ut eo nomine  
taxatus sit, quod in copia modum non teneat. At

taxatus à Seneca, cujus totam dictionem damnant Fabius, Suetonius, & Aulus Gellius.

## C A P. I V.

*Quibus vitio data immodica copia.*

**N**Eque quicquam mea refert, si quibus vel immodica, vel perperam adfectata copia vitio data est. Nam in Stesichoro Quintilianus norat nimis effusam, & redundantem copiam: sed ita notat, ut vitium esse fateatur non admodum refugiendum. Æschylo probro datur in vetere comœdia, quod bis idem dixerit *ἦ καὶ κατέρχουσι. i. e. venio & postliminio redeo.* Interdum Seneca vix fert Maronem eundem sensum bis aut ter accinentem. Et ne frustra longum catalogum recenseam, non defuerunt qui M. etiam Tullium, ut Asianum ac redundantem, nimiaque luxuriantem copia, damnarent. Sed hæc, ut dixi, nihil ad me pertinent, qui quidem non quomodo scribendum aut dicendum sit, præscribo: sed quid ad exercitationem faciat, ostendo: ubi quis nescit omnia iusto majora esse debere. Deinde adolescentiam instruo in qua Fabio non displicet orationis luxuries, propterea, quod facile, quæ super sunt, iudicio refecentur, quædam etiam ætas ipsa deterat, cum interim tenuitati atque inopiæ nulla ratione mederi queas.

## C A P. V.

*Ejusdem artificis esse breviter & copiose dicere.*

**I**Am si qui sunt, quibus usque adeo placet Menelaus ille Homericus, & πολὺ μὲν id est non multiloquus, rursus displicet Ulysses fluminis instar hybernis aucti nivibus ruens, si quos impendio Latronismus ille, & brevilloquentia delectat: ne hi quidem nostro labori debent obstrepere, quippe quem nec ipsi sint infrugiferum experturi, propterea quod ab eadem ratione proficisci videatur, ut  
vel

vel brevissimè dicas, vel copiosissime. Siquidem quemadmodum argute Socrates apud Platonem colligit, ejusdem hominis esse scire seu mentiri, seu verum dicere: ita non alius artifex melius ad brevitatē arctabit orationem, quam qui calleat eandem quam maxime varia supellectile lucupletare. Nam quantum ad verborum attinet brevitatē, quis constrictius dixerit, quam is, cui promptum sit ex immenso verborum agmine, ex omni figurarum genere, statim deligere, quod sit ad brevitatē accommodatissimum? Rursum quantum ad sententiæ brevitatē, cui magis in manu fuerit rem quam paucissimis expedire verbis, quam qui cognitum, ac meditatū habeat, quæ sint in causa præcipua, quasque columnæ, quæ proxima, quæ locupletandi negotii gratia sint ascita? Nemo certe citius, certiusque videbit, quid citra incommodum possit omitti, quàm is, qui quid quibus modis addi possit, viderit.

## CAP. VI.

*De stultis affectantibus vel brevitatē, vel copiam.*

**Q**UOD si casu vel huc, vel illuc ducimur, periculum est, ne nobis usu veniat, quod quibusdam Laconismi *ἡρακλήσις* id est *malis affectatoribus* videmus evenire, qui cum pauca dixerint, tamen in ipsis paucis multa supersunt, ne dicam omnia. Sicut è diverso imperitis copię affectatoribus evenit, ut cum immodicè loquaces sint, tamen parum dicant, multa nimirum dictū necessaria prætereuntes. Nostræ igitur præceptiones eo spectabunt, ut ita rei summam quam paucissimis complecti possis, ut nihil deſit; ita copia dilates, ut nihil redundet tamen; liberumque tibi sit cognita ratione, vel Laconismum æmulari, si libeat, vel Asianam illam exuberantiam imitari, vel Rhodiensem *μεῖν* exprimere.

## CAP. VII.

*Duplicem esse copiam.*

**P**orro duplicem esse copiam, non arbitror obscurum esse, vel Fabio declarante, qui inter ceteras Pindari virtutes præcipue miratur beatissimam illam rerum verborumque copiam. Quarum altera consistit in Synonymia, in Heterosi, sive Enallage vocum, in Metaphoris, in mutatione figuræ; in Isodynamis, reliquisque id genus variandi rationibus: Altera in congerendis, amplificandis argumentis, exemplis, collationibus, similibus, dissimilibus, contrariis, atque aliis hoc genus modis, quos suo loco reddemus accuratius, sita est. Hæc quamquam alicubi sic conjunctæ videri possint, ut haud facile dignoscas, ita alteri inservit altera, ut præceptis potius, quam re, atque usu discretæ videantur: nos tamen docendi gratia ita separabimus, ut neque superstitionis in secando, neque rursus negligentia merito damnari possimus.

## CAP. VIII.

*Quas ad res conferat hac exercitatio.*

**N**unc quo studiosa juvenus propensioribus animis in hoc studium incumbat: quas ad res conducat, paucis aperiemus. Principio quidem in totum ad phrasin illam non parum adferet momenti, hæc variandæ orationis exercitatio. Peculiariter autem conferet ad vitandam *τὴν πολυλίαν*, vitium cum sædum, tum odiosum. Ea est ejusdem verbi aut sermonis iteratio. Neque raro usu venit, ut idem nobis crebrius sit dicendum: ubi, si destituti copia, aut hæsitabimus, aut *κῶκυ*, id est *cuculi*, in morem, eadem identidem occinemus, neque poterimus sententiæ colores alios, aliosque vultus dare: pariter & ipsi, ridiculi erimus, nostram prodentes infantiam, & tædio miseros auditores

ene.

enecabimus. Est *ταυτολογία* pejor *ὁμοιολογία*, quem-  
admodum Fab. ait, quæ nulla varietatis gratia levat  
tædium, estque tota coloris unius. Quis autem est  
auribus usque adeo patientibus, ut vel paulisper fe-  
rat orationem ubique sui similem? Tantam ubique  
vim habet varietas, ut nihil omnino tam nitidum  
sit, quod non squalere videatur citra hujus com-  
mendationem. Gaudet ipsa natura vel imprimis  
varietate, quæ in tam immensa rerum turba nihil  
usquam reliquit, quod non admirabili quo dam va-  
rietatis artificio depinxerit. Et sicut oculi diversa-  
rum adspectu rerum magis detinentur: ita semper  
animus circumspicit, in quod se, veluti novum  
intendat. Cui si cuncta sui similia occurrant undi-  
que, tædio protinus avertitur. Atque ita perit totus  
simul orationis fructus. Hoc igitur tantum malum  
facile vitabit, cui promptum erit sententiam ean-  
dem in plures formas vertere, quàm Proteus ipse  
se transformasse dicitur. Neque vero mediocriter  
contulerit hæc exercitatio ad extemporalem vel di-  
cendi, vel scribendi facultatem: præstabitque, ne  
subinde vel hæsitemus attoniti, vel turpiter inter-  
fileamus. Neque difficile fuerit, vel temere ceptam  
orationem commode ad id, quod volumus, defle-  
ctere, tot formulis in procinctu paratis. Præterea in  
enarrandis auctoribus, in vertendis ex aliena lin-  
gua libris, in scribendo carmine, non parum adju-  
menti nobis attulerit. Siquidem in iis, nisi erimus  
his instructi rationibus, sæpenumero reperiemur aut  
perplexi, aut duri, aut muti denique.

## CAP. IX.

*Quibus exercendi rationibus hæc facultas  
paretur.*

**D**Einceps, quibus exercitationibus hæc pare-  
tur facultas, reliquum est ut paucis admonea-  
mus. Præceptis diligenter memoriæ man-  
datis, sæpius ex industria sententias quasdam su-  
mamus, easque versemus quam numerosissime,  
quem

*Britannica pubes rudibus statim annis simul,  
 & Christum, & optimas imbiberet literas: ni-  
 mirum graviter intelligens, & in hac aetate  
 velut herba, spem Reipub. positam esse, &  
 quanti referat in omnem vitam, protinus ab  
 incunabulis, optimis imbui. Iam vero quis non  
 adamet etiam generosam istam animi tui cel-  
 situdinem, ac sanctam (ut ita dixerim) su-  
 perbiam, qui utrumque hoc in patriam offi-  
 cium ita gratuitum, ac sincerum esse volueris,  
 ut nec ex tot annorum laboriosissimis concioni-  
 bus vel teruncio factus sis ditior, cumque tua  
 seminaris spiritualia, nullius unquam carnalia  
 messueris: & scholæ sumptus, tam videlicet  
 ingentes, ut satrapam quoque deterrire possint,  
 solus omnes ferre volueris? Et cum vulgus ho-  
 minum nulla in re libentius socium accersere  
 soleat, tu patrimonium, ut censum universum,  
 ad hæc domesticam etiam supellectilem pro-  
 fundere maluisti, quam ullum mortalem in  
 istius gloriæ partem admittere. Quæso quid  
 istud est aliud, quam in universos tuorum li-  
 beros, in universos cives animum plusquam  
 paternum gerere? Te ipsum spolias, ut illos  
 locupletes. Te ipsum nudas, ut illos ornes.  
 Te ipsum laboribus conficis, quo tua soboles  
 vegeta sit in Christo. Breviter, totum te im-  
 pendis, ut illos Christo lucrificias. Nimum  
 profecto sit invidus, qui talia conanti non im-  
 pensissime faveat. Impius, qui reclamet & ob-  
 stre-*



strepit: hostis Angliæ, quis non pro sua virili adiumenti aliquid conferre studeat. Ego sane non ignarus, & quantum Angliæ debeam publice, & quantopere tibi privatim sim obnoxius, officii mei sum arbitratus, literarium aliquod munusculum in ornamentum scholæ tuæ conferre. Itaque duos hos novos de Copia commentarios, novæ scholæ nuncupare visum est: opus videlicet cum aptum pueritiæ, tum non infrugiferum, ni fallor, futurum. Sed quantum habeat eruditionis, quantumve sit utilitatis allaturus hic labor meus, aliorum esto iudicium. Illud vere mihi sumere possum, argumentum hoc à me primum, & excogitatum, & proditum fuisse. Nam quod Iulius Pollux Græcus, & antiquus auctor singularum rerum vocabula per locos digessit, & synonyma quædam ac finitima velut in acervos congestit: quis non videt, quam id sit à nostro instituto alienum? Neque enim Isidoros, Marinos aut Philiseos libet commemorare, homines in tantum alienos à copia, ut ne semel quidem, quæ sentiunt, Latine possint efferre. Iam vero libellus ille, qui Ciceroni inscribitur (ego magis ab aliquo Ciceronis studioso ex illius scriptis collectum arbitror) quæso, quid aliud habet, quam tumultuarium paucarum vocum congeriem? Nos formulas quasdam copię, ceu fontes ostendere sumus conati, sic ut à generalibus per gradus ad particulares deveneri-

## 6 ERASMI EPISTOLA.

mus. Quamquam & fateor, & doleo, huic operi justam curam defuisse. Siquidem olim rudem materiam in futurum opus congefferamus, ad quam expoliendam plurimorum auctorum lectione videbam opus fore. Itaque non admodum erat in animo edere. Verum cum intellexissem, quosdam his commentariis insidiari, parumque abfuisse, quin incautissimos etiam ediderint: coactus sum, ut cunque emendatos in lucem emittere. Nam id malum visum est levius. Bene vale, Colete optime Londini, 1512. 3. Kalend. Majas.

DESI-

DESIDERII  
 ERASMI ROTERODAMI,  
 De  
 VERBORUM COPIA,  
 Commentarius primus.

C A P. I.

*Periculosam esse copia affectationem:*



T non est aliud vel admirabilius, vel magnificentius, quam oratio. divite quam sententiarum verborumque copia, aurei fluminis instar exuberans: ita res est profecto, quæ non mediocri periculo affectetur, propterea quod, juxta proverbium,

*Non cuius homini contingit adire Corinthum.*

Unde non paucis mortalibus usu venire videmus, ut divinam hanc virtutem sedulo quidem, sed parum feliciter æmulantes, in futilem quandam, ac deformem incidant loquacitatem, dum inani, citraque delectum congesta vocum & sententiarum turba, pariter & rem obscurant, & miseræ auditorum aures onerant: adeo ut litteratores aliquot hac ipsa de re si Diis placet, etiam præcepta tradere conati, nihil aliud affectuti videantur, quam quod copiam professi, suam prodiderunt inopiam. Quæ quidem res nos commovit, ut partim è mediis artis Rhetoricæ præceptis ad hoc institutum idonea diligentes, partim quæ diutino jam dicendi, scribendique usu sumus consecuti, variæque plurimorum autorum lectione observavimus accommodantes, utraque de Copia rationes aliquot, exempla, denique formulas

complures proponeremus : non id quidem conantes , ut libro omnem rem absolute complectamur : sed edidit veluti commentariolo , doctis & studiosis viam aperuisse contenti , quasque sylvam quandam operis futuri subministrasse : sive quod solo juvandi studio ad hoc laboris capeffendum adducti , non invidemus , si penes alium sit vel tota gloria , modo à nobis ad studiosam juventutem aliqua manarit utilitas : sive quod gravioribus studiis addicti sumus , quam ut in his utilissimis quidem illis etiam ad maxima , sed tamen in speciem minutis , vacet permultum operæ collocare.

## CAP. II.

*A quibus inventa, & à quibus exercitata Copia.*

**P**orro, ne quis hoc inventum, tanquam neotericum , ac nuper domi nostræ natum aspernandum existimet , sciat hanc orationis variandæ rationem, ab homine doctissimo pariter, & diligentissimo Quintiliano locis aliquot leviter attingi , & nobiles aliquot Sophistas in compendium contrahendi sermonis , viam ostendisse. Quod facere nequaquam poterant, nisi pariter & explicandi ratione demonstrata. Quorum si libri extarent, aut si, quod admonuit Fabius, ad plenum tradere voluissent non admodum futurum erat opus iis meis præceptunculis. Accedit ad hujus negotii commendationem , quod neutiquam piguit viros omnis doctrinæ principes diligenter in hoc genere exerceri. Siquidem extant etiamnum mirabiles aliquot Maronis experientiæ de speculo, de fluvio gelu concreto, de Iride, de Solis exortu, de quatuor anni partibus, de signis cœlestibus. Idem satis indicat apologus ille Æsopicus de vulpe & corvo, quem Apuleius mira verborum parsimonia perstringit, & eundem plurimis verbis quam fusissime explicat, exercendi videlicet ostentandique ingenii gratia. Sed age quem tandem possit posthac hujus studii prænitere, qui Ciceronem videat illum omnis eloquen-

quentiæ parentem, adeo huic exercitationi indul-  
fisse, ut cum Mimo Roscio familiari suo solitus sit  
contendere, utrum ille sæpius eandem sententiam  
variis gestibus effingere, an ipse per eloquentiæ co-  
piam sermone diverso pronunciaret.

## CAP. III.

*Auctores quemadmodum luserint ostentatione Copia.*

**Q**uid, quod iidem auctores non in palestra so-  
lum, verum etiam in opere serio nonnun-  
quam ostentanda copia luserunt: dum rem  
eandem nunc ita cohibent, ut adimere nihil queas:  
nunc ita locuplerant dilatanque, ut nihil possis ad-  
jungere. Homerus, teste Fabio, utraque juxta re-  
mirabilis est, tum copia, tum brevitate. Quanquam  
in præsentī animus non est exempla persequi: ta-  
men unum atque alterum ex uno Virgilio profere-  
mus, à quo quid brevius dici potuit, quam illud? *Ex  
campis, ubi Troja fuit?* Paucissimis verbis, ut ait Ma-  
crobius lib. 5. Satur. cap. 1. civitatem hausit &  
absorpsit, ne ruina quidem relicta. Rursum hoc,  
ipsum audi quam copiose?

*Venit summa dies, & ineluctabile fatum  
Dardania, fuimus Troes, fuit Ilium, & ingens  
Gloria Teucrorum, ferus omnia Iuppiter Argos  
Transtulit: incensa Danaï dominantur in urbe:  
O patria, ô divum domus, Ilium, & inclyta bello  
Mœnia Dardanidum.*

*Quis cladem illius noctis, quis funera sando  
Explicit, aut possit lacrymis æquare labores?*

Quis fons, quis torrens, quod mare tot fluctibus  
quot hic verbis inundavit? Verum hoc exemplum  
ad sententiarum copiam magis referendum alicui  
videatur. Luserit & verborum luxurie cum ait:

*Superatne, & vescitur aurâ  
Ætherea, nec adhuc crudelibus occubat umbris?*

Sed hoc Nasoni familiarius est, ita ut eo nomine  
taxatus sit, quod in copia modum non teneat. At

taxatus à Seneca, cujus totam dictionem damnant Fabius, Suetonius, & Aulus Gellius.

## C A P. I V.

*Quibus vitio data immodica copia.*

**N**Eque quicquam mea refert, si quibus vel immodica, vel perperam adfectata copia vitio data est. Nam in Stesichoro Quintilianus notat nimis effusam, & redundantem copiam: sed ita notat, ut vitium esse fateatur non admodum refugiendum. Æschylo probro datur in vetere comœdia, quod bis idem dixerit *ἦκω καὶ κατέρχουμαι*. i. e. venio & postliminio redeo. Interdum Seneca vix fert Maronem eundem sensum bis aut ter accinentem. Et ne frustra longum catalogum recenseam, non defuerunt qui M. etiam Tullium, ut Asianum ac redundantem, nimiaque luxuriantem copia, damnarent. Sed hæc, ut dixi, nihil ad me pertinent, qui quidem non quomodo scribendum aut dicendum sit, præscribo: sed quid ad exercitationem faciat, ostendo: ubi quis nescit omnia iusto maiora esse debere. Deinde adolescentiam instruo in qua Fabio non displicet orationis luxuries, propterea, quod facile, quæ supersunt, iudicio refecentur, quædam etiam ætas ipsa deterat, cum interim tenuitati atque inopiæ nulla ratione mederi queas.

## C A P. V.

*Eiusdem artificis esse breviter & copiose dicere.*

**I**Am si qui sunt, quibus usque adeo placet Menelaus ille Homericus, & *πλούμυθος*, id est non multiloquus, rursus displicet Ulysses fluminis instar hybernis aucti nivibus ruens, si quos impendio Laconismus ille, & breviloquentia delectat: ne hi quidem nostro labori debent obstrepere, quippe quem nec ipsi sint infrugiferum experturi, propterea quod ab eadem ratione proficisci videatur, ut  
vel

vel brevissimè dicas, vel copiosissime. Siquidem quemadmodum argute Socrates apud Platonem colligit, ejusdem hominis esse scire seu mentiri, seu verum dicere: ita non alius artifex melius ad brevitatem arctabit orationem, quam qui calleat eandem quam maxime varia supellectile lucupletare. Nam quantum ad verborum attinet brevitatem, quis constrictius dixerit, quam is, cui promptum sit ex immenso verborum agmine, ex omni figurarum genere, statim deligere, quod sit ad brevitatem accommodatissimum? Rursum quantum ad sententiæ brevitatem, cui magis in manu fuerit rem quam paucissimis expedire verbis, quam qui cognitum, ac meditatum habeat, quæ sint in causa præcipua, quasque columnæ, quæ proxima, quæ locupletandi negotii gratia sint ascita? Nemo certe citius, certiusque videbit, quid citra incommodum possit omitti, quàm is, qui quid quibus modis addi possit, viderit.

## CAP. VI.

*De stulse affectantibus vel brevitatem, vel copiam.*

**Q**UOD si casu vel huc, vel illuc ducimur, periculum est, ne nobis usu veniat, quod quibusdam Laconismi *ἡγκολήτης* id est malis affectatoribus videmus evenire, qui cum pauca dixerint, tamen in ipsis paucis multa supersunt, ne dicam omnia. Sicut è diverso imperitis copię affectatoribus evenit, ut cum immodicè loquaces sint, tamen parum dicant, multa nimirum dictu necessaria prætereuntes. Nostræ igitur præceptiones eo spectabunt, ut ita rei summam quam paucissimis complecti possis, ut nihil desit; ita copia dilates, ut nihil redundet tamen: liberumque tibi sit cognita ratione, vel Laconismum æmulari, si libeat, vel Asianam illam exuberantiam imitari, vel Rhodiensem *μεδ* exprimere.

## CAP. VII.

*Duplicem esse copiam.*

**P**orro duplicem esse copiam, non arbitror obscurum esse, vel Fabio declarante, qui inter ceteras Pindari virtutes præcipue miratur beatissimam illam rerum verborumque copiam. Quarum altera consistit in Synonymia, in Hererosi, sive Enallage vocum, in Metaphoris, in mutatione figuræ, in Isodynamiis, reliquisque id genus variandi rationibus: Altera in congerendis, amplificandis argumentis, exemplis, collationibus, similibus, dissimilibus, contrariis, atque aliis hoc genus modis, quos suo loco reddemus accuratius, sita est. Hæc quamquam alicubi sic conjunctæ videri possint, ut haud facile dignoscas, ita alteri inservit altera, ut præceptis potius, quam re, atque usu discretæ videantur: nos tamen docendi gratia ita separabimus, ut neque superstitionis in secando, neque rursus negligentia merito damnari possimus.

## CAP. VIII.

*Quas ad res conferat hæc exercitatio.*

**N**unc quo studiosa juvenus propensioribus animis in hoc studium incumbat: quas ad res conducat, paucis aperiemus. Principio quidem in totum ad phrasin illam non parum adferet momenti, hæc variandæ orationis exercitatio. Peculiariter autem conferet ad vitandam *περὶ πολλὰ*, vitium cum sædum, tum odiosum. Ea est ejusdem verbi aut sermonis iteratio. Neque raro usu venit, ut idem nobis crebrius sit dicendum: ubi, si destituti copia, aut hæsitabimus, aut *κέκρυς*, id est cuculi, in morem, eadem identidem occinemus, neque poterimus sententiæ colores alios, aliosque vultus dare: pariter & ipsi, ridiculi erimus; nostram prodentes infantiam, & tædio miseros auditores

ene.



enecabimus. Est *ταυτολογία* pejor *ὁμολογία*, quem-  
admodum Fab. ait, quæ nulla varietatis gratia levat  
tædium, estque tota coloris unius. Quis autem est  
auribus usque adeo patientibus, ut vel paulisper fe-  
rat orationem ubique sui similem? Tantam ubique  
vim habet varietas, ut nihil omnino tam nitidum  
sit, quod non squalere videatur citra hujus com-  
mendationem. Gaudet ipsa natura vel imprimis  
varietate, quæ in tam immensa rerum turba nihil  
usquam reliquit, quod non admirabili quo dam va-  
rietatis artificio depinxerit. Et sicut oculi diversa-  
rum adspectu rerum magis detinentur: ita semper  
animus circumspicit, in quod se, veluti novum  
intendat. Cui si cuncta sui similia occurrant undi-  
que, tædio protinus avertitur. Atque ita perit totus  
simul orationis fructus. Hoc igitur tantum malum  
facile vitabit, cui promptum erit sententiam ean-  
dem in plures formas vertere, quàm Proteus ipse  
se transformasse dicitur. Neque vero mediocriter  
contulerit hæc exercitatio ad extemporalem vel di-  
cendi, vel scribendi facultatem: præstabitque, ne  
subinde vel hæsitemus attoniti, vel turpiter inter-  
fileamus. Neque difficile fuerit, vel temere captam  
orationem commode ad id, quod volumus, defle-  
ctere, tot formulis in procinctu paratis. Præterea in  
enarrandis auctoribus, in vertendis ex aliena lin-  
gua libris, in scribendo carmine, non parum adju-  
menti nobis attulerit. Siquidem in iis, nisi erimus  
his instructi rationibus, sæpenumero reperiemur aut  
perplexi, aut duri, aut muti denique.

## CAP. IX.

*Quibus exercendi rationibus hæc facultas  
paretur.*

**D**Einceps, quibus exercitationibus hæc pare-  
tur facultas, reliquum est ut paucis admonea-  
mus. Præceptis diligenter memoriæ man-  
datis, sæpius ex industria sententias quasdam su-  
mamus, easque versemus quam numerosissime,  
quem

quemadmodum monet Fabius. Velut eadem, in-  
 quiens, cetera aliæ atque aliæ formæ duci solent. Is  
 porro labor uberiores afferet fruges, si complu-  
 sculi inter se confluentur vel voce, vel scripto,  
 proposito in medium themate. Tum enim mutuis  
 inventis adjuvabuntur singuli, & velut ansa præbi-  
 ta, plura quisque inveniet. Deinde totum aliquod  
 argumentum pluribus tractabimus modis, Quia qui-  
 dem in re conveniet. Milonis illius Crotoniæ so-  
 lertiam imitari, ut principio bis, deinde ter, dein-  
 ceptus sæpius ac sæpius vertendo, ad eam facultatem  
 proficiamus, ut jam sine negotio centies ac ducen-  
 ties variare possimus. Adhæc, vertendis Græcis au-  
 ctoribus non mediocriter augebimus sermonis co-  
 piam: propterea quod hæc lingua rerum verbo-  
 rumque ditissima est. Fuerit autem utilius interdum  
 paraphrasi quoque cum illis certare. Profuerit plu-  
 rimum, carmina Poetarum oratione prosa retexere:  
 rursum, orationem solutam numeris adstringere: at-  
 que idem argumentum in aliud atque aliud carmi-  
 nis genus transfundere. Magnopere juvabit & il-  
 lud, si eum locum, qui maxime videbitur scatere  
 copia, ex auctore quoque æmulemur, & eum nostro  
 Marte vel æquare, vel etiam superare contenda-  
 mus. Præcipuam autem utilitatem afferet, si bonos  
 auctores nocturna diurna manu versabimus, po-  
 tissimum hos, qui copia dicendi præcelluerunt: cu-  
 jusmodi sunt Cicero, A. Gellius, Apulejus, atque  
 in his vigilantibus oculis figuras omnes observe-  
 mus, observatas memoria recondamus, reconditas  
 imitemur, crebraque usurpatione consuescamus ha-  
 bere in promptu.

## C A P. X.

*Prima præceptio de copia.*

**H**Æc quasi præfati, superest ut ad præceptio-  
 num traditionem accingamur, tamen & ipsa,  
 quæ diximus, præcepta quædam videri que-  
 unt. Videmur autem non absurdè facturi, si præ-  
 ceptio-

ceptiones hinc auspicemur, ut præmoneamus, Copiæ candidato, imprimis esse curandum, ut apta, ut Latina, ut elegans, ut pura sit oratio: neque quicquam existimet ad copiam pertinere, quod abhorreat à linguæ Romanæ castimonia.

Elegantia, partim sita est in verbis receptis ab auctoribus idoneis: partim in accommodando: partim in compositione. Exemplum primi fuerit: ut, si quis piissimum dicat. Quod verbum (resse Cicerone) Latinis auribus inauditum est. Quanquam & hoc reperitur apud auctores haud quaquam rejiciendos. In hujus igitur locum substituere licet quodvis verbum barbarum, aut solæcum; veluti si quis dicat, avifare, pro præmonere. Barbaries autem etiam vitiosa scriptura aut pronuntiatione committitur: ut si quis docere sonet, prima acuta; aut Christum dicat Cristum; aut percam, parcam, aut lege, priore producta. Secundi exemplum fuerit, si quis ita loquatur: dedit mihi licentiam abeundi, pro eo quod est, fecit mihi potestatem abeundi. Hic nulla est vox non Latina; sed in abusu vitium est, Potestas enim generale nomen est, ad omnem facultatem: Licentia, vergit in malum. Hic igitur peccatur in perperam accommodando vocem; veluti si quis dicat compilare, pro colligere. Latina vox est compilare, sed in alium sensum: significat enim furto spoliare. Horat-Servi fugientes compilant dominos. Item: ne me Chryssippi serinia lippi compilasse putes. Tertium genus huic simillimum est, cum voces bonas male connectimus: veluti si quis eodem sensu dicat, injuriam dedit, qui damnum dedit. Nam dare damnum, eleganter dicitur: Facere autem injuriam dicitur, qui lædit, non dare injuriam. Dare malum, Latine dicitur: Dare jacturam, aut dolorem, non recte dicitur. Facere jacturam, emendare dicitur, qui damnum patitur: facere infamiam, qui infamia afficitur, non recte. Facere injuriam, qui lædit, Latine dicitur: Facere contumeliam, M Tul. Latinis usitatum esse negat: quanquam hæc sermonis forma apud Plautum, Terentium, aliosque probatos auctores reperitur: & fieri

fieri potest, ut, ætate Ciceronis, abierit in desuetudinem. Accepit injuriam, probe dicitur, qui affectus est injuria, accepit contumeliam, non ausim dicere. Facere æs alienum dicitur, qui contrahit debita, ut, facere versuram, qui creditorem mutat: At non recte ad eum sensum diceretur, facere invidiam, aut, simultatem, qui eam conflat sibi. Ædes vitium fecerunt, quæ ex sese corruptæ sunt. Rimas fecerunt, non ausim dicere, cum rimas agere, Latine dicatur. Sic facere stipendium, recte dicitur, qui militat stipendio: Facere salarium, non item. Fecit sui copiam, recte dicitur; dedit sui copiam, non ausim dicere; cum tamen eleganter dixerit Virgil. Et coram data copia fandi. At fecit spem, ac dedit spem, utrumque Latine dicitur. Interdum vox non in loco posita, vixiat orationem. quod genus: Quid sibi vult hic homo, recte dicitur: Quid sibi vult hic mortalis, inepte diceretur. Sed ad rem: quod est vestis nostro corpori, id est sententiis elocutio. Neque enim aliter quam forma dignitasque corporis, cultu habituque, iidem & sententia verbis vel commendatur, vel deturpatur. Itaque plurimum errant, qui nihil arbitrantur interesse quibus verbis quæque res efferratur, modo utcunque possint intelligi. Neque diversa est commutandæ vestis, & rationis variandæ ratio. Sit igitur prima curarum, ne vestis aut sordida sit, aut parum apta corpori, aut perperam composita: Nam indignum fuerit, si forma per se bona, vestis sordibus obfuscata, displiceat. Et ridiculum sit, si vir muliebri amictu prodeat in publicum: Et fœdum, si quis veste præpostera, atque inversa conspiciatur. Quare si quis copiam affectare velit, priusquam linguæ Latine mundiciem sibi compararit, is meo quidem iudicio non minus ridicule fecerit, quam si quis pauper, cui nec unica sit vestis, quam sine magno pudore possit induere, subinde mutato vestitu, aliis atque aliis pannis obsius, in forum prodeat, ambitiose mendicitatem suam ostentans pro opibus. Hic quo sapius id fecerit, an non hoc videbitur infamior? videbitur opinor. Atqui nihilominus ab-

furde

surde faciunt isti quidam affectatores Copiæ; qui cum ne semel quidem possint, id quod sentiunt, mundis verbis efferre, tamen perinde quasi pudeat eos, parum balbos videri, ita balbutiem suam aliis atque aliis modis reddunt balbutiorem: quasque certamen ipsi secum sumperint, ut, quam possit barbarissime dici, dicant. Volo ego multijugam esse domus opulentæ supellectilem: sed totam elegantem esse volo, ne mihi salignis, ficulnis, ac Samiis vasculis omnia sint referta: Volo in splendido convivio diversa ciborum genera proponi: sed quis ferat, si quis centum apponat eduliorum formas, quorum nullum sit quod non nauseam moveat? Hæc non temere pluribus verbis admonui, quod exploratam habeam plerumque mortalium præcipitem audaciam, qui præteritis fundamentis, statim, & illoris (quod ajunt) pedibus, ad summa malunt festinare. Neque multo levius peccant, qui sordida miscentes elegantibus, purpuram pannis deturpant, ac vitrea gemmis intertexunt, Atticisque bellariis jungunt alliata. Nunc, variandi formulas proponemus, eas nimirum, quæ ad verborum pertinent copiam.

## CAP. XI.

*Prima variandi ratio per Synonymiam.*

**P**Rima igitur ac simplicissima variandi ratio in his verbis sita est, quæ diversa cum sint, eandem omnino rem declarant: ita ut ad significationem nihil referat, hoc an illo malis uti. Quæ quidem Synonyma Grammaticis dicuntur, contraria his, quæ dicuntur Homonyma: illa, quidem audent dicere univocas hæc, æquivocas: licet hæc cognomina juxta dialecticos magis congruant rebus ipsis, quam vocabulis. Nam voces diversas rem eandem significantes rectius dicemus *ισοδυναμέσας* & his contraria *πολυσήμεις*. Prioris generis sunt, ensis gladius, domus ædes, codex liber, forma decor pulchritudo. Horum itaque maxima vis, undecunque è bonis

bonis auctoribus contrahenda, varia comparanda supellex, & (ut Fab. ait) divitiæ quædam exstruendæ, quibus ubicunque desideratum erit, possit nobis constare verborum copia. Neque sat erit hujusmodi vocum, mundum copiosum, ac penum divitem parasse, nisi non solum in promptu, verum etiam in conspectu habeas, ut protinus, vel non quæsitæ, sese ostendant oculis. Qua tamen in re illud inprimis cavendum, ne, quod quidam faciunt, citra delectum, velut ex acervo quicquid primum occurrerit, quolibet loco dicamus. Primum. n. vix usquam duo verba reperies adeo ἰσοδυναμεῖν, quin aliquo discrimine dissideant. Nam quid tam idem significat, quam homines, & mortales? Et tamen qui passim omneis mortales, pro omnes homines dixit, Græco isto notatus est proverbio, τὸ ἐν φακῇ μύρον, id est in lenticula unguentum. Et alicubi litera, & epistola, rem eandem significant, alicubi diversas. Tum ut demus, in significato nihil omnino discriminis esse, tamen sunt alia aliis honestiora, sublimiora, nitidiora, jucundiora, vehementiora, vocaliora, ad compositionem magis concinna. Proinde dicturo delectus adhibendus, ut ex omnibus optima sumat. In promendo, judicium requiritur: in condendo, sedulitas. Ut judices, præstabit diligenter observata sermonis elegantia, proprietæque: ut quam plurima recondas, omnis generis auctorum assidua lectio dabit. Siquidem aliis verbis multa eloquuntur poëta, aliis oratores. Sunt & ætatibus ac seculis quædam peculiariora vocabula. Quin iidem etiam scriptores rem eandem sæpenumero diversis modis efferunt. Primum igitur ex omni scriptorum genere, verba quam optima seligenda: deinde qualiacunque erunt: tamen in congeriem addentur: neque vox ulla rejicienda, quæ modo apud scriptorem non omnino pessimum reperiatur. Nullum enim verbum est, quod non alicubi sit optimum. Proinde quantumvis erit humile, inusitatum, poëticum, priscum, novum, obsoletum, durum, barbarum, ac peregrinum, tamen in suo veluti grege, nidoque reponatur, ut, si quando venerit usus, tum accersatur:

Quod

Quod si verebimur, ne verbi aut novitas, aut verustas aures offendat, rectum erit Fabii uti consilio, ut meminerimus *περιπλήθει*. Id fiet iis ferme rationibus. Cato, librorum helluo, si tamen eo verbo fas est uti, in re tam præclara. Ipsissimus, ut Plauti more loquar. Cur enim non utar Ennianis verbis? Nam Horatiano verbo libenter utimur. Sic enim isti Neoterici loquuntur: Agnoscis castrense verbum: Ut poëta loquuntur: Ut præsci loquebantur: Ut dicam antique. Si sic loqui licet: Si mihi permittas vulgato more loqui: Dicam enim Græce, quo dicam melius. Idem faciendum in his verbis quæ vocantur *κακίμματα*, h. e. quæ vergunt ad obicæ rei significationem.

## SORDIDA.

Sordida igitur sunt, quæ humiliora videbuntur, quam pro rei dignitate: veluti si quis amicum ac familiarem, congerronem appellet; Literarum avidum, helluonem. Nam acetum, spongia, pulegium, demiror cur Senecæ verba sordida videantur. Mihi rectius sordida videntur, quibus ipse usus est in quadam epistola. Pilicrepi, botularii & crustularii. Hujusmodi fere sunt, quæ à sordidis artibus, ac opificiis sumuntur: velut à balneis, à culinis, à coriariis, à popinis. Quibus tamen necessario utimur, si de talibus argumentis sit differendum. Siquidem Chirurghi ac Medici coguntur interdum uti verbis aptis potius, quam splendidis. Et Plinius jocatur in verba castrensia. Et tuburcinandi verbum, latronum sodalitia nobis dederunt. Quædam autem per se sordida sunt, alia ad argumentum, ad personas, aut alias circumstantias relata: veluti stercus, & stercoreare, non est sordidum verbum, si apud agricolas de agricultura loquaris: secus, si apud principem de repub. habetur oratio.

## INUSITATA.

Olim plurimum jus erat consuetudini publicæ, quemadmodum testatur & Horatius,

*Multa*

*Multa renascentur, quæ nunc cecidere, cadentque,  
Quæ nunc sunt in honore vocabula, si volet usus.*

Nunc quoniam loquendi ratio non à vulgo, sed ex eruditorum monumentis petitur, non est eadem consuetudinis auctoritas. Inusitata tamen videri possunt, quæ rarius occurrunt apud eos auctores, qui frequentius teruntur ab eruditis: Et hodie danda est opera, ne moleste loquamur, longeque recedamus ab istorum studio, qui recte loqui putant inusitate loqui, quod in L. Sisenna viro alioqui docto, notat M. Tullius: quique (quod eleganter dictum est à Diomede) ita, demum sibi videntur ingeniosi, si ad intelligendos ipsos opus sit ingenio. Denique qui malunt scribere, quæ mirantur homines magis, quam intelligant. Nec uno tamen modo fit, ut sermo sit usitatus: quod ex his, quæ sequuntur, fiet perspicuum. Si quis exemplum requireret: inusitate loquetur, qui passos senes dicat pro rugosis: interdum, & interatim, pro interdum & interim: titivilitium, pro re nihili: vagorem, pro vagitu.

## P O E T I C A.

Sunt & apud Poëtas, quibus parcius est utendum, præsertim in oratione libera, cujusmodi sunt apud Horatium, eliminare, pro efferre foras arcanum: quo tamen usus est M. Tullius, pro ejicere. Juvenari, pro juveniliter lascivire, quæ vox ad Græcam effecta est, *νεανίσκευ, νεανίσκου*. Furiare, pro in furorem agere. Clarare, pro illustrare. Æternare, pro sempiternæ memoriæ tradere. Inimicare, pro inimicitias concitare. Pauperare; pro damno afficere. Cinctutis, pro cinctis. Invideor, pro mihi invidetur. Et apud Virg. Agmen; pro actu seu ductu. Leni fluit agmine Tybris: Indomitum furit, pro indomite. Acerba tuens, pro acerbe. Sperare, pro timere, sive expectare:

*Hunc ego sitantum potui sperare dolorem.*

*Et perferre soror potero.*

Similiter Terent. Nam quod speras propulsabo facile.




facile. A qua tamen sermonis forma non abhorruit M. Tullius in Epistolis familiarib. Et mobili in me meosque esse animo, non sperabam. Græcis mira felicitas in componendis dictionibus, quam interdum imitantur poëtae, cum idem non perinde succedat Oratoribus Latinis: quod genus sunt: vulnificus, tristificus, tabificus, fatidicus, laurigeri, caprigenum pecus, velivolum mare, vitifator, aliaque id genus innumera. Virilingatores ausus est Cato dicere, alius officiperdam. Adpoëticam licentiam accedunt historici.

## P R I S C A.

Prisca gratiam addunt, si modice, & apte velut emblemata intertexantur: quod genus sunt expectorare, pro eo quod est, expromere verbis, quod est in animo: actutum, pro quamprimum: Antigerio, pro valde, oppido, pro eodem, creperum bellum, pro dubio: hostire, pro pensare; hostimentum, pro pensatione: vitulantes, pro gaudentes: jumentum, pro vehiculo: perduellis, & perduellio, pro hoste patriæ: duellum, pro bello: cluere, pro pugnare: temetum, pro vino: Æmathia, pro Thessalia.

## O B S O L E T A.

Inusitata sunt, quorum rarus est usus. Prisca, quæ ex scriptis ob antiquitatem relictis à posterioribus decerpta sunt, velut ex XII. tabulis, ex Ennio, Lucilio, Nævio, & Pacuvio. Obsoleta sunt, quæ prorsus in desuetudinem, & oblivionem abierunt. Cujusmodi sunt: bovinari, pro tergiversari: apludam edit, & flocces bibit: fursure vescitur, & fecem bibit: quæ merito deridet Gellius. Hostem, pro hospite, ac peregrino, dixit antiquitas. Nunc ridiculus sit, qui tentet ad eum loqui modum. Obsoletis non video quis sit locus, nisi per jocum & ironiam: veluti si quis ineptum antiquitatis affectatorem ita notet: hic profecto dignus est, qui apludam edat & flocces bibat. Hic non solum habenda est ætatis ratio,



ratio, verum etiam studii & affectationis. Est enim antiquitas jam exoleta, ac rudis, qualis videri potest ab ætate Livii Andronici, quæ paulatim enituit, usque ad M. Tullii tempora, quibus sic expolita est Romana eloquentia, ut quo cresceret, non haberet. Sed (ut sunt res humanæ) paulatim ab illo summo candore degeneraret. Neceffe n. fuit, ut posteriores, cum aliter dicere conarentur, pejus dicerent. Et tamen Sallustius cum eadem ætate scripserit, quæ Cicero, Catoni Censorio, quam Ciceroni similior est. Ac Mecænas cum idem ferme ætatis vixerit, tamen à seculi sui puritate longissime abest. Itidem Valer. Max. cum Tiberii Cæsaris ætate fuerit, quæ nondum degenerarat Tulliani seculi candor: tamen suo potius, quam ætatis suæ, more scripsit. De Tacito, Suetonio, Pliniis, Ælio Lampridio aliisque posterioribus nihil dicam. Ceterum quemadmodum jure laudatur illorum institutum, qui sese ad illius felicissimi seculi imitationem componunt: ita non probarim quosdam, qui ceu barbarum horrent, quod in his posterioribus reperiunt: præsertim cum fieri possit, ut quod hic refugiunt, apud M. Tullium fuerit in libris, quos desideramus.

## D U R A.

Dura sunt, quæ parum commode transferuntur. Notatus est, qui Rempub. dixit castratam morte Camilli, cum sentiret civitatis robur illius morte concidisse. Et Flaccus recte notat Furium quendam qui scripserit:

*Iuppiter, hybernas cana nive conspuis Alpes.*

His assimile fuerit illud: campos pacis sustulit: belli montes excitavit: mollius erat, si à mari tranquillo, ac turbato duxisset metaphoram.

## P E R E G R I N A.

Habent suam & peregrina gratiam, in loco adhibita: veluti cum gazas dicimus, pro divitiis, quæ vox Persica est. Celebrata est autem ejus gentis opu-

opulentia, & opulentiae comes, luxus. Acinaces, pro gladio, Medicum verbum est. Effedum, pro rheda Britannicum. Ungulum, Oſcorum lingua, annulus dicitur. Calcus pro vetulo, Sabinorum est. Uri, pro bubus feris, Gallica vox est, quemadmodum & merga, pro medulla, sive adipe terrae, qui effoditur ad lätificandos agros: Et gesa, pro teli genere. Parasanga, pro spacio triginta stadiorum, Persicum verbum est. Quin & camurum, pro eo quod in se recurrit, inter peregrinas voces censetur. Apud veteres Christianos recepta sunt, Nonnus, & Nonna pro sancto & sancta, quae vocabula sunt Aegyptiorum, quod olim illic monachorum, & monacharum examina sanctimoniae nomine commendarentur. Quod si quando necessitas cogit, ut barbaris utamur, non sine honoris praefatione sunt adhibenda, quemadmodum ait Plinius. Sunt aliae permultae voces, quae à barbaris nationibus unà cum ipsis rebus ad Græcos, à Græcis, ad nos dimanarunt: quod genus sunt, sinapi, piper, zinziber, &c.

## O B S C O E N A.

Obscœnas voces oportet ab omni Christianorum sermone procul abesse. Nec audiendi sunt Cynici, qui nihil putant turpe dictu, quod turpe factu non sit: Rursus quod turpe non sit, in occulto facere, id nec in publico turpiter fieri: veluti reddere lotium, aut exonerare alvum. At è diverso non statim turpe dictu est, quod factu turpe est; parricidium, & incestus verecunde nominantur, cum utrumque factu sit turpissimum. Verum ut sunt quædam corporis membra, quæ cum per se inhonesta non sunt, tamen pudore quodam humano velantur: ita sunt actiones quædam mediæ, quæ verecundiæ gratia celantur. At non statim quod indecûm est propalam facere, turpe est suo nominare vocabulo, parere verecunde dicitur, quod tamen turpe fieret in propatulo. Mejere, non verbum est obscœnum, tamen reddere lotium verecundius est, palam tamen mejere, inverecondum est. Contra, cacare, est ver-

verbum obscœnum, cum actio sit æque media. Venter pudice nominatur, impudice ostenditur. Vulva verbum est honestum, cum cunnus sit obscœnum. Unde igitur ducitur obscœnitatis ratio? Non aliunde quam ab usu, non quorum libet sed eorum, quorum casta est oratio. Nam poëtæ, præcipuè Satyrici, in his sibi nimium permiserunt. Interdum metaphora simplici verbo est obscœnior: quale est illud Horatii: Alienas permolere uxores, & Patriciæ immejere vulvæ. Et apud Catullum, despuis patrum, & deglubere viros. Quædam detorta sunt in obscœnum sensum, cum per se sint honesta: ut dare fidem, verecunde dicimus: & tamen obscœnum est, quod est in Priapeis: Simplicius multo est Da, Latine dicere. Martialis; vis dare, nec dare vis. Ab his igitur quæ manifestam habent obscœnitatem, in totum est abstinendum. Quæ media sunt, possunt ad verecundum sensum accommodari: veluti si quis dicat se exosculari, aut dissuaviari ingenium alicujus, quo valde delectetur; aut, Philologiæ procum appellet, eruditionis candidatum.

## NOVATA.

Novata trifariam accipi possunt: vel quæ finguntur nova: vel quæ in alium usum deflectuntur vel quæ compositione novantur. Primi generis exemplum fuerit, quod Nero morari dixit, prima producta, pro fatuum esse; à Græca voce *μωρός*. Secundi, quod Sallustius dūctare exercitum dixit, cum dūctare apud Terentium, aliosque veteres sensum habeat obscœnum: ut meam dūctes gratis. Item, patrare bellum, pro gerere bellum, cum patrare prius diceretur, qui daret operam creandis liberis. Tertiū generis sunt, vitilitigator, à vitio litigandi, quod ante retulimus: Bublsequa, pro bubulco: Item illa Pacuvii: Nerei repandī rostrum, incurvi cervicum pecus: quorum meminit Fabius. Ad hanc classē pertinent quæ derivatione novantur: ut, vituperones, amorabundus, nupturire, verbigerari: Cujusmodi vocibus præcipue gaudet Apulejus, Martianus Capella,

Capella, Sidonius Apollinaris, & qui ad horum exemplum sese composuerunt. Habent & hæc gratiam, si modo in loco modiceque velut aspergantur. Nam ut eleganter est à Fabio dictum, in cibis interim acor ipse jucundus est. Porro Græca, Latinis in loco intermixta, non mediocrem addunt gratiam. In loco adhibentur, vel, cum Græca vox est significantior, ut *λογωμαχία*, pro contentione sive rixa: vel, cum est etiam brevior, ut *φίλαυτος*, pro eo qui sibi placet: vel, cum est vehementior, ut *γυναικομανής*, pro mulieroso: vel, cum est venustior, ut, si quis de rebus arduis, sed inutilibus, differentem dicat, cum *μπαρολογεῖν* aut cum, qui sibi sapiens videatur, cum sit stultus, appelleret *μωρόλογον*: nam Græcæ vocis gratiam nulla Latina posset assequi, vel, cum ad locum, vel dictum auctoris alicujus alludimus: veluti cum notantes aliquem inconsideratius locutum, dicimus, *ωῶν ἔπος*, &c. quod est apud Homerum, aut indicantes aliquem non respondisse ad id, quod proponebatur, dicamus *ἄμας ἀπίστον*, quod si Latine dicas, falces petebam, perit sermonis lepos. Allusionem habet illud Horatianum:

*Ter ungli trans Tyberim nanto,*

*Irriguuntque mero sub noctem corpus habento:*

Facit enim Trebatium loquentem jureconsultum. Solent enim ii verbis XII. tab. delectari: quod & M. Tullius imitatur in libris de Legibus. Denique, cum volumus id quod dicimus, à quibuscumque intelligi. Ac ne singula persequar, quoties invitat aliqua commoditas, recte Græca Latinis intertextentur, præsertim cum ad eruditos scribimus. Ceterum cum nihil huc invitat, velut ex instituto sermonem semilatinum, & semigræcum texere, fortassis in adolescentibus semet ad utriusque linguæ facultatem exercentibus veniam mereatur; in viris, mea sententia, parum decora fuerit hæc ostentatio, neque plus habeat gravitatis, quam si quis alternis, & è prosa oratione, & metris librum misceat: quod tamen ab eruditis quibusdam factum videmus, ab Arbitro Petronio, sed non sine specie demen-

tia: à Seneca, in ludicro encomio Claudii. Et quod magis admirandum, à Boëtio, in argumento serio, qui tamen in carminibus adeo sui dissimilis est, ut docti vix credant ipsius Marte fuisse conscripta. Boëtiū imitatus est Joannes Gersonensis, scriptor haud contemnendus, si in hoc seculum incidisset. Jam fit interdum, ut aut longo circuitu cogamur efferre, quod sentimus, aut à Græcis mutuo sumere ut in *πολυσεγγραμμίῳ, φιλαυτία, ἀφαιμαρτυρητής, πολυφιλία, δυσωπία, ἀπειρολογία, ταυτολογία, βαθολογία*, atque id genus sex millibus, de quibus fortassis alias nonnihil dicemus. Sunt non paucae Græcorum voces, quas antiquitas Latinitate donavit: Iis perinde, atque Latinis, uti licebit: ut, rhetor & orator: hypotheca & pignus: helleborum & veratrum, fœniculum & marathrum: lycophanta, calumniator: Præbibo, quo usus est Apuleius, & propino: mastigia, verbero. Quædam ita recepta, ut desit verbum Latinum, sicut Philosophus, Theologus, Grammatica, Dialectica, Epigramma. In quibus ipsis inerit nonnihil varietatis, si modo Græca, modo Latina forma inflectantur: ut scorpius & scorpio, elephanta & elephas, delphinus & delphin, lampas, lampada, lampadæ, grammatica grammaticæ, grammatice grammatices.

## C A P. XII.

*Ætatum propria vocabula.*

**D**iligenter itaque conveniet observare, quid in usurpandis vocibus ætas variarit. Beatitudinem & beatitatem, mulierosum & mulierositatem, Cicero primus ausus est dicere. Declamare, pro exerceri ad eloquentiam, illius ætate novum erat. Ætate Varronis, æditus pro æditimo novum erat. Sic enim ab æde dicebatur æditimus, quemadmodum à lege, legitimus. Interim, pro interdum, obiter pro interea, & velut aliud agendo, subinde pro idemdem, Quintiliani seculo nata sunt. Reatum Messala primus dixit. Munerarium, Augustus.

gustus, Favor & Urbanus, seculo Ciceronis, voces erant novæ. Obsequium, primus dixit Terentius, ut existimat Tullius. Cervicem, numero singulari primus dixisse fertur Hortensius. Pyraicam, Musicam, fabricam, pro artibus, vix dum à suis præceptoribus recepta fuisse testis est Fabius. Hujusmodi vocum idem pollentium congeries, quam Græce *συναθροισμὸν* vocant, conducet non tantum ad hoc, ut si quando res eadem crebrius erit repetenda, vitemus *ὁμοιοπαγίαν*, id est, similem ubique sermonis colorem: verum etiam ad *δείνασιν*, id est vehementiam faciet. Abiit, erupit, excessit, evasit: parentem necasti, patrem occidisti, progenitorem trucidasti. Quod genus Rhetores inter orationis decora referunt, vocantque interpretationem: Ego magis arbitror ad exercitationem adhibendum esse, quam ad orationem. Difficillimum enim variandi genus est: si, manente sermonis habitu, sensum eundem sæpius aliis, atque aliis verbis idem pollentibus, efferre, consuecas: ut, adire periculum, subire discrimen, suscipere periculum, aggredi discrimen: Ædificat domum, exstruit ædes: Emit librum, mercatus est codicem: Ablegavit puerum, amandavit ministrum. Hic tibi ab illo habitus est honos, hæc tibi ab illo relata est gratia. Hoc præmii recepi, hos fructus tuli: Condonavit culpam, remisit noxam, ignovit admissum. Quoties ejus diei recolo, quoties recordor, quoties reminiscor, Nihil est humanis auribus fastidiosius, ac recte præcipit Horatius:

*Ut currat sententia, neu se*

*Impediat verbis lassas onerantibus aures.*

Secus est, cum & affectui servit iteratio, & varietas aliqua levat repetitionis tedium. Quod genus est illud Maronis:

*Supereſtne & veſcitur aura*

*Ætherea, nec adhuc crudelibus occubat umbris?*

Huic similis est illa M. Tuli copia pro Q. Ligario: O clementiam admirabilem, atque omnium laude, prædicatione, literis, monumentisque decorandam & cetera: similia dixit, non eadem. Laudatur

etiam, idque merito, ex eadem oratione, locus rem eandem aliis atque aliis verbis inculcans. Quid enim Tubero, tuus ille districtus in acie Pharsalica gladius, &c. Hæc eò diligentius admoneo, quod celebris alioqui nominis concionatores, præsertim apud Italos, senserim hoc ceu præclarum affectare, ut hujusmodi synonymis tempus eximant: veluti si quis interpretans illud psalmi: Cor mundum crea in me Deus: ita loquatur: Crea in me cor mundum, cor purum, cor nitidum, cor immaculatum, cor expres sordium, cor nullis vitis inquinatum, cor purgatum, cor lotum, cor niveum; atque idem faciat in ceteris verbis, atque hæc copia non multum abest à Battologia.

## CAP: XIII.

*Ratio variandi per Enallagen  
sive intercy.*

**P**roxima variandi ratio est, cum eadem voce modice deflexa, varietatis nonnihil conciliatur: ut, edax edo, bibax bibulus, bibosus bibo, loquax locutuleius, nugator nugo, blaterator blatero, fallax falsus, voluptuosus voluptarius. Hujus generis est, cum substantivum nomen adjectivo commutatur, aut contra: ut juxta sententiam Homeri, juxta sententiam Homericam: vir mire facundus, vir mira facundia, Insigniter impudens, insignita impudentia. Cum verbum activum mutatur in passivum, aut contra: Plurimam habeo gratiam, plurima tibi à me habetur gratia. Magna me tenet admiratio, magna teneor admiratione. Non sic amat filium mater, non sic à matre amatur filius. Et, ut rem infinite variam summam dicam, duobus potissimum modis constat hæc mutatio: vel cum pars ipsa mutatur, vel cum eadem orationis parte manente, qualitas novatur. Et totidem rationibus commutari poterit, quot sunt res quæ voci cuiquam accidunt. Prioris exemplum erit. Non confido facturum me, non est fiducia. Non dubito quin possit: non est mihi dubium, quin



quin adsit illi facultas. Iudicent alii, aliorum esto iudicium. Quid huc redisti? quid huc reditio est? Desine nugari, desine nugas. id mihi anus iudicium fecit, pro indicavit. Est illi mira sitis auri, mire fuit aurum. Non est apud ullum discrimen amici & inimici, id est, non discernit amicum ab inimico: Nostrum istud vivere triste. Infinitum verbum pro nomine: virtus est vitium fugere, i. e. virtus est fuga vitiorum. In his orationibus verbum nomine permutatur. Amantem redama. Promerenti benefac: Redama eum, qui te amat: Benefac ei, qui promeretur: Tui desiderantissimus est, te maxime desiderat: Nemo tui videndi cupientior, nemo qui te magis videre cupiat. Hic verbum participio commutatur: venisti ereptum, venit eripere, venit erepturus, venit ut eripiat. Hic verbum supino, aut participio mutatur: ad congerendas pecunias inhiat, ad congerendum pecunias inhiat. Hic gerundivum, ut vocant, gerundio commutatum est: hoc dictum oportuit, hoc dicere oportuit. Si quid recte curatum velis, si quid recte curari velis. Hic infinitum verbum participio commutatur: Magnum dat ferre talentum, ferre pro ferendum: Stihelenus sciens pugnae, id est, sciens pugnandi: Cupidus litium, cupidus litigandi, Hic nomen positum pro gerundio: libitum est, pro libuit: misertum est, promisertus sum: pertasum est, protædunt: placitum est pro placuit: puduit puditum est. Hic supinum, pro verbo: meliuscula est, meliuscule est? plurimum est in foro, plurimus est in foro: rarus est conviva, raro est conviva: multus est apud mulierem, multum apud mulierem versatur: frequens est in aula, assiduus in literis. Hic nomine commutatur adverbium frequenter & assidue. Verum alias fortassis ut commodius, ita & copiosius de his dicemus. Nunc de qualitaris variatione docendi causa pauca ponamus, quasi digito fontes ipsos indicantes.

## N U M E R U S.

Usurpatur numerus pro numero: Romanus prælio victor, pro Romani victores:

*Hand secus ac patriis acer Romanus in armis.*

Utrumque armato milite complent, pro armatis militibus: omnem pecuniam absumsit, omnes pecunias: populo imposuimus, id est imposui: Et, oratores visi sumus, cum de uno loquatur Cicero. Virgil.

*Sed nos immensum spaciis confecimus aquor.*

Hominis vultus, pro vultu. Datur ora tueri, pro, datur videre faciem: animos pro animo. Nam in prima persona pro singulari pluralivum numerum ponere frequentissimum est, aliquoties modestiæ causa. In secunda nunquam, nisi genus ipsum significamus: quæ vestra libido est, id est, virorum. In tertia invidiæ causa mutavit Terentius, Cum ad uxores ventum est, tum sunt senes, cum de uno Chremete diceretur. Inexplicitosque Platonas, Martialis cum de uno Platone dicat. In genere mollior ac frequentior est numeri mutatio, in nominibus quæ Grammatici *Collectiva* vocant: cujusmodi sunt, vulgus, populus, grex, ordo: pars in frustra fecant. Item in his, quæ non unum aliquod individuum, sed genus aut speciem declarant. Nihil enim refert, utrum dicas, Elephantus decimo demum anno parit: aut, elephanti decimo anno pariunt.

## P E R S O N A .

Variatur & persona pluribus modis, vel cum certa, pro quavis ponitur: quid facias? ut homo est, ita morem geras: videas & flumina sicca, id est videri poterant. Idem fit per primam personam, item per secundam.

*Ne mihi tum molles sub divo carpere somnos.*

*Nec dorso nemoris libeat jacuisse per herbam,*

*Neve tibi ad Solem vergant vineta cadentem.*

Nonnunquam pro prima, aut etiam secunda persona, tertiam usurpamus. Ut, ait Clodius, negat Cicero, id est, tu ais, ego nego. Virgil. Nec me meminisse pigebit Elissæ, id est, tui. Idem: Et tandem Turnum experiatur in armis: Turnum dixit, pro

me

me, Item : Manibus hoc referes telo cecidisse Camillæ, id est, meo. Huc pertinet quæ vocatur Apostrophe, cum orationem ad aliquam personam, aut ad rem tanquam ad personam vertimus, ut:

*Scipiades duros bello, & te maxime Cæsar.*

*Tolydorum obtruncat, & anro*

*Vi positur :*

*Quid non mortalia pectora cogis*

*Anri sacra fames ?*

Virgil. Parenthesin cum Apostrophe conjunxit in illo :

*Haud procul inde cita Metim in diversa quadriga*

*Distulerant (at tu dictis Albane maneres)*

*Raptabatque viri mendacis viscera Tullus.*

Ad hanc formam pertinet, quoties verbum personale impersonali commutamus : ut, Non te hæc pudet ? non te horum pudet ? Apud Barbaros assidue bellatur ; Barbari continenter bellant : Dicitur passim Pontificem adventare ; Plerique dicunt Pontificem adventare. Dici non potest, quam te amem ; Nemo dixerit facile, quam te amem.

## G E N U S.

Est nonnihil varietatis & in generis commutatione : ut, lachrymat, pro lachrymatur : luxuriat, pro luxuriatur : fluctuat, pro fluctuat : prævertere, pro præverit : præcipitat, pro præcipitatur : avertit, pro avertitur : revertito, revertor, impertio, impertior : assentio, assentior : solebat fieri, solitum est fieri : non quivit compesci, non quita est compesci : desit habere in precio, desita est haberi in precio : causa capit agi, coëpta est agi : assentio, & assentior tibi : conspicio, & conspicio. In quorum postremo mutatur *αὐτολογία*, id est conjugatio. Nam illa, quæ refert Diomedes, frustra, patio, moro, demolio, auxilio, populo, digno, atque id genus alia, priscis arbitror relinquenda, nisi in carmine inciderint : nam tum excusatus adhibebuntur. Consimiliter in nominibus, pileum & pileus : hæc ficus, & hic ficus, hæc barbitus, hic barbitus, hoc barbiton. hic

helleborus, hoc helleborum. Hoc nasum dixit Plautus.

## C A S U S.

Casus etiam mutatur: Ejus rei mihi venit in mentem, ea res: non sum id nescius, non sum ejus rei nescius. Quædam etiam citra tropum, duplicem habent constructionem: utor hanc rem, & hac re: egeo tui, egeo te: dives pecore, dives pecoris: dono te libro, dono tibi librum: impertior heram hoc malo, impertior heræ hoc malum.

## S P E C I E S.

Species variatur, cum deductitiis utimur pro primogeniis: ut, magnis negotiis prohibitus, magnitudine negotiorum prohibitus: Cum diminutivis, loco simplicium: ut loquaculus, pro loquax; nasutulus, pro nasuto; paucula, pro pauca, pauxillum, pro paulum: Cum frequentativis verbis, pro primitivis: Dictito, pro dico; volito, pro volo, jactito, pro jacto: Cum substantivo, pro adjectivo, ut si quis pro pestilente, pestem appelleret: pro scelerato, scelus dicat. Cui finitimum est, cum Italas artes dicimus, pro Italicis: Batavas aures, pro Batavicis: Hispanos mores, pro Hispanicis. Cum comparativum & superlativum absoluti loco ponimus, ut:

*Tristior, & lachrymis oculos suffusa nitentes.*

Et, facundissimus, pro vehementer facundo, de quibus suo loco dicemus. Cum patronymicum loco primogenii ponitur, ut Scipiadas, pro Scipionibus. Verum hoc in carmine fortasse liceat, in oratione prosa nemo tulerit.

## F I G U R A.

Figuræ mutatio copiam adjuvat, quoties simplici dictione, pro composita utimur, aut contra: sive id tropo fiat sive citra tropum, ut, temnere pro contemnere: ruere, pro eruere: ponere, pro deponere, mittere pro omittere. rursus, conscribere pro scribere: comedere pro edere: demirari pro mirari: Inaudire pro audire: Incognoscere pro cognoscere: consipere pro sapere: complacare pro pla-

placare : dependere pro pendere : deridiculus pro ridiculus. Quandoquidem pro quando. Fit & hoc modo : non potest pudefcere, non potest pudefieri : tempus est, ut expergiscaris, ut expergeas : calefcere, & calefieri. Ad hanc formam fortasse referendum est illud, quoties cōpositam dictionem simplicibus circumloquimur : magnanimus vir, vir magno animo : relege, denuo lege. Magnopere te rogabat, magno te rogabat opere : non animadvertit, non advertit animum : non satis facit, non facit mihi satis. Interdum variatur compositionis ratio : ut exprobrare, & opprobare, perfolvere, dissolvere, exolvere, resolvere æs alienum.

## T E M P U S.

Tempus quoque non raro commutatur : memini legere, & memini legisse : prædiceres, pro, prædixisses, vel, prædicere debuisses : laurus erat, pro laurus esset : vicimus, pro vincemus. Salutato, pro saluta : imus, venimus, videmus, præsens pro præterito.

## M O D U S.

Huic finitima est modi variatio : ut, vicero, pro vincam : Salutabis, pro salutato : ne crede, ne credas : si voles si volueris : ubi voles, ubi volueris : cum vacabit, cum vacaverit : quia bene natus est, quia bene natus sit : venari, pro venabatur.

## D E C L I N A T I O.

In nonnullis licebit & declinationem variare : ut hilarus, & hilaris, violens & violentus, imbecillus imbecillis, contagium contagio, juger & jugerum, capo & capus, pavo & pavus, scorpio & scorpius, senectæ senectus, juvenus & juvena.

## C O N J U G A T I O,

In aliquot conjugationem : ut lavere pro lavare, fervere & fervère, accersere & accersire.

Variatur eadem dictio his quoque modis. Prosthe-  
si ; ut, retuli pro, ruli ; gnatus, pro nato. Epenthe-  
si ; Mavortis, pro Martis. Proparalepsi, u admittier,  
accingier, dicier, pro admitti, accingi, dici. Para-  
goge ; potestur, pro potest. Aphæresi ; ruit omnia  
late, pro eruit ; linquere castra, pro relinquere.  
Apocope ; Mage, pro magis, vin', pro visne. Quæ  
quidam species sunt Metaplasmi propterea quod  
dictionem quasi transformant. Reliquas species  
prudens omitto quod non admodum ad copiam fa-  
cere videantur, & nobis propositum est ea duntaxat  
persequi, quæ proprie pertineant ad id, quod insti-  
tuimus.

## CAP. XIV.

*Variandi ratio per Antonomasiam.*

**P**roxima variandi sermonis ratio constat Anto-  
nomasia, id est, nominis permutatione ; ut, si  
quis pro Achille, Peliden, aut Æaciden dicat ;  
Pro Romanis, Romulidas ; Pro Trojanis, Priami-  
das, aut Dardanidas ; Pro Hercule, Thyrinthium ;  
Pro Venere, Cythereiam, aut Cypridem ; Pro Dia-  
na, Cynthiam ; Pro Jove, Saturnium ; Pro Mer-  
curio, Cyllenium. Nonnunquam epitheton pro no-  
mine ipso subicere licebit ; Virg. Thalamo quæ  
fixa reliquit Impius ; Impium, pro Ænea dixit ;  
Livius Pœnum, pro Hannibale. In Terentio sæpe  
senex, pro persona heri. Eiusdem generis est si quis  
pœram dicat, Homerum sentiens ; Philosophum,  
Aristotelem significans ; quemadmodum Græci  
Persarum regem βασιλέα nominant. Neque ab hoc  
genere abhorret, si quis pro fure, Verrem dicat ;  
pro molli, Sardanapalum ; pro divite, Cræsum ;  
pro crudeli, Phalaridem, quæ suo loco refere-  
mus.

## C A P . X V .

*Variandi ratio per Periphrasin.*

**I**D si pluribus verbis fiat, Periphrasis erit, quam quidam *Circuitionem* nominant; ut, si quis everforem Carthaginis, & Numantiae, pro Scipione dicat; ut, Trojani belli scriptorem, dixit Horatius, pro Homero; Item si Mantuanus vates, ponatur pro Virgilio; Venusinus poeta, pro Horatio; Peripareticae scholae princeps, pro Aristotele; Stoicæ familiae pater, pro Zenone; Voluptatis assertor, pro Epicuro. Hæc autem ratio plurimis constat modis, Etymologia, Notatione, Finitione.

## E T Y M O L O G I A .

Etymologiâ, cum nominis rationem explicamus; ut, si quis hæredipetam dicat, qui hæreditates alienas appetat, capretque; Aut, pro parasito, hominem cibo ventrique deditum; Aut, pro Philosopho, hominem sapientiæ studiosum; pro Grammatico, qui literas doceat; pro assiduo, qui det æra; pro locuplete, qui plurima loca possideat; pro pecunioso, qui magnam pecuniæ copiam possideat.

## N O T A T I O N E .

Notatione constabit, cum notis quibusdam accidentium rem quampiam describimus; ut si quis iram intelligens, animi, aut bilis effervescentiam dicat, quæ pallorem vultui, ardorem oculis, tremorem membris inducat. Ejusdem generis est, & illud; Qui digito scalpunt uno caput, quo molles & parum viri significantur, Aut, si dicas, cubito se emungit, falsamentarium indicans.

## F I N I T I O N E .

Finitione constabit, ut, si quis artem bene dicen-

di pro Rhetorica dicat : Peculatorem, virum qui civitatis ærarium compilasset : Hominem tyrannum, qui vi leges ac civiū libertatem oppressisset.

## CAP. XVI.

*Variandi ratio per Metaphoram.*

**A**Lia vero varietatis ratio ex Metaphora nascitur quæ Latine translatio dicitur, propterea quod vocem à genuina, ac propria significatione ad non propriam transfert: Ea multis modis tractatur.

## (D E F L E X I O)

Primum deflexione, quoties vox è propinquo ad rem proximam deflectitur, ut, video, pro intelligo: Audire, pro obtemperare, aut credere: Sentire: pro intelligere: perspicere, pro cognitum habere: Odorari, olfacere, pro suspicari, ac deprehendere: Concoquere, pro ferre: Devorare, pro vincere ac perferre: Complecti, exosculari, pro amare: Susplicere, pro admirari: Despiciere, pro contemnere: Ita stupet animus, stupet dentes: Si quidem in his, quod est corporis, ad animum transfertur: Quo metaphora genere, nihil usitatus. Huc fortassis pertinent &c illa quoties cano, pro dico, canto pro scribo dicimus: præconium, pro laude: Buccinari, pro celebrare.

## AB IRRATIONALI

*ad rationale.*

Proxima species est, quoties à bruto animante, ad animal ratione præditum fit translatio, aut contra: ut, si hominem odiosæ atque insultæ loquacitatis, rudere dicas, aut blaterare, aut grunnire, aut gannire. Si oblatrare, pro obtrectare; allatrare, pro conviciari dicas. Contra, si olorem canorum: musicam lusciniæ: perfidam vulpem: ambiosum



tiosum leonem: assentatorem, canem: parcum, fornicam: operosum, apem dicamus. Cujusmodi multa Virgilius tribuit apibus, dum quicquid agitur in hominum republ. id traducit ad hoc animal.

## AB ANIMALI AD

*non animal, aut contra.*

Longius erit petita translatio, si ab animali ad inanimatum traducatur, aut contra. Virg.

*Si tantum pectore robur.*

*Concipis,*

Hic robur à ligno ad hominem transfudit,

*At procul excelsa miratus vertice montis:*

Animale ad inanimatum transfudit, cum verticem pro cacumine dixit. Item:

*Et nunc omnis ager, nunc omnis parturit arbor.*

Et, rider ager. Contra, ambo florentes ætatibus & viridis ætas & verna: ætas. Iratum mare, indignatus Araxis, avidum mare mirantur Gargara. Quod genus & plura sunt exempla, & frequentius obvia, quam ut hic debeant referri. Interdum translatio fit,

## AB ANIMALI AD

*animal.*

Vt si quis corvum sui inequitantem dicat: & pascentes apes,

## AB INANIMATO

*ad inanimatum.*

Sumetur Metaphora, si quis sylvam scatere dicat, quod est fontium: Aut, odium suppullulascere, quod est fruticum: Aut, si quis pilos fruticari dicat, aut, barbam sylvescere, quod est arborum: Si quis orationem fluere dicat: aut fluctus, & undas negotiorum. Eiusdem generis est, si quis collem, verrucam dicat, quemadmodum Cato.

## CAP. XVII.

*Metaphora reciproca.*

**Q**Uædam translationes reciprocae sunt, five communes, quas Græci vocant ἀπολέσας. Nam ut pro gubernatore aurigam, ita pro auriga, gubernatorem recte dixeris. Quædam unius duntaxat partis, quas ἀναπολέσας appellant, id est non reciprocas: Siquidem, ut verticem recte transfers ab homine ad montem: ita non recte cacumen ad hominem traduxeris. Facit autem Metaphora non solum ad copiam orationis, dum præstat, ut ait Fab. ne ulli rei nomen deesse videatur: verum & ad ornatum, ad gravitatem, ad evidentiam, ad sublimitatem, ad festivitatem. Nonnunquam & necessaria est, quemadmodum rustici gemmam dicunt in vitibus, gemmare vites, sitire agros, fructus laborare, luxuriare segetes: nos durum hominem, asperum; neque enim aliud habemus verbum. Sed quot modis adhibeatur translatio, & quatenus differat à finitimis tropis, non est hujus propositi scrupulosus persequi. Illud admonuisse profuerit, ut qui volet in dicendo copiosus esse, ex optimis auctoribus, maximam insignium translationum vim adnotatam comparet, & ad eandem rem complures adhibeat similitudines. Sunt autem apud M. Tull. optimæ; apud Quint. plurimæ. Sed in his vix alius felicior, quam Plutarchus. Ex Adagiis item non pauca colligi poterunt, propterea quod pleraque aut allegoriam habent, aut aliquam Metaphoræ speciem. In his colligendis nos elaboravimus, haud scio quam feliciter, magnis certe vigiliis. Nihil vero prohibet quo minus ipsi vel ex lectis, vel ex animadversis rerum omnium naturis, undecunque Metaphoras fingamus, modo ne sit dura translatio, ne sordida, ne major quam oportet, ne dissimilis, ne nimium crebra, præsertim in eadem specie. Illud item non abs re fuerit admonere, Metaphoram interdum in simplici nomine sitam esse: ut si quis hominem veniri.

ventri additum, pecudem appellet. Nonnunquam in Epitheto; ut cum saxeum hominem, aut ferreum scriptorem dicimus, aut, vitreas undas, floridam ætatem: Interdum in verbo simplici; ut avolat ætas, labuntur anni: Interdum additur quiddam, quod Metaphoram explicet: Inflammavit hominem cupiditate gloriæ; incendit ira.

## CAP. XVIII.

*Variandi ratio per Allegoriam.*

**I**dem efficit Allegoria, quod Metaphora. Neque enim aliud est Allegoria, quam Metaphora perpetua; ut, pedem conferre, pro eo quod concertare argumentis: Jugulum petere, pro eo quod est, caput causæ aggredi: Et tragulam injicere, pro eo quod est, fallaciam intendere. Ut etiam navem perforet, in qua ipse naviget, id est, civitatem evertat, qua subversa, sibi quoque sit pereundum. Hujus usus frequentior est in sententiis proverbialibus, ac proverbiiis; ut, flamma fumo est proxima; quo significatur; tempestiviter cavendum esse periculum. Et, vino vendibili suspensa hedera nihil est opus; cum significamus, re per se laudabili nihil opus esse commendatione aliena; Et, cretizandum adversus Cretensem, id est, mendaciis ac dolis agendum cum subdolo, ac vano. In hujusmodi paræmiis Allegoria nonnunquam exit in Ænigma. Neque id erit vitiosum, si doctis vel loquaris, vel scribas; imo ne tum quidem si vulgo. Neque enim ita scribendum, ut omnes omnia intelligant, sed ut quedam etiam investigare, ac discere cogantur.

## CAP. XIX.

*Variandi ratio per Catachresin.*

**E**andem vim obtinet Catachresis, quam Latini dicunt *Abusionem*; atque hac nota secernitur à translatione; quod abusio est, ubi nomen omni-

nino defuit: translatio ubi aliud fuit, Veluti cū par-  
ricidam dicimus, qui fratrem occiderit; quia fratri-  
cida non dicitur: Et piscinam, in qua lavamus, nec  
piscēs infunt: vires hominis breves: longum consi-  
lium, minutum animum, pro parvo. Illud orationis  
genus maxime probat Quintilianus, in quo trium  
permixta est grātia similitudinis, allegoriæ & tran-  
slationis, ut apud Cic. quod fretum, quem Euripum,  
tot motus, tantas, tam varias habere creditis agitati-  
ones, commutationes, fluctus, quantas perturbatio-  
nes, & quantos æstus habet ratio comitiorum: Dies  
intermissus unus, aut nox interposita, sæpe & pertur-  
bat omnia, & totam opinionem parva nonnunquam  
commutat aura rumoris. Similitudo est explicata &  
ad rem accommodata Metaphora, quam Cicero vo-  
cat collationem: Totus excanduit ira, Metaphora est:  
Non aliter quam ferrum igni incandescit, ita ille  
per iracundiam toto vultu inflammatus est: collatio  
est. Itaque quod æstus Euripi comparat inconstantia  
comitiorum, similitudo est: quod ait, quantos  
æstus habet, Allegoria est; aura rumoris, Me-  
taphora est. Quanquam hi tropi pertinent etiam  
ad copiam sententiarum; de qua secundo libro à  
nobis dicitur.

## C A P. XX.

*Variatio per Onomatopœiam.*

**N**on nihil accedit varietatis & ex Onomatopœ-  
ia, quæ fictio nominis dici potest, quod ge-  
nus sunt, Taratantara, pro cantu tubæ, Sibi-  
lus, murmur, mugitus. Ad eandem formam perti-  
nent paragege, id est, deductio ac derivatio novo-  
rum verborum ex analogia sumpta; quæ cur nobis  
etiam sit fugienda, non video, si quando sententia  
postulabit Syllaturire, pro eo quod est. Syllæ mores  
imitari velle. Et quemadmodum dicimus, cacaturi-  
re, micturire, esurire, quid vetat quo minus juxta  
analogiam dicamus, dormiturire, scripturire, pro-  
scripturire, dicturire, bellaturire, nupturire?  
Et

Et quemadmodum dicimus græcari, cur non itidem dicamus juvenari, poetari, cornicari, rhetoricari, philosophari, theologari? Vulpinari *ἀλυσκίζειν*, quod ausus est dicere Plautus: ut Laureati, nummati, scutati, cur non itidem pileati, larvati, personari, & si quæ sunt similia? cur non siccescere sicut arefcere? Et in his quidem fictionibus Græci longe sunt Latinis feliciores: Quorum sunt illa, Cretissare, Platonissare, aliaque innumera. Nobis tamen nonnihil audendum censeo, præsertim in carmine: & in vertendis Græcis auctoribus. Certe quæ reperiuntur, apud idoneos auctores, ea sunt audacter usurpanda. Neque enim ullum verbum nobis videri debet durum aut obsoletum, quod apud scriptorem probatum reperiatur. Qua quidem in re longe lateque dissentio ab his, qui vocem omnem ceu barbaram horrent, quam apud M. Cicer. non legerint. Quin illud etiam observandum, ejusdem dictionis interdum variam esse paragogen, quemadmodum superius attigimus, Voluptuosus & voluptuarius, edax & edo, homunculus, homulus, homuncio, paucillum, & paucula. Harum igitur omnium rerum observatio copiam orationis non mediocriter adjuvabit, propterea quod in his factitiis nominibus, magna pars opum linguæ Latinæ sita est.

## CAP. XXI.

*Variandi ratio per Metalepsin.*

**A**busioni confinis est Metalepsis, quæ transumptio Latinis dicitur. Ea erit, ubi gradatim itur ad id, quod ostendimus: ut speculuncis abdidit atris. Nam nigræ intelliguntur, ex nigris obscuræ & per hoc demum in præceps profundæ, Sic Græci vocant acutum, quod velox intelligi volunt. Verum hujus figuræ usus magis incidet in carmine, quam in oratione soluta: & Synecdoches species videri potest, quemadmodum & ea quæ sequitur.

## CAP. XXII.

*Variandi ratio per Metonymiam.*

**N**Eque mediocriter ad copiam orationis facit tropus, qui vocatur Metonymia, quæ dicitur nominis transmutatio, ea fit compluribus modis. Vel cum inventorem pro re subjecta ponimus, ut apud Maronem; Cererem corruptam undis. apud Terentium, sine Cerere & Baccho friget Venus. apud Horatium: Receptus terra Neptunus, Clâsses aquilonibus arcet; Vulcano dicare. Vario Marte pugnare. Venus confert oculis & voci. Hic inventor, aut qui præfider, pro re subjecta ponitur. Quod si veritas, erit durius; Ut, vinum precemur. Nam hic deus præfens adest, hic vinum, pro Baccho positum est. Vel cum id quod continet, pro eo quod continetur, usurpatur; ut, e potos cados, cælo gratissimus annus, id est cælitibus; seculum felix. Aut contra id quod durius ac violentius fit, Virgil.

*Iam proximus ardet*

*Ucalegon,*

Hominem, pro domo posuit. Terent. Eamus ad nos, id est, ad ædes nostras; &, cum dicimus hominem devorari, cujus patrimonium consumitur; hunc tibi comedendum propino. Horatius, de sene gustarit, id est, de pecunia senis; ubi dominus rei, pro re ipsa ponitur. Vel, cum ex efficiente, effectum significamus, hic melior remis; significat enim velocitatem, sed quæ per remos fit. Vel contra, ut frigus pigrum; mæstumque timorem mittite; pallida mors; audax juvenia;

*Pallentesque habitant morbi, tristisque senectus.*

Præceptus ira; hilaris adolescentia, inconsultus amor; inverecunda nox, audax vinum. Vel cum ducem ponimus pro his, qui subsunt; ut, cum ab Annibale caesa apud Cannas sexaginta millia dicimus. Aut cum auctorem, pro opere ponimus, ut, cum dicimus, Virgilium vendi; Ilinium semper in manibus habendum. Simile est huic, cum sacrilegium

gium deprehensum dicimus, non sacrilegium: &, armorum scientiam habere, non artis. Ad hanc classem arbitror referenda quæ pariter & ad personam, & ad rem referuntur: ut, facundus homo, facunda oratio, audax homo, audax facinus: confutasti hominem, confutasti hominis argumenta: Sed quoniam hæc passim obvia sunt, desino persequi.

## CAP. XXIII.

*Variandi ratio per Synecdochen.*

**V**Ehementer adjuvabit copiam & Synecdoche, quam quidem intellectionem vocant, quoniam aliud ex alio intelligimus, ut, cum ex uno plures intelligimus: ut, quod supra retulimus, Romanus prælio victor: Et, Pænus fugatus, pro Pæni. Ex parte totum, ut, mucronem, pro gladio: rectum, pro domo: Retroque, ut ingens à vertice pontus: Et, fontemque ignemque ferebant: Pontum dixit pro procella, fontem pro parte aquæ. Ita Maro. Ex specie, genus, Horat. Iracundior Adria, pro quovis mari. Acheloia pocula, pro quovis fluvio. Maro. Quod non ita commode vertitur. Ex materia rem confectam: ut ferrum pro gladio, abies aut pinus, pro navi. Ex præcedentibus sequentia, ut, virginem solvit Zonam, id est, devirginavit: subdidit equo calcaria, id est, cucurrit. Item, cum lautum & unctum dicimus, quod nitidum, ac splendidum volumus intelligi. Breviter, cum quocunque modo aliud ex alio intelligitur: vixerunt, pro mortui sunt. Nos quoque floruimus: &, fuimus Troes.

*Et jam summa præcul villarum culmina fumant.*

Noctem imminuentem intelligimus, cum longe aliud sit dictum. Porro hic ex signo rem signatam colligimus.

## CAP. XXIV.

*Variandi ratio per Equipollentiam.*

**P**Ræcipua variandi ratio sumitur per *ισοδυναμίας*, i. e. per equipollentiam. Ea constat negationis additione, detractiōe, geminatione, & verbis contrariis, ut, primas obtinet, non est in postremis. Vir egregie doctus, vir minime indoctus: omnia fecit, nihil non fecit: nonnihil fallaciæ intendendum in hominem, id est, aliquid fallaciæ. Assumpto autem verbo diverso, & apposita aut adempta negatione, statim novam orationis faciem constitueris: placet, non displicet: accipio conditionem, non recuso conditionem. Verum de his reliquisque equipollentiis exactius suo loco tractabimus. Eorum vero quæ inter se pugnant varia est ratio. Quædam contraria sunt, ut, amor, odium; iratus, propitius; formosus, deformis. Quædam privative dissident: ut, cæcus & videns, mortuus & vivus; surdus & audiens; mutus & loquens. In his quod remanet, non prædicatur nisi de his quorum natura capax est oppositi. Neque enim lapis dicitur mortuus aut cæcus. Quædam contradictorie dissident ut nolo, volo: doctus non indoctus: probat, non probat. Est puella deformis, est minime formosa, est homo minime surdus, est egregie formosa, est homo minime surdus, est egregie auritus, est parum auritus, est surdaster: non possum non probare. De Relativis mox dicemus. Ad hanc formam pertinent, quæ actionem & passionem declarant: ab illo grave vulnus accepit, inflixit illi grave vulnus: in Cicerone quædam desiderantur à doctis, in Cicerone docti quædam desiderant. De his alibi dictum est.



## CAP. XXV.

*Variandi ratio per Comparativa.*

**I**N nonnullis comparativis dictionibus fit hæc commutatio citra negationem, translatis duntaxat partibus: ut, anteponit famam pecuniæ, posthabet pecuniam famæ; minoris facit famam quam pecuniam, pluris facit pecuniam quam famam: prius habet lucrum, quam honestum: posterius habet honestum, quam lucrum. Atque hæc quidem copia nascitur ex contrariis, cuiusmodi sunt: suspicit, despicit, curat, negligit, appetit, fastidit: atque id genus innumera.

## CAP. XXVI.

*Variandi ratio per Relativorum commutationem.*

**F**acilis est item variandi ratio per dictiones Relativas, quæ & ipsæ ad contrariorum genus pertinent. Uxor illius esse non vult, non vult illum maritum: recusat illius esse socer: recusat illum generum: pudet me hujus nurus: pudet me hujus socrum videri: non alium mihi patrem optem, nullius malim esse filius: O me tali felicem præceptore! Felicem me, qui tuus sim discipulus: cave isti locaveris agrum. ne committas, ut hic agrum conducattuum: jam dudum expectat, ut viro nubat: expectat ut se vir aliquis ducat: nolim tibi debere, nolim te mihi creditorem: hoc me docuisti, hoc ex te didici: hoc mihi retulit Paulus: hoc ex Paulo audiui: cautes te genuit: è caute natus es, plurimum ex ea recapies emolumenti, ea res plurimum tibi adferet emolumenti; literæ non parum ornamenti tibi conciliabunt, ex literis non parum ornamenti tibi accedet: pater filio reconciliatus est: filius cum patre rediit in gratiam.

## CAP. XXVII.

*Variandi ratio per Amplificationem.*

**E**X Auxesi, hoc est, amplificatione, variatur oratio, cum amplificandæ rei gratia verbum atrocius subijcimus loco proprii; ut cum occisum dicimus, qui sit cæsus; latronem, qui sit improbus; occidisse, cui res acerbior acciderit; exanimatum, dolore affectum; enectum, cruciatum; mutum, qui nihil responderit; revixisse, qui spem receperit; oblitum injuriæ, qui ignovit. Huc pertinent & appellationes illæ exaggerantes, de quibus ante nonnihil memini, cum carnificem appellamus hominem immitem, sacrilegum, sceleratum, veneficum, malum. Præterea illæ, scelus, monstrum, pestis, labes. Postremo & hæ, Atreus pro crudeli; Sardanapalus, pro effæminato. De quibus suo loco copiosius.

## CAP. XXVIII.

*Variandi ratio per Hyperbolen.*

**V**ariat & Hyperbole, quam quidam superlationem nominavit. Hoc mendacio, ut inquit Seneca, pervenimus ad verum; plus enim dicit Hyperbole, quam res habet, attamen quod verum est, ex falso intelligitur, ut, hic vel saxa, sua loquacitate possit rumpere; cælum digito attingere; ocyor Euro: Et, fulminis ocyoralis; Sublimi feriam vertice sydera.

## CAP. XXIX.

*Variandi ratio per μείωσις, id est, per diminutionem.*

**D**iversus variandi modus per μείωσις, hoc est, per diminutionem; veluti quoties attigisse dicimus eum, qui pulsavit; læsisse, qui vulneravit. Interdum diminutio sapit hyperbolen; ut, vix ossibus hærent; brevior pygmaeo; minus habet quam

quam nihil. Verum de his quoque nonnulla suo loco differemus.

## CAP. XXX.

*Variandi ratio per compositionem.*

**V**ariatur oratio nonnihil & ex Compositione. Ea sita est in his ferme figuris, Asynetho, Polysynetho; Veni, vidi, vici. Maro,

*Testumque, Laremque,  
Armaque, Amycleumque canam, Cressamque Thare-*  
*tram,*

Syzeugmeno; id fit quoties ad unum verbum plures sententiæ respondent. Fit autem trifariam; aut cum præponitur, aut cum sequitur, aut cum interponitur, ut deflorescit forma, vel morbo, vel ætate. Hic præponitur. Vel morbo, vel ætate forma deflorescit. Hic subjicitur. Aut, ætate forma deflorescit, aut morbo. Hic in medio intercedit. Item M. Tull. vicit pudorem libido, timorem audacia, rationem amentia. Contra: Neque enim is es Catilina, ut te aut pudor unquam à turpitudine, aut metus à periculo, aut ratio à furore revocarit. Nonnunquam & per iterationem repetitur non conjunctio, sed nomen aut verbum, quam Epanalepsin vocant. Nihil ne te nocturnum præsidium palatii, nihil urbis vigiliæ, nihil timor populi, nihil concursus bonorum omnium, nihil hic magnificentissimus senatus habendi locus, nihil horum ora vultusque moverunt? Simile huic fuerit: Vicit pudorem libido, vicit timorem audacia, vicit rationem amentia; ut per *συναυπία*: Vicit timorem audacia, rationem superavit amentia, libido pudorem expugnavit. Experiatur igitur, quot rationibus eadem sententia possit per has figuras variari. Contemnit deos, contemnit homines; deos contemnit, homines contemnit; contemnit & deos & homines; & deos & homines contemnit; deos contemnit atque homines. Ad hunc locum pertinent & illa: inediæ, quam frigoris patientior: lucri, quam gloriæ cupientior: chariorem habeo neminem: & neminem habeo

beo chariorem. Quanquam hæc non ita multum afferunt momenti, adjuvant tamen. Et, quibus de causis: ob eam rem; eam ob rem: ob causam tam parvulam: tam parvulam ob causam: Veniam ad te, quando ita vult pater; quando ita vult pater, veniam. Ejusdem rationis est, cum ex oratione simplici, duplicem facimus; aut, contra: ut omnia tua mihi debes: quicquid habes, id omne mihi debes.

## C A P. XXXI.

*Variandi ratio per σύνταξιν, id est, constructionem.*

**E**X ordine, sive constructione item, nonnulla sermonis varietas existit, id quod superius attigimus. Nam pleræque dictiones sunt quæ non respuunt diversam constructionem: ut multum pudorem, & multum pudoris: scripsit mihi, & scripsit ad me: diversum, seu alienum huic, & diversum, seu alienum ab hoc: idem huic, & idem cum hoc: jactat majores suos, jactat se de suis majoribus: de te somniavi, te somniavi, de te ridet, te ridet: tota nocte potavit, totam noctem potavit: Romanorum summus, summus inter Romanos: servitus morte durior, servitus durior quam mors: damnatus est de repetundis, damnatus est repetundarum: natus gloriæ, natus ad gloriam: tuæ partes sunt, tuarum est partium.

## C A P. XXXII.

*Variandi ratio per Mutationem Figuræ variis modis.*

**V**ariatur oratio, quoties alio, atque alio affectu, ac velut habitu profertur, quam interim figuræ mutationem licebit appellare, ut: non est miserum mori: &, usque adeo ne mori miserum est? nihil est te vanius, an quicquam te vanius? Hic per interrogationem variata est figura: non magnā laudem assecutus es, egregiam vero laudem es assecutus: non ista curat populus, id populus curat scilicet.

Hic

Hic per ironiam commutata est sermonis facies : vehementer amat pecuniam Dii boni , quam amat pecuniam ! per admirationem versus est orationis color : tum Deos contemnit , tum homines haud scio magisne Deos contemnat , an homines. Hic per dubitationem commutata est orationis forma : Nihil mihi charius , aut antiquius fama : dispeream , si quid mihi charius fama. Hic per adjurationem variatus est sermo. Ista nunquam cogitavi : dii meliora , quam ut ista cogitarim. Hic per abominationem commutatus est color. Est vir insigni vanitate : ô singularem hominis vanitatem ! Hic per exclamationem. Non modo virgines aliquot constupravit ; verumetiam vestalem incestu polluit : virgines complures stupravit , ut interim de vestali incestu polluta sileam. Hic per occupationem variatus est sermo. Cum & genere sis obscurissimo , & re nulla , nullis literis , nulla forma , nullo ingenio , quid est cur te adeo jactes ? quid habes , cur tam sis insolens ? natalium splendorem ? atqui genere es obscurissimo : opes ? at vel Iro ipso pauperior es. Eruditionem ? sed bonas literas nec attigisti unquam. Formam ; at ipso Therſite deformior es. Ingenium ? at istud profecto nactus es stupidissimum. Quid igitur ista tua jactantia est , nisi mera insania ? Hic per subjectionem variatus est orationis habitus. Neque vero solum per omnes figuras , verum etiam per locos prope omnes variari potest oratio. Ceterum quoniam hæc magis videntur ad rerum copiam pertinere , secundo commentario de his diligentius disseremus. Hactenus formas ferme omnes paucis indicavimus , quibus , manente sententia , commutatur oratio.

## C A P. XXXIII.

*Experientia.*

**N**unc quo res fiat dilucidior , experiundi gratia , sententiam unam , atque alteram proponamus , conemurque quoad fieri poterit eandem veluti Proteum , in omnem speciem vertere :

non quod omnis variandi ratio in unam quampiam orationem possit incidere, sed quot incident, tot utemur, Sumaturque illud exempli loco ;

TUÆ LITERÆ ME.  
MAGNO PERE DE-  
LECTARUNT.

Tuæ, non admittit Synonymiam : tuæ amplitudinis, tuæ celsitudinis, tuæ majestatis, Periphrasis est. Si nomen proprium ponas, puta, Fausti, Heterosis est, & partis, & personæ. Fausti literæ : Sic, Fausti-  
næ literæ, Heterosis substantivi in Epitheton.

LITERÆ.

Epistola, literæ, tabellæ, Synonymia est. Literulæ, epistolium, tabellulæ, Heterosis. Schedæ, scripta, Synecdoche : Quod ad me scripsisti, Periphrasis est.

ME.

Animum meum, pectus meum, meos oculos, vel Periphrasis, vel Synecdoche : nos, pro me, Enallage numeri : Erasmus, Heterosis est personæ.

MAGNO PERE.

Valde, vehementer, nimium, mire, mirifice, magnifice &c. Synonymia est : magnopere, summo-  
pere, supra modum, præter modum, unice, Auxesis est : Haud mediocriter, non parum, non vulgariter, per contraria, & negationem : dici non potest quantopere, incredibile dictum ; verbis consequi nequeam ; atque id genus alia, hyperbolen sapiunt.

DELECTARUNT.

Oblectarunt, recrearunt, exhilararunt, Synonymia est : Nisi quod in *exhilararunt*, metaphora videtur

detur esse: voluptatem attulerunt, voluptati fue-  
 runt, jucundæ fuerunt, & similia, Periphrasin habent:  
 Voluptate perfuderunt, mellitissimæ fuerunt, &  
 consimilia, translaticia sunt. Non injucundæ fue-  
 runt, non insuaves: à contrariorum permutatione:  
 Reliqua citra contextum commode ostendi non  
 possunt: Nunc igitur experiamur. Tuæ me literæ  
 magnopere delectarunt: delectarunt mirum in  
 modum tuæ me literæ: majorem in modum me  
 tuæ delectarunt literæ: Hactenus præter composi-  
 tionem nihil ferme mutatum est. Tuis literis sum  
 magnopere delectatus. Delectatus sum majorem in  
 modum tuis literis. Hic genus verbi duntaxat est  
 commutatum. Epistola tua me vehementer exhi-  
 laravit: tua quidem epistola sum vehementer exhi-  
 laratus: tuæ literulæ non mediocriter animum me-  
 um refecerunt: humanitatis tuæ scriptis sum non  
 mediocriter animo refectus: ex amantissimis lite-  
 ris tuis incredibilem cepi voluptatem: Hyperbole,  
 & relatio. Amantissimæ tuæ literæ incredibilem mi-  
 hi voluptatem attulerunt: novam quandam læti-  
 tiam tuæ schedæ mihi pepererunt: Tuis ex schedis  
 mirificam lætitiā concepi: Summum gaudium  
 tua scripta mihi apportarunt: Tuis è scriptis sum-  
 mum mihi gaudium allatum est; ex Excellentia tuæ  
 literis magnam hausimus voluptatem: Et hic rela-  
 tio est. Cetera sibi quisque facile annotabit. Ex  
 Fausti mei literis plurimum hausi voluptatis; tuis è  
 scriptis haud vulgaris mihi voluptas accessit. Epi-  
 stola tua sum unice delectatus: ex Faustinis literis  
 mirificum quoddam oblectamentum percepi; tuæ  
 literæ sane quam delectarunt animum meum! inef-  
 fabili gaudio tuæ me schedulæ perfuderunt Hic Me-  
 taphora est. Tuis ex literis novā quādam delectatio-  
 nem sum perfusus: incredibili lætitiā tua me scripta  
 delibutam reddiderunt: Et hic metaphora. Haud  
 parum delectamenti tua mihi conciliavit epistola:  
 legendis tuis literis oppido quam sum delectatus:  
 lectio tuarum literarum singulari voluptate delini-  
 vit mentem meam: admodum delectabilis mihi  
 tua fuit epistola: eximia quādam lætitiā tuæ me li-

teræ affecerunt: tuis ex literis singulari sum affectus letitia: maximæ voluptati mihi tua fuit epistola: summo oblectamento mihi tua scripta fuerunt: incredibili gaudio mihi tua fuit epistola: nimis quam jucunda nobis tua fuit epistola: vix credas quantopere in tuis scriptis acquiescam. Ita M. Tullius frequenter utitur acquiescere, pro oblectari, Summæ jucunditatis nobis tua fuit epistola: suavissimæ mihi tuæ fuerunt literæ: tuis ex literis singularis mihi profecta est letitia: tuæ literæ fecerunt: ut prorsus exilirem gaudio: tuis acceptis literis letitia gestiebam: ubi mihi tuæ sunt redditæ literæ, letitia sum expletus: lectis tuis amantissimis literis, nova quadam letitia correptus sum: acceptis tuis literis, incredibilis voluptas cepit animi meum: inusitata letitia me tua demulsit epistola: quod ad me scripseris, id mihi tam jucundum fuit, quam quod jucundissimum: quod ad me tuas dederis literas, id vehementer fuit gratum: quod me tuis dignatus es literis, eo nihil mihi potuit accidere gratius: Tuæ literulæ oppido gaudibundum effecerunt, tuis literulis oppido quam lætabundus sum effectus: quod me tuis literis certior reddidisti, fuit id mihi non gratum modo, verum etiam jucundum: cum tua ad me perferretur epistola, vidisses me gaudii magnitudine gestientem: quod me saltem epistola salutaris, id profecto volupe fuit: literis tuis nihil afferti potuit optatius: epistola tua ad nos venit vehementer expectata: literis tuis nihil afferti potuit desideratius. In his tribus Metalepsis est, aut certe Synecdoche. Nam jucunda solent accidere, quæ magnopere desideramus. Non possunt non esse jucundissimæ Erasmo Faustina literæ, non injucunda mihi tua fuit epistola: neutiquam insuaves mihi tuæ venerunt literæ: haudquaquam ingrata mihi tua scripta acciderunt: tam mihi dulcis tua fuit epistola, quam ea quæ sunt dulcissima: literas tuas multa cum voluptate perlegi: epistolam tuam non sine summa voluptate recepi: qui mihi tuas reddidit literas, is mihi gaudiorum cumulum detulit: dictum mihi, quam me tua ceperit epistola: schedæ quas abs



te missas accepi, nova quadam gaudiorum luce  
pectus meum lerebant: literæ tuæ quicquid in  
animo mœroris erāt, id omne protinus excusserunt:  
miram animo persensi voluptatem, cum tua nobis  
redderetur epistola: tuis ex literis voluptas insoli-  
ta animo incessit meo: tuæ literæ fuerunt in causa,  
ut assatim gauderem: tuis literis effectum est, ut  
totus exultarem gaudio: dici vix queat, quantum  
mihi lætitiæ tuis ex literis obortum sit: vix possim  
sermone consequi, quantum gaudiorum ex tua  
mihi natum sit epistola: dictum mirum est, quan-  
tum voluptatum nobis ex tuis affulserit literis.  
Deum immortalem! quam ingens gaudium nobis è  
tua provenit epistola? Papæ, quantas lætitiæ causas  
nobis tuæ literæ suppeditarunt! Dii boni, quantam  
vim gaudiorum tua mihi scripta subministrarunt?  
majorem læticiam tuæ mihi tabellæ attulerunt, quam  
ut explicare possim: plurimum voluptatis nobis tuus  
tabellarius apportavit: vix credas quantum acer-  
vum lætitiæ literæ tuæ in animum invexerunt me-  
um: verbis eloqui nequeam, quantis gaudiis me  
tua oneravit epistola. Cur autem sic verear loqui,  
cum Terentius dixerit multis commoditatibus one-  
ratum diem? Tuæ me literæ gaudiis onustum red-  
didere: tuis literis valde sum gavissus: tuis literis  
unice sum lætatus: tua scripta nobis uberrimam  
lætitiæ copiam offuderunt: lætissima mihi tua  
fuit epistola: tuis literis factum est, ut prorsus fron-  
tem exporrexerim: visis tuis literis, protenus ani-  
mi mei frontem explicui: inter legendum ea quæ  
ad me scripsisti, mira quædam voluptas animo ob-  
repsit meo: simul atque tuas inspexissem literas,  
nova quædam gaudiorum vis mentem occupavit  
meam: inspectis tuis literis, incredibilis quidam  
æstus lætitiæ, pectus subit meum: acceptis hu-  
manissimis literis tuis, immensa quædam lætitia  
me totum obsedit: emoriar, si quicquam un-  
quam accidit jucundius tuis literis: dispeream, si  
quid in vita suavius obtigit tuis literis: ita me Musæ  
bene ament, ut nihil antehac accidit tuis literis  
gratius: cave credas rem ullam obiici à fortuna  
posse

posse iucundio rem, quam tunc sunt literæ: quam ipse charus es animo meo, tam iuvant tunc literæ: Pape! quantum gaudiorum tua mihi excitavit epistola? quantum risus, quantum plausus, quantum tripudiorum tuarum nobis attulerunt literæ? elegantissimas tuas literas legens, insolita quadam lætitia rangebar: calamus tuus gaudiis me exsaturavit, multam voluptatem mihi tua præbuit epistola: totum me gaudiis imbuunt tua tam elegans epistola, omnes pectoris mei sinus voluptate referunt tua tam amabilis epistola: rara quadam voluptate me tuarum resperferunt literæ: tua quidem epistola novam quandam animo meo voluptatem adpersit. Tuis literis nulla res unquam accidit mihi festivior: nihil unquam vidi tuis literis lubentius; haud est quicquam, quod gaudentiore acceperim animo, quam proximas Fausti mei literas: quo me credis affluxisse gaudio, cum tuum animum tuis in literis agnoscerem? cum tabellaris tuam mihi traderet epistolam, statim animus mihi lætitia ineffabili præire cepit: quid ego tibi nunc referam, quæ voluptas acceptis tuis literis animum Erasmi tui titillavit? animus gaudio velut exundabat, cum tua mihi redderetur epistola: ut lubens tuam accepi epistolam; posteaquam tuum epistolium ad me delatum est, animus nimirum mihi gaudio effervuit: vix eram apud me præ gaudio, cum tuas acciperem literas; literarum tuarum lepos præcipua quadam voluptate remoratus est animum meum; non possum non vehementer gaudere, quoties tua scripta ad nos advolant: mei merum mihi tuarum fuerunt literæ; quicquid literarum abs te proficiscitur, id mihi saccaro ac melle fluere videtur; opiparis literarum tuarum epulis sum laetissime refectus; tua scripta sunt mihi quavis ambrosia suaviora; schedulae mei Fausti mihi fuere vel mentis Siculis lautiores; nulla voluptas, nulla sunt deliciae, quas cum tuis literis conferre velim; nausea sint omnia præ tuis literis; inter legendum amantissimas literas tuas, Erasmi pectus gaudio subultaba: charæ digitis tuis exaratae, tunc quantus eram, gaudiis explebant; mera deliciae cordi

cordi meo sunt, quicquid scriptorum abs te redditur: nihil nisi gaudium tua spirat epistola: festum diem attulit is, qui tuas attulit literas: triumphum adduxit, qui tuum adduxit epistolium: nullum ego nec tar tuis scriptis anteposuerim: an ego ullum mel Atticum cum tuis amantissimis literis contulerim? faccarum non est faccarum, si cum literis tuis componatur: nulli mortalium tam sapit potus quam mihi literæ tuæ sapiunt: quod sitienti vinum, hoc mihi tuæ sunt literæ: quod apibus Cytisum, quod salignæ frondēs capellis; quod urso mel, hoc mihi tuæ sunt literæ: epistola tuæ celsitudinis mihi fuit quovis melle mellitior: ubi recepissem tantopere expectatas tuas literas, dixisses Erasmus plane gaudiis ebrium. Ut redditæ sunt abs te literæ, statim vidisses nos nimia quadam lætitia quasi temulentos: quam unice te diligo, tam unice tuis epistolis delector: nil nisi merum delictum tua mihi scripta videntur: non tam palato blandiuntur ullæ cupediæ, quam animum meum tuæ literæ deliniunt: nullæ lautitiæ suavius titillant palatum, quam tua scripta mentem titillant. *ἀμαξας ἡδονῶν*, id est, *plaustra voluptatum*, attulit, qui tuas reddidit literas: voluptatum *ἡδονῶν* apportavit tabellio tuus tuis ad me redditis literis: gaudiorum *θαλασσῶν* adduxit is, qui schedas pertulit tuas: mihi plane tuæ literæ fuerunt quod Persis, *Διὸς ἐγκέφαλος*, id est, *Iovis cerebrum*, quemadmodum ajunt Græci. In his porro si qua videbuntur ejusmodi, ut in oratione soluta vix toleranda parentur, memineris hanc exercitationem ad carminis quoque compositionem accommodari. Age jam ad eundem modum in altera quapiam sententia variandi facultatem experiamur: Eaque deligatur, natura non admodum fecunda, neque ad varietatem idonea, quo magis appareat, quantum possit hæc commutandi ratio si usu atque exercitatione confirmetur. Hanc igitur sententiam sumamus.

SEMPER DUM VIVAM.  
tui meminero.

**P** Rincipio adverbio Semper nullum respondet idem pollens, neque in aliam vocem deflecti potest. Deinde, vivam, nullum item habet simile, & verbum est unicæ vocis, id est, neutralis; nec ullum ex se propagat nomen, præter vitam. Deinde, meminero, non solum unicæ vocis est verbum, verum etiam mancum, & mutilum, peneque sterile, utpote à quo nulla soboles proficiscatur, præter Memor, & Memoria. Porro duo verba quæ his apponuntur, Mori, & oblivisci, videlicet, & ipsa sunt tum manca, tum sterilia; tamen aggrediemur. Ceterum variandi rationes ex superioribus per se lector agnoscet: Semper dum vivam, tui meminero: nunquam, dum vivam, tui non meminero: nunquam quoad victurus sum, me tui capiet oblivio: haud unquam dum vixero, tu animo excideris meo: nunquam, donec vivam, mihi venies in oblivionem: nunquam quoad in vivis ero, mi nobis veniet oblivio: non prius tui meminisse desinam, quam vivere: non me ante tui memoria, quam vita ipsa reliquerit: usque dum spirabo, tui memor fuero: donec hac luce fruar, tu animo hærebis meo: è vivorum conubernio citius emigraverim, quam tui memoria nostro è pectore demigrarit: ipse prius è vivis excessero, quam Morus è nostra excesserit memoria: lux hæc me prius deficiet, quam tui immemor esse coepero: vitam me serius destituet, quam tam chari capitis recordatio: idem dies mihi tui memoriam eripiet, qui vitam: eadem lux oblivionem tui nobis est adductura, quæ mortem: idem nostræ, tui memoriæ, vitæque finis erit: dum memor ipse mei fuero: tui meminisse neutiquam pigebit: non alius nostræ tui memoriæ, quam lucis erit interitus: is solus dies tui memoriam extinxerit: qui vitam: ante mei ipsius, quam tui oblivisci incipiam: nostro è pectore non prius elabetur Mori memoria, quam hæc anima; præter unam mortem, nullus omnino

te mihi casus expectorabit: egone tam jucundi con-  
victoris unquam unius queam oblivisciturum demum  
Mori sui oblivisci poterit Erasmus, cum ipse sui de-  
finet memor esse: dum mihi sensus ullus mei reli-  
quus fuerit, tu semper animo nostro observaberis:  
cordi meo charior es, quam ut vivo quidem in obli-  
vionem venire possis: intime nostris in præcordiis  
repositus est Morus, sic ut præter unam mortem, nulla  
res illum queat eruere: Orco tradat ipse prius quam  
te mandem oblivioni: dum spiritus his oculis, his  
manibus imperabit, tu pectori infidebis meo: dum  
spiritus hos reget artus, tui meminero: quam diu su-  
pererit in nobis halitus, non quievero tui non me-  
minisse: dum in vivis agam, usque viver in me tui  
memoria: is mihi dies vitæ finis erit, qui tui oblivio-  
nis erit initium: idem casus hanc animam, teque è  
meo reveller animo: donec superstitem esse sinent  
superi, tui perpetuo recordabor: dum quicquam  
vitalis caloris in hoc pectore palpitabit, tui memo-  
ria non evanescet: Non mihi diuturnior vita futu-  
ra est, quam tuorum in me meritorum memoria: non  
mihi brevior fuerit tui memoria, quam ipsa vita:  
non minus durabilis erit tui capitis recordatio, quam  
hæc ipsa vita: me mihi eripiet is dies, qui tui me-  
moriæ adimet: ipse mihi subducatur prius quam te  
in memoria habere destitero: haud longior erit  
mihi lucis hujus functio, quam tuæ benignitatis me-  
moriæ: non mihi posterius suppetet vivere, quam  
tui meminisse: extra me fuero citius, quam Mo-  
rus intra hoc pectus esse desinet: vita hæc tuique  
memoria pari studio ad metam decurrent: prorsus  
non erit Erasmus, cum Mori immemor erit. Non  
exabit hoc caput, ubi tam singularis amici quie-  
ro oblivisci. donec supra terram acturus sum, non  
committam, ut obsolescat apud me tuæ comita-  
tis memoria: donec communem hunc aërem  
hauiam, tu crebro animo occurfabis meo: nun-  
quam serius futurum est Erasmo vitam; quam tui  
memoriæ obtinere: non ante de te cogitandi  
finem fecero, quam Atropos filum fatale secnerit:  
si qua dies unquam tui paritura est obliviscentiæ,

ea certe nunquam antecesserit ei, quæ me luce or-  
 abit ipsa: Sol hic, qui videt omnia, nunquam me  
 videbit non memorem tui: Mors una tui recorda-  
 tionem his est præcordiis emovebit: donec ulla vi-  
 tæ portio in artubus residebit, Morus ab Erasmi  
 cogitatione nunquam aberit. Quamdiu sanguinis  
 ulla pars hoc in corpusculo calebit, nunquam apud  
 me refrixerit Mori memoria: mihi quidem dum  
 vita aderit, tu à mente mea nunquam es absfuturus.  
 Quousque manebit hujus animæ corpusculique co-  
 pula, tu à mea memoria nullo tempore sejungeris.  
 Prius animus corpori, quam tu animo meo præsens  
 esse desines: spiritus ipse citius ex hujus corpo-  
 sculi domicilio demigrabit, quam animò impressa  
 imago tui deleatur: æque diuturna fuerit apud me  
 tui memoria ac vitæ cursus: eadem erit & vivendi  
 & de te cogitandi meta: non ærtioribus pomeriis,  
 tui recordatio claudetur, quam ipsa vita: quoad  
 ulla vena mihi vitali tempore saliet, dulcè fuerit  
 usque tui meminisse: quantum mea Lachrysis fata-  
 le flamen extenderit, tantundem extendetur &  
 mea tui memoria: eadem mihi & vivendi, & de te  
 cogitandi mensura fuerit: quoad corporis molem  
 flatus vivificus sustinebit, animum maxime tui  
 memorem geram: dum lucis usum, cælitum in-  
 dulgentia concedet, te semper animo feram: dum  
 vitam permittent superi, non commitemus, ut  
 tam fidi congerentis unquam nobis obrepat obli-  
 vio: donec me non deficiet anima, animum hunc,  
 & memorem & gratum nunquam posuero: quoad  
 usque Sole volubili frui fas erit, hunc hominem  
 habebis tui memorem: vivum non videbit Era-  
 smum, qui videbit oblitum tui. quanto tempore vi-  
 ta mihi duratura est, mens quidem hæc manebit  
 tui recordantissima: quam diu supero hoc Jove  
 continget frui, non mihi contigerit oblivisci tui:  
 donec via perseverabit, tu cordis obtutibus semper  
 es obversaturus: Nominis ante mei, quam tam cha-  
 ri amici, mihi ventura est obliviscentia: ipse mihi  
 prius excidero, quam tui vultus imago. Viventi qui-  
 dem Erasmo, hand unquam excidet Morus: nulla  
 diutur-

diuturnitas ævi, tui apud me memoriam oblitterabit: non, nisi mecum, tui extinguetur memoria: ante fatalem diem è nostra memoria non eliminaberis: ante obitum non desistam tui meminisse! ante suprema funera non cessabo tui memor esse: non ante exacta vitæ stamina tui queam oblivisci: vivo quidem Erasmo, Morica memoria haud unquam effluet: tui apud me memoriam nulla unquam ætas antiquabit: ante summum diem non abrogabitur in me memoria tui: nulla neque locorum, neque temporum injuria efficiet, quo minus tui quam maxime meminerim in vita: per omnem vitam tui meminero: hæc vita quam longa continget, cum tui memoria semper erit conjuncta: ad ipsum usque rogam me tui memoria prosequetur: mei sensu carebo, priusquam conjunctissimi hominis cariturus sim recordatione: à meis ipse membris distrahar, antequam tu animo meo divellare: mors mihi citius acciderit, quam oblivio tam dilecti capitis: certum est mortem oppetere potius, quam tui memoriam non jugiter obtinere. Non nisi me sepulto, tui recordatio sepelietur in me: tui quidem aut mecum aut nunquam est interitura memoria: donec exspirem ipse spirabit in me. Mori mei memoria, donec apud superos agitabimus, nunquam mihi incesset tuæ benignitatis oblivio. Ante obitum nunquam animo meo tui incurret oblivio, sic enim loquitur Seneca. Nihil tam arduum hæc vita mihi gignere queat, ut tui memoriam ex his præcordiis possit extundere: nulla restam atrox mihi possit in hac exoriri vita, quæ tui conciliet oblivionem: vivo nihil possit existere, quod mihi tuæ erga me humanitatis conflet obliviscentiam: sic in me radices egit memoria tui, ut à nullis omnino casibus, qui quidem vivis soleant accidere, sit nunquam cessura: his nimirum monumentis animo meo consecratus es, ut ea nullum ævi spacium valeat demoliri, ni forte mors, cui nihil rerum mortalium non cedit, nisi ipse mortalis essem, non dubitarem hanc de te memoriam immortalem fore polliceri, si immortalis esset Erasmus,

fmus, immortalis itidem foret tui apud illum memoria: ejusmodi statuam in animi mei penetralibus tua merita erexerunt, ut ea, quoad me tellus sustinebit, nullo casu sit diruenda. His titulis Morus inscriptus est cordi meo, ut eos nulla temporis injuria possit unquam exedere: non nisi una cum ætate tui recordatio in me consenescent. Ipse mihi prius excutiar, quam Mori nomen ex adytis cordis exigatur: id unum tibi & confirmo & præstabo donec in mortalium numero futurus sum, tu è scrinio memoriæ nostræ nunquam dimovebere: ut omnia tempus possit, certe hoc unum illi non licebit unquam, ut vivo mihi tui pariat oblivionem: semper hic animus tui cum primis meminerit, neque id me dies, quamlibet longa, dedocebit donec me tellus alet, unum illud nunquam quibo dediscere, videlicet tam chari sodalis meminisse: donec futurus sum ἐπι-  
 χθόνι, i. e. *superstes*, ut Homericè utar verbo, Mori memoriam continenter obtinebo: quoad mihi continget inter σῖτον ἔδοντας id est, *cibum edentes*, ut Homericè loquar, annumerari, nunquam hoc de pectore Mori vultus labetur,

ὅρῳ δὲ ἐΐων  
 ζῶντων μετῶ, καὶ μοι φίλα γένατ' ὀρεγέσθω, id est, *donec*  
*ad sim viventibus & mihi genua moveantur. Iliad. II.*  
 quemadmodum inquit Homerus, tu mihi nunquam es obliviscendus, ἐμὲ ζῶντ' καὶ ὅττι χθονὶ δερκομένῳ, id est, *Me vivente, & in terra conspecto. Iliad. I.*  
 ut est apud Homerum, nunquam te auferret oblivio: tui memoriam perpetuo, pariter cum ipso vitæ progressu, producam: superstiti Erasmo sublimitatis tuæ memoriam nullus unquam dies expunxerit: corpore quidem abste distrahi potero, verum animo te semper intuebor, quoad vitam numina largientur: donec aura vitalis hos artus moderabitur, tu à nostris cogitationibus nullo momento es abfuturus: usque adeo penitus his præcordiis tui impressa est memoria, ut nullo unquam pacto videatur eradenda: ut omnia tempore marcescant, tui certe memoria ad occasum usque vitæ apud me regabit: arctius Morum meum animo complexus sum.



sum, quam ut vivo possit elabi: eadem me lux examinem videbit, quæ tui conspiciet immemorem. Adeo vivam quandam imaginem tui pectori insculpsisti meo, ut vix etiam mors ipsa sit abolitura: non erit Erasmus tui memoria vivacior: tam vivax erit tui apud me memoria, ut ipse non sim futurus vivacior: nunquam intercideret apud me Morica memoria, donec ipse non intercidero: Semper hunc hominem experieris tui recordantem, donec vitæ particeps erit: expers hujus vitæ fuero, priusquam à tui memoria alienus: adeo vivax est in me tui memoria, ut ipse non sim illi futurus superstes: altius meæ memoriæ sedisti, quam ut ulla te res inde queat emoliri: Tenacius inhæres cordi meo, quam ut præter mortis casum quicquam aliud inde te queat ejicere: Penitus hoc in pectore conditus es, quam ut hinc ulla ratione sis excludendus, donec mihi vitam fata non invidebunt. Interius insitus es animo nostro, quam ut inde incolumi quidem queas, extirpari: Fixius impressum est cordi meo simulacrum tui, quam ut superstiri possit unquam detrahi. Sic effigies tui cogitationi meæ penitus impressa est, ut eam nulla ætas sit abrogatura. Dum vita suppeditabit, nihil extiterit quod fixam animo Mori statuam valeat labefactare. Fieri nunquam poterit, ut vel vivam parum tui memor: donec apud superos commorabor, ne tota quidem Lethes aqua tui memoriam poterit abolere: donec aura vescar ætherea, subinde tui reminiscar: vitam modo Deus impertiat, ego tibi mentem perpetuo tui memorem polliceor. Si quis mihi vita functo sensus erit tam dulcis amiculi recordabor, tantum abest, ut vivus sim obliturus: omnia mihi citius acciderint in vita, quam oblivio tui: tum sursum versus recurrent annes, ut Græcis est in proverbio, cum Erasmus Mori sui poterit non meminisse: Non alius me visurus est oblitum tui, quam qui visurus est arduis pronos relabi rivos montibus, & Tiberim reverti, ut ait Flaccus:

*Ante leues ergo pascuntur in aqore cervi,*

Quam vivum Erasmus Mori capiat oblivio. Iis coloribus in tabula pectoris mei depicta est imago tui, ut eam nulla annorum series possit eluere: supremus vitæ dies me tui, memorem deprehendet: fospite vita, non me fugiet memoria tui: salva vita hac, non demoriatur apud me tui memoria: quoad hæc mihi vita comes erit, comitabitur & tui recordatio: hæc me vita tui memorem relinquet: non avolabit à nobis tui memoria, nisi avolante vita: ad supremum usque vivendi limitem, tui nobis memoria perseverabit: in obtinenda tui memoria non fuero mihi dissimilis, nisi vivus esse desiero: donec hoc vitæ munus divina benignitas mihi salvum esse voler, non intermoriatur apud me tuæ benignitatis memoria: vita defungar prius, quam tui memoriam recolere cessabo: diem obiero citius quam te ventis, & auræ mandem: clavis adamantinis nostræ memoriæ insitus est Morus, quos non nisi una mors valeat abrumpere: ad imos usque cineres pergam tui meminisse: ad extremam usque senectam tui me comitatura est memoria: per universum vitæ spacium Mori meminerit Erasmus: ad extremum usque rogam, tuorum erga me beneficiorum memoria prorogabitur: fatalis ille dies denique metui memorem est reperturus: dabo operam, ut tuæ humanitatis recordatio ad libitinam usque proferatur: nunquam mihi quicquam obtigerit in vita neque tam lætum, neque tam acerbum, quod tui nominis recordationem è sinu pectoris mei queat expellere: quoad hic animus in hoc corpusculo tenebitur alligatus, non exulabit mea memoria Morus: citius futurum est, ut alterum in orbem tui memoriam mecum deferam, quam ut hic abjiciam: animam egero prius, quam te memoria tenere desiero: si quando corpus umbram suam poterit effugere, hic animus tui quibit oblivisci: non ante quam diem vitæ novissimum clausero, desiturus sum tuam in me beneficentiam animo circumferre: **Quam** longa dabitur vita, tam erit longa tui me-

memoria : par nobis erit memoriæ vitæque modus :  
tui meminero quod auras carpsero vitales : absit ut  
mihi brevior fuerit tui memoria, quam vitæ : quam-  
diu superabit Erasmus ; tamdiu tui meminisse non  
gravabitur : vitæ orbabor , antequam tui me relin-  
quet memoria. Supero privabor lumine, ut prisco-  
rum more loquar, citius, quam Morus ex animo de-  
leatur meo : Ocyus hoc mihi corpusculum morte  
refruxerit, quam tui memoria frigescat apud me :  
Inextinctam tui memoriam semper tenebo : quan-  
tum temporis anima finar, sic enim loquitur Sal-  
lustius, tantundem tui meminero : Perpetim tui  
recordatus fuero : Sine fine tui meminero. Nulla res  
mihi oblivionem tui invexerit, nisi quæ me ex  
hac luce evexerit. Orbem hunc verterim citius,  
quam animum hunc tui memorem vertero : vitæ  
me exuerit is casus, qui tui importabit oblivio-  
nem : crudelibus umbris occubuero, quemadmo-  
dum loquuntur Poëtæ, citius, atque tui memoriam  
recolere desiturus sim : efferat ipse citius, quam  
tui memoria è corde efferatur meo : ad ipsum us-  
que bustum me tui memoria prosequetur : ne de-  
functus quidem, tui possim oblivisci, nedum vivus  
viventis mihi nunquam abolescet hominis tam bene  
meriti recordatio : quando futurum est, ut apud  
Erasimum evanescat Mori memoria ? Hæcpe dum  
vitæ destitueretur : usque eo tui memor ero, dum  
in vivis agam ; usque dum spirabo, te corde gesta-  
bo : quamdiu dabitur anima frui, ut Sallustiano  
more loquar, non desinam tui memoria frui.  
Sed jam sit modus, Neque enim id agitur, ut osten-  
temus, quousque nos in commutando progredi  
possimus, sed ut studiosis adolescentibus exemplo  
demonstremus, quantam orationis ubertatem  
paritura sit hæc exercitatio. Sententiam enim ad-  
modum felicem, neque magnopere ad commu-  
tandum fecundam ferme ducentes ut opinor,  
commutavimus, neque tamen minutulas illas vari-  
andi rationes sumus anxie persecuti. Nunc quod  
reliquum esse videtur, varias quasdam orationum  
formulas proponemus, non id agentes ut omnes  
per-

persequamur. Nam hoc utilissimum quidem, verum prorsus infiniti fuerit operis: sed ut ostensis aliquot velut exemplis, sibi quisque similia fingat, vel alius aliquis, cui plus otii suppetet, quam nobis, huiusmodi dicendi figuras ex omnibus auctoribus penitas, copiosius, atque accuratius imperietur conjugæ candidatis.

## C A P. XXXIV.

*Quibus moris tribuimus plura ex æquo.*

**E**st vir tum eruditus, tum probus. Est juvenis & formosus, & bene ingeniat. Atque reperitum Poëtarum est: Virg.

*Atque Deos, atque astra vocat crudelia mater.*

Est vir doctus pariter ac probus: Est vir doctus simul & integer: Est vir tam doctus, quam bonus: Vir est doctus juxta, ac bonus: Vir est non minus probus quam literatus: Vir est non inferior literis, quam moribus: Vir est ex æquo probus atque doctus: Vir est æque literatus atque incorruptus: Vir doctus æque ac probus: Vir perinde doctus ac probus: Exquisite doctus est, iidem & facundus: Vir est non minore morum probitate, quam doctrinâ præditus: Vir est quemadmodum doctus, ita & integer: Vir est doctusque bonusque in carmine: Vir simul eruditus, simul integer: Vir est doctusque & integer, in carmine: Vir est haud secus eruditus ac probus: Vir est ut doctus, ita & probus: Vir est doctus, & idem probus. Vir est optimus, idemque doctissimus: Vir est pari vel doctrina vel probitate præditus: Vir est non tantum eruditus, sed & integer: Vir est non modo doctus, verum etiam probus: Ut optimus quoque est, non modo doctissimus. Non tantum ferunt, sed impellunt. Hæc sermonis forma peculiaris est Senecæ, ut omittatur etiam. Vir est præter summam eruditionem etiam optimus: Vir præterquam quod doctus, est etiam optimus. Vir est de quo dubites, doctiorne sit, an melior: Vir est, in quo cum literis probitas morum ex æquo certet: Vir est qui  
litteras

literas æquarit cum vitæ sanctimonia : Vir est cu-  
 jus eruditioni responder morum integritas : Vir est  
 qui parem vitæ castimoniam cum eruditione copu-  
 larit : Vir summa quidem doctrina, verum morum  
 integritate nequaquam inferior sese. Interdum idem  
 pollet, vel Literis tuis majorem in modum sum de-  
 lectatus, vel quod essent elegantissimæ, vel quod  
 humanitatis plenæ : Vir est in literis egregius, ne-  
 que sui dissimilis in moribus. Vir est clarus imagi-  
 nibus, neque non illustri egregiis in Remp. me-  
 ritis. Officium beneficio cumulasti. Corporis for-  
 mam animi dotibus æquiparas. Cum diis ex pari vi-  
 vit. Oratione tua graviter offensus est, partim  
 quod esset incondita, partim quod arrogans. In hoc  
 probitas æquat eruditionem. In hoc fortuna cum  
 probitate facit paria. Ita Seneca. Vir est egregie  
 doctus, atque item probus. Vir est similiter do-  
 ctus ac facundus : Vir est haud dissimiliter eloquens  
 ac doctus : Vir pari doctrina ac probitate : Vir  
 est perinde facundus ac doctus. Cives, atque ho-  
 stes juxta metuit, dixit Sallust, pro eo quod est,  
 cives æque atque hostes. Fortunæ corporis ani-  
 mique bonis juxta dives. Ita Sallust. Plebi patri-  
 busque juxta charus : Idem. Hyemem atque æsta-  
 tem juxta. Plin. Juxta diebus noctibusque ta-  
 citus labitur mundus. Idem : In Italiæ partibus  
 quibusdam, juxta hyeme, & æstate fulgurat. Ad  
 hanc formam pertinent & illa, Plaut. juxta me-  
 cum rem tenes, id est, æque atque ego. Idem in  
 Persa : Juxta tecum, si tu nescis, nescio. Sallust.  
 in Caeciliano : Quo in loco res sitæ sunt, juxta  
 mecum omnes intelligitis. Huc pertinent & illa  
 minus quidem usitata, sed tamen apud proba-  
 tissimos auctores reperta. Terent. Quo jure, qua-  
 que injuria me in pistrinum dabit ; id est, si ve-  
 re, si ve injuria, Cicer. ad Att. At quam hone-  
 sta, quam expedita tua consilia, quam evigila-  
 tis cogitationibus, qua itineris, qua navigationis,  
 qua congressus, sermonisq ; cum Cæsare. Idem ad  
 eundem : Cum video te distentissimum esse, qua  
 de Burruiis, qua de Bruto : Qua posuit, pro tum :

## CAP. XXXV.

*Qua commodius copulent contraria.*

**V**ir est doctrina quidem egregia, verum moribus illaudatis. Est ille quidem vir bonus, verum parum eruditus. Vir est ut lingua blandissima, ita ingenii amarulenti. Vir est ut optimis progenatus maioribus, ita pessimis præditus moribus. Vir est tam deformis animo, quam corpore formosus. Petrus quemadmodum est tacitus conviva, ita est loquacissimus susurro. Hic saluator quidem est comis, sed virulentus obtrektor. Blandus est vultu, ceterum animo truculento. Ferox est in timidos, at in feroces timidus. Æstate friget, contra hyeme calet. Plautus sic usurpavit. Item Venit hoc mihi in mentem Magadore, te esse hominem divitem, factiosum: me item esse hominem pauperum pauperrimum. Item, dixit, pro contra. Inimicis supplex, in amicos contumeliosus. Hic nullum additur adverbium. Voluptas parit dolorem, contra dolor voluptatem.

## CAP. XXXVI.

*Quibus modis aequaliter removemus.*

**V**ir est neque doctus, neque probus: nec literis, nec moribus probatus: Vir est non indoctus modo, verum etiam improbus: Vir est ut indoctus, ita & improbus: Non minus improbus, quam iliteratus: Vir est tum indoctus, tum improbus: Æque indoctus atque improbus, Quintilian. Nescias præstare velint minus an possint, id est, tam non possunt præstare, quam nolunt: pariter & indoctus & improbus: Vir pessimus est, & nihilo doctior. Seneca, Flamma deprimi non potest, non magis quam quiescere. Vir cui nihil sit omnino bonarum literarum, bonorum quoque morum tantundem. Breviter, ferme iisdem rationibus removemus, quibus tribuimus;

## CAP. XXXVII.

*Quibus modis tribuimus inaequaliter.*

**V**Ir est cum doctus, tum probus: Juvenis cum eleganti forma, tum vero moribus optimis. Non pecuniam modo, verum etiam vitam tibi paratus sum impendere? Vitam etiam tibi impenderim, non modo pecuniam. Verum hæc verba non solum, & similia communia sunt tum ad æqualitatem, tum ad inæqualitatem: Non sat erat impulisse, nisi & proderet. Non sufficiebat spoliare, nisi & jugularet. Parum erat deformem esse, nisi mores forma dignos addidisset. Nihil erat deformi esse vultu, nisi moribus etiam esset deterrimis. In hac sermonis forma eleganter interdum altera pars subauditur, eaque fere potior, ut: Chrysostomus non ore tantum aureis: subauditur, verum etiam pectore. Et Corneliæ Græchorum matris epistolæ servate sunt, non tantum in sexus honorem: subauditur, sed etiam ob admirationem eloquentiæ. Vidisti hominem non corpore tantum distortum: subauditur, verum etiam animo.

## CAP. XXXVIII.

*Inaequaliter removemus his modis.*

**N**on modo non intelligit, verum ne legit quidem: non solum parum intelligit, sed nec legit: non tantum nihil intelligit, imò nec legit: nec legere quidem novit, nedum intelligat: non novit vel legere, tantum abest, ut intelligat: tantum abest ab intelligendo, ut ne legere quidem novit. Adeo non intelligit, ut nec legat. Usque adeo non intelligit, ut nesciat vel legere. Hic in Græcis literis nihil quid dicam intelligere: imò nec legere potest: Hic nihil in bonis literis non dicam intelligit, imò ne legit quidem. Ingenium quoque senectus deterit, ne dum corporis vigor perpetuo duret. Horatius:

*Nedum*

ea certe nunquam antecesserit ei, quæ me, luce or-  
 abit ipsa : Sol hic, qui videt omnia, nunquam me  
 videbit non memorem tui : Mors una tui recorda-  
 tionem his è præcordiis emovebit : donec ulla vi-  
 tæ porcio in artubus residebit, Morus ab Erasmi  
 cogitatione nunquam aberit. Quamdiu sanguinis  
 ulla pars hoc in corpusculo calebit, nunquam apud  
 me refrixerit Mori memoria : mihi quidem dum  
 vita aderit, tu à mente mea nunquam es absfuturus.  
 Quousq; manebit hujus animæ corpusculique co-  
 pula, tu à mea memoria nullo tempore sejungeris.  
 Prius animus corpori, quam tu animo meo præsens  
 esse defines : spiritus ipse citius ex hujus corpo-  
 sculi domicilio demigrabit, quam animo impressa  
 imago tui deleatur : æque diuturna fuerit apud me  
 tui memoria ac vitæ cursus : eadem erit & vivendi  
 & de te cogitandi meta : non arctioribus pomeriis,  
 tui recordatio claudetur, quam ipsa vita : quoad  
 ulla vena mihi vitali tempore saliet, dulce fuerit  
 usque tui meminisse : quantum mea Lachrysis fata-  
 le flamen extenderit, tantumdem extendetur &  
 mea tui memoria : eadem mihi & vivendi, & de te  
 cogitandi mensura fuerit : quoad corporis molem  
 flatus vivificus sustinebit, animum maxime tui  
 memorem geram : dum lucis usum, cœlitum in-  
 dulgentia concedet, te semper animo feram : dum  
 vitam permittent superi, non commitemus, ut  
 tam fidi congerentis unquam nobis obrepat obli-  
 vio : donec me non deficiet anima, animum hunc,  
 & memorem & gratum nunquam posuero : quoad  
 usque Sole volubili frui fas erit, hunc hominem  
 habebis tui memorem : vivum non videbit Era-  
 smum, qui videbit oblitum tui. quanto tempore vi-  
 ta mihi duratura est, mens quidem hæc manebit  
 tui recordantissima : quam diu supero hoc Jove  
 continget frui, non mihi contigerit oblivisci tui :  
 donec vita perseverabit, tu cordis obtutibus semper  
 es obversaturus : Nominis ante mei, quam tam cha-  
 ri amici, mihi ventura est obliviscencia : ipse mihi  
 prius excidero, quam tui vultus imago. Viventi qui-  
 dem Erasmo, haud unquam excidet Morus : nulla  
 diutur-



diuturnitas ævi, tui apud me memoriam oblitterabit: non, nisi mecum, tui extinguetur memoria: ante fatalem diem è nostra memoria non eliminaberis: ante obitum non desistam tui meminisse! ante suprema funera non cessabo tui memor esse: non ante exacta vitæ stamina tui queam oblivisci: vivo quidem Erasmo, Morica memoria haud unquam effluet: tui apud me memoriam nulla unquam ætas antiquabit: ante summum diem non abrogabitur in me memoria tui: nulla neque locorum, neque temporum injuria efficiet, quo minus tui quam maxime meminerim in vita: per omnem vitam tui meminero: hæc vita quam longa continget, cum tui memoria semper erit conjuncta: ad ipsum usque rogam me tui memoria prosequetur: mei sensu carebo, priusquam conjunctissimi hominis cariturus sim recordatione: à meis ipse membris distrahar, antequam tu animo meo divellare: mors mihi citius acciderit, quam oblivio tam dilecti capitis: certum est mortem oppetere potius, quam tui memoriam non jugiter obtinere. Non nisi me sepulto, tui recordatio sepeliatur in me: tui quidem aut mecum aut nunquam est interitura memoria: donec expirem ipse spirabit in me. Mori mei memoria, donec apud superos agitemus, nunquam mihi incesset tuæ benignitatis oblivio. Ante obitum nunquam animo meo tui incurret oblivio, sic enim loquitur Seneca. Nihil tam arduum hæc vita mihi gignere queat, ut tui memoriam ex his præcordiis possit extundere: nulla res tam atrox mihi possit in hac exoriri vita, quæ tui conciliet oblivionem: vivo nihil possit existere, quod mihi tuæ erga me humanitatis conflect obliviscentiam: sic in me radices egit memoria tui, ut à nullis omnino casibus, qui quidem vivis soleant accidere, sit nunquam cessura: his nimirum monumentis animo meo consecratus es, ut ea nullum ævi spacium valeat demoliri, ni forte mors, cui nihil rerum mortalium non cedit, nisi ipse mortalis essem, non dubitarem hanc de te memoriam immortalem fore polliceri, si immortalis esset Erasmus.

fmus, immortalis itidem foret tui apud illum memoria: ejusmodi statuam in animi mei penetralibus tua merita erexerunt, ut ea, quoad me tellus sustinebit, nullo casu sit diruenda. His titulis Morus inscriptus est cordi meo, ut eos nulla temporis injuria possit unquam exedere: non nisi una cum ætate tui recordatio in me consenesceat. Ipse mihi prius excutiar, quam Mori nomē ex adytis cordis exigatur: id unum tibi & confirmo & præstabo donec in mortalium numero futurus sum, tu es scrinio memoriæ nostræ nunquam dimovebere: ut omnia tempus possit, certe hoc unum illi non licebit unquam, ut vivo mihi tui pariat oblivionem: semper hic animus tui cum primis meminerit, neque id me dies, quamlibet longa, dedocebit donec me tellus alet, unum illud nunquam quibo dediscere, videlicet tam chari sodalis meminisse: donec futurus sum ἐπι-  
 ζῶντι, i. e. *superstes*, ut Homericō utar verbo, Mori memoriam continenter obtinebo: quoad mihi continget inter σῖτον ἔδοντας id est, *cibum edentes*, ut Homericè loquar, annumerari, nunquam hoc de pectore Mori vultus labetur.

ὅρῳ δὲ ἐζῶντι

ζῶντι σὺν μετῶ, καὶ μοι φίλα γένατ' ὀρέσθην, id est, *donec adsim viventibus & mihi genua moveantur. Iliad. II.* quemadmodum inquit Homerus, tu mihi nunquam es obliviscendus, ἐμὲ ζῶντι καὶ ὅττι χθονὶ δεκκαμένῳ, id est, *Me vivente, & in terra conspecto. Iliad. I.* ut est apud Homerum, nunquam te auferret oblivio: tui memoriam perpetuo, pariter cum ipso vitæ progressu, producam: superstiti Erasmo sublimitatis tue memoriam nullus unquam dies expunxerit: corpore quidem ab te distrahi potero, verum animo te semper intuebor, quoad vitam numina largientur: donec aura vitalis hos artus moderabitur, tu à nostris cogitationibus nullo momento es absfuturus: usque adeo penitus his præcordiis tui impressa est memoria, ut nullo unquam pacto videatur eradenda: ut omnia tempore marcescant, tui certe memoria ad occasum usque vitæ apud me vigeat: arctius Morum meum animo complexus sum.

sum, quam ut vivo possit elabi: eadem me lux exanimem videbit, quæ tui conspiciet immemorem. Adeo vivam quandam imaginem tui pectori insculpsisti meo, ut vix etiam mors ipsa sit abolitura: non erit Erasmus tui memoria vivacior: tam vivax erit tui apud me memoria, ut ipse non sim futurus vivacior: nunquam intercidet apud me Morica memoria, donec ipse non intercidero: Semper hunc hominem experieris tui recordantem, donec vitæ particeps erit: expers hujus vitæ fuero, priusquam à tui memoria alienus: adeo vivax est in me tui memoria, ut ipse non sim illi futurus superstes: altius meæ memoriæ sedisti, quam ut ulla te res inde queat emoliri: Tenacius inhæres cordi meo, quam ut præter mortis casum quicquam aliud inde te queat ejicere: Penitius hoc in pectore conditus es, quam ut hinc ulla ratione sis excludendus, donec mihi vitam fata non invidebunt. Interius insitus es animo nostro, quam ut inde incolumi quidem queas, extirpari: Fixius impressum est cordi meo simulacrum tui, quam ut superstiti possit unquam detrahi. Sic effigies tui cogitationi meæ penitus impressa est, ut eam nulla ætas sit abrogatura. Dum vita suppeditabit, nihil extiterit quod fixam animo Mori statuam valeat labefactare. Fieri nunquam poterit, ut vel vivam parum tui memor: donec apud superos commorabor, ne tota quidem Lethes aqua tui memoriam poterit abolere: donec auraveſcar ætherea, subinde tui reminiscar: vitam modo Deus impertiat, ego tibi mentem perpetuo tui memorem polliceor. Si quis mihi vita functo sensus erit tam dulcis amiculi recordabor, tantum abest, ut vivus sim obliturus: omnia mihi citius acciderint in vita, quam oblivio tui: tum sursum versus recurrent amnes, ut Græcis est in proverbio, cum Erasmus Mori sui poterit non meminisse: Non alius me visurus est oblitum tui, quam qui visurus est arduis pronos relabi rivos montibus, & Tiberim reverti, ut ait Flaccus:

*Ante leves ergo pascentur in aquare cervi,*

Quam vivum Erasimum Mori capiat oblivio. Iis coloribus in tabula pectoris mei depicta est imago tui, ut eam nulla annorum series possit eluere: supremus vitæ dies me tui, memorem deprehendet: sospite vita, non me fugiet memoria tui: salva vita hac, non demoriatur apud me tui memoria: quoad hæc mihi vita comes erit, comitabitur & tui recordatio: hæc me vita tui memorem relinquet: non avolabit à nobis tui memoria, nisi avolante vita: ad supremum usque vivendi limitem, tui nobis memoria perseverabit: in obrinenda tui memoria non fuero mihi dissimilis, nisi vivus esse desiero: donec hoc vitæ nuncius divina benignitas mihi salvum esse voler, non intermoriatur apud me tue benignitatis memoria: vita defungar prius, quam tui memoriam recolere cessabo: diem obiero citius quam te ventis, & auræ mandem: clavis adamantinis nostræ memoriæ insus est Morus, quæ non nisi una mors valeat abrumpere: ad imos usque cinneres pergam tui meminisse: ad extremam usque senectam tui me comitatura est memoria: per universum vitæ spacium Mori meminerit Erasmus: ad extremum usque rogam, tuorum erga me beneficiorum memoria prorogabitur: fatalis ille dies denique me tui memorem est reperturus: dabo operam, ut tuæ humanitatis recordatio ad libitinam usque proferatur: nunquam mihi quicquam obtigerit in vita neque tam lætum, neque tam acerbum, quod tui nominis recordationem è sinu pectoris mei queat expellere: quoad hic animus in hoc corpusculo tenebitur alligatus, non exulabit mea memoria Morus: citius futurum est, ut alterum in orbem tui memoriam mecum deferam, quam ut hic abjiciam: animam egero prius, quam te memoria tenere desiero: si quando corpus umbram suam poterit effugere, hic animus tui quibit oblivisci: non ante quam diem vitæ novissimum clausero, destitutus sum tuam in me beneficentiam animo circumferre: *Quam longa dabitur vita, tam erit longatui me-*

memoria : par nobis erit memoria vitæque modus :  
tui meminero quod auras carpsero vitales : absit ut  
mihi brevior fuerit tui memoria, quam vita : quam-  
diu superabit Erasmus ; tamdiu tui meminisse non  
gravabitur : vita orbabor , antequam tui me relin-  
quet memoria. Supero privabor lumine, ut prisco-  
rum more loquar, citius, quam Morus ex animo de-  
leatur meo : Ocyus hoc mihi corpusculum morte  
refrikerit , quam tui memoria frigeat apud me :  
Inextinctam tui memoriam semper tenebo : quan-  
tum temporis anima fruar , sic enim loquitur Sal-  
lustius , tantundem tui meminero : Perpetim tui  
recordatus fuero : Sine fine tui meminero. Nulla res  
mihi oblivionem tui invexerit, nisi quæ me ex  
hac luce evexerit. Orbem hunc verterim citius,  
quam animum hunc tui memorem vertero : vita  
me exuerit is casus , qui tui importabit oblivio-  
nem : crudelibus umbris occubuero, quemadmo-  
dum loquuntur Poëtæ, citius, atque tui memoriam  
recolere desiturus sim : efferat ipse citius, quam  
tui memoria è corde efferatur meo : ad ipsum us-  
que bustum me tui memoria prosequetur : ne de-  
functus quidem , tui possim oblivisci , nedum vivus  
viventi mihi nunquam abolescet hoministam bene-  
meriti recordatio : quando futurum est, ut apud  
Erasimum evanescat Mori memoria ? Nepe dum  
vita destituerit : usque eo tui memor ero , dum  
in vivis agam ; usque dum spirabo , te corde gesta-  
bo : quamdiu dabitur anima frui, ut Sallustiano  
more loquar , non desinam tui memoria frui.  
Sed jam sit modus, Neque enim id agitur, ut osten-  
temus , quousque nos in commutando progredi  
possimus , sed ut studiosis adolescentibus exemplo  
demonstremus , quantam orationis ubertatem  
paritura sit hæc exercitatio. Sententiam enim ad-  
modum felicem, neque magnopere ad commu-  
tandum fecundam ferme ducentes ut opinor,  
commutavimus, neque tamen minutulas illas vari-  
andi rationes sumus anxie persecuti. Nunc quod  
reliquum esse videtur, varias quasdam orationum  
formulas proponemus , non id agentes ut omnes  
per.

persequamur. Nam hoc utilissimum quidem, verum prorsus infiniti fuerit operis: sed ut ostensis aliquot velut exemplis, sibi quisque similia fingat, vel alius aliquis, cui plus otii superpetet, quam nobis, huiusmodi dicendi figuras ex omnibus auctoribus petiras, copiosius, atque accuratius impertiat conjugæ candidatis.

## CAP. XXXIV.

*Quibus moris tribuimus plura ex æquo.*

**E**st vir tum eruditus, tum probus. Est juvenis & formosus, & bene ingeniatius. Atque reperi- tum Poëtarum est: Virg.

*Atque Deos, atque astra vocat crudelia mater.*

Est vir doctus pariter ac probus: Est vir doctus simul & integer: Est vir tam doctus, quam bonus: Vir est doctus juxta, ac bonus: Vir est non minus probus quam literatus: Vir est non inferior literis, quam moribus: Vir est ex æquo probus atque doctus: Vir est æque literatus atque incorruptus: Vir doctus æque ac probus: Vir perinde doctus ac probus: Exquisite doctus est, itidem & sacundus: Vir est non minore morum probitate, quam doctrinâ præditus: Vir est quemadmodum doctus, ita & integer: Vir est doctusque bonusque in carmine: Vir simul eruditus, simul integer: Vir est doctusque & integer, in carmine: Vir est haud secus eruditus ac probus: Vir est ut doctus, ita & probus: Vir est doctus, & idem probus. Vir est optimus, idemque doctissimus: Vir est pari vel doctrina vel probitate præditus: Vir est non tantum eruditus, sed & integer: Vir est non modo doctus, verum etiam probus: Ut optimus quoque est, non modo doctissimus, Non tantum ferunt, sed impellunt. Hæc sermonis forma peculiaris est Senecæ, ut omittatur etiam. Vir est præter summam eruditionem etiam optimus: Vir præterquam quod doctus, est etiam optimus. Vir est de quo dubites, doctiorne sit, an melior: Vir est, in quo cum literis probitas morum ex æquo certet: Vir est qui literas

literas æquarit cum vitæ sanctimonia : Vir est cu-  
 jus eruditioni respondet morum integritas : Vir est  
 qui parem vitæ castimoniam cum eruditione copu-  
 larit : Vitæ summa quidem doctrina, verum morum  
 integritate neutiquam inferior sese. Interdum idem  
 pollet, vel Literis tuis majorem in modum sum de-  
 lectatus, vel quod essent elegantissimæ, vel quod  
 humanitatis plenæ : Vir est in literis egregius, ne-  
 que sui dissimilis in moribus. Vir est clarus imagi-  
 nibus, neque non illustri egregiis in Remp. me-  
 ritis. Officium beneficio cumulasti. Corporis for-  
 mam animi dotibus æquiparas. Cum diis ex pari vi-  
 vit. Oratione tua graviter offensus est, partim  
 quod esset incondita, partim quod arrogans. In hoc  
 probitas æquat eruditionem. In hoc fortuna cum  
 probitate facit paria. Ita Seneca. Vir est egregie  
 doctus, atque item probus. Vir est similiter do-  
 ctus ac facundus : Vir est haud dissimiliter eloquens  
 ac doctus : Vir pari doctrina ac probitate : Vir  
 est perinde facundus ac doctus. Cives, atque ho-  
 stes juxta metuit, dixit Sallust, pro eo quod est,  
 cives æque atque hostes. Fortunæ corporis ani-  
 mique bonis juxta dives. Ita Sallust. Plebi patri-  
 busque juxta charus : Idem. Hyemem atque æsta-  
 tem juxta. Plin. Juxta diebus noctibusque ta-  
 citus labitur mundus. Idem : In Italiæ partibus  
 quibusdam, juxta hyeme, & æstate fulgurat. Ad  
 hanc formam pertinent & illa, Plaut. juxta me-  
 cum rem tenes, id est, æque atque ego. Idem in  
 Persa : Juxta tecum, si tu nescis, nescio. Sallust.  
 in Cætilinario : Quo in loco res sitæ sunt, juxta  
 mecum omnes intelligitis. Huc pertinent & illa  
 minus quidem usitata, sed tamen apud proba-  
 tissimos auctores reperta. Terent. Quo jure, qua-  
 que injuria me in pistrinum dabit ; id est, si ve ju-  
 re, si ve injuria, Cicer. ad Att. At quam hone-  
 sta, quam expedita tua consilia, quam evigilata  
 tuis cogitationibus, qua itineris, qua navigationis,  
 qua congressus, sermonisq ; cum Cæsare. Idem ad  
 eundem : cum video te dissentissimum esse, qua  
 de Burrhis, qua de Bruto : Qua posuit, pro tum.

## CAP. XXXV.

*Qua commodius copulent contraria.*

**V**ir est doctrina quidem egregia, verum moribus illaudatis. Est ille quidem vir bonus, verum parum eruditus. Vir est ut lingua blandissima, ita ingenii amarulenti. Vir est ut optimis prognatus maioribus, ita pessimis præditus moribus. Vir est tam deformis animo, quam corpore formosus. Petrus quemadmodum est tacitus conviva, ita est loquacissimus susurro. Hic saluator quidem est comis, sed virulentus obrectator. Blandus est vultu, ceterum animo truculento. Ferox est in timidus, at in feroces timidus. Æstate friget, contra hyeme calet. Plautus sic usurpavit. Item Venit hoc mihi in mentem Magadore, id esse hominem divitem, factiosum: me item esse hominem pauperum pauperrimum. Item, dixit, pro contra. Inimicis supplex, in amicos contumeliosus. Hic nullum additur adverbium. Voluptas parit dolorem, contra dolor voluptatem.

## CAP. XXXVI.

*Quibus modis aequaliter removemus.*

**V**ir est neque doctus, neque probus: nec literis, nec moribus probatus: Vir est non indoctus modo, verum etiam improbus: Vir est ut indoctus, ita & improbus: Non minus improbus, quam illiteratus: Vir est tum indoctus, tum improbus: Æque indoctus atque improbus, Quintilian. Nescias præstare velint minus an possint, id est, tam non possunt præstare, quam nolunt: pariter & indoctus & improbus: Vir pessimus est, & nihilo doctior. Seneca, Flamma deprimi non potest, non magis quam quiescere. Vir cui nihil sit omnino bonarum literarum, bonorum quoque morum tantundem. Breviter, ferme iisdem rationibus removemus, quibus tribuimus.

CAP.



## CAP. XXXVII.

*Quibus modis tribuimus inaequaliter.*

**V**ir est cum doctus, tum probus: Iuvenis cum elegantī forma, tum vero moribus optimis. Non pecuniam modo, verum etiam vitam tibi paratus sum impendere? Vitam etiam tibi impenderim, non modo pecuniam. Verum hæc verba non solum, & similia communia sunt tum ad æqualitatem, tum ad inæqualitatem: Non sat erat impulisse, nisi & proderet. Non sufficiebat spoliare, nisi & jugularet. Parum erat deformem esse, nisi mores forma dignos addidisset. Nihil erat deformi esse vultu, nisi moribus etiam esset deterrimis. In hac sermonis forma eleganter interdum altera pars subauditur, eaque fere potior, ut: Chrysostomus non ore tantum aureus: subauditur, verum etiam pectore. Et Corneliæ Græchorum matris epistolæ servate sunt, non tantum in sexus honorem: subauditur, sed etiam ob admirationem eloquentiæ. Vidisti hominem non corpore tantum distortum: subauditur, ve, um etiam animo.

## CAP. XXXVIII.

*Inaequaliter removemus his modis.*

**N**on modo non intelligit, verum ne legit quidem: non solum parum intelligit, sed nec legit: non tantum nihil intelligit, imò nec legit: nec legere quidem novit, nedum intelligat: non novit vel legere, tantum abest, ut intelligat: tantum abest ab intelligendo, ut ne legere quidem novit. Adeo non intelligit, ut nec legat. Usque adeo non intelligit, ut nesciat vel legere. Hic in Græcis literis nihil quid dicam intelligere: imò nec legere potest: Hic nihil in bonis literis non dicam intelligit, imò ne legit quidem. Ingenium quoque senectus deterit, ne dum corporis vigor perpetuo duret. Horatius:

*Nedum*

*Nedum sermonis stet honos, & gratia vivax.*

Nedum nove posuit, pro eo quod est, tantum abest ut. Ne pecuniam quidem impenderet amico, nedum vitam. Eam figuram Quintilianus novavit ad hunc modum: Nec enim de omnibus causis dicere quisquam potest, salkem de præteritis, ut taceam de futuris, id est. nec de præteritis, tantum abest, ut de futuris.

#### C A P. XXXIX.

*Quo pacto tribuamus, aut removeamus ordine.*

**U**T quisque est gloria dignissimus, ita gloriæ est negligentissimus: Ut quisque gloria est maxime dignus, ita gloriæ minime est avidus. Optima quæque vitæ pars quam ocissime prætervolat. Catullus. Tanto pessimus omnium poëta, quanto tu optimus omnium patronus. Quam vos facillime agitis, tam vos maxime æquum est æqua facere.

#### C A P. XL.

*Per comparativum eadem effertur sententia.*

**Q**uo quisque dignior est, qui laudetur, hoc minus laudari gaudet. Quanto quisque fama dignior, tanto minus affectat famam. Quo quisque magis promeretur honorem, eo minus honorem appetit.

#### V E R T I P O S S U N T.

Hoc minus ducitur laudis cupidine, quo quisque laude fit dignior. Tanto quisque minus optat pecuniam, quanto minus possidet pecuniæ.

## CAP. XLI.

*Formula augendi positivum.*

**P**ositiva augentur compositione harum dictio-  
 num: Per; perquam, præ, perdifficile: per-  
 quam difficile, prælongus, prævalidus, præpo-  
 tens. Quod idem contingit in verbis: Pervelim,  
 perquam velim, percipio. In quibus idem inter-  
 dum efficit hæc præpositio De, deamo, demiror.  
 Eandem vim videtur obtinere. Ad, adprobe, ad-  
 fabre, adprime, adamo. Adjungunt jureconsulti  
 præpositionem In, tanquam idem pollentem. Sed  
 errant mea sententia: Quod enim illi legunt, in-  
 difficile est, pro valde difficile; legendum est, in dif-  
 ficili est, pro difficile est: quemadmodum dicimus,  
 in proclivi est, pro eo quod erat, proelive est: & in-  
 promptu est, pro, promptum est. In tuto est, in cau-  
 sa est, in vitio est. Augetur positivum & citra com-  
 positionem quam, sed figurate. Quam tenere amat  
 filium! quam nihil pudet! Ut eandem vim obtinet.  
 Ut gaudet, ut est severus! Immane, quantum distat;  
 Papæ, quam is sibi placet! ad hanc rationem perti-  
 nent. Præterea his adverbis intenditur, oppido  
 quam, sane quam, nimis quam, antigerio, quod pri-  
 scum est. Atque hæc, ut dixi, non repudiantur & a  
 verbis: perquam velim, percipio, sane quam cupit.  
 Neque diversam vim habere videtur, Næ: Næ ego  
 infelix homo sum. Faciunt næ intelligendo, ut nihil  
 intelligant. Item, Adverbia illa omnia epirasin si-  
 gnificantia: admodum, valde, egregie, insigniter,  
 magnopere, maximopere, summopere, inprimis, ad-  
 prime, cumprimis, in paucis, pro egregie apud Quint.  
 Curt. tantopere & quantopere, figurate. Adeo pro  
 valde: Fratrem adeo nobilem. Majorem in mo-  
 dum, mirum in modum, supra modum, præter mo-  
 dum, singulariter, unice, eximie, impendio, im-  
 pense, effuse, abunde, affatim, atque alia innu-  
 merabilia. Vel, utrunque efficit, auget. Cicer. ut  
 vel perire maluerit. Seneca: vel umbra satis est;  
 amico non vel teruntium impertiat. Sallust. Qui-  
 bus

bus rebus supra bonum & honestum percussus, id est, magis quam decuit. Plusquam, item magnam vim augendi obtinet: Homo plusquam insanus; Senex plusquam delirus. Plus æquo sevit. Cui finitimum est, non tantum, non ut respondeat illi Græco, *μῶν ἐξ*, id est, *ferme*, sed ut idem valeat, quod plusquam; velut, homo non tantum vino remulentus: Vir non tantum imaginibus nobilis; de quo paulo ante meminimus. Terque quaterque beati, Græcanicum est, Latinis tamen usurpatum, in carmine potissimum. Sunt & aliæ formæ longius petitz. Incredibile dictu, quàm elegans. Sallustius: Immane dictu: Dici non potest: Sermone consequi nequeam: est rara quadam modestia: Præcipuum honorem: Primariam laudem: Incredibili sapientia, haud vulgari doctrina. Et Deum immortalem, qua doctrina virum, id est, egregia: Plus satis animosus: Plus nimio tristis, plusquam par est. Atque id genus alia, non absurde fortassis, iis adjungantur. Nam vulgata est illa amplificandi ratio, quoties superlativus pro positivo ponitur. Plurima, pro multis admodum: Maxima, pro vehementer magnis: Dicere tibi promptissimum est: mihi facere facillimum.

## DE VARIANDO

Positivo.

Utitur vulgo comparativis pro absolutis, vel ipso Quintiliano auctore. Uti quis dixerit infirmiores, id est, meticulosos.

## C A P. XLII.

Rationes minuendi Positivum.

**M**inuatur è regione positivus apposis præpositionibus. Subtristis, subrusticus, subobscurus, subasper, subinvidus, subinanis, subfuscus. Quod idem accidit in his verbis: Subpuget, subirascitur, subolet, subridet, subodoratur, subrimet.

met. Minuitur & adverbis apposis: Non nimis molestum est. Uicunque jucundum fuit, Aliquantulum mordax. Quæ verbis etiam adjunguntur; utcunque sapit: paululum delirat. Præterea deformatione in vocem diminutivam, quæ varia fingitur, Argutulus, acutulus, minutulus, rancidulus, puidulus, diutule, sæpicule, ebriolus, sciolus, tenellus, nigellus, integellus, philosophaster Tullius. Comparativus positivi loco diminuit, ut tristior, id est, subtristis. Sed ferme in vitium accipitur, addito adverbio paulo, & κατ' ἄλλοθεν: i. e. *per defectum*, ut, vir integer quidem, sed severior, id est, paulo severior, quam convenit. Facundus homo, sed paulo loquacior. His igitur modis vitium fere significamus cum extenuatione. Diminuuntur & verba vocis deflexione, ut vellico, cantillo, cantito, volito, dormito, victito. Parum, & non admodum, idem efficiunt. Ne parum multa scire viderentur: Vir non admodum senex: Non admodum adolescens: Non perinde sapiens ut dives. Non satis mihi liquet: Minus compertum habeo. Idem efficiunt, Vix & Semis: Vix vivus, semivivus, vix bene Græca, parum bene Græca, cum semiviro comitatu, id est, parum virili. Ad idem valent, Saltem & At. Cato: Si non eodem die, at postridie. M. Tull. Si non propinquitatis, at ætatis suæ, si non hominis, at humanitatis rationem haberet. Si non primus, certe non postremus.

## CAP. XLIII.

*Quibus rationibus augetur Comparativus.*

**C**omparativus peculiariter his adverbis amplificatur: Longe, multo, nimio: Tum his, multis partibus, in immensum, in infinitum, infinitis partibus, Longe venustior, multo gravior, nimio severior. Horat. Ne doleas plus nimio memor immitis Glycæræ. Multis partibus præstantior: in infinitum utilior: infinitis partibus divina humanis sunt potiora, Tanto, & quanto, figurate idem efficiunt.

ciunt. Tanto corpore præstantior est animus, id est, multo. Idem efficit, quo, & eo, cum subjiciuntur. Est prædives, quo magis admior, hominis sordes. Eo magis admior. Papæ quanto satius est amicis, quam pecuniis abundare.

## QUIBUS MODIS IMMINUITUR

Comparativus.

Minuitur adverbis positivis. Paulo venustior est Gellius, quam Macrobius: Aliquanto brevior est hic, quam ille: Nihilo ditior: Ne tantillo quidem melior eris, si dives fueris: Minimo fueris honoratior, si titulus accesserit. Quântulo, figurate, pro quam paulo. Papæ, quantulo hic homo sapientior est, id est, pene nihilo. Minuuntur & deflexione vocis: Grandiusculus, id est, paulo grandior: Meliusculus: Celeriuscule.

## C A P. XII.

*Quibus rationibus augemus Superlativum.*

**S**uperlativus augetur iisdem adverbis, quibus comparativus: longe, multo. Accedit autem, facile. Cicero longe facundissimus, & idem vir multo omnium optimus: ejus civitatis longe princeps, aut, facile princeps, aut primus. Idem efficitur per tanto & quanto figurate posita: ut Deum immortalem quanto Socrates philosophorum omnium optimus. Quam, in compositione nonnihil addit augmenti: Quam plurimos vidi ut quam optime res cadat, tibi nihil commodi fuerit Per hyperbolen augetur hoc modo: Mulier plusquam pessima, & pessima peior: Homo non loquacissimus, sed ipsa loquacitas, & ipsa loquacitate loquacior: Ipsa Venere venustior. Nam in Sallustiano illo: Quam quisque pessime fecit, tam maxime turus est: æqualitas est, non augmentum. Superlativus non recipit diminutionem, nisi forte per quidem, aut similem conjunctionem: Et ille quidem doctissimus, verum moribus non perinde probatis.

C A P.

## CAP. XLV.

*Periphrasis comparativis*

**C**omparativum circuitione reddimus per ad-  
 verbia comparandi Magis & Minus. Avidior  
 voluptatum, quam pecuniæ. Magis avidus vo-  
 luptatum, quam pecuniæ. Huic finitimum est Po-  
 tius. Voluptatum avidus potius, quam pecuniæ.  
 Item: Non tam voluptatum appetens, quam pecu-  
 niæ: Minus avidus pecuniæ, quam voluptatum:  
 Non perinde literarum admirans, quam pecuniæ.  
 Breviter, modis illis omnibus, quibus diximus inæ-  
 qualitatem significari. Obtenent & verba quædam  
 vim comparativi: præstat lucrum pudore, id est,  
 potius est lucrum pudore. Cicero Platone facun-  
 dior, Plato Cicerone doctior: Cicero Platonem su-  
 perat eloquentia. Plato Ciceronem antecellit eru-  
 ditione. Hieronymus Augustinum vicit rerum  
 scientia: Augustinus Hieronymum antecit ingenii  
 subtilitate. Plautus: Pol maiores mihi anteverte-  
 rant gaudiis. Terent. Quanto herum ante eo sapien-  
 tia! Plaut. Præverti hoc certum est aliis rebus omni-  
 bus, id est, præferre rebus omnibus. Livius: Conati  
 novi consules omnibus eam rem præverti. Cic. Si  
 vacas animo, neque habes aliquid quod huic sermo-  
 ni prævertendum putes. Plautus dixit antevenire,  
 pro præcellere. Sallust. homines qui per virtutem  
 soliti erant nobilitatem antevenire. Huc pertinent  
 & illa: Anteponere, præferre, posthabere, præcel-  
 lere. Nove dixit Sallust. Invidia atque superbia  
 postfuere. Idem, & facundia Græcos, gloria bellī  
 Gallos ante Romanos fuisse, id est, præcelluisse. Ce-  
 dere, secundum esse, præripere laudem, & si qua  
 sunt similia. Nam his ferme modis orationem com-  
 parativam variamus. Magis amat pecuniam, quam  
 famam. Pecuniæ Socrates amans est magis, quam  
 famæ. Pecuniarum amantior est, quam famæ: Fa-  
 mam pecuniæ posthabet: Famæ pecuniam antepo-  
 nit: Minus famæ cupiditate ducitur, quam pecuniæ.  
 Impensius amat pecuniam, quam famam. Huic

potior est pecunia, quam fama: Huic prius est lucrum, quam honesta fama. Huic antiquius est laudari, quam admoneri. Huic vilior est vita, quam pecunia. Similem vim obtinet Præ. Cic. Omnium minas atque omnia pericula præ salute sua leviter duxerunt. Idem Non tu quidem vacuus molestiis, sed præ nobis beatus, id est, nobis beatior. Terentius: Ludum jocumque alterum dices illum: præ ut hujus rabies quæ dabit. Plautus: Nihil hercule hoc quidem, præ ut alia dicam. Idem dixit, præ quam, pro, præ ut.

## CAP. XLVI.

*Quibus modis superlativum variamus.*

**S**uperlativus variatur primum Adverbiis, quæ apponuntur, vel verbis, vel nominibus positis: Amante maxime: Amantissimus est tui: Effusissime te diligit. Vir indoctissimus, vir minime doctus. Minime multos, id est, quam paucissimos. Variatur & per comparativum, idque affirmative, sed inusitatius. Negative frequenter. Cicero reliquis omnibus eloquentior. Cicero, quo non alius eloquentior. Quo non præstantior alter, id est, omnium præstantissimus. Nihil minus amat, quam assentationem, Nulla re minus capitur, quam gloria. Nihil hunc æque delectat, atque Musica, Nihil prius habet, quam adesse conviviis. Nihil pulcrius ducit, quam divitem vocari. Nihil minus faciam, nihil minus sentiebam, quam quod tu suspicabare. Homo quidvis potius, quam doctus. Efficiam ut intelligas, omnia mihi defuisse potius, quam fidem ac diligentiam. Omnia potius, quam illud agnosceret. Quidvis potius, quam vanitatem facerebitur. Nullo inferior, id est, summus. Nullo non inferior, id est, omnium infimus. Nemine non deformior, id est, omnium deformissimus. Per verba nonnunquam idem efficitur, Cicero superat omnes dicendi copia: Vincit omnes candore: Nemihi cedit candore: In dicendo principatum obtinet: Primas tenet; arcem tenet. Adde huc & illa:



illa: Vir præter ceteros spectatæ fidei. Præter omnes te diligit. Supra cunctos tuæ gloriæ favet. Ante omnia rei studendum. Unicus, & solus, primus, & similia, natura superlativam significationem habent, ut & singularis: Unicè te amat: Solus est homo homini amicus: Singulari benevolentia te prosequitur: Primam laudem obtinet: Tullius eloquentiæ princeps: Penulatorum alpha, dixit Martialis. Eodem pertinent. Tam facundus, ut cum hoc nemo sit conferendus: Tam eruditus, ut ei nemo sit æquandus: Tam prudens, ut parem non invenias. Horat. Sic ut mihi nunquam in vita fuerit melius: Adeo placet, ut magis non possit. Idem & illa: Quis hoc uno facundior? Quid invenias pecunia vilius? An quicquam est patria dulcius? Erras, si credis mihi quicquam esse uno te charius. Sunt & illæ orationes annotandæ. Officium tuum tam mihi gratum fuit, quam quæ gratissima. Tam te amo, quam qui maxime. Terent. Amabat ut cum maxime, tum Pamphilus. Cicer. Domus celebratur ita ut tum maxime. Rursum hæ quoque. Hoc crede mihi, si quid unquam es crediturus. Homo doctus, si quisquam est omnino doctus. Homo vorax, ut si quis alius. Homo quantum alius nemo doctus. Nullus æque pernovit hominis ingenium, atque ego. Haud alium reperies, perinde tui studiosum. Neminem adæque timeret, atque te. Si alias unquam, nunc summa vigilantia utendum est, id est, nunc maxime. Si quando alias amicum præstitisti, nunc ostende quanti me facis. Quantum potest, quoad fieri potest, & consimilia, superlativam videntur obtinere. Tu quantum potes abi, id est, quam ocysime. Enitar quoad potero, id est, quam maxime. Haud ab re fuerit huc annumerare denominationes, & comparationes illas per hyperbolen sumtas. Ut si quis hominem crudelissimum, Atreum appellet: eloquentissimum, alterum Ciceronem: Severissimum, tertium Catonem. Tum per comparationem: Hic est nive candidior, Scythia barbarior, Graculo loquacior, aut turture. Verum hujus generis aliquot exempla commemorare non

inutile fuerit. Sumuntur autem variis modis ; Vel à re quapiam eximia : ut nive candidior , pice nigrior. Vel à nomine abstracto, quod vocant, cæcitate cæcior. Vel ab animante insigni, ut talpa cæcior, caprea oculatior. Vel à persona insigni, ut : Phalaride crudelior. Tum adhibentur per simplicem denominationem : ut, si rem vehementer suavem, mel, aut nectar appelles. Rem vehementer acerbam, fel. Hominem supra modum senem, senium ipsum : vehementer scelestum, scelus : odiosum, odium : ganconem, cœnum : lurconem, barathrum : contaminatum, labem : contemptum, quiskuilias : impurum, sterquilinium : perniciosum, pestem : tenebrionem, tenebras : inquinatum, lutum : infamem, propudium : portentuosum, portentum : dedecorosum, dedecus : molestum, ulcus : vitiosum, sentinam : odiosum, odium hominis : brutum, pecudem : virulentum, viperam : vehementer cæcum, talpam : vehementer rapacem, lupum : impendio deformem, Ther sitem.

## E A D E M H Æ C N O M I N A

per comparisonem efferri possunt.

Melle dulcior.  
Nive candidior.  
Caudice stolidior.  
Cortice levior.  
Oleo tranquillior.  
Auro purior.  
Stipite tardior.  
Silice durior.  
Littore surdior.  
Iracundior Adria.  
Arenis sitiencior.  
Vitro fragilior.  
Cothurno instabilior.  
Cote durior.  
Buxo pallidior.  
Alga viior.

Pluma levior.  
Auricula infima mollior.  
Plumbo stupidior.  
Magnete illicibilior.  
Cornu siccior.  
Dolio pertuso in contentior.  
Cribro infidelior.  
Fonte purior.  
Oculis charior.  
Ampulla inanior.  
Ramento levior.  
Morte odiosior.  
Rubo arido præfractior.  
Æquore surdior.  
Spongia bibacior.

Glacie

Glacie frigidior.	Ære Dodonæo loqua-
Beta magis insipidus.	cior.
Pice nigrior.	Pila volubilior.
Alno procerior.	Clemate Ægyptia ni-
Sole clarior.	grior.
Sardois herbis amarior.	Crambe recocta mole-
Rusco horridior.	fior.
Æthna æstuantior;	Clavo durior.
Trutina justior.	Pistillo retusius inge-
Spina distortior.	nium.
Pluma levior.	Pumice aridior.
Vento instabilior.	Uvis passis aridior.
Barathro capacior.	Laterna magis pelluci-
Charybde voracior.	dus.
Corcoro vilior.	Euripo inquietior, aut
Subere levior.	inconstantior.
Floralib. licentiosior.	Luce magis dilecta.

ITEM PER HYPERBOLEN  
eadem voce iterata.

Ipsa cæcitate cæcior.	Ipsa siti siticulosior.
Ipsa nequitia nequior.	Quavis peste pestilen-
Ipsa fame esurientior.	tior.
Voracitate voracior.	Ipsa loquacitate loqua-
Ipsa morositate moro-	cior.
fior.	Quovis monstro mon-
Deformitate deformi-	strosior.
or.	(tior Senio senilior ipso.
Confidentia confiden-	Calamitate calamito-
Ipsa stulticia stultior.	fior.

HIS FINITIMA  
sunt illa.

Venere formosior.	Vertumno inconstan-
Mercurio facundior.	tior.
Fortuna ipsa fortuna-	Empusa magis varius.
tior.	Ipsa Momo mordacior.
Marte bellacior. seu pu-	Minerva doctior.
gnacior.	Pluto ditior.

Ipsò infortunio infortuna-	Furia furiosior.
tior.	Euterpe concinnior.
Proteo mutabilior.	Salute ipsa salubrior.
Ipsis Gratiis humanior.	Penia pauperior.
Priapo salacior.	Harpyia rapacior.

HIS PROXIMA SUNT NOMINA  
personarum, quæ petuntur è Tragædiis,  
aut Comædiis, aut fabulis aliis.

Gnathone adulantior.	Tithono vivacior.
Phormione confiden-	Achille animosior.
tior.	Niobe fecundior.
Euclione tenacior.	Tiresia cæcior.
Demea asperior.	Sphinge involutior.
Parasito edacior.	Dædalo ingeniosior.
Atreo crudelior.	Gigantibus audacior.
Ajace insanior.	Excetra pertinacior.
Thersite deformior.	Glauco stupidior.
Thrasone gloriosior.	Iro pauperior.
Geta versutior.	Nixæ formosior.
Thaide blandior.	Diana intractior.
Mitione lenior.	Erisichthone esurien-
Tantalo sitientior.	tior.
Oreste insanior.	Stehtore clamosior.
Ulysse dolosior.	Busyride blaudacior.
Nestore vivacior.	Labyrinthe intricatior.
Orpheo vocalior.	Icaro audacior.
Cyclope immanior.	Gryllo stultior.
Penelope castior.	Nestore facundior.

HIS CONFINIA SUNT,  
quæ sumuntur ex historiis, ut:

Phalaride crudelior.	Herostrato ambitiosior.
Polycrate fortunatior.	Timotheo felicior.
Sardanapalo nequior.	Timone inhumanior.
Phocione justior.	Numa religiosior.
Cræso ditior.	Aristide incorruptior.
Æsopo luxuriosior.	Catone præfractior.
Pabio cunctantior.	Socrate sanctior.

Milone

Milone fortior.	Chrysippo acutior.
Lynceo perspicacior.	Thracalo vocalior.
Demosthene facundior.	Curione obliviosior.
Hannibale vafrior.	Heraclito obscurior.
	Aristarcho doctior.

## HUC PERTINENT

&amp; illa, quæ sumuntur à gentibus.

Pœno perfidior.	Creteni mendacior.
Scytha asperior.	Græco vanior, seu levior.
Scythotauris inhospitalior.	Thessalo perfidior.
Parthis fugacior.	Leontinis luxuriosior.
Thracibus bibacior.	Milesiis effœminator.
Care vilior.	Pygmæo brevior.
Sybarita fastuosior.	Creteni vanior.
Arabibus ditior.	Asotoluxuriosior.
Arcade stolidior.	

## ADDANTUR HIS QUÆ

sumuntur ab animantibus.

Muliere loquacior.	Vulpe fraudulentior.
Hirco libidinosior.	Anguilla lubricus magis.
Corvo vivacior.	Pisce sanior.
Graculo loquacior.	Thœnice rarior.
Dipsade nocentior.	Nigro cygno rarior.
Echino asperior.	Vulture edacior.
Lepore timidior.	Jaculis inexpectatior, aut pestilentior.
Delphino lascivior.	Cochlea contractior.
Scrophæ fecundior alba.	Sue indoctior.
Albo corvo rarior.	Hydra immitior.
Scorpio improbior.	Tauro robustior.
Testudine tardior.	Cane rixosior.
Glire somniculosior.	Urso hispidior.
Asello tardior.	Cane adulantior.
Damatimidior.	Cervo demissis auribus
Hirundine bibacior.	furdior.
Equo indomito ferocior.	Coccyge importunior.
Tipula levior.	D 4

Passere salacior.	Simia lascivior.
Cervo vivacior.	Fele rapacior.
Cornice vivacior.	Laro stultior.
Luscinia vocalior.	Scarabeo improbior.

## I D E M P O L L E N T,

quæ sumuntur ab officiis, ut:

Carnifice immanior.	Arcopagita tristior.
Cinædo effœminator.	Heredipetis adulantior.
Athleta robustior.	Lenone perjurus magis.
Milite gloriosior.	Tyranno violentior.
Rege magnificentior.	Fossore durior.
Imperitior.	

**E** Andem vim obtinent voces denominativæ ab his formatae, ut: mellitum, pro vehementer jucundo: nivei mores, pro vehementer puris: aureum seculum, pro magnopere felici, laudatoque: plumbeum, faxeum, pro duro. Ferreus scriptor: Bliteus, Betacius, pro fatuo. Ficulnum, pro molli: Adamantinum, pro duro, ac laborum egregie toleranti: Vitreum, pro fragili: Vultureus venter: Vulpinum ingenium: Leonina ferocia: Thraſonica jactantia: Demeana asperitas. Stentorea vox: Ciceroniana facundia. Cujus generis plura sunt: quam ut numerum eorum persequi laboremus. Illa porro longius quidem petita videntur: sed tamen hunc ad locum pertinent.

*Quam curat numerum lupus, aut torrentia  
ripas flumina.*

Non pluris illius convitia facio, quam culicem elephantus Indicus. Pili non facio: nauci non facio: flocci non facio. Sed hæc alio loco.

## C A P. LXVII.

*Communis omnium Graduum variatio.*

**O**Mnes gradus circuitione variamus: Vir magnopere doctus: Vir magna doctrina præditus: Doctissi-

Etissimus: maxima doctrina præditus. Et res cum magna, cum majore, cum summa turpitudine conjuncta est: Quæ vocantur *ισοδυναμίας* signorum, id est, æquipollentiæ, non mediocriter ad orationis copiam faciunt. Quare primum vocum ipsarum inter ipsas discrimina paucis ostendemus. Totum ad partes refertur magis quam ad formas. Si mors totum hominem absumeret, merito tantopere formidaretur. Totum hunc mensem, totam hanc noctem sine fruge transegi. Cunctus ad singula, quæ ratio nominis complectitur, collectim refertur, quasi dictum sit à conjunctis. Cunctos Romanos, cunctos mortales. Universi, omnes simul collectos significat. Atque nullam, aut universam pecuniam vult, id est, omnem simul. Terent. Id illa nunc abripiet universum. Singuli, huic diversam habet rationem: nam omnes quidem ita significat, ut unusquisque sigillatim per se intelligatur: in singulas naves singuli milites accersebantur. Omnis, quasi generale est ad omnia: siquidem omne corpus pro toto dicimus. Et omnem populum pro toto populo, & omnem diem pro singulo die Horat.

*Omnem crede diem tibi diluxisse supremum.*

Omnes pro cunctos, & omne pro universum. Terent. At ut omne reddat: tamen hic pro toto positum videri possit. Quisque addit rei cujuspiam in singulas partes distributionem: ut sua cuique sententia: natura animantiū sua cuique dedit arma: suas cuique dores largitus est Deus. Unusquisque nihil à quisque differre videtur, nisi quod & pro singulo ponitur. Unumquodque sua cupiditas ducit: Nunc unumquodque crimen cujusmodi sit, excutiamus. Nihil autem prohibet, & singuli, per distributionem hujusmodi accipi. Singulis navibus singulos duces præfecit. Quisquis non absolvit orationem. Quicunque modo perficit, modo non perficit. Quisquis gravabitur sementem facere, is non meretur. Quicunque recusabit laborem, non feret fructum. Aliquoties absolvit propemodum, cum significat ignorantiam, ut quisquis fuit ille deorum.

*Quisquis es armatus qui nostra ad limina tendis.*

In obliquis nonnunquam unico verbo contentum est utrumque. Rem facias quocunque modo. Hominem quoque modo absolvas, pro quovis modo. Quilibet, & quivis. citra discrimen unumquodlibet significant. Horatius :

*Qualibet in quemvis opprobria dicere suetus.!*

Resolvuntur autem per conjunctionem ; Vel ; cum omnis & reliqua ferme per copulativam exponantur : Quemvis arbitrum cedo, id est, vel hunc, vel illum, mea nihil refert.

*Qualibet hirsutas fronde tegente comas.*

quod Græci dicunt *πῶς ἢ*, quasi non delectum, sed sortitum, & casu oblatum. Unusquilibet consimilem obtinet rationem. Significat enim unum aliquem è multis, quicumque sit ille. Deligas tibi auctorem unumquemlibet. Et unusquisvis ab hoc nihil differt. Hæc autem, Quilibet, quivis, unusquilibet, unusquisvis, non nisi unicum verbum admittunt. Semper enim absolutam reddunt orationem. Quantuscunque, qualiscunque quantusquantus, qualisqualis, eandem obtinent rationem, cum quicumque, & quisquis. Adverbia item, utut, utcunque, ubiubi, ubicunque, quoquo, quocunque. Breviter composita semper sequuntur naturam particulæ appositæ : Undevis, undelibet, undecunq ? Quorum duo prima absolvent orationem, postremum commune est : Quocunque, quoquo, communia sunt. Quolibet & quovis, non sunt. Quoquoversum & quaquaversum communia sunt. Ubiuis, & ubilibet, absolvent orationē. Ubicunque, commune est. Ubiubi non est, uti nec utut. Non enim absolvent constructionem. Uter quod ad duo pertinet, cum iisdem compositum, idem accipit discrimen. Utercunque anceps est : utervis absolvit, uterlibet itidem ; utrocunque anceps, utrovis, utrolibet, absolvent. Uterque, copulative significat, ut & illa, utroque, utrinque utroqueversum. Aliquis, indefinite significat unumquempiam quid si hoc aliquis voluit Deus ; quis, idem pollet, sed his ferme dictionibus præcedentibus.



tibus: si, ne, num, ec, ubi, si quid exiterit novi: ne quid temere faxis; num quem tuorum offendi? ec, quid tui tetigi; ubi quis te læserit: ubi, pro alicubi, unde, pro alicunde usurpatur, duntaxat in compositione, ut sicubi, necubi, nuncubi, sic unde, nec unde. Quidam definite accipitur: quendam volo visere: nisi cum habet aut contemptum, aut translationem: ut Isidorum quendam mihi citabat: perinde quasi dicas, Isidorum, nescio quem. Lachrymas emisit, quendam animi sanguinem, id est, veluti sanguinem. Seditio, morbus est quidam civitatis: quispiam, anceps est ad usum quidam, & item ad usum Aliquis, tamen si refragatur Valla: sed complurimum auctoritas Vallæ reclamatur: mittito ad me tuorum quempiam, est domi tuæ quispiam, cum quo jure debeam expostulare. Quispiam, & ullus, inter se conveniunt. Siquidem, præterquam, quod habent plusculum vehementia, quam superiora, illud quoque peculiare obtrinent, quod gaudent vel negatione, vel signo Si, vel Ne, prohibentis, vel interrogatione, ut haud ullus mortalium ista possit præstare. Haud possit mortalium quisquam ista præstare. Si quisquam est qui sapientiam cum eloquentia conjunxit, certe Tullius is est: vide, ne quisquam hinc aufugiat, Cave, ne quoquam oculos tuos à meis dimoveas: an est quisquam, qui suam amicam se præsentem? Num quisquam est mortalium tam patiens? Similis est ratio adverbiorum, usquam, & uspiam, quantum ad signa pertinent.

## CAP. XLVIII.

*De propositione generali.*

**H**is jactis, ceu fundamentis, ad ἰσοδυναμίας, id est, æquipollentias progrediamur, Propositionem generalem, vel uti vocant universalem, variis modis efficitur: Primum, propriis ac peculiaribus signis: omnes amicos alienavit. Deinde, per negationem: neminem non alienavit, Tum

per interrogationem: quem non amicum alienavit? Virg.

*Quas gentes Italum, aut quas non oravaris urbes?*

Nulli non maledicis. Duplex generale signum non licet eodem modo vertere. Cic. cum omnibus omnia minabatur: omnibus omnia invidet: Neque enim rectè: nihil non invider alicui, omnibus maledicis: quis est cui non maledicas? Omnia dixit, quid non dixit? Ut autem interrogatio addita negationem generaliter affirmat: ita citra negationem generaliter removet. Quid possit dici stultius? id est, nihil dici possit stultius. Deinde per signa infinita: Haud pepercit cuiquam: non est ullum veritus: Haud ullum veritus: haud ullum facinus est reliquum, quod non peregerit: non excepit aliquem: neminem excepit. Idem efficitur per Quantum, & quicquid, & si quod aliud. Quantum est hominum venustiorum, id est omnes venustiores: quicquid erat copiarum eo traduxit, id est omnes copias: Et si quid erat copiarum amisit, id est omnes copias. Si quid alias sibi bonæ famæ compararat, id nunc perdidit. Redditur generalitas ceu proverbiali figura, ut cum dicimus: Miscebis sacra prophanis, id est omnia. Item: Juvenesque senesque, id est omnes: neque magnum neque parvum, id est nihil. Est & infinita propositio. Per fas nefasque, id est quocunque modo, quo jure, quave injuria. Idem efficit, ad unum; Virgilius.

*Si non exosus ad unum.*

*Trojanos.*

*Id est, omnes Trojanos.*

## C A P. XLIX.

### *De propositione non generali.*

**N**onnihil est vel aspicere, id est, aliquid est. Nonnulli pluris faciunt pecuniam, quam fidem. Non nemo, pro aliquis M. Tull. Non nemo etiam in illo sacrario Reipub. in ipsa, inquam, curia non nemo hostis est. Idem: cum esset non nemo in senatu.

senatu, qui diceret non oportere. Inest & infantibus nonnihil ingenii. Non omnem pecuniam absumsit, id est, est quam non absumserit. Qui legat argentum factum, non omne legat argentum. Omititur interdum signum manente sententia. Sunt qui pecuniam anteponant famæ, id est, sunt aliqui. Horat. Est ubi peccet, id est alicubi peccat. Est qui plures agros occupet, id est aliquis. Vbi subauditur quiddam: est in quo mihi possum magnopere gratificari, id est, quidam. Negatio iterata nonnunquam necessitatem significat, non affirmationem simplicem: ut, non possum non ridere: non possum non mirari: non potest non volvi cælum: non potest non stare terra: non potest non verum dicere veritas. Id accidit duntaxat in hoc verbo possum.

## CAP. L.

*Elegantia signorum.*

**I**llud igitur observandum, ne signorum differentias in variandis propositionibus confundamus, id quod fere faciunt hi, qui vulgo Dialecticam profitentur. Non erit tibi res cum quoquam, id est, cum nemine tibi res erit. Non erit tibi res cum quolibet homine, id est, cum homine singulari, ac præstanti: Altera est negativa, altera affirmativa, & longe diversam habent vim.

*Non cuivis homini contingit adire Corinthum,*

Id est, non contingit, nisi præcipuis. Non contingit ulli. Vides, quanto aliud pollet. Non amat quempiam e ministris. Non amat aliquem, id est, neminem. Non satis amat quendam, unum significat quem oderit. Non satis tibi favet quidam. Hoc sensu quidam usurpant, Certos: per certos homines hoc fœdus diremptum est. Iussus est ad cerum diem adesse. Non tibi favet quisquam: tota ratione dissident. Non recuso quemquam, recte dicitur. Non recuso quemlibet, perperam, nisi in diversa sententia. Non excludit omnes, id est, quosdam non excludit. Non excludit quos-

quos liber, significat, delectu quodam alios exclusos fuisse alios admissos. Omnia folia huic arbori decident, vere dicitur, universa decident, falso. Singulos salutavit; non salutavit quemlibet. Lupæ unumquemlibet admittunt, id est citra delectum quoscunque. Vide ne cui dicas, id est nemini dixeris: Vide ne dicas cuiquam: vide ne cuipiam dixeris: vide ne dixeris alicubi: vide ne mortalium ulli dixeris. Hactenus idem pollent. Vide ne cuivis, aut ne cuilibet dixeris, id est, vide cui dicas, & vide ne temere apud hominem quemcunque effutias. Omnes sibi malunt esse recte, quam aliis. Sibi quisque vult esse recte potius, quam aliis. Idem pollent. Nemo non malit sibi recte esse, quam aliis. Singuli sibi malunt esse bene, quam aliis. Hactenus idem pollent. Universi sibi malunt esse bene, quam aliis, inepte diceretur, propterea quod universi peculiarem vim habeat. Toti respondet aliquantum, quod aliquam partem significat. Semper respondet aliquandiu, id est, aliquanto tempore, ut superius admonuimus; Omnis redditur per quantum: itidem totus redditur per quantum, & quam longus. Homo quantus erat, humi prostratus est, id est, totus. Virgil.

*Nunc hyemem inter se luxu quam longa fovere.*  
Id est totam hyemem.

## UTERQUE, NEUTER.

Uterque utrique est cordi; mutua est affirmatio. Uterque alteri est odio, mutua item id est mutuo sese amant, mutuo sese oderunt. Neuter alteri fidit, mutuam diffidentiam significat. Neuter neutri, non perinde diceretur. Id genus orationem tot ferme modis variamus: Uterque alterum odit: Uterque utrumque odit: Alter alterum odit: Oderunt alter alterum: mutuuum oderunt: Oderunt se mutuo: Oderunt invicem: Oderunt inter sese. Mutuum inter ipsos est odium: Neuter alterum amat: Alter alterum vicissim odit.

## S E M P E R.

Semper generalitatem habet temporis. Cui contrarium. Nunquam : huic subiectum est Aliquando. Semper litigas : nunquam non litigas : quando non litigas ? Num quando non litigas ? An est quando non litigas ?

## S Æ P E.

Sæpe respondet aliquoties infinito. Multis aliquot : magno aliquantus : sæpe opponitur raro. Neque raro admonui, id est, admonui frequenter. Haud sæpe me visit. Plerunque, ferme, fere nonnunquam, & ipsa generalitatis quiddam obtinent. Ita ferme ingenium est hominum : eo ingenio plerique sumus. Fere fit ut divites habeantur in precio, id est, fere fit apud omnes. Temere, in oratione negativa, similem vim habet : haud temere pervenit ad frugem, id est, fere nunquam, aut vix unquam.

## C A P. L I.

*De varietate negationis.*

**I**nterdum unica negatio idem efficit, quod duæ. Neminem audit : ne parentem quidem audit : non audit vel parentem. Nemo parem referre gratiam parenti potest, ne malo quidem : nec malo parenti quisquam parem referre gratiam, potest : non potest par gratia rependi patri, vel malo. Non reliquit ille nec ruinam : Ne ruinam quidem reliquit.

## D E T R I B U S N E G A T I O N I B U S.

Tribus interdum negationibus nihilo plus efficitur quam una, aut duabus. Non veretur neque deos, neque homines : Neque deos neque homines veretur : non veretur aut deos, aut homines. Non me-  
tuit

tuit hominesve deosve, in carmine. Conduciplicare negationem asseverandi gratia, Latinis etiam receptum est, si modo non iteretur sola. Non faciam, non inquam. Græci solum iterant, interdum etiam citra asseverationem: ὅ μὴ πικρὸν ἴσσι, id est, non bibam amplius. Est autem Atticis familiare, plures negationes pro una congerere. Manentibus iisdem signis, tamen interdum variatur propositio, & mutatis, manet eadem mutato verbo, ut: Omnes admittit: omnes rejicit: Neminem admittit: omnibus displicet: nemini placet: nulli non displicet: nulli placet. Hic animadvertendum, quæ verba cum quibus pugnent.

### SYNONYMA NEGANDI.

His ferme vocibus removemus, Non, haud, nec, neque, haudquaquam, neutiquam, minime, minus, parum, absit, dii prohibeant, bona verba, quidvis potius, omnia citius, & quæ sunt his similia. Inter quæ, haud, & haudquaquam, plusculum habent vehementiæ, quam non: Neutiquam, adseverationem habet peculiarem. Minime, plus quidquam significat, quam negationem. Homo minime malus, id est, quidvis potius, quam malus. Parum, modestius removet: Parum eruditus, ne parum multa scire videretur, id est, ne pauca, sive non fatis. Minus diversam habet naturam. Interdum comparat duntaxat: Utrumque diligit, famam & pecuniam, sed illam minus quam hanc. Interdum negat duntaxat: Homo minus mihi notus, id est, parum notus. Nam cum ea voce minus convenit, id est non convenit. Interdum pariter utrumque facit. Quintilianus capite de narratione. Cum interim, quod tanquam facile contemnunt, nescias, præstare velint minus, an possint. Terentius in Hecyra: Non illud tibi factum minus placet, quam mihi Laches; neque hic, placet, pro displicet positum, ut exponunt Grammatici. Quis enim sanus id faciat? Sed minus, perinde valet, ac si dicas: non amat me Dionysius, & minus te, id est, me magis odit, quam te. Subaudiendum

endum est enim factum utrique non placere. Atque ita minus, simul & negat, & comparat.

## CAP. LI.

*Connectendi formula.*

**V** Erum de his accuratius disquirere, magis ad Dialecticos pertinere videtur. Ceterum ad hujus operis rationem satis arbitramur, utrumque paucis attingisse. Nunc ad reliquas formulas aliquot accingamur, ac primum connectendi. Videmus enim in mediocriter etiam eruditis eam virtutem desiderari, ut apte, concinneque orationis membra, atque articulos, ceu nervis quibusdam committant. Sed quibus anfulis minutiones orationis particulae sint committendae, id prope fuerit infinitum explicare. Majores his ferme modis connectuntur. Præterea, Deinde, quod sæpius, apud M. Tull. reperitur: pro Deinde, Seneca usurpat, Subinde, sed cum significatione celeritatis, hoc est, pro mox. Idem facit Sueton. Præcipuum est sterus columbarum: proximum caprarum, ab hoc ovium, deinde boum. In nostro orbe proximum laudatur Syriacum, mox Gallicum: Mox usurpat Plinius, aliquot locis, proinde. Item. In quo principatum tenuit Bæotia: deinde Sicilia, mox Africa. Primo loco, secundo, aut tertio loco, proximum ab hoc, Porro, porro autem: quod nō jam, quasque majoris sermonis initio convenit: annotatore Donato. Ceterum, quo licebit uti, quoties ad diversa digreditur oratio. Tum, pro præterea. Ad hoc: Ad hæc, quod apud Græcos *μετὰ τούτοις*. Cum hoc, similem habet usum. Super hæc, pro eo quod est, præter hæc, locis aliquot usurpavit Sueton. Super ingenuorum paedagogia, & super innumeram turbam. Adde his: Accedit his: Accedit ad hæc. Huc accedit: Huc pertinet. Eodē pertinet. Huic confine est illud. His finitimum est. Ad hanc formam pertinet: Ad hunc ordinem referendum est: Huic proximum est: Illud haud quaquam prætereundum silentio. Sed operæ precium

precium est illud audire. Jam, aliquoties eandem vim habet; vox Quinriliano præcipue familiaris. Deinde cum progressu incandescit oratio. Jam vero. Age vero. Quid quod, & consimilia. Jam vero quid referam; Age vero ad bellum in Africa gestum veniamus. Quid? quod suos etiam incescit. Quin, quinetiam, insuper, ad hoc pertinent genus. Interim, & per occupationem connectemus: ut ne dicam interim, ut omittam domesticas hujus sordes. Nam illud quid attinet commemorare? Nam hæc alias. Sed illud tuo loco dicetur. Interim per dubitationem: ut illud. Eloquar an fileam? Nunc, idem valet. Nunc ad id, quod secundo loco dicturos nos sumus polliciti,

## CAP. LIII.

*Transitionum varia formula.*

**T**Ransitionibus varie connectitur oratio, siquidem aliquando sumuntur ab æquali: At erant hæc jucundissima, neque minus voluptatis attulerunt illa. Interdum ab inæquali: Sed hæc utcunque ignoscenda, illud quis ferat? Audistis gravissima, sed audietis graviora. A simili: ut, hæc perfidia designavit, cujus generis sunt & illa, quæ nuper Romæ patrasse dicitur. A contrario, ut: sed hæc privatim, nunc quæ publice: Hactenus quæ domigessit, nunc quæ sub signis. Sed hæc juvenis peccavit, nunc senis virtutes audietis. A diverso: De moribus habes, nunc de doctrina reliquum est ut dicamus. Quasi per occupationem: jam ad reliqua properabimus, sed si prius illud unum adjecerimus. Per reprehensionem: Verum de his plus satis: quorsum nos transversos abripuit dolor? Ad rem redeamus. Quid his immoror? Ad id quod est hujus cause caput, festinet oratio. A consequentibus sive relativis: Habes quid in illum contulerim beneficiorum, nunc quam gratiam mihi retulerit, audi: Quid pollicitus sit, expositum est, nunc quid ille præstiterit, paucis accipite.



## CAP. LIV.

*A re, & persona.*

**G**eneralis variandi formula est à re, & à persona, ut : nihil opus est meis monitis : nihil opus est me monitore. Te suasore : tuo suasu : Te impulsore : tuo impulsu. Te instigante : tuo instinctu. Te hortatore : tuo hortatu. Te auspice : tuis auspiciis. Te duce : tuo ductu. Te consule : in tuo consulatu. Te doctore profeci : tua doctrina profeci. Patrem consulem non desinit jactare : patris consularum sine fine jactat. Gloriat de formosa uxore : de uxoris forma gloriatur. De te incolumi superis habeo gratiam : de tua incolumitate gratulor superis. Diseruiat animum uxor impudica : diseruiat animum uxoris impudicitia,

## CAP. LV.

*Ex more.*

**E**X more : Tranquillus dixit, de more. Maro, pro more. Patrio more, citra præpositionem. More hominum facit. Non insolens istud facis. Pro vetere consuetudine. Solens meo more fecero : nihil præter solitum. Hoc apud Scythas solemne est. Ita Suetonius. Mos vel moris est : usu publico receptum est.

## CAP. LVI.

*Subornandi.*

**S**ubornavit accusatorem. Submisit è consularibus viris, qui regio genere ortam pejerarent. Supponi puerum. Subdere ova in nidum alienum. Submissiui. Suppositiui partus, Subditici partus. Terent. Ne credas à me allegatum hunc senem, pro subornatum. Cicer. Allegarem ad te illos.

illos, à quibus intelligo me præcipue diligere. Quint. Er ad eos allegandum est, id est, subornandi sunt, qui persuadeant. Ita servi allegant precatorem. Hinc allegationes dicuntur subornationes. Translatum est hoc ad citantes auctorum testimonia, qui veluti subornantur cum nobis diffiditur.

## CAP. LVII.

*Renovandi.*

**V**etus Atheniensium exemplum renovemus. Pristinum morem revocemus. Gratias egit, quod pristinum morem retulisset. Redeamus ad intermissa studia. Studium intermissum repetamus. Bellum redintegrarunt. Divum instauramus honores: Templum instar prioris, quod conflagravit excitavit. Libertatem amissam restituit. Odium verus eo dictorio recruduit: Recanduit ira. Refrigit illi veteris injuriæ memoriam. Horat. Cras ingens iterabimus æquor. Iteranti noxam non est ignoscendum.

## CAP. LVIII.

*Finales formula.*

**T**U vigilas uti durescas: ego laboro, quo doctus evadam. Objurgo te, quod reddam meliorem: Ut melior evadas, ob id objurgo te. In hoc reperta Musica, ut animos delectet. Ad id adhibendæ literæ, ut nos reddant melius moratos. Cui rei paras opes? Demulcendis animis excogitatus est usus vini. Huc repertæ sunt disciplinæ. Hunc literis genui, hunc negotiationi destinavi filium. Quo mihi divitias? Quorsum opus est nummis? Quo spectas? Quo tendis? Quem scopum tibi proponis? Huc pertinent orationes illæ, quas de supino priore posuimus. Spectatum veniunt, &c.

## CAP. LIX.

*Causales formula.*

**N**on dico quo quenquam habeam cariorem: Non dico, quod parum tua mihi placeant. Ob id te sæpius reprehendo, quod impensius amo. Quoniam impensius te diligo, ob id te sæpius admoneo. Ideo nulli places, quia tibi nimium places. Quando tu me negligis, tui quoque curam abjiciam. Age revocentur copiæ, quandoquidem ita tibi videtur. Horatius: Jubeas miserum esse libenter, quatenus id facit. Ad eundem modum locutus est Plin. in epistolis: Maneat puella posteaquam sponso jucunda est. Posteaquam mihi non credis, alios in consilium adhibe. Virgil. Quando hæc te cura remorder. Neminem ex animo amat, in causa est pecuniæ studium. Pertinent & illa ad formulam *ισοδυναμίας, αἰτιολογικῆς*, id est *causalem*. Amo Socratem, utpote virum integerrimum. Odi Dionysium, quippe tyrannum. Amplector Petrum, ut optime de me meritum: Demiror te, qui fidem habeas Afro. Erras, qui credas, alios tua diligentius curaturos, quam te ipsum. Stultus es qui id speres: Impudens qui id postules. Delector Augustino, viro nimirum festivissimo. Delector Augustino, ut qui vir sit moribus festivissimis. Amo Nicolaum, tanquam hominem mei amantissimum. Contemne pecuniam: quid enim ad bonam mentem confert? Amandus est tibi Cicero, siquidem te diligit effusissime. Semper in manibus habendus Tullius; nam hoc uno auctore Latine disces. Unus Cicero vere Latinum potest reddere, proinde pueris hic semper in sinu gestandus. Optimus dicendi magister Terentius, quare semper est evolvendus. Quo mihi rectius esse videtur, & eo magis, & hoc libentius id negotii suscepimus. Non habes quam ob rem mihi succenseas. Non est cur mihi succenseas. Horat. Non est quod multa loquamur. Cicero: In viam quod te des hoc tempore, nihil est. Succenset, eaque gratia nos non visit. Luget, atque ob id vocatus

vocatus ad coram excusavit. Potest nonnunquam omitti signum. Parentem amo, parricidam non amo, id est, quod parens est, hoc nomine amo, quod parricida, hac de causa non amo. Ponifici debeo honorem: Alexandro non debeo.

## CAP. LX.

*Quod, εἰδικώς.*

**E**ἰδικώς accipitur, cum speciem generi subjicit. Gaudeo, genus est: Quod me amas, species gaudii. Potest aliquis multis variisque de causis gaudere, sperare, dolere. Genus autem & speciem dico Grammaticorum more, non Dialecticorum. Quod meæ nugæ non omnino displicent doctis, gaudeo: Gaudeo meas nugas non omnino displicere doctis. Quod res tibi feliciter evenierit, lætor: Lætor rem feliciter evenisse, Quod uxorem duxeras, nondum audieram: Quod puellam repudiaris, demiror: Demiror te repudiasse puellā. Quod literas reliqueris doleo: Doleo te reliquisse literas: In hujusmodi orationibus. Quod, εἰδικώς accipitur, quod tamen apud Græcos est usitatus in ὄν. Latini magis gaudent infinitis verbis, nisi species præmittatur, ut: Quod pater revaluit, gaudeo.

## CAP. LXI.

*Ut, εἰδικώς acceptum.*

**E**odem modo nonnunquam accipitur Ut, veluti, Spero fore ut factō gaudeas: Confido futurum, ut minime facti poeniteat. Non committam, ut usquam videar officio meo defuisse. Efficiam ut intelligas, mihi quidvis potius, quam fidem defuisse. Da operam ut revaleas: Cura ut valeas. Fac uti nos ames: Fac uti sciam.

## DIGNUS, &amp; INDIGNUS.

Dignus, qui quam diutissime vivat: Dignus ut quam diutissime vivat: Longissima vita dignus: Dignus quam diutissime vivere, in carmine Martial.

*Dispercam si in Pyladi prestare matellam,*

*Dignus es:*

Horatius:

*Digna sequi potius, quam tortum ducere funem.*

Meritus est cui laurea imponatur: Promeritus es, ut tibi decernatur triumphus. Indignus tuo amore. Indignus quem ames; indignus ut abs te diligatur: Indignus abs te amari, in carmine. Horat: Indigni fraternum rumpere fœdus. Idoneus est qui bellum gerat. Idoneus ut bellum gerat. Idoneus bello gerendo. Idoneus bellum gerere. Horat: Fons etiam rivo dare nomen idoneus. Idoneus ad gerendum bellum. Non me dignatur alloquio, non me dignatur alloqui. Dignum patella operculum. Res digna cognitu. Res digna quæ cognoscatur. Res indigna tua cura: Indigna, quam tu cures. Res est infra tuam dignitatem.

## D. E. C. E. T.

Haud decet simiam purpura: dedecet simiam purpura. Indecora est simiæ purpura. Parum decorum est loquacem esse virginem: Ornat mulierem silentium, dedecorat garrulitas. Haudquaquam decora est simiæ purpera. Haud decet imperatorem una cum amica ire in via. Haud decet, ut te loquentem, ego sileam. Quod solus ambulas id parum te decet. Demitte pallium: nam sic indecore sedes. Hic gestus virgini indecorus est. Ista petulantia juveni dedecorosa est. Quod huic honestum est, tibi est inhonestum, quod huic pulcrum est, tibi fœdum est. non congruit, non convenit, non quadrat.

## NECESSITAS.

Exorandus est pater. Vigilandum ei, qui velit ditescere. Vigilet oportet qui cupit ditescere. Vigilare necessum est eum, qui rem cupit facere. Vigilet necesse est, vel necessū est, qui velit dives evadere, Qui literas assequi cupiat, uti suadet, necessitas est. Nam sic Quintilianus subinde loquitur. Non potest non dolere, qui læsus est. Fieri non potest, quin doleat is, cui fit injuria. Abibis volens nolens. Nel velis nolis, hinc abibis. Non mihi possum temperare quin lachrymem: Non me contineo, quin clamem: Cogor, compellor. Huc me adegit inopia. Huc redigit fortuna. Ad hæc traxit necessitas. Huc satis pertrahor. Huc obtorto collo trahor. Invitus dicam, coactus dicam.

## LIBERTATIS.

Utcunque voles facito: ut libet rideto. Quidlibet & dicas & facias licebit, tuo arbitraru facito: tuo arbitrio rem gerere. Utcunque visum erit agito. Animo tuo gerito morem. Obsequere animo tuo. Ex animi tui libidine facito. Pro animi tui sententia rem tractabis. Ut animo lubitum erit tuo, ita facias. Utcunque feret animus facito. Liberum est, seu velis à pacto discedere, seu manere conventis. Nunc integrum non est tibi, hac de re quod velis statuere. Mihi jus est creditum, abs te reposcere. Ius tibi facio pro tuo arbitrio transigendi negotium. Tibi permitto quomodocunque velis vivere. Age tuo more. Sine me nunc meo more vivere. Tibi in manu est, utrum malis efficere. Penes illum est jus vitæ ac mortis. Summa rerum penes te est. M. Tull. ut ad te familiariter & quasi pro meo jure scriberem. Idem in Verrem: Quem jure suo adire aut appellare posset.

## STATUENDI.

Decretum est. Deliberatum est: Certum est: rat. sententia: Visum erat: in animo habebam: Erat

Erat in animo : Non est animus : Non est sententia : Non est sententiæ : Non est consilium, sive consilii : Non erat ratio, apud Ciceronem. Placebat : Placitum est senatui : Decrevit senatus. In eam sententiam pedibus ibant omnes. Statueram in animo : Mecum, statueram : Utrum utro melius nondum statui : Constitui hoc anno navigare. Est mihi in animo hoc vere navigare, Virg.

*Si mihi non animo fixum immotumque sederet.*

Mihi nihil æque propositum in vita, quàm tibi per omnia gratificari. Si ita animum induxisti tuum : Destinaram in animo : Hic murus aheneus esto.

### ASSENTIENDI.

Assentior tibi : Tecum sentio : Consentiebant universi : In tuam sententiam pedibus eo. In eam sententiam reliqui omnes pedibus discedebant. Cic. frequentes ierant in alia omnia. Accedo tuæ sententiæ. Non his accedo, qui Pythagoræ sequuntur opinionem : Tuo iudicio subscribo. Sententiæ tuæ meum addo calculum : Ea sententia plerisque probatur : Idem sentio quod tu : Sententiæ tuæ nemo non suffragabitur. Hæc mihi tecum conveniunt : Hactenus omnia mihi tecum constant : Hac de re summus est inter Philosophos consensus. Huic sententiæ frequenter acclamatum est, ὁμολογοῖς. Græcè, ejusdem sententiæ ejusdemque suffragii dicuntur : ὁμολογοῖς ejusdem opinionis, ejusdem sectæ vocantur : Idem uno omnes ore confirmabant, omnibus eruditorum calculis sive punctis eloquentiæ princeps M. Tullius.

### DISSENTIENDI.

Longe, lateque abest : Dissentio. Ego longe diversa sentio. Multo aliter atque tu sentio. Ei sententiæ refragabuntur omnes. Isti sententiæ nemo non reclamabit, mihi tua sententiâ neutiquam probatur. Magnopere nostra cum tua pugnat opinio. Variatum est sententiis. Id unum est nobis con-

roversum. Id solum est in controversia, vel in contro-  
verso. Equidem ab opinione tua nimium absum:  
Multum à tua mea discrepat sententia. Longe se-  
cus atque tu sentio: Haud mediocriter à tua mea  
dissidet opinio: Nimium inter tuam atque meam  
interest opinionem. Plurimum à tua mea distat opi-  
nio. Mihi secus videtur. Diis aliter visum est, Huic  
sententiæ milites adversabantur.

## P R E C A N D I:

Quod agis, bene fortunent superi: Quod agis be-  
ne vertat. Feliciter cadat quod instituisti. Diu cœpta  
secundent. Optime cecidit: Bene vertat Reip. Sit  
felix faustum, bonumque Reip. Feliciter cedat no-  
bis omnibus. Hanc affinitatem precor, ut Deus no-  
bis omnibus lætam esse velit: Feliciter exeat quod  
cœpisti. Prospere succedat quod agis. Ex animi sen-  
tentia procedat, quod aggressus es. Deum optimum,  
maximumque precor, ut istud consilium quàm est  
honestum, tam sit etiam auspdatum. Precor ut bo-  
nis avibus Italiam adeas, melioribus redeas. Pre-  
cer ut hic annus tibi lætis auspiciis ineat, lætioribus  
procedat, lætissimis exeat, ac sæpius recurat semper  
auspicatior, feliciorque: Precor ut hic dies tibi can-  
didus illuxerit. Incolumem reditum opto liberis tuis:  
Precor ut apud tuos omnia lata reversus offendas:  
Vtinam prospere naviges, similique successu rena-  
viges. Bonis auspiciis ancoram solvas. Precor ut  
diis optatis omnia respondeant. Faxint superi; ut  
alba tibi contingant omnia. Velim, ut ex voto res  
omnis succedat. O si res ita ut volumus nobis eve-  
niat: Preor ut tibi secunda occurrant omnia. Precor  
ut Diis secundis faventibusque negotium hoc confi-  
cias: Quæso ut hanc rem stultissime cœptam, Superi  
nobis bene vertant. Nihil malim, quam ut his  
pulcherrimis cœptis dextra aspicerent numina:  
Quæso ut quod instituisti, superis bene fortu-  
nantibus absolvas. Precor hic contractus com-  
modo sit utrisque. Precor ut hoc matrimonium  
voluptati sit omnibus nobis.



## PRIMI SUPINIVARIATIO.

Venit repetitum depositum: Venit ad repetendum depositum: Venit ad repetendam pecuniam: Venit repetendi depositi causa: Venit ut depositum repetat. Venit repetiturus depositum: Venit repetere depositum: Græcanicum hoc postremum: Tamen si Poëtæ Latini ab hac loquendi forma non abstinere, præsertim Horatius.

## CAP. LXII:

*Dividendi formæ.*

**O**Mnis eloquentia rebus constat & verbis. Rerum universitas decem generibus continetur: Officium Oratoris in quinque partes distribuitur. Oratio sex partes complectitur. Oratio sex partibus absolvitur. Primum genus sex continet species. Quidam in septem species secant, Reip tres formæ Reipub. in tres dividitur formas. Enthymema non simpliciter accipitur. Syllogismus trifariam dividitur: Omnis argumentatio in formas octo diducitur. Id genus in partes septem derivatur. Huic generi species subiectæ sunt decem. Summa divisione in duo genera digeritur, quorum utrumque in species complures distrahitur. Præjudiciorum vis omnibus in generibus versatur.

## CAP. LXIII:

*Distributi.*

**B**is me tuæ delectarunt literæ, partim quod essent mirum in modum elegantes, partim quod eximiam quandam in me benevolentiam præferrent. Pars ingenium, alii corpus exercebant, duriuscule dixit Sallustius, sed eleganter. Utrumque fratre alienavit à sese, unum morum asperitate, alterum

rum fordibus. Corpore atque animo constat homo, alterum cum pecudibus habet commune, alterum cum Diis. Neminem non lacescit, hunc scriptis, illum convitiis, alium minis. Hunc negligit, hunc odit. Verum id magis in carmine quadraverit. Geminatio verborum interdum habet vim, leporem alias, Cic. alios assentatione delinit, alios muneribus corrumpit, alios promissis illectat. Modo ait, modo negat. Interim objurgat, interim inepte blanditur. Quod quidem Fabianum est. Nunc neminem admittit, nunc omnibus occurrit.

## CAP. LXIV.

*Prohibendi aut impediendi signa.*

**N**emo prohibet ire quenquam publica via. Tu me prohibes, ne publica ingrediar via. Quod minus affecutus sis, fortuna in culpa fuit, non ego. Impedimento fuit, quo secius lex ferretur. Haecenus rescribere non licuit per valetudinem, etiamsi per occupationes licuisset. Ego id agam qui ne detur, apud Terentium legimus: Metuo ut ferre possis, id est, ne non possis. Etiamsi hic Ut, pro Quomodo positum videri possit. Id utile, ut ne quid nimis. Uti ne, pro ne: quemadmodum apud Græcos *ὡς μή*. Non veto quin quæ velis, facias. Suetonius in Tiberio: intercessit, quo minus in acta sua juraretur, id est, obstitit, inhibuit, impedimento fuit. Per me non stetit, quo minus viceris. Exclusus tempore non venit, id est, temporis angustia obstitit, quo minus veniret.

## DUBITANDI.

Non dubito quin cupias redire. Non dubito te cupere reditum. Res in ambiguo est. Nondum satis constitui. Adhuc anceps animi sum. Adhuc hæreo. Etiam dum *ἰστέω*, id est, expecto quod est Academicorum. Nondum huc aut illuc inclinat sententia. Adhuc in æquilibrio vacillat animus utroque nutans,

tans. Hactenus suspendo decretum animi. Nondum liquet: Ampliatum est iudicium.

## SINE, ET CITRA.

Citra præceptoris operam doctus evasit. Sine præceptore doctus evasit. Nullo præceptore doctus evasit. Absque pecuniis nihil efficias. Extra jocum, pro, sine joco, dixit Tullius.

## OSTENTANDI.

Ostentat ingenium. Jactitat natales suos. Jactat se de natalium splendore. Vendicat sibi eloquentiam. Mire sibi placet de specie corporis. Ubi que majorum imagines deprædicat. Sunt qui vulgo sanctimonie specie se venditant. Ipse sui præco est, ipse sui ipsius tibicen est. Ipse suarum virtutum apud omnes canit encomium. Mirum quam ipse sibi pulcher est. De majorum nobilitate gloriatur. Plurimum sibi tribuit: Suis ipsius suffragiis tantum non Deus est. Sibi Suffenus est. De generis nobilitate, dictu mirum, quas tollat cristas, quæ erigat cornua.

## CORRIGENDI, SANANDIQUE.

Huic incommodo paulo mederi possis. Huic malo illud erit remedio. Quod jactu cecidit, id arte corrigas. Mendum litura tollitur. Animi morbos sanat Philosophia. Corporis vitia ingenii dotibus pensantur. Febre levatus est. Malis omnibus mors semel liberat. Oculorum vitia ruta emendat: Orationis vitia Grammatica castigat. Philosophia morbos animi tollit, medicaturque. Dentium cruciatum vinum lenit: Uteri tormina levat malva. Capitis dolores mitigat somnus. Sedat tormina: Fugat pruritus: Sopit dolorem: Levat dolorem: Stomachum labascentem fulcit vinum vetus: Stomacho conducit pervigilium: Uxoris vitium aut mutandum est, aut ferendum: Morbis omnibus arte succurritur.

Soli senectuti subveniri non potest: Adversus podagram efficax est apium. Contra carcinomata valet mel. Obstitit ebrietati cicuta. Adversus alvi tormina remedio est crepitus.

### BLANDIENDI, sive HORTANDI.

Dic age: Dic sodes: Dic obsecro: Dic quæso te: Dic amabo: quod frequens est apud M. Tull. Blanditur, Assentatur, Palpatur, Horat. Palpum obrudere. Plautus. Demulcere caput. Ad gratiam loqui. Dare auribus: Trebonius Cicero: Noli putare mi Cicero, me hoc auribus tuis dare. Cæsar: Auribus Vari serviunt, id est blandiuntur. Fac virum te præbeas. Quid habes quod ad hæc respondeas? Cedo. Agedum. Eia age: vide sis. Quin uno tu verbo rem expedis?

### T V A C A V S A.

Nolim id esse verum, vel tua causa. Tibi metuo: mihi gaudeo. Omnium nomine doleo. M. Tull. Nam ego eo nomine sum Dyrrachii hoc tempore, ut quam velerrime quid agas audiam. Carull. Eone nomine imperator unice fuisti in ultima occidentis insula? Tua gratia munus hoc suscepi. Vicem tuam doleo. Commoda illi respectu mei. Qua loquendi forma usus est Quintilianus. Invenitur & contemplatione tui. Tui causa, In tuam gratiam hæc feci.

### V T R V M N E C N E.

Vise utrum redierit, an non. Vise num jam redierit, an nondum. Vise redieritne domum nec ne. Vise redierit, an non. Cogita famæ malis consulere, an pecuniæ. Cogita famæne malis consulere, an pecuniæ. Cogita famæne malis consulere, an pecuniæ. Cogita an famæ malis consulere, an pecuniæ. Cogita num famæ malis consulere, quam pecuniæ. vide si potes esse possessor. Cic. in Orat. suo lib. 2, Si pro an dixit, imitatus Græcos, apud quos ei bifariam significat.

CON-

## CONCEDENDI.

Finge hominem vivere. Fac ita esse. Fac potuisse. M. Tull. Facite hoc meum consilium legiones novas non improbare, Ut donemus ita esse: Ut hoc interim tibi concedamus. Ut hoc interim tibi largiar. Cic. Ut non referat pedem, insistat tamen. Cat. Non est in nostra potestate, sed in natura, ut tamen multum sit in nobis. Pone sic esse in tabulis: Esto sane: Sit ita sane. Ut maximè jusserim, non erat tuum id facere: Etiam si quid asperius dixisset, tuum erat obticescere. Sed imaginare me donasse, non potes tibi rem vendicare. Et si maxime donassem, non tibi jus est rei vindicandæ. Donarim sane, non statim tibi jus est injiciendi manum.

## PARUM ABESSE.

Pene scopum attigeras. Prope scopum attigeras. Propemodum attigeras scopum. Parum aberas à scopo. Parum absuit, ut scopum attigeris. Parum abest quin scopum attigeris. Res parum aberat à pugna. Parum aberat quin pugnarent. Minimum aberat ut homini manus injiceret. Minimo minus scopum attigeras. Plaut: Nihil fuit propius, quam ut perirem. Vix hominem cohibui, quod minus manum injiceret: Tantum non conferebant manus. Tantum non adorabant, quod Græcis est familiarius, *μέγιστον*, i. e. *propemodum*. Sueton. de Tyberio Cæsare: Civilem admodum inter initia, ac paulo minus, quam privatum egit. Paulo minus dixit pro propemodum, ac paulo post: Quod paulo minus utrumque evenit, i. e. parum absuit, quin utrumque evenerit. Idem de eodem. Sed tantum non statim à funere ad negotiorum consuetudinem rediit, id est, propemodum statim à funere, pro tantum non. Terent. dixit, modo non: Is senem pellexit per epistolam, modo non montes auri pollicens. Nihil longius absuit, quam ut hosti me dederem. M. Tull. Nec mihi longius quicquam est, quam videre hominum vultus.

## INCERTITUDINIS.

Annos natus est ferme viginti: Annos natus circiter octoginta. Circa lustra decem, dixit Horat. Annos natus est plus minus quadraginta. Ad dies viginti. Cic. cum annos ad quinquaginta natus effer: Hora quasidecima. Apud Sueton. Annos habet haud scio an duodeviginti: Puerum annos natum fortasse decem. Sallust. Diu in incerto habuere.

## CAP. LXV.

*Correctionis, & Occupationis formula.*

**I**N pietate, præcipua felicitatis pars, vel tota potius felicitas hominis sita est. Sallust. Vulgi more magis quam iudicio. Doctrina nihil ad virtutem conducit, imo nonnihil officit. Tibi præcipue atque adeo tibi uni calamitatem hanc acceptam ferre possumus. Ducem hostium intra mœnia, atque adeo in senatu videmus. Tuum opus vidi magis, quam legi. Græcas literas degustavit verius, quam didicit. Bonas literas sedulitate sua depravavit, vel (ut verius dicam) evertit. Bonas literas non dico depravavit, sed funditus evertit. Suos omnes læsit: quid dixi læsit? imo subvertit, M. Tull. Sed in hoc ferendus meus error. Ferendus autem? Imo etiam adjuvandum. Quem Historicum citius dixeris, quam Poëtam. Lucanum relegi, non tam Poëtam, quam Historicum. Ni pater esses, dicerem te desipere. Hic exercitus ductor, pene dixeram seductor. Vertit Homerum, pene dixeram pervertit. Respondebo non orationi tuæ, sed convitio. In summa: Correctio fit, vel augendo, vel minuendo, vel commutando. Augendo. M. Tull. in Catilinam: Qui de hujus urbis atque adeo orbis terrarum exitio cogitant. Idem pro Plancio. Insector, posco, atque adeo flagito. Hæc sermonis forma frequens est apud Ciceronem: Minuendo, ut: sic hic vivimus, aut vitætamus verius. Commutamus aut in contrarium verbum, aut in aliud commodius ac significantius. Pro hospite hostem

stem fovi domi meæ. Hic legationibus non immoratur, sed immoritur. Hic patrimonium omne absumsit, aut, ut melius dicam, abligurivit. Idem aliquoties facit. At, Terent. Fucum factum mulieri: At quem Deum? M. Tull. Una mater oppugnat, at quæ mater? quia &c.

## CAP. LXVI.

*Auctores citandi formula.*

**U**T Ciceroni placet, auctore Platone, vel quia hoc sensit, vel quia suavit, vel quia narrat. Nam trifariam utuntur hac voce, teste Varone. Si Terent. credimus: Ut refertur apud Plinium: ut ait Protagoras Platonice: ut apud Xenophontem Simonides dixit. Epicuro teste, felicitas in voluptate sita est. Aristoteles bonorum tres ordines fecit. Non spirare animal, cui non sit sanguis calidus, auctor est Theophrastus. Apud Plinium scriptum est, elephantos decimo demum anno parere. Pyrrho negat quicquam sciri posse. Id verum esse testis est Livius. Exstat in annualibus. Veterum litteris proditum est: Ejus sententiæ complures citat auctores. Ad eam sententiam quam plurimos allegat testes. Eam sententiam multorum auctoritate tuetur. Huic opinioni Plinius astipulatur. Huic sententiæ suffragatur Plato. Idem sentit Pythagoras. Aristoteli animal est etiam spongia. Plinio sentiunt & arbores.

## CAP. LXVII.

*Variatio Imperativi modi.*

**V**Ale, valeas, fac valeas, valeto, valebis, idem pollent: & in quibusdam futurum subjunctivi: Memineris, pro memento; oderis, pro odio habeto. In ceteris item si addideris prohibendi signum: Ne dixeris, ne dicas, ne dic.

## CAP. LXVIII.

*Variatio futuri.*

**P**oenitebit olim te. Futurum est ut olim te poeniteat. Spero te gavisurum facto. Brevis, opinor, tædebit te hujus vitæ: opinor fore ut brevi te hujus tædeat vitæ. Spero futurum, ut facto gaudeas. Dixeris egregie. Horat. Alligaris filium. Terent. Abibit hinc propediem. Abiturus est hinc propediem. In ea vero periphrasi, futurum est ut repetat creditum. Latini videntur reddere Græcam figuram *μᾶλλον λίσσεν*, id est *disturus est*. Est autem familiaris Ciceroni: necessaria quoque, quoties in verbum inciderimus, quod futuro careat. Ut, spero fore, ut artem brevi perdiscas. Nam perdisceiturum non poteras dicere. Est futurum quoddam quasi mixtum cum significatione præteriti. Ut, priusquam tu domum redeas, ego epistolam perscripsero. Antequam in portum pervenies, navis solverit. Si tales animos in pugna præstaberis, vicerimus, sive vicimus: id quod finitimum esse videtur *τῷ μὲν ὀλίγον μᾶλλοντι*, i. e. *paulo post futuro*: Quanquam id alioqui Latini circumloquuntur per jam, jamjam, & mox. Jam aderit. Similis jamjam morituro: Mox audies. Sunt in quibus necessitate abutimur futuro subjunctivi, ut meminero, odero, novero. Ad futuri significationem pertinent & illa: Confido commentarium hoc studiosis probatum iri: Et, perspicio te perditum ire filium.

## CAP. LXIX.

*De periphrasi generali verborum.*

**C**omune fere est modis omnibus, ut per Fio verbum, aut similia circumloquamur. Ita charus eris omnibus: Ita fier, ut charus sis omnibus. Hoc modo effugit invidiam. Hoc modo factum est, ut effugerit invidiam. Utinam ex æquo me ama-



amares: utinam fieret, ut ex æquo me amares. In uxorem pessimam incidi. Mihi usu venit, utin pessimam uxorem inciderim.

## CAP. LXX.

*De Modo Potentiali.*

**A**D modum porentialem fere pertinent, quæ per Potest, aut Debet, aut simile verbum, exponi possunt. Quid agas cum eo, qui nihil intelligit? Est, quod rideas, non est quod invideas: Videas & flumina sicca: cerneres alios trepidare, alios circumspicere fugam: Vidisses omnes obmutescere: Equidem istud non affirmarim: dixerit hic aliquis: maturius venisses. Et apud Terent. prædiceres, pro prædicere debuisses: Græci addunt syllabam, αὐ, λέγεις αὐ.

## CAP. LXXI.

*Æstimandi verba.*

**P**Lurimi me facit. Parvi habet, pro nihilo ducit: nihil pendit, pro minimo ducit: ne hujus quidem facio δεικτικῶς, i. e. *demonstrative*, ostenso pilo aut flocco. Maximo in pretio est apud omnes. Plurimi fit apud omnes. Magni habetur apud suos. Pili non facio. Nauci non facio. Flocci non facio. Boni consulere M. Tull. Tranquillissimus autem animus meus, qui totum istud æqui bonique facit. Terent. Istud æqui bonique facio. Sallust. Supra ea, veluti ficta pro falsis ducit. Idem, Fidem suam interposuit, quam non minoris, quam publicam ducebat. Idem. Quæ primæ mortales ducunt, id est quæ plurimi faciunt homines. In gratiam habere, pro eo quod est beneficii loco ducere, dixit Sallust. Denique regi patefecit, quod pollicebatur, senatum & populum Romanum, quoniam armis plus valuissent, non in gratiam habituros. Nihil habere pensi, pro non curare, dixit Sall. Neque id quibus

modis assequeretur; dum sibi regnum pararet, quicquam pensi habebat. Idem, Nihil pensi, nihil moderari. Idem Vilia habere, pro contemnere. Fidem, fortunas, pericula vilia habere. Unius æstimmus assis, dixit Catull. contra Grammaticorum leges. Cassa nuce non emam: Filius eodem est apud me pondere, quo fuit ille. Cic.

## C A P. LXXII.

*Emendi formula, & similia.*

**N**imio emisti, non revendes tantidem. Nimio liceris: Minoris addicturus erat. Quanticunque indicaris, tanti mercabor. Vide, ut quam maximo æstimes: Non refert quanti res ipsa sit, sed quantopere tibi sit opus ea. Tu tuum agrum pluris conducis, quam ego meum emerim. Paulo locas ædes tuas. Cupiam maximo, si queam. Eme quam potes minimo. Revende, quam potes plurimo.ASSE non emerim totam Ciceronis tamam. Labore Dii bona sua vendunt: Vili vendunt, minoris non possunt. Non emit, qui nihilo emit. Care emit qui rogat. Extrude merces quanticunque potes, vel gratis alicui obtrudito, si secus non potes. Redimas te captum quanti potes, quanto potes, pro minimo. Si nequeas paulo, at quanti potes. Cui addictus est ager? Ludovico. Quanti? Frumentum additum est, sed nondum admensum. Quanti proscripsit ædes? ducatorum myriade. Quanti cornastis? percare. Magno hic vivitur. Amatur vilissime. Bassius carius cacat, quam bibit. Magna mercede canit: Maximo tacuit Demosthenes. Quanto metiris precio? Juvenalis. Quanti stipulatus es? Thais decem millibus drachmarum noctem venditabat. Nimio constat elegantia. Sueton. Quorum uni mellita quadragies festerrium constiterunt. Hic enim subaudietur sufferendi casus, quadragies centum millibus:

## CAP. LXXIII.

*Discriminis formula.*

**N**ihil interest, facias an dicas. Nihil refert, per te facias, an per alium. Parvi mea refert quid nolis aut velis. At mea plurimum refert. Quid interest, utrum facias, an instiges? Plurimum interest, maxime refert, quo tempore virum adeas. Equidem haud magno in discrimine pono, apud T. Liv. & apud Val. Max. respondit se vita malle excedere, quam metu violentæ mortis amicos, inimicosque juxta ponere. Sallust. Adero, me vosque omnibus in rebus juxta geram. Virg.

*Tros Tyriusque mihi, nullo discrimine agetur.*

Utrum probes, an improbes, manum non verterim. Ad ista sum indifferens: ita Suet. Quædam perquam tenui limite dividuntur, apud Fab. Verane sint hæc an ficta, nihil laboro. Utrum scripseris an dixeris nec ne manum non verterim. Susque deque fero. Susque deque habeo. Instigasti, perinde est ac si feceris. Ex æquo in noxa es: tandum dempeccasti. Citra discrimen amat, ac laudat omnes. Citra delectum omnes in familiaritatem receptat. Omnes promiscue mordet. Passim hæc prædicat. Apud quoslibet hæc dicit. Amussis alba in albo lapide.

## CAP. LXXIV.

*Affirmandi.*

**P**romisit se venturum. Promisit, maxime, etiam: pro quo Græci *παρ*. M. Tull. Si non quomodo tabulas conficis? Si etiam, quamobrem, &c. Idem. Quasi aut etiam, aut non, non modo verum esset, sed necessarium. Hunc locum ideo adduxi, quod sunt qui putent etiam, non esse confirmantis. Scilicet, admodum. Quam lubentissime, benigne: Sic habet. Sic erit. Ita est, factum est,

est. Plane. Mirum ni, Haud dubie. Dubio procul. Liquet. Constat. Confessum est. In Confesso est. Extra controversiam est. Certum est. Pro certo. Compertum. Liquido. Indubie. Indubitato. Certo certius. Vero verius est. Veriora his quæ apud Sagram gesta sunt.

## CAP. LXXV.

*Accusandi formula.*

**A**ccusatus est sacrilegii. Hic se furti alligat. Postulatus est repetundarum. Delatus proditiōnis. Cæsar comment 7. Principes civitatis insimulat proditiōnis à Romanis. Reum egit, vel per egit. In jus voca. Lege agito. In jus ambula. In jus duxit hominem. In justrahis. Litem intendit. Dicam scripsit. Filius cum patre litem agitat. Cum opulentissimo viro illi lis est. Cum Mida iudicio decertat. Accersitus est capitis. Delatus est sacrilegii. Peculatus reum peregit. Plaut. ad tres viros deferam tuum nomen M. Tulli. nomen hominis amicissimi detuli. Idem: Delationem nominis postulavit. Idem, Roscii nomen deferendum curavit. Diem illi dixit. Tit. Livius: Cæsoni capitis diem dicit. Idem, rei capitalis diem Posthumio dixerunt. Eum talionis agentem exceptione repulit. Agit cum eo malæ tractationis. Damnatus est repetundarum, vel de reperundis. Absolutus injuriarum. An quisquis gratiam cum possit non refert. ingrati teneatur. An teneatur Reipubl. læsæ, qui quod sibi licuit, fecit. Læsæ religionis sit actio. Nec audacem timoris absolvimus, dixit Seneca. Ad hanc formam pertinent illa quæ referuntur in titulo laudandi ac vituperandi. Cic. jam de majestate postulavit Plaut. cras subscribam homini dicam. Idem. Cum istā causam subscriberent. Unde subscriptores dicuntur ii qui cum accusatore causam, & crimen subscribunt, & actori adfunt. M. Tulli Accusabat M. Aquilium, subscriptore C. Rutilio Ruffo. Inde & subscriptio. Incusat senis parsimoniam. Insimulat

mulat herum avaritiæ. Cauſſatur tutorum perfidiam.

## CAP. LXXVI.

*Formula utilitatis.*

**N**ihil æque conducit ad beate vivendum. Nihil ad parandas opes conducibilius. Nihil ad eam rem confert. Plurimum adfert adjumenti. Utilis ad parandos amicos aſſentatio. Plus adfert voluptatis, quam utilitatis. Plurimas ad res hic libellus uſui ſuurus eſt. Ad id patrũs inprimis adjuvare poterit. Quid faciunt ad virtutem nummi? Libet quidem, verum non expedit. M. Tull. Viſum eſt mihi hoc ad multa quadrare. Utinam hæc res tam frugiſera tibi ſit, quam futura eſt honeſta. Utinam tantundem frugis adferat quantum adfert gloriæ. Ad id ſola doct̃rina fuerit adjumento. Ad hoc pecunia magno adminiculo futura eſt. Ad id haud mediocriter adminiculantur vires corporis. In id quoque prodeſt ornatus, Fabianum. Non parum ad id efficiendum momenti habet fama integra? Neque vero illud mediocriter profuerit: Adjuvat hoc quoque. Hac ratione nihil profecimus, reliquum eſt, ut diverſam ingrediamur viam. Nihilo plus explicet, ac ſi inſanire paret, id eſt: Nihilo plus proficiet. Horat. Eruditio ad pietatem plus adfert diſpendii, quam compendii, & non tam promover, quam moratur. Calida ſunt amica ſtomacho, dulcia conducunt hepati. Quod ſtomacho confert, idem prodeſt cerebro: quod ad ſtomachum facit, idem capiti ſalutare eſt: quod ſtomacho bonum eſt, idem cerebro commodum eſt. Laſtucæ alvo deſciciendæ efficaces, & ad ſomnum conciliandum idoneæ. Ad ciendos menſes valet malva: Alvo ſiſtendæ, ſunt utiles fabæ aſſæ. Stomachum acuunt, excitant, irritant appetentiam edendi. Hac in re ſolus hic tibi poterit commodare. Plurimum commoditatis ac feret pecunia ſtudioſo. Utinam tam tibi commodo ſit, quam mihi fuit grave. Magno meo malo tentavi.

Et

Et sine pronomine. Livi. Loquendo quæ in rem non essent die consumpto. Idem: Si è Repub. censeret, veniret M. Tull. Facis ex tua dignitate, & è Repub. Idem: Scio quæ studio dixerit, è Rep. dixisse. Fecisti tuo commodo, nostro incommodo. Si judicabis in rem tuam esse. Si putabis ex usu tuo fore. Si putabis è re tua fore. Pro te facit quod dico. Ad philosophiam Dialectica viam aperit, viam sternit, viam præstruit. Ad eam rem jam jacta sunt fundamenta. Ætites partus adjuvat, inflationem stomachi discutit, Pectoris dolores levat, Bilem extrahit, Piritam detrahit, Mensium abundantia auxiliatur, Adversus serpentes in vino datur. Deplo-ratis auxilio est Chironia. Morbis omnibus medicatur Panace. Elleborophthiriasis emendatur. Datur ad serpentum ictus Chelidonia. Rhododaphnes folia homini præsidio sunt adversus serpentes. Aviditatem cibi facit acetum, valet ad ciborum appetentiam irritandam. Absinthium fulcit stomachum labentem: *Ὠσόνυχα* dicuntur Græcis, quæ stomacho conducunt: Nullum operæ pretium fuerit.

## C A P: LXXVII:

*Prælagii formula:*

**S**OL purus oriens neque fervens, serenum diem nunciat, concavus oriens pluvias prædicit. Si circa occidentem rubescunt nubes, serenitatem futuræ diei spondent. Sin spargentur, pluviam ventosque significabunt. Cum orienteradii non illustres eminebunt pluviam protendunt. Si in exortu rubescunt nubes, maxima ostendetur tempestas. Si oriens cingetur orbe, ex qua parte is se aperit, expectetur ventus. Si totus defluxerit, serenitatem dabit. Lunæ cornu septentrionale acuminatum inde prælagit ventum. Sic enim frequenter usurpat hanc vocem Plinius, ut prælagire non sit præsentire, sed portendere. Si quartam orbis rutilus cinget, ventos & imbres præmonebit. Na-  
fcens

scens obatro cornu, pluvias decrescens dabit. Rubicundam venti protinus sequuntur. Autumni serenitas ventosam hyemem facit. Volitantes stellæ ventos nunciant. Eadem in plures disjectæ partes, inconstantes ventos effundent. Cum ab Aquilone nocte serena fulguraverit, ventum & imbrem demonstrabit. Nubes vehementius atræ ab oriente, in noctem aquam minantur: Nube gravis candicante, grando imminebit. Nebulæ cælo cadentes, serenitatem promittunt. Pallidi ignes tempestatum nuncii sunt. Mare in tranquillo portu intra se murmurans, ventum prædicit: Camporum fragor, & cæli murmur non dubiam habet tempestatis significationem. Echini affigentes sese tempestatis signa sunt. His modis locutus est Plinius: Ipsa cæli facies futuram tempestatem loquitur. Exoriens Notus venturam pluviam præmonet. Iris imbrum est nuncia. Halcyones nidulantes, futuræ tranquillitatis fidem non dubiam faciunt. Præcox pueritia vaticinium est vitæ brevis. Immodica felicitas, signum est futuræ calamitatis: Crispantes undæ nautis coorturos ventos demonstrant. Qui bene conjiciet, hunc vatem puta optimum. Stridor dentium in ægrotis, mortis indicium est: Dentium series brevis & continua, longævitatē arguit. Occursus puellæ nuper nuptæ, felix auspiciū est: Occursus virginis, parum læti ominis est. Nec dubias significationes sæpe fecit, ne reliquis quidem se parsum. Suet. Evidens specimen dedit, qualis sit futurus Princeps. Ex pueritia divina, qualis sit futurus senex: Hinc collige, hinc augurare, hinc ratiocinare.

## CAP. LXXVIII.

*Officiendi formula.*

**P**iorum esus stomacho gravis: Dulcia stomachum lædunt: Acida concoctioni officiant: Salsa noxia sunt hepati, Lac virilem stomachum offendit. Adustra, inimica biliosis. Non obli-

stam.

stam. Non fuero impedimento. Non obturbabo. Non reluctabor. Non obstrepam tuis conatibus. Non renitar. Non reclamo. Non remorabor institutum tuum. Fabius: Aures minus feriunt, pro offendunt, dixit.

## CAP: LXXIX.

*Functionis formula.*

**G**essit consulatum: Ubi tum Proconsulem agebat: Prætoris officio fungebatur. Dictator erat. Bellum administrabat. Siciliam obtinebat. Ita Cicero frequenter, pro administrabat. Alioqui obtinet, qui impetrat: Provinciæ præsidebat: Annona præfectus erat. Regia negotia procurabat. Munia tribunitia obibat. Obire bella, dixit Livius. Obire legationes. Cic. Censui præerat. Cum imperio esse, est habere magistratum. Gerere potestatem, dixit Cic. in Verr. 4. Idem dixit piraticam facere. Hoc negotiū tibi mandamus. Tibi provinciam hanc delegamus. Duram suscepisti provinciam. Duram sustines provinciam. Fac, ut imperatorem te præbeas. Vide ut te præstes amicum. Scurræ, non amici functus es officio. Ego te absente tuis fungar vicibus. Tuas agam partes. Tuarum partium est, sive tuæ partes sunt, retundere petulantiam hominis. Defunctus consulatu. Defunctus vita. Defunctus malo. Defuncte periculis. Virgil. Defendere vicem. Horatius:

*Defendente vicem modo Rhetoris atque Poëta.*

Pontificis personam gerit. Paulatim exercuit principem. Suet. pro eo quod erat, functus est munere Principis. Tractare Remp. Gubernare Remp. Ducere bellum. Gerere, exercere bellum. Navare operam. Satagit rerum suarum. Ducere exercitum. Patrare bellum. Quæ duo verba Fabius notat à Salustio novata in usum honestum, cum ante fuissent obscæna. In familia bene instituta omnes in officio sunt. Non deero officio meo: nusquam cessabo in officio meo. Sallustius, Curare dixit absolute. Nam is in ea parte curabat,



## CAP. LXXX.

*Quibus modis tribuimus aliquid.*

**S**ummo ingenio puer. Summi ingenii puer. Summus ingenio puer. Summus ingenium, Poëcum est. Vir admiranda sapientia: Vir admirandæ sapientiæ. Vir admirandus sapientia: Vir admirandus sapientiam, in carmine: Vir incredibili præditus sapientia: Vir omnijugis corporis atque animi dotibus exornatus. Vir omnibus instructus dolis: Vir ex meris mendaciis conflatus, atque compositus. Id omnibus natura insitum est: Id natura nobis indidit: Ita natura comparatum: Id cunctis attribuit natura. Multa vitia nobis recepta consuetudo conciliat, nonnulla natura ingenerat. Omnibus innatum est, ut vitam suam incolumem esse velint. Id vitii non tibi natura adjunctum est, sed accersitum ac receptum prava consuetudine. Inest in homine incredibilis quædam astutia: inest homini.

## CAP. LXXXI.

*Titulorum.*

**E**Jus rei meminit Plato in Dialogo, qui inscribitur *συμπόσιον*. Teste Cicer. in eo lib. quem inscripsit Oratorem perfectum. Plinius in opere, cui titulus. Historia mundi. Varro in Satyra, cui titulum fecit: Nescis quid serus vesper vehat. Virgil. in Alexide: Terent. in Adelph: Hesiodus in opere, cujus titulum nuncupavit, Opera & dies: Erasmus in libello, cui titulum indidit, De verborum copia: In commentariis, quibus titulum prætulit, De nugis aulicorum: In Odarum libro, quem Sylvas nuncupavit. In Phormione Terentiana.

## CAP. LXXXII.

*Gratulandi.*

**G**Audeo te nobis optantibus incolumem esse redditum. Gratulamur tibi victoriam. Sic enim loquitur Sueton. & Seneca. Item M. Tull. Appellat hominem, & ei voce maxima victoriam gratulatur. Isto nomine tibi gratulor. Gratulamur de victoria. Gratulor vicisse te. Quod victor redieris, vehementer gaudeo. Te nova prole auctum esse, gaudeo. Salvum te advenire, volupe est. Lætor tuo nomine, quod uxor feliciter peperit. Quod gener tibi tantopere probatur, magnopere tua causa gaudeo. Voluptati mihi est, quod tibi res ex sententia cesserit. Tua gratia gaudeo, quod res præter spem bene verterit. Tuam vicem lætor, qui prospere pugnâris. Maeste. Maeste istius animi. Terent. Abi, virum te judico. Item in Adelph. Syrus.

## CAP. LXXXIII.

*Gratias agendi.*

**Q**Uod tam officiose me commendaris Principi tuo, gratiam & habeo, & habiturus sum immortalē. Quod tanta fide mea negotia procuraris, pares gratias agere vix possum, referre nequaquam. Quod me passim amantissime prædicas, video quantum debeam tuo in me studio. Quod meis commodis tantopere studes, & habetur à me gratia, & semper habebitur. Quod argentum ad diem promissum reddidisti, amo te, & habeo gratiam, Terent. Ecquid nos amat de virgine? M. Tull. Quod mihi polliceris, valde te amo. Idem: Multum te amo, quod spondidisti M. Octavio. Factum bene quod epistolam obsignatam remiseras. Quod nos pro tua virili tueris, gratum est. Grates persolvere dignas, non opis est nostræ. Virg. Fateor me tibi magnopere devinctum esse. Hoc nomine plus tibi debeo, quàm ut unquam solvendo esse possim. Hoc officio

officio arctius me tibi astringisti. Obligationem me tibi fecisti, devinctiorem reddidisti. Magis obnoxium effecisti, quam ut vel verbis agere gratias possem. Major est nostra necessitudo, quam ut vel tu mihi, vel ego tibi, pro ullo officio debeam gratias agere. Majus est hoc beneficium, quam ut orationem postulet.

## CAP. LXXXIV.

*Referendi beneficium.*

**G**ratiam referre. Reponere merita. Rependere officia. Pensare beneficium. Remunerare beneficium. Remetiri beneficium. Reddere beneficium. Resolvere beneficium. Respondere meritis. Par esse beneficiis acceptis. Efficiam ut tuum in me officium ad te non sine fœnore redeat. Fœnoratum hoc beneficium tibi, pulcre dices. Dispercam, nisi beneficium istud tibi conduplicaverit. Statim regerere beneficium, est nolentis debere. Hoc non est referre beneficium, sed refutare. Certe mutuis inter nos officiis. Beneficium ultro citroque commeare debet. Cum fœnore reponendum quod acceperis. Quisquis grate munus accipit, jam gratiam retulit. Retaliare injuriam. In malam partem. Respondere malefactis: Reponere injuriam: Pensare, Remetiri, Referre, ac ferme omnia, & in malam partem possunt accipi. Invenitur & retaliare apud Gellium, in bonam partem; neque natura vocis refragatur, id tamen est iniustitius.

## CAP. LXXXV:

*Originis verba.*

**H**Aud dubito, quin hæc ab amore quodam in me singulari profiscantur. Universum hoc malorum agmen è bello nobis natum est.

Hinc

Hinc omnis illa simultas inter eos orta est. Tumalorum omnium auctor. Cupiditas pecuniæ vitiorum omnium parens. Invidia totius hujus odii seminarium fuit. Natura nobis parvulos igniculos dedit. Hinc omnis illa turba venit: Hinc fluxit: Hinc manat omne quo beati reddimur. Horat. Græco fonte cadunt. Hinc scateret omnis illa vitiorum colluvies. His fontibus totus ille tumultus rerum extitit. Hinc surgunt odia. Hinc lites proveniunt: Hinc veniunt jurgia. Ab his exordiis Romana nobilitas ducitur. Ominum magnarum rerum à diis immortalibus principia ducuntur, dixit M. Tull. in Vatinius. Regibus ortus: Roma oriundus: Atavis edite regibus: Maximis prognatus ducibus: Sate sanguine divum. Ex his pullulant odia; Gliscunt invidiæ: Subnascitur simultas: Fruticantur dissidia: Sylvescunt factiones. Illa è Philosophorum fontibus haurienda: Reliqua è Poëtis petenda:

## CAP. LXXXVI.

*Pensandi.*

**Q**UOD corporis viribus deest, id ingenii donis exæquat. Quod corporis formæ detractum est, id animi dotibus natura pensavit. Tu opulentior, nos eruditiores, atque ita tecum paria fecimus. Absentiam nostram crebris literis sarciamus. Quod hætenus cessatum est, id oportet diligentia recuperare. Quod illius stultitia peccatum est, id tua sapientia restituas oportet. Quod illius inscitia admissum, id oportet, ut tua prudentia redimas. Supplendum diligentia, quod ingenio deest. Quod corpori detractum, id ingenii dotibus accessit. Studio reponendum, quod negligentia præteritum est. Quod ademptum fortunæ est, id ingenii dotibus additum est. Quantum corporis viribus deest, tantum animi virutibus superest. Natura quod alibi detrahit, alibi reddit. Quod suis eripit, hoc hospitibus accumulat. Ovid.

*Ingenio formæ damna rependo mea.*

Famæ dispendium, pecuniæ compendio refarcit.  
Famæ jacturam pecuniario lucro solatur.

## CAP. LXXXVII.

*Aptitudinis formula.*

**Q**Uære uxorem aptam tuis moribus, aptam ad tuos mores. Amicum delige tuis moribus appositum, accommodatum: vel, ad tuos mores, amicum delige; qui tuis moribus, vel ad tuos mores conveniat. Non est natura compositus ad artempoëticam. Ostentationi compositum, dixit Fabius, pro eo quod est, ad ostentationem paratum. Idem: Jure magis an æquo sit appositus, id est, propensior ad jus, an ad æquitatem. Rursus idem: constatque rebus ad faciendam fidem apposis. Ad mathematica videtur esse propensior. Vir maximis rebus, vel ad maximas res natus. Vir factus ad hujus nequitiam. Ad hujus mores factus, fictus, sculptus esse videtur. Adeo ad hujus mores quadrat. Oratio non est naturæ consentanea. Facta non respondent orationi. Hæc non competunt in senem. Hæc non competunt viro gravi. Non hæret in Catonem hujuscemodi crimen. Non consentiunt tui mores cum hujus moribus. Non concinunt tua atque hujus studia. Non concordat hujus institutum cum tuo. Concinnus transitus. Concinna digressio. Ista non cohærent, non consistunt. Non cadit in sapientem, animi perturbatio. Non recipit tua simplicitas adulationis suspicionem. Non congruunt literæ cum studio pecuniæ.

*Non bene convenient, nec in una sede morantur  
Majestas, & amor.*

## CAP. LXXXVIII.

*Ablegandi verba.*

**H**ic mihi est ablegandus aliquo. Puerum hunc prius amanda quopiam. Hunc Argum aliquò,  
fi

si potes, amolire. Non possum hunc amovere quopiam. Ego hunc neque uti amittam à me neque uti retineam, scio. Non possum memet ex hoc grege nebulonum excutere. Hic utcunque est extrudendus aliquo.

## CAP. LXXXIX.

*Proficiscendi.*

**R**us hinc abeo : Rus hinc concedo, discedo, abscedo, decedo. Galliam repeto, inde Britanniam aditurus. In Italiam iter instituit. Tum Neapolim cogitabam. Apparas iter, adornas professionem? componis sarcinas. Ingressus est viam. Quo paras proficisci? Quo paras professionem? Quo tendis? Quo te Mœri pedes? Quo tenetis iter? Quonam iter est? Rus me confero. Domum me recipio. Domum revertor. Certum est in patriam revolare. Certum est veteres amicos revisere. Redde te patriæ. Fac recurras in patriam. Restitue te tuis. Fac te quamprimum reducem videamus. Ad rem inutile est subinde movere castra. Haud temere dicescunt, qui crebro vertunt solum.

## CAP. XC.

*Conatus.*

**D**A operam ut convalescas. Cura ut revalescas. Enitere ut cum parentibus in gratiam redeas. Annitere totis nervis ut in virum tuo genere dignum eyadas. Illud totis viribus agito, ut parentum expectationi facias satis: Pro virili conatus sum, pro mea virili, pro viribus. Hoc unum stude, ut te in regis benevolentiam insinues. Literis incumbas: In hæc studia incumbito: Ad id eluctare: Ad hoc invigila: Efficies, si modo advigilaris. Vigilandum est, qui sua negotia velit tempori conficere. Manibus pedibusque connitere: Id unum elaborat: Eo velis equisque contendit: Huc velis remisque festi-

festinat: Horat. Hoc studium parvi properemus & ampli. Ut doctus evadat, dies noctibus continua: In eare vehementer est sudatum: In id plurimum laboris exhaustum, exantlatum. Rem perdifficilem conamur: Rem adquam molimur: Summo nixu: Summa ope: Summa vi: Quantum potes adlabora. Pecuniæ causa nihil non tum facit, tum patitur.

## CAP. XCI.

*Explicandi, & Implicandi.*

**U**bi his malis emerfero Ubi his turbis memet extricavero. Ubi ex his negotiis me expedivero. Cum ex his negotiorum exiero labyrinthis: Simulatque his me tumultibus exsolvero: Vbi his è nugis memet excussero. Si quando licebit memet ex his negotiorum fluctibus emoliri. Si licebit ab his curis discedere: Si continget liberari, levare: Si quando ab iis negotiis me ipsum vindicavero, asservero, absolvero: Vbi ex iis malis eluctatus fuero: Vbi ex his calamitatibus enataro: implicatus malis. Involutus negotiis. Districtus curis: Occupatus negotiis: Distentus: distendi, distineri negotiis. Distorqueri curis: Immerfus, obrutus, opertus negotiis. Intricatus, impeditus, illigatus, obvinctus, dispunctus. obseptus, oneratus negotiis, oppressus, oppletus. Tot me res circumvallant. Tot me pericula circumstant, circumfistunt, obsepiunt, cingunt, obsident, premunt, urgent.

## CAP. XCII:

*Verba Finis, seu Propositi.*

**S**Toici in una virtute summum bonum constituent. Epicurus felicitatem voluptate metitur, Peripatetici usu virtutis beatitudinem definiunt Herillus in scientia summum bonum collocat:

Quidam in indolentia boni finem posuerunt. Est qui in pecunia felicitatem sitam esse existimet. Maxima pars hominum spectat utilitatem. Pauci sibi proponunt honestum. Huc omnes conatus tui spectant, ut direstas. Huc respicis, huc tendis. Omnes spes meas in te uno fixi. Quidam famæ serviunt. Alii lucri rationem habent. Hic voluptatem ubique sequitur. Ille caprat gloriam. Hic ad privatam utilitatem omnia refert. Huc reliqua omnia sunt conferenda. Huc omnia illa pertinent, spectant. Hor. Quorsum hæc tam putida tendunt? In hoc etiam popularem laudem petit. Admirationem Aristoteles maxime petendam putat. Illud genus ostentationi compositum, solam petit audientium voluptatem. Negotiatorum unicus scopus est pecunia.

## C A P. XCIII.

*Qua est impudentia,*

**S**icrimen illi palam objicias, sat scio, qua est impudentia: vel, cujus est impudentiæ: vel: ea est hominis impudentia, inficias ibit. Vel sic: Sat scio, ut est impudens, inficias ibit. Vel sic: Sat scio, pro solita sua impudentia, inficiabitur. Quamquam hoc postremum minus habere vehementiæ videtur. Adeo est impudens, ut mox sit inficiaturus. Ut nunc sunt mores, id est, pro hujus seculi moribus. Ut est barbarorum ingenium, id est, pro conditione barbarici ingenii.

## C A P. XCIV.

*Quàm ut, Quàm qui.*

**V**ir melior est, quàm qui velit mentiri: Simplicior, quàm qui possit. Superbior est, quàm ut velit doceri. Stupidior, quàm ut possit discere. Adeo pauper est, ut nec obulum habeat. Adeo ignavus, ut malit inedia perire, quàm artem discere.



discere. Sic de me meritus es, ut tibi succensere non debeam. Sic mihi charus, ut irasci, ne si velim quidem, possim. Melius de me meritus es, quam ut tibi possim succensere.

## CAP. XCV.

*Bene est.*

**B**ENE res habet. Bene se res habet. Bene habet. Bene est. Optime est. Bene tibi habent principia. Optimo in loco res est. Pejore in loco res esse non potest. Quonam in statu res sunt tua?

## CAP. XCVI.

*Mea sententia.*

**M**Ea quidem sententia. Pro mea quidem sententia. Utego quidem sentio. Ut mea fert opinio. Meo quidem animo: Plautinum. Meo iudicio. Ut mihi quidem videtur. Ni fallor. Si quid iudico. Meo quidem suffragio. M. Tull. vicit Demosthenem. Tuo calculo victus est.

## PLUS, ET PLUS QUAM

Audivi plus millies. Audivi plusquam millies. Calefces plus satis. Plusquam satis. Huiusmodi orationes omnes bifariam proferuntur in adverbis, ac nominibus in verbis non itidem. Sapit plus quam expedit. Mulier plus, quam decet, crudita. Ilus quam necesse est, facunda. Rursum, vixit annos plures quam decem, vel plures decem. Plus quingentos colaphos infregit mihi. Plusquam quingentos: plures quingentis: Amplius quadraginta, dixit Suet. Hoc igitur orationis genus quadrifariam effertur. Amplius & non amplius, interdum præponitur, interdum subjicitur, interdum interferitur. M. Tull. Cum enim Syracenis amplius centum cives Romanorum cognoscerent,

id est, plures quam centum. Cæsar: amplius horas quatuor fortissime pugnaverunt. Pompejus L. Domitio: Non amplius quatuordecim cohortes Luce-riam coëgi: hic præponitur. Terent. Sexaginta annos natus es, ut conjicio, & eo amplius. M. T. Laodice viginti pondo paulo amplius, hic subjicitur. Virg. Tres pateat cœli spacium non amplius ulnas: hic interferitur. Eodem ferme modo usurpatur, Plus. Cic. pro P. Quint. Ac tecum plus anno vixit in Gallia. Idem pro Planco: Sed non plus duobus aut tribus mensibus: hic præponitur. Terent. Dies triginta aut plus eo, in navi fui: hic in medio ponitur. Centum desiderati sunt, aut plus eo. hic postponitur. Hunc igitur sermonem ita varies licebit. Amplius ducenti desiderati sunt, Ducenti & eo amplius desiderati sunt, Ducenti desiderati sunt, & eo amplius. Desiderati sunt plus quam ducenti, Desiderati sunt plures ducentis.

## A D S U M M U M

ut minimum.

Semel hominem salutavi, aut ad summum bis. Ut multum: Ut plurimum, non minus, Saltem. Ut minimum, Ut minimum dicam. Non amplius, cum plurimum, quam septem horas dormiebat. Ita Suet.

## C A P. xcvi.

*Morem gerendi.*

**M**Os gerendus est patri: Morigerandum est patri. Obsequendum est patri. Patri obsecundandum. Patri concedendum. Inserviendum. Observiendum paternis moribus. Accommoda te paternis moribus. Præbe te illis ad tempus. Attempera te moribus omnium.

## CAP. XC VIII.

*Rogandi.*

**M**Ajorem in modum te rogo. Etiam atque etiam oro: Obsecro te atque obtestor: illud unum abs te magnopere peto, contendoque. Illud à me vehementer contendebat. Efflagitasti quotidianis convitiis. Imploravit opem hominis. Eblanditus est favorem. Exambiit, reperitur apud quosdam. Extorsit potius, quam exoravit. At istud poscere est, non rogare. Flagitabant verius, quàm orabant.

## CAP. XC IX.

*Ignoscendi.*

**R**emifere multam: Hanc unam ignosce culpam. Remisit offensam. Condonamus amissum. Terent. Condonamus argentum quod habes. Sallust. Condonare creditum. Daveniam juvenilibus erratis. Jurisjurandi gratiam facere pupillis non potest, est in Pandectis. Idem apud Sallust. Ceterum Boccho, quoniam pœnitet, delicti gratiam facit. Item Suet. Conjurandi gratiam fecit. Ad quædam vitia convenit connivere.

## CAP. C.

*Abrogandi.*

**R**escindere conventa. Abrogare legem. Abdicare legem. Antiquare, abolere legem. Obsolescere, neutrum. Sustollere legem. Irritare pacta. In integrum restituere. Mutare pacta. Obliterare legem. Hæc lex abiit in desuetudinem. Exolescere metum dominorum, dixit Plinius in epist. pro extingui, atque intercidere. Nusquam tui beneficii memoria apud me intermorietur. Deposuit imperium: Abdicavit magistratum. Abdicatus à magistratu, dixit Sallustius.

## CAP. CI.

*Ornandi.*

**C**Omere, expolire, perpolire, exornare, venustare, picturare, honestare. Pigmenta, flosculi, lecythi, Veneres, venustas, lepos, nitor, gratia gratia decus. Lenocinia, emblemata, compositio. colores, myrothecia, fuci, phalera, dignitas, cultus, polities.

## CAP. CII.

*Inter cœnam.*

**I**Nter cœnam. Sueton. & Senec. Inter cœnandum, super cœnam, cœnantibus nobis, in cœna; idem efficiunt. Inter jocum, Sueton. Inter jocandum. Sic inter conventum, pro, in conventu, dixit Suet. & inter pœnam, pro inter puniendum. Per jocum. Inter pocula. Inter potandum.

## CAP. CIII.

*Post cœnam.*

**P**ost cœnam, à cœna, sub cœnam Nam Sub significat & paulo ante, vel protinus post. Cic. Sub hæc lectæ sunt tuæ literæ, id est, post hæc. A tuo reditu. Post tuum reditum.

## CAP. CIV.

*Similitudinis.*

**E**St & diversarum rerum quædam inter se similitudo, affinitas, cognatio, vicinia. His finitima sunt illa. His confinia sunt illa. Simiæ figura multum ad hominis formam accedit. Puro tamen fonti quam flumini propior. Non multum à tuis moribus hæc abludit imago. Huc alludit illa Terentiana sententia, Virgilianam dictionem æmulatur, exprimit, refert. Haud multum abest, dissidet, discrepat à tuis moribus. Ab hac ratione non multum

multum abhorret Fabius. Ejusdem generis est & illud. Ejusdem farinae, proverbialiter. Ejusdem notæ. Ejusdem classis. Mel loci, atque ordinis hominem. Ex aliquo circulo, dixit Cic. E sinu suo, pro, è suis familiaribus, dixit Cicer. & Plutar. Ex eo numero est. Ex illo conventu quadruplatorum, dixit M. Tull. in Verrem quarta. E suis gregalibus, dixit idem: Sub hac facie la et adulatio. Plerumque vitia virtutis personam induunt, ac virtutis simulacrum representant. Sub virtutis specie, virtutis prætextu. Sub imagine pietatis Patrem ore refert. Parentem moribus exprimit. Patrum nomine reddit. Avum voce repræsentat. Patronum imitatur oculis. Amitam nulla re prorsus exhibet. Alter Cic. Alter Hercules. Faciem mentita Lyciscæ, Formata in admirationem, id est, simulans se admirari. Suer. Vultu ad hilaritatem composito. Prætexere, præ se ferre. Ante se gerit Effigies pietatis. Dissimilis huic & hujus. Non absimilis facie Tyberio. Apud eundem est Assimilis, pro Similis.

## CAP. CV.

*Mutui.*

**M**utuum dare: Mutuo dare. Mutuare. Commodato dare. Commodare. Utendum dare. Utendum accipere. Accipit usurariam; Plautus. Opera commodatitia: præstant operas mutuas. Mutuum muli scabunt.

## CAP. CVI.

*Fallendi.*

**I**mposuimus Reip. Fefellit nos. Decepit, circumvenit adolescentem. Circumscripsit, circumduxit, apud Jureconf. Verba dare mihi difficile est. Si senseris eos fucum velle facere. Imposturam facit, & passus est. Delusit. Elusit. Frustratus est nos sperato lucro. Non te fraudabo debita gloria.

Technæ; doli, fuci, præstigiæ, vafricies, versutia, astus, astutia, fraus. Os mihi sublitum est. In fraudem illexit, pellexit. Arte me tractavit. Dolo mecum egit. In specie, dixit M. T. Præclara classis in specie, sed inops, & infirma. Quod si mea fiat captione. Absit omnis captio. M. Tull. Cur igitur vos inducitis in eas captiones, quas nunquam expicetis?

## CAP. CVII.

*Est amicus.*

**U**Tor patre familiariter. Est mihi cum illo ar-  
tissima necessitudo. Sum illi summa familia-  
ritate conjunctus. Sum illi amicus. Summa  
mihi cum illo familiaritas intercedit. Multus mihi  
cum homine quondam ulus fuit. Mutua quædam  
benevolentia jampridem inter nos est. Sallust. Im-  
perator Jugurtham in amicis habebat, id est, in ami-  
corum numero.

## CAP. CVIII.

*Sperandi.*

**S**Pero fore. Nonnulla spes est fore. Venio in  
spem. Vocor in spem. Erectus in spem. Conci-  
pio spem de te optimam. Nonnulla me spes ha-  
ber. Maxima teneor spe. Magna me spes tenet. Ad-  
ducor in spem. Nonnulla me spes cepit. Spei non-  
nihil affulsit, arridet, blanditur. Omnia summa mihi  
de te promitto. Is est, de quo tibi possis omnia pol-  
liceri boni viri officia. Nihil mediocre de te tui ci-  
ves expectant. Injicere spem. Solicitare spe.  
Ostendere spem. Ostendit futurum. Ducimur spe.  
Lactamur spe. Ad Comediæ gratiam Latini ne aspi-  
rarunt quidem. M. Tull. Ad eandem laudem, quam  
volumus, aspirare non possunt. Sallust. Ut omnia  
bona in spe haberet, id est, nonnihil speraret.

## CAP. CIX.

*Ad verbum.*

**A**D verbum edidicit, quem locum ad litéram subjeci: Fab. Ejus verba subjeci, pro quo vulgo dicunt, in forma. Ipsa hominis verba tibi reddam.

## CAP. CX.

*Elegiæ.*

**H**Eus bone vir. Scilicet is superis labor est. Is nunc si Diis placet, nos docebit, qui nihil unquam didicit ipse. O mirum amicum. Mira vero milici quæ placeant. Sane vero. Quasi vero.

## CAP. CXI.

*Extrahere diem.*

**S**IC ille dies extractus est. Hoc agebant, ut dies eximeretur. Ducere tempus. Terere tempus. Ducere bellum. Jam dies excesserat.

## CAP. CXII.

*Paratum, ac Facile.*

**P**ARATUM, promptum. In promptu. In procinctu. In proclive: In proclivi. Obvium, expositum, expromptum. In numerato habere. In statione. Ad manum. Ex tempore. Extemporarium. Extemporaneum.

## CAP. CXIII.

*Depellendi.*

**D**Eprecari invidiam. Deprecari culpam. Depellere crimen. Adversari, abominari, rejicere, resel-

refellere, negare, inficiari, inficias ire, propulsare, profligare, amoliri. Virg. Dii meliora piis: quod Deus avertat: Divi prohibeant.

## C A P. C x i v.

*Agnosendi.*

**A**GNOVIT hæreditatem. AGNOSUIT CRIMEN. ACCIPIO conditionem, Admitte testamentum. Ad iit testamentum. Ut admirationem etiam plausu confiteretur. Amorem re testatus est. Odium & vultu præ se fert. Morbum incessu, vultuque fatetur.

## C A P. C x v.

*Ab adolescentia.*

**I**AM inde à puero. Ab adolescentia. A teneris unguiculis. Sic à pueris assueti sunt. Terent. Ullæ que à pueris curaviambos. Idem: Mihi magna cum eo jam inde usque à pueritia semper fuit familiaritas. Varro: Jam inde à cunabulis. Livius: Inde ab incunabulis imbutus odio Tribunorum. A rudibus annis. A prima pueritia. Ab ipso vitæ exordio. Ab ipso vitæ limine. Ab incunabulis. Cum ipso nutricis lacte fugimus errorem. Ab ipsis crepundiis.

## C A P. C x v i.

*Accurate.*

**A**CCURATE, exacte, elaborate, ad unguem, ad amussim, examussim, amussatim examussiatim, ad perpendiculum, summa cura. Exquisite, conquisitè. Circumspectè, attentè. Consideratus, pro attentus, dixit Cicero. Idem dixit, ad perpendiculum exigere. Sagaciter pervestigavit, apud eundem. Item, divinitus dicta, pro egregie. Pressius agamus. M. Tull. de finibus 4. Idem. Nunc comminus agamus.



## CAP. CXVII.

*Perficiendi.*

**A**bsolvit, perfecit. Exegi monumentum. Finem imposui. Finem dicendi faciam. Finiit. Summam manum imposuit. Ad umbilicum duxit. Fastigium imponere. Colophonem addere. Supremam addidit manum. Extremum actum addere. Fabulam vitæ peregit: Exactatate: Ad metam usque produxit: peregit fabulam: depuduit. Desultavit canticum. Suet. Depugnatum est, perdoluit, debuit. Vita defunctus est. Desiit artem;

## CAP. CXVIII.

*Committendi.*

**L**Eges inter se colliduntur eventu: Ut non composiri melius cum Bytho Bacchius. Quis te cum isto commisit homine? Concertasti cum hero. Conferre pedem. Conferere manum. Congredi cum viro. Confligere, colluctari, conflictari:

## CAP. CXIX.

*Amandi.*

**V**Nice te diligit. Amat effusissime. Charissimum habet. Admiranda quadam charitate prosequitur. Fama nihil habet antiquius. Non amat modo, verum etiam observat. Singulari benevolentia prosequitur. Animo toto te complectitur. Oculis atque animo fert hominem. Corydon ardebat Alexim. Deperibat virginem, deperibat in virginem. Perditte amat. Deperditte amare. Suet. Flagrat amore tui. Amantissimus est tui. Tui, tuorumque est observantissimus. Studiosissimus est tui. Tui cupientissimus. Ex animo tibi bene vult. Bene cupit tibi: Hunc unum habet in deliciis? habet

habet in oblectamentis. Non perinde illi affectus erat, dixit Suet. pro eo quod est, non perinde diligebat. Item dixit, pronior Dolabellæ, pro eo quod erat, in illum propensior. Sic omnia tua exosculetur, id est, sic amat.

## C A P. C X X:

*Cupienti.*

**L**audis avidus. Laudis avarus. Avens gloriæ: Cupiens famæ: Tui sitientissimus. Famelicus gloriæ. Sui famam. Sitit aurum. Esurientissimus laudis. Mira gloriæ fames habet hominem. Ambit honores. Nullius rei quam laudis ambitiosior. Privati commodi studiosus. Alieni appetens. Appetens laudis. Eloquentiæ candidatus. Inhiat lucris:

*Imminet exitio vir conjugis, illa mariti.*

Gestio videre hominem: Irurit illi tergum.

## C A P. C X X I.

*Male precandi verba.*

**Q**uories caput tuum diris devovit. Execratus est tum sese, tum suos omnes. Ut se dii perdant. Abi in malam rem, in maximum malum, in crucem. Dii te eradicent. Dii tibi factis dignum tuis supplicium dent. Dii mentem tibi dent tuam. Βάλλ' ἐς κόρυμβας, i. e. mitte te ad corvos, abi in malam rem: Græcis est usitatissimum. Quæ res illi vertat male. In morbo consumat, proverbialiter. Plaut. Capiti vestro illud quidem. Virgil. Dii capiti ipsius generique reservent. Cic. Quod illorum capiti sit. Item: Dii sint irati huiusmodi Græco,

## C A P. C X X I I.

*Pollicendi.*

**N**escio quid magni promittunt sydera. Magnifice pollicentur amantes. Promissis ductat hominem

*Pollicius dives quilibet esse potest.*

Cave

Cave fidas hujusmodi pollicitationibus. Spondeo futurum. Despondeo. Sponde, noxa præsto est. Ego hujus nomine fide jubeo. Recipio tibi futurum hunc. Recipio ad me. Sallust. In se recipiunt. Hoc tibi meo periculo promitto. Ita mihi stipulanti pactus est.

*Litteris nostris ancora pacta tua est.*

Do fidem futurum: Confirmo futurum. Fidem suam interposuit. Clodio Tyberius ea lege cœnam condixit, i. e. promisit se venire ad cœnam, apud Sueton. M. Tul. Nam cum mihi condixisset, cœnavit apud me. Prisci, lingua nuncupatum dicebant, quod esset ore promissum, ac verbis expressis. M. Tul. in offic. Nam cum ex 12. tabulis satis esset ea præstare, quæ essent lingua nuncupata, Vovemus quod Deo pollicemur. Catull.

*At non hac quondam blando promissa dedisti.*

Sallust. Quem illi casu oblatum promissis onerat. Dare promissa. Cum hic esses, longe alia promissa dedisti. Sollicitat ingentibus promissis. Spes amplificat ostendit. Veterum proverbiiis *χρησολόγοι*, ac doctores dicti, qui multa pollicerentur.

## C A P. CXXIII.

*Principatus.*

**E**st copiosum dicendi genus, in quo Cicero principatum obtinet. Breve, in quo Sallustius regnat. Subtile, in quo dominatur Hortensius. Floridum, in quo primas tenet Plin. Varium, in quo præcipuus est Hieronymus. Grave, in quo princeps est Seneca. Festivum, in quo singularis est Martialis. Simplex, in quo primus est Terentius. Acutum, in quo præcellit Quintilianus. Suave, in quo vicit Statius. Antiquum, in quo nulli secundus est Cato. Inaffectatum, in quo nulli cedit, nulli inferior est, nemini posterior est Cæsar. Hujus negotii veluti antesignanus, dux, vexillifer, signifer exististi, *κορυφαῖος*, Græci. Homerus omnes procul à se relinquit. Omnes à tergo relinquit.

Longo.

Longo intervallo præcellit, præcedit, præcurrit, præit, anteit, antecellit. In literis Græcanicis palmam tenet. Eloquentiæ M. Tull. arcem tenet, primam laudem obtinet, primum locum obtinet. Præmia prima feret.

## CAP. CXXIV.

*Ludorum.*

**M**Unera gladiatoria populo exhibuit. Edidit Circenses. Fecit ludos scenicos, apud Suet. in Caligula. Commisit & subitos, apud eundem. Præter consuetudinem musicum agona commisit: in Nerone Claudio. Dedit populo centum gladiatorum paria, Centum cameos produxit.

## CAP. CXXV.

*Agere delectum.*

**H**Abuit delectum, agere delectum. Delectibus undique acerbissime actis. Cogere exercitum. Contrahere copias. Conscribere exercitum. Parare manum. Comparare vim militum. Collectis copiis.

## CAP. CXXVI:

*Adimendi honorem.*

**D**Eposuit dictaturam. Amotus est consulatu. Abrogatum est illi imperium. Ademptum imperium. Abdicavit se magistratu. Sueton; Privavit honore, apud eundem. Redactus est in ordinem. Multos coëgit in ordinem, hoc est, privatos reddidit. Missionem petiit. Rude donatus est. Dimisit cum ignominia. Exauctoravit totam regionem.

## CAP. CXXVII.

*Persuadendi.*

**F**ecit mihi lacrymis pœnitentiæ fidem. Lacrymis mihi persuasit sese facti pœnitere. Lacrymæ mihi persuaserunt illum pœnitere facti. Lacrymis effecit, ut crediderim illum pœnitere. Adduxit, pertraxit, pellexit, perpulit me in suam sententiam. Coactus est verius, quam persuasus.

## CAP. CXXVIII.

*Inferendi, seu Ratiocinandi.*

**Q**uod animal est, idem corpus sit necesse est : quod autem corpus est, non statim & animal. Is pauper est, qui plurimum cupit. Porro quo quisque magis abundat opibus, hoc est opum appetentior. Igitur ditissimus quisquis pauperrimus sit necesse est. Si Deus est animus, animi puritate, non victimis corporeis eum convenit colere. Cum animus sit corpore præstantior : virtutes autem animi sint possessiones, pecuniæ corporis, contentanum est virtutes pecuniis anteponendas esse. In quem cadit misereri, in eundem cadit invidere. Non cadit autem invidere in sapientem. Ergo ne misereri quidem. Ipse sibi utilis esse nequit, & vobis erit usui ? Felix non est, cui multa defunt. Atque divitibus defunt plurima : Qui possunt igitur divites esse felices ? Solum bonum virtus, nam id demum bonum est, quo nemo male potest uti. Virtute nemo male uti potest : Bonum est ergo virtus. Bonum est virtus ut qua nemo male uti potest. An bonum pecunia, qua quisque potest male uti ? Id nunc, inferendi vim habet, sed velut cum exprobratione. I nunc, argentum, marmor vetus &c. Quæ cum ita sint, quis audeat inficias ire ? Hoc cum hic habeat, an non dedisti damnum ? Utrum damnum dedisti, an non ? Et dubitamus adhuc ?

## CAP. CXXIX.

*Nil, Nisi.*

**N**il nisi poeta es. Nil aliud es nisi Poëta. Nil aliud, quam poëta es. Tantum poëta es. Poëta es, præterea nihil: Nihil es præterquam poëta. Nisi poëta esses, nihil esses. Nihil aliud quam flebat, pro tantum flebat, apud Fab. Sed apud Sueron. frequentius, nihil aliud, quam veftabatur, Idem: Nihil amplius quam mouit. Cui contrarium est, non tantum osculatus est.

## CAP. CXXX.

*Laudandi, ac Vituperandi.*

**N**on omnes probabunt istud consilium, culpabunt plurimi. Animū infimulabunt nonnulli. Nemo mihi vitio verterit. Teren. Nunc quam rem vitio dent, quæso animadvertite, Dare crimini, dixit M. Lull. in Brut, istud vituperio dabunt omnes, tu tibi laudi ducis, Gloriæ tibi tribuis, honori tibi putas fore: at omnes dedecori dabunt, probro dabunt, criminabuntur, damnabunt, reprehendent, improbabunt, fugillabunt, taxabunt, notabunt, atro calculo notabunt: Sallust. Quoniam adeo Syllam non poenitet, ut & facta in gloria numeret. Album addere calculum. Subscribere sententiæ. Suffragari, refragari, laudibus ferre. Ad cælum ferre. Horat. In cælum ferre. Cicer. Laudibus vexit apud Plin: in epistolis. Scis vitio nigrum præfigere Theta. Avaritiæ singulos increpans. Sueton: Tibi malum imputabitur. Tibi feretur acceptum. Tu fueris in crimine. Tam est in vitio qui deserit amicum in periculo, quam qui prodit. Sic M: Tull. In te refidet facti suspicio. In te redundabit. In te cūdetur hæc faba, proverb. Male audies apud omnes, qui hætenus audisti. bene. Catull. Quisquis de meliori nota. Vir pessimæ notæ. M. Tull. Homo nullo numero. Nihil illo contemptius. Item:

artem: Vir primæ notæ. Vir extremæ notæ. Homo quintæ clâssis, homo ultimæ sortis. Homo bonæ frugis, sive bonæ frugis: aut absolute. Homo frugis.

## CAP. cxxxxi.

*Summa.*

**A**D summam dixit Horatius. *Id summa. Ut summam dicam. Denique, demum. Postremo. Breviter, Ut semel dicam, Ut semel finiam, Dicam in genere. Rem omnem verbo complectar. Quid quæris? pro, denique Ciceronianum est. Quid multa? Quid multis moror? Dicam universim? In universum habeo quod respondeam. Dicam verbo. Ad ultimum, pro, denique dixit Quint. Curt. & eodem sensu Sueton. dixit ultimo: ad extremum, Cicer.*

## CAP. cxxxii.

*Perdenda opera.*

**L**Udit operam. Luditur opera. Opera & impensâ perit. Frustra ego hanc operam sumo. Nihil agis. Laterem lavas. Actum ago. Actam rem agis. In sylvam fers ligna. Reliquaque proverbia, quibus inanis opera significatur.

## CAP. cxxxiii.

*Fructus.*

**M**AGnum ex eare fructum retulit. Coepit emolumentum. Lucrum reportavit. Sensit commodum. Commoditatem demessuit. Collegit utilitatem. Frugem accepit. Lucrum fecit. Compendium paravit. Ea res illi frugifera fuit, fuit emolumento, fuit commodo, fuit usui. Ex ea legatione messem optimam messuit.

Technæ; doli, fuci, præstigiæ, vafricies, versutia, astus, astutia, fraus. Os mihi sublitum est. In fraudem illexit, pellexit. Arte me tractavit. Dolo mecum egit. In specie, dixit M. T. Præclara classis in specie, sed inops, & infirma. Quod si mea fiat captione. Absit omnis caprio. M. Tull. Cur igitur vos induciis in eas captiones, quas nunquam explicetis?

## CAP. CVII.

*Est amicus.*

**U**Tor patre familiariter. Est mihi cum illo ætissima necessitudo. Sum illi summa familiaritate conjunctus. Sum illi amicus. Summa mihi cum illo familiaritas intercedit. Multus mihi cum homine quondam usus fuit. Mutua quædam benevolentia jam pridem inter nos est. Sallust. Imperator Jugurtham in amicis habebat, id est, in amicorum numero.

## CAP. CVIII.

*Sperandi.*

**S**Pero fore. Nonnulla spes est fore. Venio in spem. Vocor in spem. Erectus in spem. Concipio spem de te optimam. Nonnulla me spes habet. Maxima teneor spe. Magna me spes tenet. Adducor in spem. Nonnulla me spes cepit. Spei non nihil affulsit, arridet, blanditur. Omnia summa mihi de te promitto. Is est, de quo tibi possis omnia polliceri boni viri officia. Nihil mediocre de te tui cives expectant. Injicere spem. Solicitare spe. Ostendere spem. Ostendit futurum. Ducimur spe. Lætamur spe. Ad Comediæ gratiam Latini ne aspirarunt quidem. M. Tull. Ad eandem laudem, quam volumus, aspirare non possunt. Sallust. Ut omnia bona in spe haberet, id est, non nihil speraret.



## CAP. CIX.

*Ad verbum.*

**A**D verbum edidicit, quem locum ad litéram subjeci: Fab. Ejus verba subjeci, pro quo vulgo dicunt, in forma. Ipsa hominis verba tibi reddam.

## CAP. CX.

*Eiegnias.*

**H**Eus bone vir. Scilicet is superis labor est. Is nunc si Diis placet, nos docebit, qui nihil unquam didicit ipse. O mirum amicum. Mira vero milici quæ placeant. Sane vero. Quasi vero.

## CAP. CXI.

*Extrahere diem.*

**S**IC ille dies extractus est. Hoc agebant, ut dies eximeretur. Ducere tempus. Terere tempus. Ducere bellum. Jam dies excesserat.

## CAP. CXII.

*Paratum, ac Facile.*

**P**ARATUM, promptum. In promptu. In procinctu. In proclive: In proclivi. Obvium, expositum, expromptum. In numerato habere. In statione. Ad manum. Ex tempore. Extemporarium. Extemporaneum.

## CAP. CXIII.

*Depellendi.*

**D**Eprecari invidiam. Deprecari culpam. Depellere crimen. Adversari, abominari, rejicere, resel-

refellere, negare. inficiari, inficias ire, propulsare, profligare, amoliri. Virg. Dii meliora pijs: quod Deus avertat: Divi prohibeant.

## C A P. C x i v.

*Agnosendi.*

**A**GNOVIT hæreditatem. AGNOSCIT crimen. ACCIPIO conditionem. ADMITTE testamentum. ADIIT testamentum. Ut admirationem etiam plausu confiteretur. Amorem re testatus est. Odium & vultu præ se fert. Morbum incesu, vultuque fatetur.

## C A P. C x v.

*Ab adolescentia.*

**I**AM inde à puero. Ab adolescentia. A teneris unguiculis. Sic à pueris affueri sunt. Terent. Usque à pueris curaviambos. Idem: Mihi magna cum eo jam inde usque à pueritia semper fuit familiaritas. Varro: Jam inde à cunabulis. Livius: Inde ab incunabulis imbutus odio Tribunorum. A rudibus annis. A prima pueritia. Ab ipso vitæ exordio. Ab ipso vitæ limine. Ab incunabulis. Cum ipso nutricis lacte fugimus errorem. Ab ipsis crepundiis.

## C A P. C x v i.

*Accurate.*

**A**CCURATE, exacte, elaborate, ad unguem, ad amussim, examussim, amussatim examussatim, ad perpendiculum, summa cura. Exquisite, conquisitè. Circumspectè, attentè. Consideratus, pro attentus, dixit Cicero. Idem dixit, ad perpendiculum exigere. Sagaciter pervestigavit, apud eundem. Item, divinitus dicta, pro egregie. Pressius agamus. M. Tull. de finibus 4. Idem. Nunc comminus agamus.

## CAP. CXVII.

*Perficiendi.*

**A**bsolvit, perfecit. Exegi monumentum. Finem imposui. Finem dicendi faciam. Finiit. Summam manum imposuit. Ad umbilicum duxit. Fastigium imponere. Colophonem addere. Supremam addidit manum. Extremum actum addere. Fabulam vitæ peregit: Exacta ætate: Ad metam usque produxit: peregit fabulam: depuduit. Desultavit canticum. Suer. Depugnatum est, perdoluit, deseruit. Vita defunctus est. Desiit artem.

## CAP. CXVIII.

*Committendi.*

**L**Eges inter se colliiduntur eventu: Ut non composui melius cum Bytho Bacchius. Quis te cum isto commisit homine? Concercisti cum hero. Conferre pedem. Conserere manum. Congredi cum viro. Confligere, colluctari, conflictari.

## CAP. CXIX.

*Amandi.*

**V**Nice te diligit. Amat effusissime. Charissimum habet. Admiranda quadam charitate prosequitur. Fama nihil habet antiquius. Non amat modo, verum etiam observat: Singulari benevolentia prosequitur. Animo toto te complectitur. Oculis atque animo fert hominem. Corydon ardebat Alexim. Deperibat virginem, deperibat in virginem. Perditæ amat. Deperditæ amare. Suer: Flagrat amore tui. Amantissimus est tui. Tui, tuorumque est observantissimus. Studiosissimus est tui. Tui cupientissimus. Ex animo tibi bene vult. Bene cepit tibi: Hunc unum habet in deliciis? habet

habet in oblectamentis. Non perinde illi affectus erat, dixit Suet. pro eo quod est, non perinde diligebat. Item dixit, pronior Dolabellæ, pro eo quod erat, in illum propensior. Sic omnia tua exosculetur, id est, sic amat.

## C A P. c x x:

*Cupiendo.*

**L**audis avidus. Laudis avarus. Avens gloriæ: Cupiens famæ: Tui sitientissimus. Famelicus gloriæ. Sui famam. Sitit aurum. Esurientissimus laudis. Mira gloriæ fames habet hominem. Ambit honores. Nullius rei quam laudis ambitiosior. Privati commodi studiosus. Alieni appetens. Appetens laudis. Eloquentiæ candidatus. Inhiat lucris:

*Imminet exitio vir conjugis, illa mariti.*

Gestio videre hominem: Prurit illi tergum.

## C A P. c x x i.

*Male precandi verba.*

**Q**uoties caput tuum diris devovit. Execratus est tum sese, tum suos omnes. Ut se dii perdant. Abi in malam rem, in maximum malum, in crucem. Dii te eradicent. Dii tibi factis dignum tuis supplicium dent. Dii mentem tibi dent tuam. Βάλλ' ἐς κόρυς, i. e. mitte te ad corvos, abi in malam rem: Græcis est usitatissimum. Quæ res illi vertat male. In morbo consumat, proverbialiter. Plaut. Capiti vestro illud quidem. Virgil. Dii capiti ipsius generique reservent. Cic. Quod illorum capiti sit. Item: Dii sint irati huiusmodi Græco.

## C A P. c x x i i.

*Pollicendi.*

**N**escio quid magni promittunt sydera. Magnifice pollicentur amantes. Promissis ductat hominem.

*Pollicens dives quilibet esse potest.*

Cave

Cave fidas hujusmodi pollicitationibus. Spondeo futurum. Despondeo. Sponde, noxa præsto est. Ego hujus nomine fide jubeo. Recipio tibi facturum hunc. Recipio ad me. Sallust. In se recipiunt. Hoc tibi meo periculo promitto. Ita mihi stipulanti pactus est.

*Littoribus nostris ancora patia tua est.*

Do fidem futurum: Confirmo futurum. Fidem suam interposuit. Clodio Tyberius ea lege cœnam condixit, i. e. promisit se venire ad cœnam, apud Sueton. M. Tull. Nam cum mihi condixisset, cœnavit apud me. Prisci, lingua nuncupatum dicebant, quod esset ore promissum, ac verbis expressis. M. Tull. in offic. Nam cum ex 12. tabulis satis esset ea præstare, quæ essent lingua nuncupata, Vovemus quod Deo pollicemur. Catull.

*At non hac quondam blando promissa dedisti.*

Sallust. Quem illic casu oblatum promissis onerat. Dare promissa. Cum hic esses, longe alia promissa dedisti. Solicitat ingentibus promissis. Spes amplissimar ostendit. Veterum proverbiiis *χρησολόγρι*, ac dolosones dicti, qui multa pollicerentur.

## CAP. CXXIII.

*Principatus.*

**E**st copiosum dicendi genus, in quo Cicero principatum obtinet. Breve, in quo Sallustius regnat. Subtile, in quo dominatur Hortensius. Floridum, in quo primas tenet Plin. Varium, in quo præcipuus est Hieronymus. Grave, in quo princeps est Seneca. Festivum, in quo singularis est Marcialis. Simplex, in quo primus est Terentius. Acutum, in quo præcellit Quintilianus. Suave, in quo vicit Statius. Antiquum, in quo nulli secundus est Cato. Inaffectatum, in quo nulli cedit, nulli inferior est, nemini posterior est Cæsar. Hujus negotii veluti antesignanus, dux, vexillifer, signifer exististi, *κορυφαῖος*, Græci. Homerus omnes procul à se reliquit. Omnes à tergo reliquit.

Longo.

Longo intervallo præcellit, præcedit, præcurrit, præit, anteit, antecellit. In literis Græcanicis palmam tenet. Eloquentiæ M. Tull. arcem tenet, primam laudem obtinet, primum locum obtinet. Præmia prima feret.

## CAP. CXXIV.

*Ludorum.*

**M**Unera gladiatoria populo exhibuit. Edidit Circenses. Fecit ludos scenicos, apud Suet. in Caligula. Commisit & subitos, apud eundem. Præter consuetudinem musicum agona commisit: in Nerone Claudio. Dedit populo centum gladiatorum paria, Centum cameos produxit.

## CAP. CXXV.

*Agere delectum.*

**H**Abuit delectum, agere delectum. Delectibus undique acerbissime actis. Cogere exercitum. Contrahere copias. Conscribere exercitum. Parare manum. Comparare vim militum. Collectis copiis.

## CAP. CXXVI:

*Adimendi honorem.*

**D**Eposuit dictaturam. Amotus est consulatu. Abrogatum est illi imperium. Ademptum imperium. Abdicavit se magistratu. Sueton; Privavit honore, apud eundem. Redactus est in ordinem. Multos coëgit in ordinem, hoc est, privatos reddidit. Missionem petiit. Rude donatus est. Dimisit cum ignominia. Exauctoravit totam regionem.

## CAP. CXXVII.

*Persuadendi.*

**F**ECIT mihi lacrymis pœnitentiæ fidem. Lacrymis mihi persuasit sese facti pœnitere. Lacrymæ mihi persuaserunt illum pœnitere facti. Lacrymis effecit, ut crediderim illum pœnitere. Adduxit, pertraxit, pellexit, perpulit me in suam sententiam. Coactus est verius, quam persuasus.

## CAP. CXXVIII.

*Inferendi, seu Ratiocinandi.*

**Q**UOD animal est, idem corpus sit necesse est: quod autem corpus est, non statim & animal. Is pauper est, qui plurimum cupit. Porro quo quisque magis abundat opibus, hoc est opum appetentior. Igitur ditissimus quisquis pauperrimus sit necesse est. Si Deus est animus, animi puritate, non victimis corporeis eum convenit colere. Cum animus sit corpore præstantior: virtutes autem animi sint possessiones, pecuniæ corporis, consentaneum est virtutes pecuniis anteponendas esse. In quem cadit misereri, in eundem cadit invidere. Non cadit autem invidere in sapientem. Ergo ne misereri quidem. Ipse sibi utilis esse nequit, & vobis erit utui? Felix non est, cui multa defunt. Atque divitibus defunt plurima: Qui possunt igitur divites esse felices? Solum bonum virtus, nam id demum bonum est, quo nemo male potest uti. Virtute nemo male uti potest: Bonum est ergo virtus. Bonum est virtus ut qua nemo male uti potest. An bonum pecunia, qua quisque potest male uti? Id nunc, inferendi vim habet, sed velut cum exprobratione. I nunc, argentum, marmor vetus &c. Quæ cum ita sint, quis audeat inhiære ire? Hoc cum sic habeat, an non dedisti damnum? Utrum damnum dedisti, an non? Et dubitamus adhuc?

artem: Vir primæ notæ. Vir extremæ notæ. Homo quintæ clâssis, homo ultimæ sortis. Homo bonæ frugis, sive bonæ frugis: aut absolucè. Homo frugis.

## CAP. CXXXI.

*Summa.*

**A**D summam dixit Horatius. Ia summa. Ut summam dicam. Denique, demum. Postremo. Breviter, Ut semel dicam, Ut semel finiam, Dicam in genere. Rem omnem verbo complectar. Quid quæris? pro, denique Ciceronianum est. Quid multa? Quid multis moror? Dicam universim? In universum habeo quod respondeam. Dicam verbo. Ad ultimum, pro, denique dixit Quint. Curt. & eodem sensu Sueton. dixit ultimo: ad extremum, Cicer.

## CAP. CXXXII.

*Perdenda opera.*

**L**Usit operam. Luditur opera. Opera & impensa perit. Frustra ego hanc operam sumo. Nihil agis. Laterem lavas. Actum ago. Actam rem agis. In sylvam fers ligna. Reliquaque proverbja, quibus inanis opera significatur.

## CAP. CXXXIII.

*Fructus.*

**M**AGnum ex eare fructum retulit. Coepit emolumentum. Lucrum reportavit. Sensit commodum. Commoditatem demessuit. Collegit utilitatem. Frugem accepit. Lucrum fecit. Compendium paravit. Ea res illi frugifera fuit, fuit emolumento, fuit commodo, fuit usui. Ex ea legatione messem optimam messuit.

## CAP.



## C A P. CXXXIV.

*Impudentia.*

**N**ihil pudet. Depudit. Depuditum est. Dedit  
 dicit pudorem. Oblitus est pudoris. Dedit  
 pudescere. Nescit pudescere. Exuit pudorem.  
 Perfricuit faciem. Perfricuit frontem. Nihil habet  
 oris. Nihil frontis. Quo ore? Qua fronte?

## C A P. CXXXV.

*Affectandi.*

**A**ffectata verba. Affectatus ornatus. Affectus  
 ornatus. Affectatus decor. Fabius. E. gratiam  
 rei nimia cooperatione consumpsimus. Co-  
 operationem, pro, affectatione dixit. Captat lau-  
 dem. Venatur gloriam. Aucupatur famam. Ac-  
 cerfit sibi malum.

## C A P. CXXXVI.

*Ignorandi, aut contra.*

**S**cio. Non ignoro. Non me fugit. Non me later.  
 Non me præterit. Non sum nescius. Non me  
 clam est. Quis nescit? Nemini dubium. Intel-  
 ligo, video, sentio. Compertum habeo. Exploratum  
 habeo. Perspectum habeo. Cognitum habeo. Non  
 est obscurum mihi. Non me fallit. Sallust. Nec ea  
 res me falsum habuit. Indoctus disci. Rudis horum  
 malorum. Imperitus fallendi. Ignarus joci. Sallust.

## C A P. CXXXVII.

*Turpe est, & similia.*

**T**urpe est. Cum turpitudine conjunctum est.  
 Laudabile est. Cum laude conjunctum est.  
 Cum vitio conjunctum est. Vitio confine est.  
 Non

Non vacat vitio. Non caret vitio. Non abest à vitio. Periculosum. Cum periculo conjunctum. In probro est.

## CAP. cxxxviii.

*Quin, & ut non.*

**R**Uere illa non possunt, ut hæc non eodem labefacta motu concidant. Cicero pro Pomp. Quin hæc eodem labefacta motu, concidant. Non potes studere opibus, ut animi tranquillitatem non perdas. Non potes quin perdas. Non potes, nisi perdas.

## CAP. cxxxix.

*Id quod, quod, ita ut, ut.*

**I**D quod, pro quod, & ita ut, pro ut, frequens est apud Cic. Ita ut facis. Ita quod facis. Quod quidem facis.

## CAP. cxl.

*Amplificandi.*

**C**Edendum erat hospiti, præsertim seni, maxime seni. Pulsavit hospitem, eumque senem, idque senem, atque hunc senem, atque adeo senem.

## CAP. cxli.

*Reciproca constructio quorundam.*

**E**Rit humanitatis vestre, magnum civium numerum calamitate prohibere. Cic. Prohibe infandos à navibus ignes. Virg. Defendit capellas ab æstu. Defendit æstum capellis. Spargere humum foliis. Spargere folia humi. Sternere pallio lectum. Instruere lecto pallium. Inscriptit poculum literis. Inscriptit poculo literas.

CAP.

## CAP. CXLII.

*Non contentus.*

**N**on contentus victoria. Non contentus, vicisse. Non sat habebat vicisse. Non sat erat vicisse. Parum erat vicisse, ni in victos etiam sæviret. Non sufficebat vicisse. Pœnitebat rapinæ, nisi parentem quoque spoliasset.

## CAP. CXLIII.

*Satisfaciendi.*

**I**nterdum non satisfacit Ciceroni Demosthenes. Non implet aures Ciceronis Demosthenes. Non responderet optatis meis. Non satisfacit hominum de se expectationi. Tullius in Demosthene nunquam desiderat aliquid. Non is es, quem expectaram. Non talis es, qualem vellem: Non nihil in te requiro adhuc. Non facit ad hujus cupiditatem.

## CAP. CXLIV.

*Impunitatis, aut contra.*

**O**mnes plura habere cupimus, & tamen id nobis impune est. Haud impune feres. Haud impune feceris. Non fuit illi fraudi magistratum prohibuisse vi. Sine fraude esto. Se fraude dicebant prisca. Non sic auferes. Livi. Tulit, ne cui fraudi secessio esset, id est, ut omnibus esset impunitas. Mirabar hoc si sic abiret. Militem impunitate donavit. Nullum facinus impunitum esse oportet. Quò impunius dicax esset, dixit M. J. Tull. pro Q. Quintio. Nullas pœnas dedit ejus facti. Pœnas pendit. Tum pendere pœnas Cecropidæ jussi. Irrogare mulctam, dixit Cic. exemplum in illos editum. Persolvit, exsolvit, luit, dependit. Nullum de eo sumtum supplicium. Ei facto nulla irrogata pœna. De tanto flagitio.

gitio non est animadversum. In omnes graviter animadversum. Exacta pœna. Opitior capite ple-ctendum. Noxæ deditus est. Animadversa flagitia, pro punitus, dixit Suet. Nec in deditos gravius consul-  
tum. Quint. Curt. In te cudetur hæc faba. Unus dependes pro omnibus. Tergo lues.

## CAP. CXLV.

*Suadendi, aut Consulendi.*

**I**Dne estis auctores mihi? Te auctore, suscepi ne-  
gotium. Tuo impulsu feci. Te impulsore fecit.  
Tuo suasu. Tuo inductu. Cic. Te suasore. Te  
consultore. Tuo consilio. Abs te persuasus id feci.  
Tuo instinctu. Amorem in consilium adhibuisse vi-  
deris. Tuo persuasu. Cic. Te flagitatore suscepi  
negotium. Tuo verberatu, eodem sensu dixit.  
Quint. Curt.

## CAP. CXLVI.

*Prudens:*

**P**Rudens fecit. Sciens fecit. De industria fecit.  
Studiose fecit. Data opera. Dedita opera fecit.  
Destinato fecit, dixit Seneca. Studio fecit.  
Consulto fecit. Consilio fecit. Contra. Imprudens,  
nesciens fecit: per errorem, errore factum est. Per  
imprudentiam. Peccavi inconsulte. Ex industria,  
pro, de industria, aliquoties dixit Quintil. Compo-  
sito factum, ex composito, ex destinato: pro consul-  
to, apud Suet. est in Calig.

## CAP. CXLVII.

*Causæ.*

**P**Lurimis de causis mihi tuæ literæ jucundæ fue-  
runt. Duas ob res hominem odi. Multis mo-  
dis tua mihi jucunda fuit epistola. Duobus  
nomi-

hominibus es mihi charissimus. Duplici nomine. Duplici de causa tuis scriptis delector. Bis mihi jucunda fuit epistola tua. Multifariam me tuæ literæ delectarunt.

## C A P. CXLVIII.

*Dierum notatio.*

**C**alendis Januariis. Ad calendās Januarii, id est, circiter eum diem, sub idem tempus, pro circiter idem tempus, aliquoties dixit Sueton. Statis temporibus. Stata vice, pro certis vicibus, dixit Q. Curtius. Calendarum die. Nonis Januarii. Ad nonas. Die nonarum. Idibus Majis. Ad Idus Maji. Iduum Novembrium die. Pridie Calendas, aut Calendarum. Pridie nonas Majas. Pridie nonarum. Pridie idus. Pridie iduum Novembrium. Postridie Calendas Januarias: vel, quarto Nonas Januar. Postridie Nonas Januarii: vel, octavo idus Januarii. Postridie Idus Januarii: vel decimo nono Calendas Februarii. Præterea, decimo Calend. Februarias: vel, ad decimum Calendas Februarii. Ad eundem modum de reliquis mensibus, ac diebus dicendum.

## C A P. CXLIX.

*De numeralibus.*

**I**N numeris illa varietas est generalis, de addita aut omissa conjunctione: Annos natus quatuor & viginti, annos viginti quatuor. Annos natus centum & viginti: centum viginti: viginti supra centum. Deinde quod duos numeros principali proximis, vel, compositè, vel, incompositè efferre licet. Duodeviginti, pro oðodecim. Undeviginti, pro novemdecim. Duodetriginta, undetriginta, ac deinceps consimiliter usque ad centum. Supra centum, compositè per adjectivum, aut incompositè per adverbium efferimus. Ducentos, bis centum. Trecentos, ter centum: atque eodem modo usque ad

ad mille. Mille multiplicavimus, vel substantive vel adjective, cum adverbio. Mille nummum: Mille nummos. Bis mille nummos. Duo millia nummorum. Pergendumque consimili ratione ad mille millia, aut millies mille. Nonnunquam eandem sententiam efferimus & per Cardinalia, quæ vocantur, & per ordinis numeralia. Annos natus viginti: Annum egressus vigesimum: Annum excessit vigesimum: Annum agit primum & vigesimum. Bienenium est, quod patriam non reviserim: Tertius hic annus agitur, quod patriam non revisi, sive cum non revisi. Dic quotus esse velis, id est, quot convivas velis. Hic non ordo, sed simpliciter numerus significatur. Distributivis pro simplicibus in carmine licet uti. Ubi vero apponitur quippiam quod distributionem explicet, liberum est uti vel distributivis, vel cardinalibus. Quotannis duo talenta capit. Vel. Quotantis bina talenta capit. In singula capita mille nummum distribuit, vel millenos nummos. In diem vivunt, qui vivunt absque solitudine futuri. M. T. Qui in horam viverent, hoc est ex tempore. In dies idem valet quod in singulos dies. Livius: Senescit indies, & mutatur in horas. Horatius: in diem dixit, pro quotidie. Ille potens sui lætusque deget, cui licet in diem dixisse, vixi. Hic annotandum, quod in conjunctione numeri majoris & minoris, pro uno, aut primo, licet, ponere alterum. Cic. Literas accepi tuas, quas mihi Cornificius altero & vigesimo die reddidit, id est, vigesimo primo. Idem pro Milone: Centesima lux est hæc ab interitu P. Clodii, & opinor, altera, id est, centesimus primus dies. Item Livius: Anno trigesimo altero, quam condita Roma erat, id est, trigesimo primo. Quin & citra talem conjunctionem, alterum frequenter, pro secundo ponitur. Cicero: Unum, alterum, tertium, annum Saxa quiescebat. Similiter, unus & alter, pro unus, & iterum unus. Unus vel alter, pro unus, vel duo: Rursus in adverbiiis semel atque iterum, pro bis. Quoties adverbio, additur genitivus sestertium, subaudiuntur, centies mille, ut: decies sestertium, id est, decies centum millia sestertiorum.

## CAP. CL.

*Adverbia temporis.*

**T**Empus vixdum præteritum, per Modo Adverbium significamus. Paulo longius, per dudum, ac jamdudum. Hoc etiam longius, per Nuper, & pridem. Longissimum, per olim, & quondam. Futuri temporis hi sunt ordines: Mox aderit: Jam veniet, proinus, continuo, illico, extemplo, è vestigio, tempus significant & hæc continenter insequens, sed fere respondent ad præteritum, ut: Literis tuis lectis, extemplo domum me contuli. Percepto hoc nuncio, è vestigio me domum conjeci. Olim, respondet ad utrumque tempus, præteritum & Futurum. Olim floruerunt Græci. Forſan & hæc olim meminisse juvabit. Proximus, item ad utrumque tempus refertur. Proximo anno strenue se gessit. In proximum annum summas copias parat. Proximis his diebus. Proximo mense. Proximo partu. Proximo bello. Novissimus, pro eo quod est nuperimus, præteritum duntaxat respicit. Superiore anno. Superiore mense. Superiore bello, Superioribus diebus, dicimus de re nuper, aut proxime acta. Item paucis his diebus. Quinque diebus, pro intra, sive post quinque dies, dixit Horat. Itidem Sallust. Paucis diebus in Africam proficiscitur. Et, ante pauculos dies. Paucis post diebus. Post paucos dies. Aliquanto ante. Aliquanto post. Paulo, multo, ante, & post. Dein, deinde, deinceps, exinde. Sub hæc, utriusque temporis rationem obtinet, id est, paulo ante, aut paulo post. Tit. Liv. Secundum orationem prætoris murmur ortum, Idem: secundum hæc silentium fuit, id est, post hæc. Certi temporis significationem hæc habent: Hodie, heri, nudius tertius, nudius quartus. Quinto, sexto, septimo, octavo abhinc die, hodie, cras, perendie, sperendino die: quarto abhinc die, quinto, sexto, &c. Porro verbum additum, temporis discrimen facit. Septimo abhinc die mecum cœnabat: Septimo abhinc die isthic me videbis

videbis M. Tull. Attico: Me ab hinc annis amplius 25 spondisse dicit. Idem, Quo tempore? Abhinc annis quindecim. Durior fit hæc loquendi forma per accusandi casum, præsertim cum non significatur spacium temporis actionis continuæ. Quod genus est illud Terent. Abhinc triennium ex Andro commigravit huic vicinæ. Neque enim triennium consumpsit in migrando, sed triennium intercesserat inter relictam Andrum, & aditas Athenas. M. T. Quæstor C. Papirio consule, fuisti abhinc annos quatuordecim. Horat. Scriptor abhinc annos qui centum decedit. Mollius illud Cic. in Verrem: Horum pater abhinc duos & viginti annos mortuus est: Nam mortuum esse perpetuum est. Hæc & aliter efferimus. Septimus hic dies est, quod mecum cœnavit. Annus est, quod nullas ad te literas accepi. Multum temporis est, quod nos non visis. Diu est quod nos non visis. Seculum mihi exisse videtur, ex quo nullas abs te literas accipio. Jamdudum ætatem, pro jam admodum diu, per hyperbolem dixit Terent. Quidam vice ῥῆ quod, ponunt quum. Plautus. Jam biennium est cum ille mecum esse cepit. M. T. Multi anni sunt, cum illa in ære meo est. Idem: Vigesima annus est, cum omnes scelera in me petunt. Reperiuntur apud Cicer. aliosque veteres & hæc loquendi formæ. Cato: Postridie, aut post diem tertium quam lecta erat. i. altero tertiove die post lectam. Idem: post annum tertium, quam severis, incendio. M. T. Postero die quam illa erant acta. Cicero filius. Aliquando venerunt post diem quadragesimum & sextum quam à nobis discesserant. Ascon. Pedianus. Post annum quam pro Cornelio dixerat. Scævola in Pandectis: Post annos complures, quam fecit testamentum. Eadem est ratio de adverbio, siue præpositione Ante. Ascon. Pedian. Ante sedecim annos, quam hæc dicta sunt. Mollius est hoc sermonis genus, eo quod post, & Ante, vim obtinent comparativi, quemadmodum secus, contra, aliter. Sine his autem durior est oratio: quam tamen crebrò reperias apud T. Livium, Lilybæum,



tertio die quam profectus inde erat, rediit. Item: Die vigesimo quam creatus, dictatura se abdicavit. Id ætatis erat, ut turpe sibi duceret discere. Non pudet te istud ætatis lascivire. Hoc ætatis cum sim, non admodum timeo mortem. Pleraque noctem studet. Sallust. Grebris ignibus factis plerunque noctis barbari suo more lætari, id est, magnam noctis partem.

## CAP. CLI.

*Annumerandi.*

**I**N deos relatus. In numerum deorum relatus est. Horat. inter quos referendus erit. Affricbe me in numerum tuorum: Affricbe me tuis amicis: Affricbito me inter amicos tuos. Veteribus annumerandus. Inter summos annumerandus. Inter primos censendus, ponendus, collocandus. Recipe me in tuum gregem. Multos obscuros legit in senatum. Cur hunc hominem adscivisti in vestrum contubernium? Cooptatus in collegium augurum: Affrictus, Additus ordini senatorio. Accersitus, seu affricus in militum numerum, Suet. Ut civitate donatum, in decurias allegeret. Adde hunc amicorum tuorum catalogo.

## CAP. CLII.

*Initii, ac Finit.*

**I**N ipsis vitæ primordiis. In ipsis vitæ rudimentis. In primis literarum elementis. In capite tuarum literarum. In prima statim fronte. In ipso vitæ limine. In ipso quasi vestibulo vitæ. Ab ipsa statim linea. Ab ipso carcere. In exortu. In exordio vitæ. Ab incunte ætate. Lubricum tempus ineuntis adolescentiæ. Ineunte vere, mox cum hirundinibus advolabo. Exacta ætate nupturit, provecta ætate, vergente ætate, affecta ætate, effocta, decrepita ætate, ingravescente ætate, inclinata & præcipitata, sive præcipiti ætate. Piget hoc ætatis depugnare. Tac. Ad serum usque diem, Liv. Præcipiti jam die. Tac.

Tac. Flexo in vesperam die. Livius : Primis tenebris movit. Idem prima vespera , primo diluculo, primo crepusculo. Item Tacitus : Æstate jam adulta. Liv. Adulto Autumno: Idem: Adulta nocte. Idem: In exitu jam annus erat. Cicer. Quinto anno exeunte. Decurso vitæ spacio. Cygneam vocem, pro suprema dixit M. Tull. de Orat. lib. 3. In principio. In initio operis. In calce tuarum literarum. In extremis tuis literis. In postrema parte tuarum literarum. Nunc ad metam festinat oratio. In extremo vitæ actu. In portu impingere. In porta canterio. Ne in Apiis quidem. In ipso operis ingressu. In ipso statim operis frontispicio. In ipsis vitæ foribus. Vitæ janua. Fauces inferorum. In philosophiam nondum intulit pedem, nondum fecit vestigium. ita M. Tull. ordiri telam, pertexere. Fundamenta jace-re. Auspicari. Init consulatum. Ineunte vere. Liv. Hoc ultimum utrinque initum finitumque est prælium. M. Tull. Vellem à principio te audisse. Idem: Utinam à primo tibi esset visum. Hoc ab initio fuit. Utinam initio affuisses. Naso:

*Principio quod amare velis, reperire labora.*

Horat. Ad extremum ridendus. M. Tull. Consuli non animus ab initio , non fides ad extremum defuit. Habes operis primam manum. Oratorem tibi delineavi. Adumbratum accipies oratorem, non expressum: Inchoatum, non absolutum. Cic. informarum dixit, quod inchoatum est, & cujus rude quoddam simulacrum ceptum est: ductum à statuariis & pictoribus. Exitus acta probat. Ordinur hic ferratam fabulam, quæ sit futura catastrophe nescio. Coronidem addere. Colophonem imponere. Supremam manum addere.

## CAP. CLIII:

*Major opinione.*

**M**Ajora fide. Majora, quam ut vera credi queant. Minor opinione, doctrina. Minor doctrina, quam pro hominum opinione. Citius

spe aderat. Celerius expectatione redibat. Citius ac sperabatur. Ante expectatum redibat. Par famæ doctrina. Non minor doctrina, quam fama celebratur. Supra fidem omnia, id est, majora, fide majora veris renunciabant; minora, inferiora veris prædicabant. Infra verum erant, quæ nunciabat. Minor consulari dignitate cognitio. Minus est, quam ut à consule cognoscatur; Major consulis dignitas, quam ut hanc causam cognoscat. Tua virtus major est omni præconio. Vicit omnem laudem tua virtus.

## CAP. CLIV:

*Contingendi.*

**H**occine tantum malum mihi derepente objectum esse? Ingens huic venit, sive, obvenit hæreditas. Obigit uxor, qualem volebam.

*Non cuius homini contingit adire Corinthum.*

Nactus es uxorem te dignam. Felicissimum ingenium sortitus es. Similes habent labra lactucas. Habet quod amet. Is nunc reperit. Merito nobis accidit, ut mali videamur, dum nimium studemus, nos videri bonos. Non omnibus datum, ut impune, quæ lubeat, dicant. Non quibus libet licet quæ libeat facere: Mihi usu venit, sive usus venit, ut cum intractabili monstro confisterer.

## CAP. CLV:

*Refugiendi.*

**R**efugit consuetudinem foëminarum. Alienus est à studiis. Abhorret à literis. Abhorret ostentum, pro exhorret, dixit Sueton. Execratur, detestatur, abominatur literas. Ad studiorum mentionem nauseat. Horret mortem. Exhorret mare. Aversatur omnes. Avertitur miseros: Ad poëtices mentionem nauseat, vomiturit. Deprecatur publica munia. Gravatur splendoris mensæ apparatus, id est, moleste fert. Sic Sueton. Et Horat. Equitem gravatus Bellerophontem.

## CAP. CLVI.

*Officiorum vocabula.*

**E**Ratilli à pedibus. Aberat, qui mihi est à manibus. Nam tum aberat amanuensis. Qui regi sunt à corpore, à secretis, à sacris scriniis. Rationales, qui sunt à rationibus à libellis, ab actis, sive actuarii. Latrones, anteambulones, à cyathis, à poculis, pocillator. Nomenclator, à consiliis, & consiliarius, apud Suetonium.

## CAP. CLVII.

*Studii.*

**T**Otus est in literis. Vacat congerendis opibus: Dat operam rei nummariae. Attendit huic negotio. Attendit juri, pro, studuit. Suet. Intensus est, vel intendit lucris. Inhiat gloriae. Appulit animum ad scribendum. Adjecit animum ad virginem. Accommoda te rebus praesentibus. Applicca animum tuum ad uxoris ingenium. Dedit se mammonae. Dedicavi me Christo. Dica te totum optimis literis. Dedit se ad leges. Cic. Servos ad remum dedit, Sueton. Idem: ad terram dedit, pro deiecit. Inservit honori. Incumbite honestis disciplinis: Incumbite in honestas disciplinas. Devous harenae, pro addictus, dixit Suet. Idem. Devotus vobis, pro addictus ac deditus. Adjuunxit animum ad ea, quae ratio temporum postulabat. Ut animum ad aliquod studium adjungant.

## CAP. CLVIII.

*Selundinis.*

**C**ORrumpunt bonos mores colloquia mala. Inficiunt, viciant primam aetatem stultae nutrices. Aurum plumbo adulterant. Gemmae adulterinae. Depravant bonam causam mali Rhetores. Deterunt laudem ducis indocti poetae. Malus vicinus scabiem suam affricat vicino. Vas insincerum afficit

afficit infusum liquorem. Obruit mihi subæratos nummos pro aureis. Vereor ne quid veneni tuis afflet, ne quid pestis instillet in tenerum animum, ne quod sincerum est, trahat in vitium, ne tibi morbum inhalet suum. Ne suum virus insibiliter: Ne quid inspiret mali. Puerilem animum impijs opinionibus imbuit. Malitiam una cum lacte nutricis imbibit, suxit, hausit. Frequentes offensæ reddunt suppurationem inimicitiam. Gloriam tuā dedecore contaminasti, inquinasti, conspurcasti, sœdasti, obscurasti, deturpasti, obfuscasti, denigrasti. Inussit tibi notam ignominiae. Venenare, Poëticum est, potionare, apud Suetonium.

## C A P. CLIX.

*Solitudinis:*

**S**ecum vivit. Secum loquitur. Solus est: Solitarius est. Incomitatus incedit. Solus ambulat. In locis solis ambulare tutum non est. Agit in solitudine. Ne musca quidem adest. Secretum agere, pro solum esse, dixit Suet. Foris se venditant, cum apud se sunt, nihil illis sordidius. Vix asse emeris, si totum hominem per se aestimes.

## C A P. CLX.

*Sensus.*

**O**ratio tua sapit tyrannidem. Respicit stultitiam: Olet hircum: Redolet vinum. Vox tua sonat asinum. Rusticus obolet allium. Vineta crepat mera. Scripta tua spirant Italum. Tinnit aurum. Fragras unguentum. Ad hanc formam pertinent. Torvum tueri. Titanicum obtueri, quæ figura mollior est apud Græcos, *μανικὸν βλέπειν*. i. e. *insanum tueri*.

## C A P. CLXI.

*Trasfandire.*

**F**ac promissa appareant. Exhibe quod toties polliceis. Talem & se, & exercitum approbayit, ut nulli

nulli præmia majora perciperent, apud Sueton. utrunque. Si fortuna obstabit, quo minus præstem quod recepi, certe hunc animum tibi probabo. Promittis amplissima, das nihil. Si munificus videri vis, repræsentâ beneficium, Ita Seneca, & Suet.

## CAP. CLXII.

*Pœnitendi.*

**N**ondum hujus animi me pœnitet. Me quantum hic operis fiat, pœnirer: pro, non satisfacit. Caput me pristinae benignitatis pœnitudo: Pœnitentia ductus: pœnitentia tactus: Agere pœnitentiam, pro pœnitere, est apud Plinium juniorem. Rursus ejus pœnitentia pœnitentiam ago, id est, pœnitet, quod pœnituerit. Refertur autem & ad rem, & ad personam. Nec te pœniteat illius paris, Initi matrimonii me pœnitet.

## CAP. CLXIII.

*Dissidii.*

**M**ale facta gratia nec quicquam coit, & rescinditur. Interrupta familiaritas. Mala lingua dirimit multorum amicitias, orta est inter illos simulas. Refrigit benevolentia: Amor versus in odium. Discordant. Intercessit offensæ, nescio quid. Offensam, pro discordia aliquoties usurpat Sallust: Dissuenda est amicitia, non abruptenda. Dissiliit gratia fratrum. Parum inter eos convenit. Miror non bene convenire vobis. Utrique cum altero convenit. Concordant. Concordes sumus. Oratio tua cum factis non consentit. Summo omnium consensu. Magna inter molles concordia. Nulla inter nos discordia. Dissident inter sese. Obortum est inter illos subitum dissidium. Digressa est à marito, Sueton. Divertit ab illo. Divortium fecit cum illo. Repudiavit uxorem. Dimisit matrimonio, id est, repudiavit: Dimisit matrimonium, pro rescidit. Renunciavit illi amicitiam, pro eo quod est, denunciavit illi inimiciam. Dissidet cum uxore, id est, dissidium

dium habuit. Missam fecit uxorem, pro repudiavit, dixit Sueton. Serere dissidia. Est illi offensior, pro subiratus. Suetonius. Est mihi cum illis *ἀσχετόν*, i. e. *inconfederabile bellum*.

## C A P. CLXIV.

*Reconciliandi.*

**S**Arcire, resarcire gratiam: Reducere, reponere, restituere in gratiam. Redigam vos in gratiam, Reconcinnare pristinam amicitiam. Recollige mihi illius animum. Fac ut mecum redeat in gratiam. Instaura pristinam inter nos benevolentiam. Cic. In gratiam jam cum voluptate redeamus. Idem: Pompejus à me valde contendit de reditu in gratiam, sed adhuc nihil profecit. Sallust. Sicuti Regi libuerat, pax convenit.

## C A P. CLXV.

*Sapit, aut Contra.*

**P**Ol homo tu non es sobrius. Insanit, delirat, desipit. Vefanire dixit Catul. Non est integræ mentis. Non est compos mentis: non constat animo. Laborat errore mentis. Moræ, vel commotæ mentis est. Mente lapsi, dixit Sueton. Defectus animo, mente excidit: Valet animo. Laborat ab animo. Sophocles reus actus est dementiæ. Destituit illum vis animi.

## C A P. CLXVI.

*Excipiendi, vel Excludendi.*

**N**Ullus istuc auderet, nisi tu solus. Nemo præter unum te. Nemo præterquam tu solus. Nullus aderat extra unam aniculam. Fortunatus sum cæteris in rebus absque una hac. M. Tull. Extra du- cem paucosque præterea. Extra prædam, id est, præter prædam. Hæc forma est aliquoties apud Cic. ex imitatione Græcorum. Extra jocum, extra causam, non omnino consimiles sunt formæ. Omnium facundissimus,

diffimus, excepto Cicerone. Omnibus, nisi uno Cicerone, facundior. Omnium doctissimus, si unum aut alterum excipias. Nemini cedit, uno te excepto. Interdum absque nomine, Horatius: Excepto quod non simul esses, cætera lætus. Jure contulit interdum recipere usurpant, pro excipere. Recipit facta testis. Uni tibi permitto, præterea nemini. Tibi quidvis apud me licet. Alioqui non ferrea, alias non ferrem, aliter non ferrem, quod postremum est apud M. Tull. in Offic. Super, pro, præter, frequenter est apud Sueton. quanquam hoc non tam excludentis est, quàm temoventis à cæteris. Super veteres amicos ac familiares, id est, ultra. Politiannus: Secundum te primas tenet, id est, te excepto.

## CAP. CLXVII.

*Vt vis, aut contra.*

**U**Xorem nactus sum ex animi mei sententia: Uxor mihi contigit qualem volebam. Hic venatus male respondit votis nostris. Non successit pro votis navigatio. Nihil accidit non præter animi sententiam. Omnia secus, quam volebam. Omnia contra, quam volebam. Fortuna non respondet optatis meis. Fac ut lubet. Fac pro tuo arbitrio. Vive tuo arbitratu. Nihil faciam nisi de consilii sententia. Faciam ut voles. Faciam pro tua voluntate omnia.

## CAP. CLXVIII.

*Comperta.*

**H**omo spectatæ probitatis. Vir probatissimæ fidei. Animum in me tuum habeo multis jam argumentis exploratissimum. Compertum, perspectum, exploratum habeo, quanti me facias. Delectus est, ut industriæ vir expertæ, pro spectatæ, dixit Sueton. Perichitatos mores, pro spectatos dixit M. Tull. Comperta mihi est hominis perfidia. Deprehensa est astutia. Re compertum est: Pro certo,



pro comperto dicis: Certum non habeo. Cum certum sciero, scribam ad te.

## C A P. CLXIX.

*Copia.*

**A** Bundat opibus, Exuberat, redundat, exundat, superfluit, & superfluens apud Senecam est. Est apud illos ingens aquarum & graminis copia. Copias, pro divitiis, dixit M. Tull. & Sueton. Multum, plurimum, satis vini. Abunde potentiae, gloriaeque, dixit Sueton. Nimum licentiae. Nimis insidiarum, pro plus satis, dixit Cic. Affatim vini, pro multum vini. Livi. Ne cui major quam quinquaginta jugerum agri modus esset. Horat.

*Hoc erat in votis, modus agri non ita magnus.*

M. Tull. Frumenti in summa caritate maximum numerum miseram. Idem in Philip. Maximus *vini* numerus fuit, permagnum optimi pondus argenti. Hircius, magno invento numero hordei, olei, vini, fici, paucis tritici. Immensa pecuniarum vis reperta est. Sallust. Quibus mala abunde omnia erant. Rursus. Abunde libertatem rati, quia tergis abstinetur. Idem: Inopem & coopertum miseriis effecit: Idem: Haec talia facinora impune suscepisse parum habuere, id est, non satis erat. Item: Satis habebatis animam retinere.

## C A P. CLXX.

*Indicta Causa.*

**I**ndicta causa coniecit servos in vincula, Cicero. Quosdam inauditos condemnavit, Sueton. Inauditum capite puniebat, citra causae cognitionem damnatus est, quod Iureconsulti vocant *ex modo dicto*, i. e. *quum altera parte absente & nullo repugnante ferretur sententia.*

## CAP. CLXXII

*Prosperitatis, aut contra.*

**P**rospere valetudine. Incolumi valetudine. Incolumi fama. Secundiore fama fuit, id est, minus laboravit infamia. Secundo vento, secundo æstu, secundo amne sive flumine. Secundo rumore, dixit Tacit. Idem, adverso rumore, dixit, pro sinistro. Idem dixit, secundis numinibus, pro, faventibus diis Idem, secunda tempestate, ac fama. Idem, secundante vento. Hic & Livius, secunda prælia dixerunt, profelicitè gestis. Et Junone secunda, Virg. Dextro Hercule. Secundam existimationem colligit, Sueton. pro eo, quod est, bonam opinionem. Si quem numina læva sinunt. Hic tibi, si alias unquam, mens læva fuit. Reflante fortuna nihil ages. Cic. Rebus afflictis. Rebus tristibus exigendus est animus. M. T. Cecidit belle. Ita cecidit ut volebam. Hoc cecidit opportune. Valde optanti utrique nostrum cecidit. Hoc adhuc percommode cadit. Male cecidit, Hac non successit, Terent.

## CAP. CLXXIII.

*Antiquitatis.*

**A**B orbe condito non extitit homo sceleratior. Duo post homines natos deterrima capita, Dolabella, & Antonius. Consules post hominum memoriam terribissimi, atque turpissimi. Post homines natos. Nostra ætate factum dicimus, quod nobis vis accidit. Nostra memoria, quod à maioribus visum, ab illis audire potuimus. Patrum memoria utroque est antiquius, videlicet quod sub aravis, ac tritavis gestum est. Ex omni memoria M. Tull. dixit, pro Pub. Sextio. Idem, pro Luc. Cornelio Balbo dixit, Superiore memoria, pro, superioribus seculis. Post orbem conditum, Post urbem conditam, dixit M. Tull.

## CAP. CLXXIII.

*Totum.*

**A** Capite usque ad calcem: A summo capillo usque ad imum pedis. Debes in solidum. Reddes ad assen, dixit Plin. junior. Quod iis ad denarium solveretur, dicit Cic. pro Tull. Quintio. Bona fide reddidit depositum, vel, cum pulsviculo. Cum tota ærugine, dixit Juvenal. Quantum, quantum est, nihil nisi somnium est. Hyemem inter se quam longa est, id est, totam hyemem, dixit Virgilius.

## CAP. CLXXIV.

*Perpicuitatis.*

**D**ilucide expedivi, quibus oportuit. Vel cæco perspicuum est Explanatius dicam: Dicam crassiore Minerva; Enodatius explicare, M. Tull. de fin. Ibidem, Enucleate, pro explanate dicta. Dic expresse, velis an non velis. Candidus sermo pro dilucido. Græci λευκὸν λόγον appellant apertum, & perspicuum, & λευκότερον λέγειν pro apertius dicere. Sole meridiano clarius. Significavit verius, quam expresse. Lex hoc expresse vetuit. Declaramentem tuam. Planum facere, pro declarare, frequenter est apud Ciceronem, Oculis subicere. Ob oculos ponere, Solidum est, pro perspicuum est, dixit M. Tull. in Verrem, actione prima. At enim illud solidum est, ut me Siculi maxime velint, alterum illud credo. Obscurum est, & luce clarius. Tuba clarius, apud Græcos,

## CAP. CLXXV.

*Nobilitatis, & contra.*

**V**ir apprime nobilis. Minime obscuris natalibus. Homo minime novus. Homo cum primis illustris. Vir clarissimus. Vir antiquæ nobilitatis. Vir honesto apud suos loco natus. Summo loco nata. Domi splendidus. Majorum imaginibus clarus. Ex illustri stirpe progenitus. Avitis stemmatibus clarus.

clarus. Homo domi nobilis, pro eo qui è claris prognatus est, frequenter est apud Ciceronem, & apud Sallust. Homo domi suæ cum primis locuples atque honestus. Hominem veteris prosapiæ ac multarum imaginum, dixit Sallust. Cic. Philargus in amplissima civitate amplissimo loco natus. Livi. Adolescentes nec tenui loco orti. Plin. Fœmina splendide nata. Obscurus. Livi. Homo loco obscuro, tenuique ortus fortuna. Humili loco, infimo loco natus. Homo novus. Sallust. M. Tull. repertitum appellat, quod obscuris esset majoribus. Vir equestri loco. Vir senatorii generis. Vicânium, pro ignobili dixit Cic. Horat. ignotos homines dixit, pro ignobilibus.

## CAP. CLXXVI.

*Violentia.*

**V**ix à manibus temperatum est. Res ad vim, & arma spectabant. A verbis ventum est ad verbera. Rixa in pugnam versa est. Vi geritur res. Ferro, non rationibus decertabatur. In manibus jus erat. Ad sâga properatum est, frequens est apud Cic. Sagum enim vestis est militaris, quemadmodum toga pacis. Collo obtorto reduxit hominem.

## CAP. CLXXVII.

*Rumoris.*

**V**ulgo fertur. Diu fuit populi fabula. Rumore vulgatum est. Const. ns rumor est. Fama passim jactatum est. In ore est omni populo. Erat in sermone res, dixit Cic. pro eo quod est. Rumor erat. Vox erat una totius provinciæ. In ore & sermone omnium. M. Tullius. Male audire dicuntur, de quibus malus est rumor. Contra, bene, de quibus bonus.

*Exempli.*

**M**Ajorum suorum vestigiis ingreditur. Verus institutum revocavit. A prisca Reip. consuetudine non recessit. Cæsar. Agere ad præscriptum. Verus exemplum est, sive veteris exemplares est, fallere amicum. More hominum fecit: sibi quam amico maluit consulere. Novo more, pro nullo majorum exemplo, frequens est apud Cic. Exemplum subjicimus his ferme modis per Ut, & Velut: Simile gaudet simili, ut sus sue: velut puer, puero. Quod genus, pro eo quod Græci dicunt ὁμοίως; verbi causa, verbi gratia, Exempli causa, apud M. Tull.

## CAP. CLXXIX.

*Internecionis.*

**F**unditus perit. Radicitus extinctus est. Cupiditas radicitus extrahenda est. A stirpe subversa est Resp. A stirpe interiit, dixit Sallust. Pristinæ disciplinæ ne vestigium quidem ullum superest. Græci πανολεθρίαν vocant. Exstirpari & funditus tolli, dixit M. T. de Fato,

## CAP. CLXXX.

*Atrocitatis.*

**A**Trox injuria. Indignum facinus. Infandum, apud poëtas. Nefarium scelus. Gravis contumelia: Non ferenda superbia. Intolerandam ferociam, dixit M. Tull. contra Rull. Factum non una cruce dignum. Facinus culeo dignum. Noxa capitalis: Crimen inexpiabile. Piaculare facinus:

## CAP. CLXXXI.

*Rigoris.*

**A**D vivum exigere. Summo jure mecum agitur. Rigide, severe, præcise, quod Græci dicunt ὑποτόμως, mecum agitis. Inique, duris conditionibus, aut legibus mecum agitur, etiamsi mecum agas

agas obſignatis tabulis. Pergitis ne vos tanquam ex ſyngrapha agere cum populo? dixit M. Tull. pro L. Muræna. Ibidem dixit, auſtere & Stoice agere. Itidem, dici poteſt Scythice agere, qui agit incivilius.

## CAP. CLXXXII.

*Aſſcribendi, & Imputandi.*

**A**ſſignamus, aſſcribimus, attribuimus, frequenter in malam partem, nonnunquam in bonam. M. Tull. ad Attic. Si perturbatior eſt, tibi aſſignato. Idem in Bruto: Hæc ſi minus apta videntur huic ſermoni, Brute, Attico aſſigna. Liv. Flens perit, ne unius amentiam civitati aſſignarer. M. Tull. in Bruto. Pero à te, ut id non modo negligentiae meae, ſed ne occupationi quidem tribuas. Idem. Omnes id Verri tunc attribuebant. Item, Ut aliis cauſſam calamitatis attribueret. Si quid mali acciderit, tuæ ſocordiae imputato. Quod vivo, tuæ clementiae acceptum ſeros ſive acceptum reſero: hoc eſt, debere me fateor. Scævola in Pandectis: Creditores ſuae negligentiae expenſum ferre debent. Haſtenus in malam partem. Si quid feliciter evenit, non fortunæ, ſed Deo aſſcribendum eſt, aſſignandum eſt, tribuendum eſt, attribuendum eſt, acceptum ferre oportet, imputandum eſt. Hæc in bonam partem. His finitima ſunt, vendico, aſſero, arrogo: Totius negotii laudem ſibi vindicat, ſibi arrogat, ſibi aſſerit, ſibi uſurpat. Illa priora ſunt ſumpta à codicillis rationum, in quibus notatur quid quis debeat, aut cui quid perſolvendum ſit. Hæc poſteriora ab actione juris, qua quis ſibi jus perſonæ aut rei defendit legibus. Item illa: Totum me tibi debeo: Quod ſpiro, & valeo, tui muneris eſt. Si quid habeo, id totum tuæ munificentiae eſt. Si quid in me boni eſt, abs te venit, abs te proſectum eſt, abs te fluxit.

## CAP. CLXXXIII.

*Additionis.*

**G**ula deditus, voluptati addiſtus, hoc ab auctione conflatum eſt. Ventris mancipium: ſervit lucro,

cro. Horat. Inservit honori. In hoc totus incumbit. Affidet literis: Affixus est poeticae. M. T. Et ad genus id quod quisque vestrum indicendo probaret, adhærescerent, hoc est, affigerent sese. Devotus, in bonam partem, dixit: Juvenalis.

*Quod ni tibi deditus essem,*

*Devotusque cliens, uxor tua virgo maneret.*

Terent. Animum ad scribendum appulit. Idem: Ut animum ad aliquod studium adjungant. Idem: Adjecit animum ad virginem. Dedit se ad leges, dixit M. T. Me totum, meaue omnia tibi dico, dedico, confectoque.

#### C A P. CLXXXIV.

##### *Facultatis.*

**T**erent. Tibi in manu est ne fiat: Sallust. Verum id frustra, an ob rem faciam, in manu vestra est, Quirites. Id in te situm est: Istiuc non mea est facultatis. Virg. Non opis est nostræ. Nos pro nostris opibus extruimus mœnia. Non est in potestate mea. In potestate, & in potestatem habere, dixit Sallust. Si in mea potestate esset. Filius nondum emancipatus, in patris est potestate. Peneste jus est vitæ, ac necis. Non est meum vitium. Meis auspiciis, meis copiis, meo Marte confectum est hoc negotium. Sallust. nove dixit: Quibus in otio, vel molliter, vel magnifice vivere copia erat. Idem dixit, in manibus. Cicer. pro mea parte adjuvi, pro mea parte virili, pro viribus, pro mea virili. Sallust. pro parte virili, absque pronomine: In hunc numerum conferri possunt & illa: Impetravit commeatum: facta est illi dicendi potestas. Sallust. Post ubi, fide publica dicere jussus. Idem, Si fides publica data esset. Idem, Eumque interposita publica fide, Romam perduceret. Magnatibus quicquid libet, licet. Utinam per fortunas liceret, pro tuis in me beneficiis gratiam reponere. Utinam tam adesset facultas, quam adest prompta voluntas tibi gratificandi.

C A P. CLXXXV.

*Jurandi:*

**P**ER caput hoc juro. Sancte dejerat: At sunt qui nihil vereantur conceptis verbis pejerare. In verba jurabas mea. Horat. Non ego perfidum dixi sacramentum; id est, non juravi mala fide. Sacramenta militaria. Non verear vel Jovem lapidem jurare. Sic me Deus bene amet. Sic mihi propitius sit Christus, ut ego te salvum cupio. M. Tull. Sollicitat, ita vivam, me tua, mi Tiro, valetudo. Idem: ne sim salvus, si aliter scribo, ac sentio. Idem: ne vivam, si scio. Idem: Moriar, si quisquam me tenet, præter te. Idem: Male mihi sit, si unquam quicquam tam enitar. Horatius: Dispeream, ni optimum erat. Abjuratus rapinas, dixit Virgil. Sallust. Fidem prodiderat, creditum abjuraverat. Terent. Jusjurandum dabitur. Apud Jureconsultos defert jusjurandum, qui parti adversæ cedit jurandi facultatem: Refert, qui oblatam transfert in offerentem. Huic citius credam injurato, quam tibi jurato.

C A P. CLXXXVI.

*Dictandi.*

**P**RATOR dictat iusjurandum. Facile ero facundus, si tu dicenda dictaveris. Plaut. præi verbis quod vis, hoc est, præconcipe verba, quibus me velis uti. Livi. Agedum pontifex, præi verba, quibus me pro legionibus devoveam. Idem. Id votum in hæc verba præcunte P. Licinio pontifice maximo, consul nuncupavit. Idem, pro præire, dixit, præfari. Sunt qui M. Fabio pontifice maximo præfante carmen, devovisse se eos pro patria, Quiritibusque Romanis tradant. M. Tull. ut vobis voce præirent, id est, vobis præscriberent, quid essetis pronunciaturi. Præscribere modum, præscribere finem. Cæsar. Non ad alienum præscriptum, sed ad suum arbitrium imperare.



## CAP: CLXXXVII.

*Tempestive, &c.*

**O**pportune advenis. Fac adsis in tempore: Fac adsis tempori. Vigilet oportet, qui tempori vult sua conficere negotia. In ipso articulo supervenit, M. Tull. Satis erat diei, ut Puteolos excurrere possem, & ad tempus redire. Idem: Aderis autem ad tempus, Matura reditum. Fac curentur ista mature. Plaut. Per tempus hic venit miles: Idem: Non potuisti per tempus magis advenire. Fac adeas hominem in tempore. Tempestivis conviviiis delectantur & Philosophi, Horatius: Tempestiva viro. Tempestivius ista dixeris à cœna. Nihil suave, quod est intempestivum. Intempesta nox dicitur, media, quod non sit opportuna, ad aliquid agendum. Commodum supervenit Chremes. Incommode me revocavit senex. Suo quidque tempore agendum est. Horat. Pleraque differat, & in præsens tempus omittat, id est, in suum, & congruum tempus. Siquidem hæc dictio Præsens, ad omne tempus pertinet. Laudatus est ab Augusto Cato, quod præsentem Reipubl. statum noluerit immutari, hoc est, eum statum, qui erat vivo Catone.

## CAP. CLXXXVIII.

*Ante Tempus:*

**V**irg. Sed cadat ante diem. Præmatura morte extinctus est. Ante tempus sapit. Persi. Et rerum prudentia velox. Ante pilos venit. Præpropere duxit uxorem. Nondum matura nuptiis, elocata est. Livi. Abi hinc cum tuo præpropere amore. Illud præcox ingeniorum genus non temere pervenit ad frugem. Præcocia live præcoqua mala pluris emuntur. Accelerata consilia, raro sunt felicia. Festinata consilia, raro prospere cadunt. Præcipitata consilia vix unquam felicem exitum sortiuntur. Ovid. Et adhuc tua messis in herba est.

CAP.

## CAP. CLXXXIX.

*Post tempus.*

**S**ero sapiunt Phryges. Sera est nunc consultatio. Sero est, mortuo adhibere medicinam. Nulla <sup>z</sup>ras ad discendum sera est. Sera est in fundo parsimonia. Advenit, & post tempus, Seram rosam, proserotina, dixit Horat. Serotini fructus sunt, qui post tempus solitum proveniant, Post festum, ut ajunt, advenitis.

## CAP. CXC.

*Celeritatis.*

**M**Ox te revisam. Brevi te revisam: Propediem te revisam. Primo quoque tempore conveniam hominem. Puncto temporis fortuna versa est. Momento temporis corruunt omnia. Virg.

*Extemplo Aeneas solvuntur frigore membra.*

Sallust. De improvviso. Virgil: Ante expectatum. Dicto citius tumida æquora placat. Simul cum dicto manus affert homini. Actutum se domum contulerunt. Hæc locutus, è vestigio se domum recepit. Protinus, illico, continuo, statim. In ipso statim vitæ limine extinctus est. Confestim se in pedes conjecit: Simul atque hæc dixerat, repente abiit. Simul ut accepit nummos, aufugit. Martial. Vix dum dictum erat, illa dedit, quam maturissime, sive maturrime; pro quamprimum, quam ocysime dixit Sallust. Tacitus: Incisis venis mortem appropereat, id est, accelerat. Nec mora, manum injicit homini. Omnium opinione celerius rediisti: Omnium expectationem celeritate vicisti. Huc fac quamprimum recurras. Volasse dices. Ubi me his negotiis extricare, nihil cunctatus ad vos advolabo.

Ad hanc formam redigi possunt Anticipandi verba, quorum aliquot alibi recensuimus. Prævenire, antevertere, prævertere, sive præverti. Terent. Hæc dies illi antecessit. Occupare. Horat. Cum affectaretur nunquid vis, occupo. Idem: Fortiter occupa

cupa portum: Antevenire. Sallust. Sed ea omni luxu antecapere, id est, præveniebat famem, & sitim: Idem: Ac priusquam legiones scriberentur, multa antecapere quæ in bello usui forent. Idem: Consul optimum factu ratus, noctem quæ instabat, antecapere. Maturandi verbum, frequenter habet celeritatis significationem. Virg. Maturare fugam. Sallust. Nisi maturasset pro curia lignum focus dare. Terent. At Mature, Maturitas, & Maturus non itidem usurpantur.

## C A P. CXCI.

*Spacium loci exiguum:*

**P**laut. Si ex isto loco digitum transversum, aut ungem latum excefferis. Pedem ubi ponat, non habet. Palmum non habet. Pollicem latum agri non habet. Cave digitum latum ab hoc discefferis loco. Pedem latum nunquam à tuis præscriptis digrediâr. Culmum latum nunquam recedat ab Epicuro. Pilum latum non recedit à pristinis moribus.

## C A P. CXCLII.

*Spacium magnum Loci, aut Temporis.*

**P**laut. Longe usque à campis ultimis. Cicer. Usque à mari supero Romam proficisci. Terent. Ex Æthiopia est usque hæc. Usque à pedibus ad summum capillum. Plaut. Usque ex unguiculis. Quod augures omnes usque à Romulo decreverunt. Sallust. Omnia, qua visus erat, constrata telis, armis, cadaveribus: qua visus erat dixit, pro eo quod erat, quam procul undique patebat prospectus. Virg. Usque à proavis vetus ordinis ætas.

## C A P. CXCLIII.

*Metuendi.*

**M**etuo ne quod vis non liceat per patrem. Timeo, ne mihi succenseat. Nullus meus est, ne tibi quis.

quisquam det verba. Nihil periculi est, ſine regno excutiaris. Ter. Metuo ut ſubſtet hospes, id eſt, ne nos ſubſtet. Idem: Firmæ vereor ut hæ ſint nuptiæ. Horat. O puer ut ſis vitalis metuo. M. Tull. Omnes labores te excipere video, timeo ut ſuſtineas. Idem: Accepi à te literas, quibus vereri videris, ut epiſtolas illas acceperim: Sollicitus ſum, ut tantum laborum poſſis ſuſtinere.

## C A P. CXCIV.

*Aptitudinis, & contras*

**E**loquentiæ caput eſt, apte dicere. Neque enim diſerte dicitur, quod inepte dicitur. Nil ad eam rem dici potuit accommodatius. Delige uxorem tuis accommodam moribus. Splendide dixit magis, quam appoſite. Nihil afferri poterat appoſitius. Elegans jocus, ſed parum in loco dictus. Tua inſtitutio non quadrat ad hujus ingenium. Mulieri mulier magis convenit, magis congruit. Hic militiæ natus eſt. Hic ad hujus mores factus, ſcalptuſque eſt. Magnifica loqueris, ſed nihil ad Bacchum, ut ajunt, ſed ἀπεροδόνουσα, ſed ἔδεν ποδὲς ἔπαι. i. e. nihil ad Bacchum pertinentia, nihil ad verſum. Iſta ſarcina non ſedet humeris tuis. Hæc inter ſe non cohærent. Iſthuc ingenioſe interſeruiſti verius, quam concinne. Non ſibi conſtat tua oratio. Non conſonat vita doctriinæ. Non concordant facta cum dictis. Multa dixit extra cauſam, nihil ad rem pertinentia. Quid cani cum balneo? Iſthuc præclare quidem dictum, ſed alieno loco. Alieno tempore ſementem facis, Terrent. Alieniore ætate poſt faceret tamen. Ne bovi clitellas. Feli crocoton addidiſti. In lente unguentum. Non facit ad luſtum cithara.

## C A P. CXCV.

*Moriendi.*

**M**ortem obiit. Vita deſunctus eſt. Vixit. In vivis eſſe deſiit. Exceſſit è vivis. Exceſſit, abſolute, ut deceſſ.

decessit. Satius est millies mortem oppetere, quam turpitudinem admittere. Cic. Mihi ipsi fuit mors æquo animo oppetenda: Obiit supremum vitæ diem. Diem obiit, Cic. Obiit. Vitam morte commutavit. Concessit in fata: concessit vita, frequens apud Tacit. Mortalitatem explevit, apud eundem. Item: Supremum diem explevit. Animam reddidit. Spiritum finiebat. Spirare desiit. Liv. & Cicer. Efflavit animam. Cic. Cujus in complexu libenter extremum vitæ spiritum ediderim. Exspiravit. Cic. Antequam ex hac vita migro, emigro, demigro: Idem, exire de vita. Terent. E medio excessit. Emori malim. E vita discessit inedia. Tacit. Mortem occubuit. Et occubuit, absolute Suet. dixit. Voluntariam occubuit necem. Virg. Seu certæ occumbere morti. Vivis exemptus est. Inter vivos agere desiit. Agere animam dicitur, qui jam moritur. Deo naturæque concessit. Sallust. Ubi anima naturæ cessit, demptis obrectatoribus, ipsa se virtus magis magisque extollit. Idem: Pater, uti necesse erat naturæ concessit. Vitæ peregit fabulam. Letho datus est, Luce orbatus est: Vita orbatus est: Lumine castus, Poëticum. Mortuus, absolute dicitur. Demortuus, qui morte sua locum aut munus reliquit vacuum: in quod qui substituitur, in demortui locum succedere dicitur. Excessus, pro morte apud idoneos auctores invenitur. Item exitus, frequens apud Tacit. Exitu demum Neronis, positis odiis in medium consulere. Idem: Laudatis antiquorum mortibus pares exitus. Quanquam exire è vita fere dicuntur, qui spontaneam ob-eunt mortem: & exitus eorum, qui sponte decedunt è vita. Quod peculiare est etiam oppetere mortem. Finem, pro excessu, dixit Tacitus, Comperto fine Augusti.

## C A P. CXCVI:

*Mortis spontanea.*

**C**icer. è vita tanquam è theatro exeamus: Impatiens malorum, mortem sibi conscivit, necem sibi con-

conscivit. Inedia vitam finiit. Veneno sumpto, mortem accersivit. Incisis venis, mortem appropinquat. Ita Tacitus. Desperatis rebus, decrevit sibi afferre manus. Idem. Vim suæ vitæ attulit. Idem frequenter dicit, mortem sumere, pro mortem sibi consciscere. Haud credirus sufficere ad constantiam sumendæ mortis. Morte spontanea vitam abruptit. Intercluso spiritu mortem invenit. Suspendio quæsit mors.

## CAP. CXCVI.

*Mortis adactæ.*

**O**ccidit, interfecit, peremit, necavit, extinxit, jure cæsus est, neci dedit. Virg. Dede neci. Vitam & Cantharides eripere possunt. Terent. Animam seni extinguerem. Vita privavit. Vita, seu luce orbavit. Nero Senecæ denunciavit ultimam necessitatem. Ad necem adegit.

## CAP. CXCVIII.

*Propositi.*

**I**uvenal. Si te propositi nondum pudet: Erat animus, erat in animo. Proposueram, statuëram, decreveram, constitueram urbem relinquere. Si stat sententia, literis te addicere. Non est sententia, frustra niti. Non fuit consilium, socordia, atque desidia bonum otium conterere. Non sum hujus animi, ut inanem operam velim sumere. Non est consilii. Non est ratio. Visum erat ad vos remigrare. Habebam in animo. Sic apud animum meum statuo. Sallust.

## CAP. CXCIX.

*Periculi imminētis.*

**N**on sentis quid tibi malorum impendeat, quanta immineat calamitas, quanta instet tempestas. Nō  
ca

liebatur. Specioso titulo molitur facinus omnium turpissimum. Plausibili titulo. Religionis fuce sese venditant. Amici specie gessit inimicum. Sallust. Quicunque Rempub. agitavere honestis nominibus. Idem. Sed hæ res mire sunt vitiis obtentui, id est, his prætexuntur vitia. Magni nominis umbra tententur.

## CAP. CCII.

*Temeritatis.*

**N**ihil habet pensi. Inconsulûs consiliis agit omnia. Pro sua libidine rem gerit. Audacia illi pro sapientia, in consilio est. Æqui atqui iniqui nulla ratio est. Quid deceat, quid non, susque deque habet: Sallust. Quæ etiam mediocres viros spe prædæ transversus agit. Idem: Quos privata amicitia Jugurthæ parum cognita transversos agit. Impetu fertur magis, quam judicio ducitur. Nihil habet pensi, quid, in quem, dicat.

## CAP. CCIII.

*Exequiarum.*

**E**xquias inire. Curare funus. Parentare. Parentalia peregrimus. Sallust. Postquam illi more regio juxta magnifice fecerunt.

## CAP. CCIV.

*Consuetudinis, aut contra.*

**I**nsuevit fallere: Affuevit mentiri. Consuetare relinquere durum est. Optimis assuescendum. Armis, belloque desueti. Ad ista jam pridem occalluit animus. Longo usu callum duxi. Terent. Quid tu Athenas insolens? Insolens injuriarum, dixit Sallust. Idem: Interdum timidos insolentia itineris levare manu. Nihil novi facis. Isthuc insolens facis. Isthuc tuo more facis. Isthuc tibi solenne est. Moris est. In usu est. In usu esse desiit. Tac. Ne vetustissima Italiæ disciplina per desidiam exolesceret. Idem: Græci amictus jam exoleverant. Liv. Pe

De

# RERUM COPIA COMMENTARIUS SECUNDUS.

*Et mox de prima locupletandi ratione.*



Ostea quam de Verborum Copia, quæ veniebant in mentem, quæ potuimus brevitate, diximus, reliquum est, ut simili compendio de Rerum Copia perstringamus. Atque ut hanc operis partem exordiamur ab iis, quæ superiori generi sunt quam maximè finitima: prima locupletandæ sententiæ ratio videtur, si quod summarim, ac generatim dici poterat, id latius explicetur, atque in parteis diducatur. Quod quidem perinde est, ac si quis primum mercem per transennam, aut peristromata convoluta ostendat, deinde eadem evolvat aperiatque, ac tota oculis exponat. Hujus rationis id erit exemplum.

REM UNIVERSAM LUXU  
perdidit.

Eam sententiam in summa comprehensam quasiq; convolutam, hunc admodum licebit evolvere: Si plurimas possessionum formas enumeremus, sique varias perdendæ rei vias explicaverimus. Quidquid vel matris, vel patris nomine hæreditate obvenerat: quicquid aliorum affinium morte advenerat: quicquid ex uxoris dote, quæ quidem neutiquam erat vulgaris, accesserat: quicquid ex legatis accreverat (accreverat autem permultum) quicquid ex Principis acceperat liberalitate: quicquid peculii



aut nova, aut verustate exemplorum memoriæ jam exoleat. Ista jam in desuetudinem abiire.

## CAP. CCV.

*Tarditatis.*

**T**ardat, quod Græci *ἄργυρος*. Tardus corpore sed ingenio tardior. Lentus abes. Festina lente. Age pederentim, paulatim, sensim infunde. Cunctari, bellum ducere. Sallust. Quem ubi cunctari accedit, & dubium belli, atque pacis rationes trahere. Idem Ptolemæus pretio ad dies bellum prolata. Tacit. Diem ex die prolatabant. Liv. Cum is diem de die differret. Cæsar. Diem ex die ducere: Cic. Procrastinare. Comperendinare.

## CAP. CCVI.

*Non ultra.*

**I**ntra convitiaria constitit. Citra sanguinem pugnatum est. Perbenignus est, sed non ultra promissa. Idem efficit dictio, Tenus, cui veteres liberius, quam nos addiderunt nomen nunc auferendi nunc gignendi casu. Crurum tenuis, dixit Virg. Tacit. Non patrum saltem porta tenuis obvium. Idem: modo pectore, modo ore tenuis extantes. Idem: Vsurparas nomine tenuis urbium expugnatas dictitant. Idem: Janua, ac limine tenuis domum claudit. Idem in vita Agricole. Unum addiderim nusquam larius dominari mare, multum fluminum huc atque illuc ferre, nec littore accrescere, aut resorberi. Sentit mare transire littora. Livi. In quos jecit magis hoc consul verbo tenuis, quam ut re insimularet. Idem dixit vulneribus tenuis: Aurium tenuis, dixit Fabius. Quintus Curt. Pauci hostium tenuis exacti penetravere usque ad portum. Apuleius, Pallio tenuis Philosophos imitatur.

## FINIS PRIMI LIBRI.

De

# RERUM COPIA COMMENTARIUS SECUNDUS.

*Et mox de prima locupletandi ratione.*



Ostea quam de Verborum Copia, quæ veniebant in mentem, quæ potuimus brevitate, diximus, reliquum est, ut simili compendio de Rerum Copia perstringamus. Atque ut hanc operis partem exordiamur ab iis, quæ superiori generi sunt quam maximè finitima: prima locupletandæ sententiæ ratio videtur, si quod summarim, ac generatim dici poterat, id latius explicetur, atque in parteis diducatur. Quod quidem perinde est, ac si quis primum mercem per transfennam, aut peristromata convoluta ostendat, deinde eadem evolvat aperiatque, ac tota oculis exponat. Hujus rationis id erit exemplum.

REM UNIVERSAM LUXU  
perdidi.

Eam sententiam in summa comprehensam quasiq; convolutam, hunc admodum licebit evolvere: Si plurimas possessionum formas enumeremus, sique varias perdendæ rei vias explicaverimus. Quidquid vel matris, vel patris nomine hæreditate obveniat: quicquid aliorum affinium morte advenerat: quicquid ex uxoris dote, quæ quidem neutiquam erat vulgaris, accesserat: quicquid ex legatis accreverat (accreverat autem permultum) quicquid ex Principis acceperat liberalitate: quicquid peculii

castrensis conflaverat: pecuniam omnem, vasa, vestes, fundos, agros, una cum ipsis & villis, & pecoribus. Breviter, rem omnem seu mobilem, seu soli. Denique familiam etiam ipsam, foeditissimis scortorum amoribus, quotidianis commestationibus, sumptuosissimis obsonationibus, nocturnis perpotationibus, popinis, cupediis, unguentis, alea, lufibus, paucis diebus ita absumpsit, abligurivit, absorbuit, ut ne teruncium quidem sibi reliquum fecerit. Hic duo illa verba, Rem universam, & luxu perdidit: suis partibus explicantur. Adjiciemus & alterum.

### CYCLOPÆDIAM ABSOLVIT.

In genere dictum est. Id ita poteris explicare, si singulas disciplinas, omnem doctrinæ speciem, singulatim recenseas. Nullum omnino doctrinæ genus est: in quo non sit exquisitè versatus: Nulla disciplina, quam ille non ad unguem perdidicerit, & ita perdidicerit, ut in una qualibet sola laborasse videatur. Adeo mire Poëtarum omnium omnes fabulas tenet. Adeo Rhetorum flosculis abundat. Adeo Grammaticorum laboriosos canones excussit. Dialecticorum argutias caller. Physices arcana pervestigavit. Ultra mundanæ sapientiæ ardua superavit. Theoiogorum abdita penetravit. Mathematicas apodixes perceptas habet. Sic astrorū motus, sic numerorum rationes, sic terrarum dimensiones, urbium, montium, fluminū, fontium situs, nomina, intervalla: sic vocum concentus atque discrimina caller. Adeo quicquid est historiarum tum veterum, tum recentium meminit. Quicquid bonorum auctorum, quicquid vel antiquitatis, vel novitatis, id omne tenet. Adde his parem Græcicæ ac Latinæ literaturæ linguaeque peritiam, denique quicquid unquam eruditionis ab egregiis auctoribus repertum ac traditum fuit, id universum unus hic absolute perceptum cognitumque habet, ac meminit.

I T E M.

## I T E M.

Omnibus naturæ fortunæque dotibus præditus.

Hoc si cui libeat explicare, commemorabit singula corporis commoda: deinde singulas ingenii, atque animi dotes: postremo genus, opes, patriam, successus, & quicquid à fortuna solet obvenire. Rursum, Tertium exemplum erit Hippias omniscius. Hoc si quis velit dilatare, referat licebit omnia illa, quæ in ejus viri descriptione receperet Apuleius in Floridis, non sine varia verborum copia.

Extat hujus rationis exemplum aptissimum, apud Lucianum in Harmonide. Etenim cum potuisset summatim dicere, τὴν αὐλικὴν ὄλῳ ἐκμημάθηκα, i. e. universam artem tibiis ludendi perdidici; maluit explicatis partibus copiam ostentare ad hunc modum.

Εδιδάξω μὲν ἥδη ἀρμόσασθαι τὸν αὐλὸν ἐς τὸ ἀκρίβες, καὶ ὁμπνῆν ἐς τὸν γλασίδα λεπτόνῳ καὶ ἐμμελές, καὶ ὑποβάλλειν τὰς δακτύλους δι' ἀγῶος ὑπὸ πυκνῇ τῇ ἀρσὶ καὶ θέσσει, καὶ βαίνειν ἐν ῥυθμῷ, καὶ σύμμετα εἶναι τὰ μέλη πρὸς τὸν χρόνον, καὶ τῆς ἀρμονίας ἐκείνης διαφυλάττειν τὸ ἴδιον, τῆς εὐρύτης, τὸ ἔειπεν, τὴν Λυδίαν, τὸ βακχικόν, τὴν Δαρείαν τὸ σεμνόν, τὴν Ἰωνικὴν, τὸ γλαυρόν, ταῦτα μὲν εἰς πάντα ἐκμημάθηκα παρὰ σε. Quæ tamen si vix possunt reddi Latine, tamen ob Græcanici sermonis ignaros veritam ut potero. Docuisti me jam exacte adaptare tibi, atque in ejus lingulam inspirare tenue quiddam ac modulatum, tum commodo, faciliq; contractu submittre digitos in crebra sublatione ac demissione vocis, adhuc ad numerum ingredi, & ut modi congruant ad chorum, præterea quod cuique harmoniæ generi proprium est observare Phrygiæ, divinum impetum, Lydiæ, Bacchicum furorem, Doricæ gravitatem, ac modestiam, Jonicæ incunditatem. Quod si in proximo exemplo placuisset in singulis disciplinis facere, quod hic Lucianus fecit in una Musicæ parte, vides quanta sermonis copia fuerit futura.

In his non abs re crediderim illud admonere, simul & in initio proponi summam rerum, & eandem alia sermonis specie repeti, & ita redeundum ad genus, quasi singulis enumerandis jam sis defatigatus, etiamsi nihil erit præteritum. Præterea cavendum, ne partium ordinem confundamus tu multuaria verborum congerie, sursum ac deorsum miscentes omnia, ne molestam vocum turbam nulla conditam gratia conglomeremus: sed vel ordine scito, vel apta distributione, vel eleganti descriptione legentis, aur audientis tedium excludamus. Ad hanc formam pertinet & illud, quoties totum, quod non formis, sed partibus constat, in eas diducitur, ut: Hic totum monstrum est, hoc pacto dilatabitur: Si prius hominem in corpus atque animum partiatis, deinde singulas corporis partes, singulas item animi partes attingas: Et animo & corpore monstrum est: quacunque vel animi vel corporis parte contempleris, monstrum reperiēs: Caput tremulum, oculos caninos, os draconis, vultum furie, ventrem abdomine distentum, manus ad rapinam incurvas, pedes intortos: totam denique corporis figuram inspicere, quid aliud quam monstrum præ se ferunt? linguam & vocem illam beluinam observa, portentum dices, ingenium excute, prodigium invenies, mores expende, vitam scrutare, omnia monstrosa comperies, & ne singula persequar, quantus quantus est, nihil nisi monstrum est. Hic si quis velit in singulis velut depingendis immorari, satis apparet, quantum ubertatis sit accessurum orationi. Item aliud exemplum.

### TOTUS COMMADUIT.

A summo capillo ad inum usque calcaneum pluvia commaduit: Caput, humeri, pectus, venter, tibie, totum denique corpus pluvia distillabat. Minutius quidem illud, haud tamen indignum quod admoneatur, ad hanc formam referri posse, quoties de specie loquentes, genus adjungimus, id quod fere fit amplificandi gratia. Quum omnis eruditio plurimum

plurimum affert & ornamenti, & adjumenti mortalibus, tum præcipue philosophia. Item omni quidem ætati foeda est libido, verum senectuti multo foedissima. Item: Cum omnibus in rebus plurimum habet momenti prudentia, tum præcipue in bellis. Simplex enim erat prudentiam in bellis plurimum habere momenti. Hujus generis est illud Cicer. in Orat. pro domo sua, apud pontifices: cum multa divinitus, Pontifices, à majoribus nostris inventa atque instituta sunt, tum nihil præclarius, quam quod vos eosdem & religionibus deorum immortalium, & summæ Reipub. præesse voluerunt. Quanquam quid attinebat unum hoc referre, cum hujus formæ exempla nusquam non sint obvia.

## SECUNDA VARIANDI ratio.

Hujc admodum affinis est secunda variandi ratio: quoties non contenti semel exitum rei proponere, ex quo reliqua quæ præcesserunt, per se queant intelligi, singularim ea quoque commemoramus, per quæ ad eum exitum perventum est. Hujus præceptionis hoc erit exemplum: Cicero Catilinæ conatus oppressit. Id ita locupletabis, Catilinæ nefarios conatus per juvenes perditissimos, totius Romanæ civitatis exitum atque internationem molientes. M. T. Cic. consul, sua sagacitate statim odoratus est: singulari vigilantia pervestigavit: summa prudentia apprehendit: miro in Rempublicam studio prodidit: incredibili eloquentia convicit: gravissima autoritate repressit: armis extinxit: magna felicitate sustulit.

Item aliud: Ex ea virgine filium sustulit: hac ratione dilates licebit: Eam virginem quod esset singulari forma, misere deperibat. Deinde amoris impatiens, simplicem puellæ animum promissis sollicitavit: muneribus corruptit: blanditiis deliniit, officiis in mutuum amorem pellexit: improbitate vicit: denique consuetudinem cum ea habuit, ac devirginavit: aliquanto post tempore uterus virginis caput

tumescere, foetu videlicet concepto: Demum exactis novem mensibus parturit, ac puerum peperit.

Item, aliud exemplum: Urbem cepit: Ita poterit ampliari: Principio feciales rem repetitum missi, qui pacis etiam condiciones offerrent: Quas cum oppidani non acciperent, copias undique comparat: machinarum maximam vim comportat, admovet exercitum una cum machinis ad urbis mœnia. Illic contra è muris acriter hostem repellunt: tandem hic superior in congressu, conscensis mœnibus urbem invadit, ac rerum potitur.

### TERTIA RATIO.

Ab hac rursus non ita vehementer abhorret tertia locupletandi sermonis ratio, quoties rem non nudam exponimus, sed altius etiam causas reperimus, à quibus initis sit profecta: veluti si cui non satis sit dixisse, bellum intercessisse Gallis cum Neapolitanis, verum etiam addat, quæ fuerint simultatis causæ, quis instigator, quæ suscipiendi belli occasio, quæ vincendi spes, quæ utrisque fiducia. Hoc præceptum ut est dilucidius, quam ut egeat præceptione, ita difficile sit exemplum nisi plurimis verbis proponere. Quare supersedeamus, & lectorem ad Sallustium ac Livium relegabimus.

### QUARTA RATIO.

Nec admodum discrepat ab his quarta locupletandi ratio. Quoties non simpliciter proponimus negotium, sed enumeramus etiam illa, quæ negotium comitantur, vel consequuntur? Quod genus sit: Bellum tibi acceptum feremus. Hoc pacto poteris dilatare rem. Exhaustum in barbaros milites ærarium, fractam laboribus juventutem, proculcatas segetes, abacta pecora, incensos passim vicos, ac villas, desertos agros, eversa mœnia, compilatas domos, direpta fana, tot orbos senes, tot Orphanos liberos, tot viduas matronas, tot virgines indigne constupratas, tot adolescentium licentia depravatos mores, tan-

tum funerum, tantum luctus, tantum lachrymarum: præterea extinctas artes, oppressas leges, oblitera, tam religionem, confusa divina, humanaque omnia: corruptam civitatis disciplinam; Universum, inquam, hoc malorum agmen, quod ex bello nascitur, tibi uni feremus, acceptum, siquidem belli fueris auctor.

### QUINTA RATIO.

Quinta locupletandi ratio videtur potissimum ad *ἐκφρασίαν*, quam evidentiam vertunt, pertinere. Ea utemur, quoties vel amplificandi, vel ornandi, vel delectandi gratia, rem non simpliciter exponemus, sed ceu coloribus expressam, in tabula spectandam proponemus, ut nos depinxisse, non narrasse, lector spectasse, non legisse videatur: Id ita præstare poterimus, si prius ipsi totam rei naturam omnesque circumstantias, ac veluti faciem, animo lustremus. Deinde ita verbis, ac figuris idoneis effingamus, ut quam maxime fiat evidens perspicuaque lectori: Hac virtute præcellunt cum omnes Poëtae, tum præcipue Homerus, quemadmodum suis indicabimus locis. Constat autem præcipue descriptione rerum, temporum, locorum, personarum.

#### *Descriptio Rei.*

Rei descriptione locupletabimus orationem, cum id quod fit, aut factum est, non summatim, aut tenuiter exponemus: sed omnibus ficatum coloribus, ob oculos ponemus, ut auditorem sive lectorem jam extra se positum, velut in theatrum, avocet. Hanc ab effingenda rerum imagine Græci *ὑποϋψῆσις* vocant. Etiam si hoc vocabulum commune est, quoties aliquid oculis subjicitur. Veluti si quis expugnata civitatem dicat, cuncta nimirum in summa complectitur, quæcunque talis fortuna recipit: utar enim Quintiliani verbis: At si aperias hęc, quæ verbo uno inclusa erant, apparebunt effusæ per domos ac templa flammæ, & ruenium tectorum fragor, & ex diversis clamoribus urus quidam



sonus, aliorum fuga incerta, alii in extremo complexu suorum cohærentes, & infantium feminarumque ploratus, male usque in illum diem servati fato senes: tum illa profanorum sacrorumque direptio, efferentium prædas, repetentiumque discursus, & ante suum quisquis prædonem catenati, & conata reinere infantem suum mater: & sicubi manus lucrum est, pugna inter victores. Licer enim hæc omnia complectatur eversio, minus est tamen totum edicere, quam omnia, Hactenus Fabius. Idem hujus videntia citat exemplum hoc ex Cælio in Antonium. Namque ipsum offendunt temulento sopore Profligatum totis præcordiis stertentem, ructuosos spiritus geminare, præclarasque contubernales ab omnibus spondis transversas incubare, & reliquas circum jacere passim, quæ tamen exanimatæ terrore, hostium adventu percepto excitare Antonium conabantur. Nomen inciamabant frustra, cervicibus tollebant, blandius alia ad aurem invocabant, vehementius etiam nonnulla feriebant. Quarum cum omnium vocem tactumque noscicaret, proximæ cujusque collum amplexu petebat nec dormire excitatus, nec vigilare ebrius poterat, sed semi somno sopore inter manus centurionum, concubinarumque jactabatur. Nihil, inquit Fabius, his nec credibilius fingi, nec vehementius exprobrari, nec manifestius ostendi potest. Refert idem descriptionem convivii luxuriosi. Videbar, inquit, videre alios intrantes, alios vero exeuntes, quosdam ex vino vacillantes, quosdam hesternæ potatione oscitantes. Humus erat immunda, lutulenta vino, coronis languidulis & spinis cooperta piscium. Sed hujusmodi exemplorum nusquam non magna copia, præsertim apud Poëtas, ut dictum est, & apud historicos poëtis proximos. Præcipue vero narrationes nunciorum in tragædiis, quoniam vice spectaculi subjiciuntur, dum ea referunt, quæ representari in theatro aut non possunt, aut non convenit, hac virtute insigniter abundant. Veluti cum in Euripidis Hecuba Talthybius narrat Hecubæ, quomodo sit occisa Polyxena: & in Iphigenia Aulidensi nun-

eius exponit quomodo sit interfecta Iphigenia. Et in Troade Senecæ, nuncius refert Andromachæ, quomodo periisset Astyanax ipsius filius. Hoc ad exemplum indicasse satis est, cum omnes tragadiæ scateant hujusmodi narrationibus: Nec refert ad hoc institutum, veræ sint an falsæ, quemadmodum in Electra Sophoclis senex fidè narrat Clytemnestræ, quomodo in certamine periisset Orestes. M. quoque Tull. mirus est in hoc genere artifex. Verum illud arbitror admonendum, hoc genus descriptionis præcipue quidem constare circumstantiarum explicatione, earum præsertim, quæ rem oculis maximè subjiciunt, ac moratam reddunt narrationem. Non mediocriter tamen adjuvari collationibus, similibus, dissimilibus, imaginibus, metaphoris, allegoriis, & si quæ præterea sunt figuræ, quæ rem illustrent. Quin epitheta quoque in hunc usum plurimum valent. Veluti cum dicimus ærios scopulos, turrigeras urbes, Cæruleum, aut vitreum mare, curvum aratorem, superciliosum Philosophum, patulas fagos, atram specum, & apud Homerum *δυσσηγὴς ὄλεμεν*, & *κορυθαίλας ἕκτορ, βροτολοιγὸς ἄρης καὶ τειχεσπλήκτης*, i. e. male sonans bellum, Hector variegatam habens galeam, homicida Mars, & mirorum everfor, quo genere nusquam non scatet Poëta. Neque solum in descriptione complectimur, quæ præcesserint, quæ adjuncta rei fuerint, quæ consecuta: verum etiam ea quæ facta non sint, vel fieri potuisse, si hoc aut illud evenisset, vel fieri posse demonstramus: veluti si quis dicat: Vide in quod discrimen adduxisti Rempubl. qui temere congressus sis cum hoste. Etenim si forte fortuna superassent hostes, hæc atque hæc erant eventura. Aut si quis monarchiam dissuadeat, descriptione ob oculos ponat omnem tyrannidis Tragœdiam: Jamque auditores admoneat, ut putent sese hæc omnia videre, quæ mox passuri sunt, si Democratiam mutarint in regnum. Porro si res agitur seria, tum eatenus adhibendæ sunt *ὑποτυπώσεις*, i. e. delineationes, quatenus ad causam conducunt. Verum cum tota res ad voluptatem spectat, quemadmodum in poëmatibus

ferme sit, *modestissime. i. e. demonstrationibus*, & quæ exercendi ostentandive ingenii causa tractantur, licebit effusionibus hujusmodi liberius lascivire. Ad hanc formam pertinent descriptiones Homericæ, quoties armat Deos suos, aut heroas, quoties convivium, quoties prælium, quoties fugam, quoties consilium describit. Quid enim iste non exponit oculis, tum aptis circumstantiis, quæ tamen si non nunquam minutæ videntur, tamen nescio quo pacto mirum in modum rem oculis subjiciunt, tum Epithetis; tum adhibitis similibus. Præterea descriptiones turbinum, tempestatum, aut naufragiorum. Quales sunt apud Hom. locis compluribus: apud Virg. lib. Æneid. 1. apud Ovid. Metamorph. undecimo: pugnæ barbaricæ apud Juvenal. item pestilentia, qualis est apud Maron. Georg. lib. 3. apud Naso. 7. apud Senec. in Oedipo. item apud Thucydidem. Præterea famis: cujusmodi est insignis in quadam Quintiliani declamatione. Item prodigiorum, Solis eclipsum, nivis, imbrum, fluminum, tonitruum, terræ quassationum, incendiorum, inundationum: quod genus apud Ovid. diluvii Deucalionis descriptio. Item seditionum, exercituum, præliorum, stragis, excidii, direptionum, monomachiarum, pugnæ navalis; qualis est apud Lucan. libro tertio epuli, conviviorum, nuptiarum, funerum, triumphorum, ludorum, pomparum. Cujus generis est apud Plurarch. in vita M. Antonii Cleopatraz navis. Sacrorum, Ceremoniarum, Incantationum, ac Maleficiorum, qualis est apud Lucan. in 6. Item apud Horat. in Stat. sub persona Priapi narrantis, quæ viderit: Venationum, cujusmodi extat Adriani cardinalis: tamen si docti negant hoc carmen illius esse. Item Animantium, quod genus est torpedinis, & histricis descriptio, apud Claudian. Apud eundem, & item apud Lactant. Phœnicis. Psittaci apud Ovid. in amoribus, & apud Stat. serpentium apud Lucan. in 9. Multorum piscium apud Oppian. apud Plin. cum innumerabilium animantium formæ, nature, mores, pugnæ, concordia, tum præcipue culicis descriptio. Apud Mar. equi ac bovis expressio, æmumira

mira representatio. Statuarum item, qualis est in epistolis Plinianis signi fenilis, tabularum, & imaginum, qualis est apud Lucian. Hercules Gallicus: apud Philost. varia picturarum argumenta: cujusmodi sunt & argumenta textorum: & sculpturarum, aut similium operum, quorum apud Poëtas & historicos exempla sunt innumera. Ut apud Ovid. lib. 6: Metam. textura Arachnes: qualis est clypeus Achillis ab Homero expressus: Æneæ à Marone. Adhæc navis, vestis *πανοπλίας. i. e. perfecta armatura*, machinæ, currus, Colossi, Pyramidis, aut si quid est aliud rerum consimilium, quarum descriptio delectet. Equidem ad hoc genus referendum arbitror, quoties formæ gentis, vitæque ritus explicantur: veluti si quis Scytharum, Anthropophagorum, Indorum, Troglodytarum, aut similium gentium imaginem oculis exponat. Aut si vitæ militaris, Philosophicæ, aulicæ, rusticæ, privatæ, regiæ, simulacrum quoddam effingas. Verum ut ista probe exprimas, non modo confert ars, & ingenium, verum etiam oculis spectasse, quæ velis effingere, plurimum refert. Sunt & fabulosæ rerum descriptiones, quæ tamen ad veras alludunt: velut ætatis aureæ, argenteæ, ferreæ. Qualis est & apud Ceberem humanæ vitæ pictura: apud Lucianum aulæ, calumniæ, eruditionis, aliæque complures: apud Homerum Oisæ, Ates, & Litarum: apud Ovid. famis, livoris: apud eundem, & item apud Maronem, Famæ. Quod si quis malit hæc ad personæ descriptionem pertinere, de qua mox dicam, equidem non magnopere repugno.

### *Persona descriptio.*

His igitur est proxima personarum descriptio, quam Prosopopœiam appellant, tamen si non nihil ab hac dissidet Prosopographia, vel hoc nomine, quod latius pateat. Nam famis quoque, invidiæ, somni, de quibus modo diximus, prosopographias non absurde dixeris. Proponitur enim ceu persona quædam: Cujusmodi sunt & illæ, virtutis, ac voluptatis, quas Pro-

Prodicus Sophista apud Herculem inter sese decertantes facit, ut auctor est Xenophon. Item mortis ac vitæ, quas Ennius in Satyra contententes inducit, teste Fabio. Item calumniæ, apud Lucian. apud eundem eruditionis, & statuariæ. Occasionis, apud Aufon. Fortunæ, apud Horat. in Odis, & Q. C. Cupidinis apud Moschum. Penias, & Pluri apud Aristoph. Justitiæ apud Chrysipp. referente Gellio. Philosophiæ, apud Boëtium Seve. Lamiæ, apud Politian. Item Musarum, Gratiarum, Furiarum, Bellonæ, Sphingis, Scyllæ, Cahrybdis, ac similibus apud poetas.

Sunt quædam propiores vero, sed tamen ad ostentationem accommodatiores. Cujusmodi est Hippia descriptio apud Lucianum, & ejusdem apud Apuleium in Floridis: sed Oratori magis conveniunt illæ notationes. Sic enim appellant, quoties amantibus luxuriosi, avari, voracis, temulentis, somniculosis, garrulis, gloriosis, ostentatoris, invidi, sycophantæ, parasiti, lenonisve personam depingimur. Hujus generis extat exemplum in quarto Rhetorices ad Herennium: ubi suis notis depingitur pseudoplutus, divitiarum ostentator, cum esset pauper. Cæterum è comædiis quantumlibet exemplorum sumere licebit. Nihil enim aliud agit comædia. Extant ad hoc facientes notæ, Theophrasti titulo: mihi Grammatici cujuspiam videntur magis, quam Philosophi. Depingitur autem ab omnibus circumstantiis, præcipue vero ab his: A natione seu patria, si Pœni, Græci, Galli, Scythæ, Hyberni, Hispani, Scoti, Britanni formam, cultum, vocem, linguam, gestum, incessum, ritus, ingenium, ac mores expresseris. Fingendus autem Pœnus fœdis fragus, vaser, insolens, cultu ambitiosiore, atque item de cæteris. Sunt & singularum civitatum peculiæ notæ: ut mollis Atheniensis, & ad dicendum, quam faciendum instructor: Sever. Romani, Parci Florentini. A sexu depingitur vir severior, mulier loquacior, inconstantior, supersticiosior. Ab ætate, tales effingimus, quales Horatius ostendit in arte poetica. A fortuna, fastuosior inducitur dives: humilior ac

ac timidior pauper. A studiis fit gloriosus, & facinororum suorum immodicus jactator miles, perjurus leno, tristior rusticus, adulantior aulicus, mitior urbanus, Medicus ad quæstum propensior. Poëta nominis avidior, fontibus, nemoribus ac secessibus gaudens, opum & honorum civilium contemptor, Sophista loquacior, quam sapientior. Neque neglegendi communes affectus, quò fit animo pater in liberos, maritus in uxorem, civis in patriam, princeps in plebem, plebes in patritios, cæterique quos diligentissime tradidit in Rhetoricis suis Aristoteles. Sunt autem peculiæ etiam in singulis horum differentiæ. Neque enim satis est tenere, quid seni, quid juveni, quid servo, quid patri familias, quid lenoni conveniat. Alioquin singuli horum semper sui similes inducerentur. At Comici præcipue varietatem in ejusdem quoque generis personis affectasse videntur. Quid enim dissimilius quam Demæa, ac Mitio apud Terent. quorum hic cum etiam gravissime filium objurgat, blandus est ille, cum maxime blanditur, amarulentus. Et tamen uterque senex, atque adeo fratres. Quid diversius quam Chrentes semper placidus ac civilis, & Simo vehemens ac suspiciosus. Item, quam Pamphilus cordatus, & Charinus inops animi consilique? Quid tam dissimile quam Phædria cum morbo pugnans, & Chærea nihil habens pensi? Multum item interest inter Davum pertinacissimum sperandi auctorem, & Byrriam nihil præter desperationem afferentem? Plurimum inter parasitum Gnathonem, & Phormionem: & ab utroque longe dissident parasiti Plautini: quemadmodum & hujus meretrices à Terentianis plurimum discrepant. Terentius meretrices prope modum bonas fingit veluti Philotim, & Bacchidem in Hecyra. Plautus senes amantes & festivos, & uxoribus veteratorie imponentes; quanquam alias Eucleonem prodigiose tenacem ac suspiciosum facit.

Quod si personam tractamus ab alio occupatam ab iis qui priores finxerint, aut descripserint decorum petendum est: veluti si tractes Achillem, acrem, in ex-

inexorabilem, simplicem, infensum regibus, infensum mendacibus, pedibus volocem inducas oportet. Nam hujusmodi primus finxit Homerus. Rursum Ulysses vasum, mendacem, dissimulantem, omnia tolerantem. Agamemnonem animo mitiore, sed imperii cupidum, timentem populum, voluptatis avidiorem, quam belli. Hectorum animo sublimi, mortis & auguriorum negligentem, patriæ omnia posthabentem. Ajacem factis magis, quam oratione strenuum, contumeliæ ac repuliæ impatientem. In summa, ut cujusque personam finxit Homerus, ita Tragici Poëtæ inducant oportet. Item, si quis Aristidem, Themistoclem, Phocionem, Alcibiadem, Pisistratum, Julium Cæsarem, Fabium, aut Camillum, aut Timonem, Socratem, Platonem, Epicurum, cupiat effingere, ex historiis decorum perendum est. Quod exercitationis genus placuisse videtur iis qui Menelai, Phœnicis, Achillis, Phalaridis, Bruti, Senecæ, ac Pauli epistolas, & orationes finxerunt. Idem spectandum erit scribenti dialogos, quibus personis quem tribuat sermonem. Cæterum Decorum quod est in fictis personis (veluti si Philosophiam producas vultu constanti, & auctoritatis pleno: Musas simplices ac blandiores; Gratiâ junctas, ac zonis solutis: Justitiam rectis atque immotis luminibus, cæteraque hujus generis) id à rerum natura, ad quas alliditur, oportebit sumere. Est quoque decorum in Apologis, quod nemo recte tuebitur, nisi naturas animantium cognitas, atque animadversas habeat: ut sciat docilem, ac religiosum elephantum; Delphinum Crocodilo inimicum, hominis amantem: Aquilam in sublimi nidum ponere: Scarabeum stercora, in quibus gignit, ac gignitur, ex more protrudere, nec videri temporibus, quibus incubant Aquilæ: Cassitam in segetibus ova ponere; Erinacium gaudere discursu, inimicum serpentibus. Atque hæc quidem, hisque, reconditiora facile petuntur ex Aristotele, Plinio, Æliano. Tractatur & hoc genus etiam ab oratoribus. Porro duriores sunt apologi, qui rebus inanimis, ut arboribus aut saxis, sermonem attribunt.

Sed Oratorum magis peculiare sunt illæ proso-  
graphiæ, quoties suis ceu coloribus certa hominis  
persona depingitur, idque eatenus, quatenus ad rem  
propositam attinet, quemadmodum apud Sallust.  
Catilina, apud Liv. Annibal, apud Plin. Trajanus.  
Rarius enim incidunt, sed tamen incidunt illæ for-  
marum effictiones. Quod genus sit, si quis mulierem  
formosam omnibus ferme numeris exprimat, aut  
contra, deformem anum. Quemadmodum Ther-  
siten effinxit Homerus; & Græcorum multos pro-  
ceres è mœnibus, Helena Priamo, suscitanti indi-  
cat, & hunc imitatus Maro in 6. complures Roma-  
nos describit. Ad hanc formam præcipue pertinet  
schema *διαλογικῆς*, id est, sermocinatio, quoties u-  
nicuique sermonem accomodamus ætati, generi, pa-  
triæ, vitæ instituto, animo, moribusque congruen-  
tem. Nam hujusmodi sermones in historia licet af-  
fingere: unde tot Thucydidis, Sallustii, Livii oratio-  
nes effinguntur, & epistolæ, & apophthegmata. De-  
mum & cogitationes veluti hominis secum lo-  
quentis; quanquam hoc Poëtis familiarius. Illæ pro-  
prie *πρὸς τὸν αὐτὸν*, nomen merentur, quoties per-  
sonam hominis procul absentis aut jam olim defun-  
cti loquentē facimus servato decoro: quod genus sit:  
Quid si nunc reviviscant prisci illi hujus urbis opti-  
mates, viderintque temporum horum mores, non-  
ne in has vocis erumperent? Deinde subjicienda  
oratio. Quid si nunc adesset proavus ille tuus; non-  
ne merito his te verbis objurgaret? Quid si redeat  
in hanc lucem Camillus, nonne jure his verbis  
nobiscum agat? Et jam mihi videor audire illum  
sic mecum loquentem. Et fingite Platonem ipsum  
ad hunc modum vobiscum expostulantem. Vere-  
cundiores sunt hujusmodi prosopeiæ, cum ea lo-  
quentes fingimus, quæ verisimile sit eos esse dictu-  
ros, si adessent. Duriores autem, (sed tamen etiam  
in seriis orationibus, non tantum in exercitationi-  
bus adhibendæ) si quando rerum gravitas postula-  
bit, quoties naturam. aut Rempubl. aut Provinciam,  
aut patriam loquentem facimus. Ut in Catil. fe-  
cit Cicer. Quæ tecum Catilina, & quodammodo  
tacita



tacita loquitur. Rursum: Etenim si patria, quæ mihi vita multo est charior, si cuncta Italia, si omnis Respubl. sic loquatur: M. Tulli quid agis? Et Socrates apud Plat. in Crit. leges secum disputantes inducit. Hujus generis est, quoties diis ipsis, aut locis, aut aliis mutis rebus, orationem accommodamus. At eæ quæ proprie Prosopographiæ vocantur, metaphoris, similibus, & collationibus, fiunt illustriores. Cujus generis apud Poëtas magna vis est.

### *Loci Descriptio:*

Locupletatur oratio locorum quoque descriptionibus, quas Græci *τοπ. γεγραφαί* appellant. Ab his frequenter narrationum sumitur exordium, non à Poëtis modo, verumetiam ab historicis: & apud oratores nonnunquam incidunt. Hujus generis est, quoties tota loci facies, veluti spectanda depingitur: ut urbis, montis, regionis, fluminis, portus, villæ, hortorum, amphitheatri, fontis, specus, templi, luci. Quæ si veræ sint, Topographias appellari volunt: sin fictæ, *τοποθεσίαι*. Prioris formæ sunt, Carthaginis, & portus apud Maronem descriptio: apud Plin. in epistolis, Laurentis villæ, Apud Stat. Surrentium Pollii, & Tiburtinum Manlii. Posterioris, sedes Somni apud Ovid. Domus famæ, & regia Solis, apud eundem Inferorum, & Caci domus apud Virgil. Tenari apud Stat. domus apud Lucian. Regia Psyches apud Apul. Ad prius genus referendum arbitror, Vesuvii montis incendium, à Plinio minore descriptum: Ætnæ ardentis, apud Claudian. Tum si quis Nilum, aut antrum Sibyllæ, arcus, atque id genus alia descripserit. Quæ quo sunt magis nova, hoc plus adferunt voluptatis, & diutius licebit immorari, modo omnino non sint aliena.

### *Temporis descriptio.*

Porro temporis descriptionem *χρον. γεγραφαί* appellant. Unde non raro narrationis sumitur initium. Nonnunquam delectandi duntaxat gratia adhibetur.

tur. Veluti quories poetæ diem, noctem, auroram, aut crepusculum exprimunt. Quanquam ne hæc quidem omnino otiose debent adhiberi: quod genus est illa Virgiliana:

*Nox erat, & placidum carpebant fessa soporem*

*Corpora per terras, sylvaque & seva quierant*

*Æquora, cum medio volvuntur sidera lapsu:*

*Cum tacet omnis ager pecudes pictæque volucres:*

*Quæque lacus late liquidos, quæque aspera dumis*

*Rura tenent, somno posita sub nocte silenti,*

*Lenibant curas, & corda oblita laborum.*

Pertinet enim hæc descriptio nocturnæ quietis, ad amplificandum Didonis dolorem, qui ne tum quidem conquiescebat, cum omnia cætera quietem agerent. Nam mox sequitur:

*At non infelix animum Thænissa, nec unquam*

*Solvitur in somnos.*

Veris, hyemis, autumnis, æstatis, vindemiæ, iustitii, Saturnalium descriptiones, ad hoc genus pertinent, quæ sæpenumero valent, & ad probationem. Mixtæ sunt illæ, quoties temporum qualitatem exponimus, puta pacis, belli, seditionum, factionum: Monarchiæ, democratiæ: Simul cum ostendimus, quæ virtutes, aut quæ vitia tum maxime valuerint. Hæc quidem sigillatim tractare conveniet nonnunquam exercendi ingenii gratia. Verum absoluta descriptio ex his omnibus constat. Nam Horatius in ea quam modo citavi Satyra primum locum exquiliarum describit: deinde tempus, præterea Priapi, ac maleficarum personas: Postremo, & sacrificium, & fugam crepitu terrarum mire exprimit.

## EGRESSIO, SEXTA

*locupletandi Ratio.*

Superioribus affinis sexta locupletandi ratio, quam Græci *παρὲνλασι*, Latini partim egressionem, alii digressionem, nonnulli, excursum appellant. Ea est, definitore Quintil. alicujus rei, sed ad utilitatem causæ pertinentis, extra ordinem excurrens tractatio. Adhibetur autem vel laudandi gratia: qualis

qualis est apud M. Tull. pro L. Cornel. popularis illa virtutum Cn. Pompeii commemoratio, in quam ille divinus orator ( nam Fabii verbis utar ) veluti nomine ipso ducis, cursus dicendi teneretur, abrupto quem inchoaverat sermone, divertit: aut vituperandi, aut ornandi, aut delectandi, aut præparandi. Sumuntur autem ex iisdem ferme locis, quos modo retulimus. Ab expositione rerum gestarum: à descriptione locorum, regionum, personarum: Item, à tractatione fabularum, apologorum: Præterea, à locis communibus, quoties amplificandæ rei gratia in gloriam, in luxuriam, libidinem, avaritiam, turpem amorem, tyrannidem, iram, ac reliqua vitia dicimus, atque in his, causa velut aliquantisper ommissa, diutius immoramur. Aut contra, quoties frugalitatem, liberalitatem, continentiam, studia literarum, pietatem, taciturnitatem, laudibus efferimus. Hi tantum momenti habent ad copiose dicendum, ut clari aliquot auctores, eos ex professo tractaverint: *ætiæ* appellant. Sunt & illi loci communes, his non dissimiles, quoties liberalitatis commoda ponimus ante oculos, contra servitutis incommoda, mutabilitatem fortunæ, mortis æquam omnibus necessitatem, quantum valeat pecunia in rebus mortalium, vitæ humanæ brevitatem, atque id genus alia innumera describimus.

Porro longius immorari licebit excursionibus, vel in initio dictionis: qualis illa Herculis Gallici apud Lucianum, & Lamiarum, apud Politianum descriptio: Vel in fine, quo jam fessus recreetur auditor. Quemadmodum in Georg. fere facit Virg. In medio, si quando digredi licebit, celerius eo redeundum, unde digressus sis, nisi pars causæ jam absoluta digressionis ansam præbebit: veluti post narratam causam, quo ad secururam argumentationem auditor reddatur alacrior: Aut post probationem, si ve omnino post locos inamæniore, quo tædium subtilitatis discutiatur: Aut nisi res ipsa locos huiusmodi suapte sponte offerat, qui invitent ad diutius immorandum.

## SEPTIMA RATIO.

Septima locupletandi ratio sumitur ab Epithetis. Diomedes Epitheton facit speciem Antonomasiæ, finitque hunc in modum: Epitheton, est præposita distinctio proprio nomini, aut ornandi, aut destruendi, aut indicandi causa. Ornandi, ut diva Camilla; Destruendi ut, scelerumque inventor Ulysses. Indicandi, ut Larissæus Achilles. Sumuntur Epitheta ab animo: ut, Plato Philosophorum sapientissimus. A corpore: Therites Græcorum omnium deformissimus: A bonis externis: neque id simpliciter, nimirum ab omnibus partibus bonorum, quæ proficiscuntur à fortuna. A genere, ut Mæcenus generosissimus. Ab opibus: Cræsus regum opulentissimus. A forma: Nireus formosissimus. A viribus: Milo athleta fortissimus. A patria: Ulysses Ithacensis. Ab actu: monstrorum domitor Hercules: Ab eventu: bis capti Phryges. In summa, ab omnibus fortunæ commodis, aut incommodis. Neque refert an hæc Epitheta sint adjectiva nomina, nec ne, modo quocunque pacto proprietas quædam attribuitur, non personæ tantum, verum etiam rebus: ut præceps juvenia; præceps & amens consultor amor; esca malorum voluptas; morosa, ac, difficilis senectas; vitiatorum expultrix Philosophia; humanæ vitæ speculum comædia; vitæ magistra historia. In Poëmatibus licebit naturalibus Epithetis uti, ut: candida nix, liquidi fontes, frigida nox, volubilis amnis, aureus sol. In oratione prosa non oportebit adhiberi, nisi emphasin quandam habeant, & ad rem propositam pertineant; ut, Non impetrabis causam tam iniquam ab Aristide justissimo: & coram Catone severissimo morum censore audes agere Floralia? Id potissimum fiet in citationibus exemplorum, aut sententiarum. Aristarchus eruditissimus, & idem diligentissimus. Cicero, eloquentiæ princeps: Plato, certissimus auctor.

## OCTAVA RATIO.

Octava dilatandi ratio sumitur à circumstantiis, quas Græci *ὑποκειμένης* vocant. Ex partim sunt rerum, ut causa, locus, occasio, instrumentum, tempus, modus, atque id genus aliæ. Partim personarum, ut natio, patria, sexus, ætas, educatio, disciplina, habitus corporis, fortuna, conditio, animi natura, studium, antea facta, commotio, consilium, nomen. Conducit autem ad multa circumstantiarum apertus ac tempestivus usus: Primum ad amplificandum atque extenuandum, de quo mox paucis dicturi sumus. Deinde ad evidentiam, de qua paulo ante diximus: Præterea ad confirmationem, & probabilitatem. Facit enim ut tota oratio densis ac crebris argumentis undique differta sit, & communita. Quæ tametsi non explices, quasque in aciem educaſ, tamen pugnant per sese, causamque non mediocriter adjuvant: ut quemadmodum, licet aliud agentem, tamen agnoscere liceat palæstricæ aut musicæ peritum: Ita ubivis ex huiusmodi circumstantiis commode suo loco admixtis Rhetorem intelligere possis, quod quoniam per omnem orationem fustum est, exemplo brevi ostendi non potest.

## NONA DILATANDI RATIO.

Nona dilatandi ratio constat amplificatione. Ejus complures formæ referuntur à Fabio. Nos eas breviter attingemus, quæ ad præsens pertineant institutum. Prima amplificandi ratio constat incremento: quoties gradibus aliquot pervenitur non modo ad summum, sed interim quodammodo supra summum. Hujus exemplum est apud M. Tull. in quinta in Verrem actione: Facinus est vincere civem Romanum, scelus verberare, parricidium necare; quid dicam in crucem tollere? verbo satis digno tam nefaria res appellari nullo modo potest. Ad hoc genus pertinet & illud, cum congestis ordine quodam  
circum-

circumstantiis, in contextu, & cursu semper aliquid priore majus insequitur. Hujus exemplum est in secunda Cic. Philip. de vomitu Antonii: Orem non visu modo scdam, sed etiam auditu. Si inter cœnam in tuis immanibus illis poculis hoc tibi accidisset, quis non turpe diceret? In cœu vero populi Romani negotium publicum gerens, Magister equitum, cui ructare turpe esset, is frustis esculentis vinum redolentibus, gremium suum, & totum tribunal implevit. Hic singulæ voces incrementum habent. Etenim per se deforme fuerat, vel non in cœtu vomere, in cœtu etiam non populi, etiam non Romani, vel si nullum negotium gereret, vel si non publicum, vel si non magister equitum. Hæc si quis dividat, ac circa singulos gradus immoretur, augebit quidem orationis copiam: tamen minus efficaciter amplificabit. Huic contraria est comparatio. Nam ut incremento ad superiora tenditur: ita comparatio à minoribus incrementum petit. Fit autem comparatio vel fictione, vel exempli collatione. Fictione quam hypothesein vocant, ut in prima parte exempli, quod modo retulimus ex Cic. Fingit enim hoc inter cœnam accidisse privato. Ejusdem est illud in Catil. Servi me hercule mei, si me isto pacto metuerent, ut te metunt omnes tui cives, domum meam relinquendum putarem. Collatione exempli, quoties proposito velut simili exemplo efficiamus, ut id quod exaggeramus aut proximum illi, aut par aut majus etiam videatur: velut Cic. pro Cluent. cum exposuisset Milesiam quandam à secundis hæredibus pro abortu pecuniam accepisse: Quanto est, inquit, Oppianicus in eadem injuria majore supplicio dignus? Si quidem illa cum suo corpori vim attulisset, seipsam cruciavit. Hic autem idem illud effecit per alieni corporis cruciatum. In hoc genere non solum tota totis, sed etiam partes partibus comparantur, sicut in hoc loco pro Milone. An vero vir amplissimus Scipio, Tyberium Gracchum mediocriter labefactantem Rempublicam, privatus interfecit? Catilinam orbem terrarum cæde atque incendio vastare cupientem, nos consules perferemus? Hic &

& Catilina Graccho, & status Reipubl. orbiterrarum, & mediocris labefactatio cædi, & incendiis, & vastationi, & privatus consulibus comparatur. Quæ si quis dilatare velit, plenos per singula locos habeat. Amplificamus & ratiocinatione: cum aliud crescit, & aliud augetur, hoc modo: Tu istis faucibus, istis lateribus, ista gladiatoria totius corporis firmitate, tantum vini in Hyppiae nuptiis exhauseras, ut tibi necesse esset in populi Romani conspectu vomere postridie. Colligitur enim quantum vini biberit Antonius, quod illa totius corporis gladiatoria firmitas non quieverit ferre, & concoquere. Ad hanc formam referendum est, quoties res atrocissimas quasque in summam ipsi extulimus invidiam, elevamus consulto, quo graviora videantur, quæ secutura sunt. Quod genus est illud Ciceronis. Levia sunt hæc in hoc reo: metum virgarum Navarchus nobilissimæ civitatis pretio redemit: Humanum est: Atrocissimum quiddam expectetur necesse est, cui hæc quæ sunt atrociora, comparata, humana atque usitata videantur. Amplificamus & congerie verborum, ac sententiarum idem significantium, quæ ratio finitima est figuræ *συναδρ:σημωσ.* i. e. *coacervationi*, de qua prius dictum est. Utitur hac M: Tull. in actione pro Ligario: Quid enim tuus ille Tubero, districtus, in acie Pharsalica gladius agebat? cuius latus ille mucro petebat? qui sensus erat armorum tuorum? quæ tua mens? oculi? manus? ardor animi? quid cupiebas? quid optabas? Hic velut acervo crevit oratio. Idem fit interim omnibus altius, atque altius insurgentibus, ut in hoc exemplo. Aderat janitor carceris, carnifex prætoris, mors terrorque sociorum, & civium Romanorum licitor Sextius. Amplificamus etiam quasi correctione quadam, ut Cicero in Verrem: Non enim furem, sed raptorem, non adulterum, sed expugnatorem pudicitiae, non sacrilegum, sed hostem sacrorum religionumque, non sicarium, sed crudelissimum carnificem civium sociorumque, in vestrum iudicium adduximus:

Totidem autem sunt minuendi modi, quot sunt ampli-

amplificandi. Pertinent ad orationis copiam & illi vulgares amplificandi modi cum vel adverbis, vel nominibus, vel aliis partibus apposis amplificamus, vel in laudem, vel in vituperium. Majorem in modum me Cicero delectat: Dici non potest quam tibi faveat focer: Verbis consequi nequeam quam me delectet Cicero. Verum de his augendi rationibus priore libro diximus.

Notus & usitatus est, & ille modus amplificandi, cum speciem augemus generi collatam: ut cum omnes disciplinæ liberales plurimum homini conciliant vel ornamenti, vel commodi, tum in primis eloquentia: quanquam hanc quoque rationem superius attigimus.

### DECIMA DILATANDI RATIO.

Decima dilatandi ratio inde sumitur, ut quam maximum propositionum numerum reperiamus. Est autem propositio Rhetorica, cui probandæ adhibentur argumenta. Porro quemadmodum invenienda sit propositio. Fabius negat arte comprehendî posse: cæterum ingenio, atque usu constat ea facultas. Atque inde fit, ut cum plures eadem didicerint, generibus argumentorum similibus utantur, alius tamen alio plura quibus utatur, inveniat. Sumuntur autem propositiones partim ex his, quæ sunt causæ vulgaris, partim ex his, quæ sunt propriæ causæ. Exemplum sit hoc, quod placuit Quintiliano: cum Thebas evertisset Alexander, invenit tabulas quibus cætum talenta mutuo Thessalis dedisse Thebanos continebatur. Eas tabulas, quod esset usus commilitio Thessalorum, donavit his ultro. Postea restitutio à Castandro, reposcunt Thebani Thessalos: Res apud Amphictonas agitur: centum talenta & credidisse eos constat, & non recepisse: Lis omnis ex eo quod eas Alexander Thessalis donasse dicitur, pender. Constat & illud, non esse iis ab Alexandro datam pecuniam Thebanorum: In hoc igitur argumento hujusmodi propositiones ac partes, seu columnæ reperiendæ sunt. Prima pars erit?



Alexandrum nihil egisse donando. Secunda: non potuisse donare. Tertia, non donasse. Ac primæ quidem partis prima erit propositio pro Thebanis, jure reperti licere quod vi sit ablatum. Pro Theſſalis hæc erit, tabulas non simpliciter vi qualibet, sed bello sublatas esse. Jus autem belli plurimum valere in rebus humanis: hoc regna, hoc populos, hoc fines gentium atque urbium contineri. Huic rursus aliam propositionem opponunt Thebani: Non omnia in victoris potestatem venire jure belli, sed in his, quæ in judicium deduci possunt, nihil valere jus belli, nec armis crepta, nisi armis posse retineri. Itaque ubi illa valeant, non esse judicem: ubi judex sit, nihil illa valere. Atque ea quidem è causæ circumstantiis sumitur, quibus ostendi potest, quid hæc causa distet à cæteris. Ad hujus autem propositionis confirmationem sumitur à locis exemplum simile. Ideo captivos, si in patriam suam redierint; liberos esse, quia bello parta nonnisi eadem vi possideantur. Tertia pro Thebanis propositio ducetur & ipsa ex causæ propriis. In eo judicio potissimum esse spectandam æquitatem, in quo Amphyctiones judicent. Aliam enim apud centum viros, aliam apud judicem privatum, in eisdem quæstionibus esse rationem. Atque hæc quoque eo valent, ut appareat hanc causam distare à cæteris, in quibus jus belli valere debeat. Porro secundæ partis pro Thebanis probatio fuerit: Non potuit donari à victore jus, propterea quod id demum victoris sit, quod teneat: jus cum sit incorporale, apprehendi manu non posse. Rursum ad hujus probationem, adhibetur argumentum à dissimili, aliam esse conditionem hæredis, aliam victoris: Ad illum jus, ad hunc rem transire. Jam ex causæ propriis altera sumetur propositio, superiori veluti subserviens: nempe hæc: ut donec jus alias ad victorem transire, certe jus publici crediti ad victorem transire nullo modo potuit. Propterea quod si quid populus credidit, id omnibus debeatur. Et quamdiu unus superfuerit, is sit totius summæ creditor. At Thebanos non omnes in Alexandri manu fuisse. Atque hæc quidem non eger

eget probationibus. Tertiæ partis vulgaris, hoc est cuius causæ congruens propositio erit huiusmodi: Non donavit Alexander, cum tabulas donaret: neque enim in tabulis esse jus. Eaque propositio multis argumentis defendi potest. A simili: neque enim quisquis hæreditatis habet tabulas, idem hæreditatis habet jus. Et si forte creditor tabulas amiserit, non continuo liberatur debitor. Altera propositio conjecturalis est: Alexandrum non hoc modo donasse Theſſalis tabulas, ut honoraret, sed ut deciperet: Eaque variis conjecturis erit probanda. Tertia jam non proprie ad hunc gradum attinet, sed est veluti novæ controversiæ initium. Sumitur autem è propriis materiæ: estque huiusmodi: ut omnia donemus Theſſalis, jus belli valere in judiciis, & apud hos iudices, & in publico cætu, atque idem de cæteris: tamen si quid amisere Thebani ab Alexandro victi, id à Cassandro restitui receperint oportet, maxime cum id velit Cassander. Item si quis suadeat M. Tull. ne conditionem ab Antonio oblatam accipiat, nempe ut vivat exustis Philippicis, his ferme propositionibus poterit uti: Non esse cuiquam egregio viro tanti emendam vitam, ut immortalē famam amittat. Huic generali subserviet particularis è circumstantiis sumpta: Præsertim Ciceroni, qui tot laboribus clarissimus, semperque victurum nomen sibi pepererit? ac mortem esse contemnendam tot præclaris voluminibus editis facundissime demonstravit: maxime cum jam senem non multum ævi superesse videatur. Rursum altera principalis sumetur à circumstantiis. Nihil infelicius esse, quam Ciceronem virum optimum, debere vitam Antonio, omnium pessimo. Tertia conjecturalis erit, callide hoc agere Antonium, ut exustis prius Philippicis, in quibus intelligat, & suam infamiam sempiternam & Ciceronis immortalē gloriam esse sitam: Deinde crepta via, totum quoque extinguat Ciceronem. Item si cui matrimonium dissuadeas, his licebit uti. Prima fuerit, si pietatem spectes, matrimonium est impedimento propterantibus ad Christum: Secunda, si vitæ iucunditatem.

tatem, innumeras curas secum adducit infelix conjugium, atque hic protinus aperit se latissimus campus de comparatione commodorum cœlibatus, & incommodorum matrimonii. Tertia, si libertatem, quam multi, & vitæ anteponant, hanc imprimis admittit conjugii vinculum. Deinde ad particulares venies, quæ possunt esse innumerabiles, ut: Non hæc ducenda est, non hoc tempore: Aur, tibi non est ducenda uxor, pauperi, seni, studioso, valetudinario. Crescit autem numerus propositionum etiam hoc pacto, quoties à fictione incipimus, quemadmodum pro Mil. Cicero: Fingite à Milone per insidias occisum Clodium, tamen qui civem tam pestilentem pro salute Reipubl. periculo capitis sui sustulerit è medio, summis etiam honoribus dignus videatur: deinde ad seriam accedit: sed non occidit. Crescit item, quoties præparandi causa duriores aliquam propositionem extra rem propositam præmittimus, quo mollior videatur ea quam conamur evincere. Veluti si quis in consultatione persuadere cupiens, ut Romanus pontifex Venetos bello adoriatur, juxta proverbium, quo dicitur, iniquum esse petendum, ut æquum feras, sic rem prius labefaciat. Sunt auctores nequaquam contemnendi, qui putant imperium, ac profanam diuionem nequaquam convenire, neque dignitati summi Pontificis neque tranquillitati Ecclesiæ, neque Christianæ pietati, cui uni rebus omnibus neglectis, ille debet consilium. Atque hæc propositio, velut obiter ex abundantia plurimis argumentis probari poterit. Deinde ad alteram descendet: ad hunc modum. Hæc quidem atque hujusmodi multa, alius fortasse diceret: verum donemus convenire, tamen longe alienum est à clementia Christi vicem gerentis, qui dixit: Discite à me, quod mitis sum, & humilis corde: hujusmodi principatum armis, tumultu, cæde, sanguine vel petere, vel repetere. Post ad tertiam veniet, ut maxime fas sit, tamen parum est tutum, propterea quod anceps eventus belli: unde periculum sit, ne, dum temporariis, ac fluxis rebus, Ecclesiæ statum restituere conatur, penitus subvertat: Atque id quoque

que compluribus exemplis, ac similibus confirmari potest. Deinde digredietur ad tertiam quo pacto: ut deceat, ut liceat, ut vincas: tamen tanta malorum colluvies etiam bellum iustissimum consequitur, ne non tanti vel profano principi, modo Christiano, debeat esse terras, aut urbes aliquot ferro repetere, nedum ei, qui sanctissimi titulum præ se fert. Posset adjici & hæc propositio è circumstantiis personæ: ut alium pontificem deceat, Julium tamen non decet: si is sit Julius, cujus mite ingenium, & singularis vitæ sanctimonia, à bello videatur abhorrere. Quæ posteaquam argumentis probarit, tum ad id de quo proprie consultatur, descendet hac ratione: Ut nihil horum nos deterreat, quæ commemoravimus: tamen in præsentia bellum cum Venetis suscipere, parum esse consultum videtur: Et hæc à circumstantiis sumitur. Atque hanc propositionem rursus dividet. Primum, quod sine summo rei Christianæ discrimine bellum id moveri non possit. Deinde quod sedes Romana, apud quampiè factis semper summa fuerunt præmia, parum meminisse videtur officiorum, quæ sæpenumero ea gens summo cum vitæ discrimine in Christianam contulerit religionem. Postremo quod ne causa quidem idonea est, cur etiam adversus nihil promeritos, arma movere oporteat: Nisi quis has non propositiones, sed rationes esse malit, Tametsi nihil vetat, quo minus eadem sententia propositio sit, & ratio. Item, si quis persuadere studeat regi cuiuspiam, ne bellum suscipiat cum Christianissimo Gallorum rege, his propositionibus munire viam ad causam poterit. Primum bello conflictari, non esse hominis ad benevolentiam nati, sed brutorum animantium, quibus natura, arma quadam addidisse videtur. Hæc est generalis; huic subserviet altera propositio: Imo nec omnium animantium, sed ferarum duntaxat: Rursus huic tertia subserviet: Atque ad eone feræ quidem hoc pacto inter se dimicant, quo mortales. Neque enim tigridi cum tigride bellum est. Neque leoni cum leone: At homo non in aliud animal æque sævit, atque in hominem. Tum

feræ non certant, nisi autuendi-fœtus causa, aut fame in rabiem actæ: Hominem inanis ambitio, ac tituli nescio qui leves & affectati, ad tam sanguinolenta bella concitant. Hinc jam succedet quarta è circumstantiis, quasi novus gradus: Ut hominum sit bellare, certe barbarorum est, ac feris non admodum dissimilium, non eorum qui legibus vivunt. Adde quintam, ut horum etiam sit, haud quaquam tamen Christianorum. Quandoquidem Christiana religio nihil aliud est, quàm pax. Licebit adjicere sextam: ut deceat, non expedire tamen bellum suscipere, quod omnibus pensatis, multo plus malorum est, quæ belli causa suscipiuntur, quam bonorum, quæ victor etiam consequatur. Id jam contentione erit explicandum. Septima quoque reperitur: ut expediat non tamen esse tutum; & anticipem esse belli exitum. Neque enim semper vincere, quorum melior est causa, aut qui superant apparatus Ipsas etiam copias in suum ducem nonnunquam arma vertere. Atque hæc quidem propositiones magna ex parte generales sunt: Tum ad particulares venire licebit, quæ sumentur à propioribus circumstantiis: Ut omnia mittamus, tibi non est belligerandum, præsertim cum tali. Atque hæc in multas dividi potest, vel quia puer es, & belli imperitus, vel quia novus rex. Atque item de cæteris. Nam exempla rationum duntaxat ostendo. Rursum, non cum hoc rege belligerandum, tam potente, tam de patre tuo bene merito, tot vinculis tibi adstricto, tam in te ipsum etiam officioso. Aut non hoc titulo, non hoc tempore, non his præfidiis. Ad eundem modum, si quis suafurus alicui, ne literis Græcis det operam, primum hanc tentabit propositionem: Aut non magnopere ad Christianam felicitatem ulla literas pertinere, aut etiam officere: Eam ubi probabilem effecerit argumentis, tum ad rem veniet hoc pacto: ut demus esse causam, cur literis cæteris operam demus, certè à Græcis abstinendum, vel quod tantum habeant negotii, ut his discendis vita mortalium alioqui fugax ac brevis & imbecilla, non sufficiat: vel, si ætas maxime sufficiat, non tantum afferunt

afferunt fructus, tibi operæ premium sit eas etiam mediocribus laboribus parare. Postremo Græciæ subversæ, & oppressæ fortunam comitari fato quodam eos quoque qui literis hujusmodi sese dediderint. Aut si aliis discendæ sunt, illi certe non esse discendas. Quæ jam è circumstantiis sumitur, cujusmodi plures sumi possunt. In hujusmodi propositionibus illud observandum arbitror, ut quoad fieri potest, ita disponantur ut à priore, ad proximam quæque, quasi gradibus commode liceat descendere. Quæ quidem in re mirus est Lucianus, ut in Tyrannicida quem nos Latinum fecimus. Si tantum conatus essem facinus tam egregium, cum tanto capitis discrimine, jam præmio dignus eram. Deinde hinc digressus. Atqui non tentavi solum, verum etiam filium repulsis custodibus occidi: num præmium feram? Hinc rursus discedens: At patrem quoque sustuli, data mortis occasione. Item, in Abdicato, quem ipsum quoque Latinum fecimus. Non licet abdicare, quem semel abdicatum, denuò in familiam receperis: Tum si maxime liceat, ob istam tamen causam non licet: Postremo, si causa maxime sit idonea, tamen ea est magnitudo superioris beneficii, ut ejus respectu negligenda sint delicta patris. Quod si turba propositionum nos offendet, tribus aut quatuor universam causam complectemur, ac deinde in tractando unamquamque, si videbitur, in alias propositiones digeremus. Summas illas nonnunquam in divisione proposuimus. Divisionem appello quasi limen argumentationis, quæ proponimus in summa, quid, quo ordine simus dicturi: nonnunquam in ipsa causæ tractatione, ab illa ad aliam, veluti gradibus quibusdam descendimus. Aut si natura parum inter se cohærebunt, ipsi commodis transitionibus in hoc repertis, apte connectemus. Nam affectanti copiam in primis illud erit spectandum, ut eas reperiatur propositiones, quæ quicquid ad causam pertineat, absolute complectantur: Deinde ut recte dividantur: postremo, ut ordine quam maxime ad causam idoneo disponantur. Siquidem eo pacto fiet, ut neque copia rerum confusa sit oratio.

tio, dum semper habet auditor certum aliquid, & in quod tendat animum, & quod meminisse possit, & quod expectet. Tum is qui dicit, nusquam hæreat, dum in promptu est, quo sese recipiat in viam. Sed propositionum inventionem negat, ut dixi, Fabius arte tradi posse, cum ea tamen tum prior sit, tum difficilior. Verum adjuvabit principio quod ubique valet plurimum, natura, & ingenium. Deinde juris prudentia, præsertim in genere judiciali; Philosophiæ moralis, historiæ, & plurimorum auctorum cognitio, in genere suasorio, ac demonstrativo. Postremo rerum plurimarum usus, exercitatio, & imitatio. Nam ex similibus facile similia, aut etiam diversa colliguntur. Quæquam ex ipsa rei natura vulgares propositiones reperiri poterunt, propriæ ex circumstantiis rei diligenter expensis: denique felix ingenium adjuvabunt Rhetorum præcepta, de causarum capitibus, quæ Fabius status vocat, Græci *καταστάσεις*. Porro genus suasorium proprios habet locos unde propositiones petere liceat, rectum, laudabile, utile, tutum, facile, necessarium, jucundum. Demonstrativum item suos habet, nempe bonorum ordines, & quæ his comprehenduntur.

### UNDECIMA RATIO.

Undecima locupletandi ratio sumitur ex accumulatione copiosa probationum, & argumentorum, quas Græci *πίσεις* appellant. Nam ad ejusdem propositionis confirmationem varîæ rationes adhibentur, & rationes aliis argumentis confirmantur. Probationes autem partim sunt *ἱστῶν*, id est, artificiales, partim *ἀτεχνῶν*, id est, ab arte semotæ. Posterioris generis argumenta ducuntur potissimum à præjudiciis, à rumoribus, à tormentis, à tabulis, à jurejurando, à testibus. Prioris generis sumuntur primum ab his signis, quæ finitima sunt *ἀτεχνῶν*. Horum alia sunt necessaria, quæ *τεκμήρια* vocantur: alia non necessaria quæ *σημεία*, dicuntur. Deinde ab argumentis; (nam hæc à signis distinguit Fabius) quorum aliud est credibile, aliud veluti pro-

propensius, aliud non repugnans. Hæc plerumque ducuntur à circumstantiis, quæ quidem duplices sunt, personæ ac rei. Personæ ferme sunt hujusmodi: Genus, natio, patria, sexus, ætas, educatio, habitus corporis, fortuna, conditio, animi natura, studia, affectatio, antefacta, antedicta, commotio, consilium, nomen. Rei sunt hæc: causa, locus, tempus, occasio, antecedentia rem, adjuncta consequentia, facultas, instrumentum, modus.

### *Loci Communes.*

Sunt item loci generibus, atque etiam partibus causarum omnibus communes. Nam superiores, etiamsi tractantur interim & alibi, tamen ad judiciales controversias, & in his quidem, conjecturales sunt accommodatiores. Ducuntur autem generaliter argumenta à finitione seu fine, descriptione, etymologia, quæ finitionis ceu species quædam est. Ab his, quæ ad naturam definitionis pertinent, genere, specie, proprio, differentibus, partitione, cujus variæ sunt formæ: ab exordio, summa, incremento: ab inductione similium, dissimilium, à contrariis, repugnantibus, consequentibus: à relativis: à causis: ab eventis: à comparatione, quæ trifariam sumitur: à majore: à minore: à pari: à jugatis & si qui sunt alii. Nam neque de ordine, neque de numero, neque de vocabulis, satis convenit inter scriptores. Scripserunt autem de his copiosissime Aristoteles, ac Boëtius; satis accurate M. T. sed subobscurè, & brevissime Quintil. Oportebit autem eum, qui semet exercet ad eloquentiam, singulos excutere locos, ac veluti ostium pulsare, si quid possit elici: usus efficit, ut deinceps sponte occurrant. Item ab ea, quæ rursus pluribus locis est communis, fictione: à causæ propriis.

Plurimum autem valet ad probationem, atque adeo ad copiam, exemplorum vis, quæ Græci *παράδειγμα* vocant, & adhibentur aut ut similia, aut dissimilia, aut contraria. Rursus, aut ut majora, aut



ut minora, aut ut paria. Dissimilitudo & inæqualitas constat genere, modo, tempore, loco, cæterisque ferme circumstantiis, quas supra recensuimus. Hoc autem genus complectitur & fabulam, & apologum, proverbium, judicia, parabolam, seu collationem, imaginem, & analogiam: præterea si qua sunt similia. Atque horum quidem pleraque solent adhiberi non solum ad fidem faciendam, verum etiam ad ornandam rem & illustrandam, ad augendam, ad locupletandam. Ergo si quis ex locis dictis magnam vim supellectilis colligere volet, quantumlibet copiosam orationem poterit efficere: neque tamen erit inanis verborum congeries, & varietas excludet satietatem. Sed quemadmodum sint vel invenienda, vel adhibenda, id non est hujus instituti persequi: Verum si quis desiderabit, ex Arist. Hermog. Quintil. petat licebit, qui diligentissime hisce de rebus conscripsere. Nos ea, quæ pertinent ad copiam, persequemur, sed paucis, ne librum, non commentarium scribere videamur. Ergo ad parandam copiam, exempla primas tenent: sive deliberes, sive exhorteris, sive consoleris, sive laudes, sive vituperes; Et, ut summatim dicam, sive fidem facere studeas, sive movere, sive delectare. Horum igitur ut vim quam maximam, maximeque variam comparare, & in promptu habere conveniet, ita varie tractare oportebit: Varietas exemplorum ab ipso genere nonnunquam perpenditur. Sunt enim & antefacta, & antedicta: & publicæ gentium consuetudines in exemplis sumuntur, & à discriminibus auctorum, puta ab historicis, à Poëtis: & ex his à Comiciis, Tragicis, Epigrammaticis, Heroicis, Bucolicis. A Philo-  
sophicis, quorum variæ sunt sectæ: A Theologis, à sacris voluminibus. A diversitate nationum: quod genus sunt, alia Romanorum exempla, & instituta, alia Græcorum: & inter Græcos, alia Lacedæmoniorum, alia Cretensium, alia Atheniensium. Item alia Afrorum, Hebræorum, Hispanorum, Gallorum, Anglorum, Germanorum. Rursum à temporis varietate. Nam alia sunt prisca, alia mediæ antiquitatis, alia recentia, nonnulla etiam domestica. Præterea à qua-

à qualitate rerum: Nam quædam sunt militaria, quædam civilia: & quædam clementer facta, quædam fortiter, quædam sapienter: atque item de cæteris nam id quidem est infinitum. Postremo è conditione personarum: Alia sunt principum, judicum, parentum, servorum, pauperum, divitum, mulierum, virginum, puerorum. Hæc igitur ad unumquemque locum plurima, variaque sunt adhibenda, non solum ex omni Græcorum, ac Latinorum scriptorum genere collecta, verum etiam ex barbaris annalibus: demum à vulgi rumoribus. Movent autem potissimum animos antiqua, illustria, nostrata, domestica, id est, suam quæque gentem, suum quæque genus. Aut longe minora, ut mulieris, pueri, servi, barbari.

*Quomodo tractanda sint exempla:*

Porro non variantur modo, verum etiam augentur, & crescunt in tractatione. Cujus rationes aliquot indicabimus. Primum augentur commendatione. Ea plerunque sumitur vel à rei, vel ab auctoris laude, vel gentis, unde ducitur exemplum: Veluti si quis Lacedæmonicum factum, aut dictum adhibeat, præfari poterit: Eam gentem sapientia, & rei militaris ac civilis disciplina cæteris longe antecelluisse, & exemplis pulcherrimis semper abundasse. Si quis è Plutarcho citabit exemplum, præfari licebit cum auctorem unum omnium esse gravissimum, quippe qui summam philosophiæ scientiam, cum historicorum eloquentia conjunxerit, ut in eo non solum historiæ fidem, verum etiam auctoritatem, & judicium sanctissimi, doctissimi que philosophi spectare oporteat. Item, si quis M. Atilii Reguli ad hostem redeuntis exemplum velit adducere, poterit ad hunc præloqui modum: Inter tam multa Romanæ virtutis insignia decora, nullum unquam facinus pulcrius extitit, aut etiam laudatius, quam M. Atilii. Hujusmodi commendatiunculas, licebit affingere, vel longiores, vel breviores, utcunque locus postulabit. Affingendæ sunt autem, quæ maxime sint

sint ad id, quod agitur, appositæ: veluti si in exemplo desiderabitur fides, auctor à gravitate, fideque commendetur. Si pium videri voles quod affers, sumatur à pietate commendatio: atque item de cæteris.

*Secundus modus locupletandi exempla:*

Locupletantur item exempla, si fusius aut latius explicentur cum exaggerationibus, atque amplificationibus. Nam qui brevitati studebit, huic satis erit exemplum, ceu notum, verbo significasse. Id quod facit M. Tul. pro Mil. Neque enim possit ille Hala Servilius, aut P. Nasica aut L. Opimius, aut me consule, senatus non nefarius haberi, si scelerosos interfici nefas esset. At qui copiam affectabit, is id quod gestum sit, locupletius narrabit: Ita, ut fecit in eadem oratione Cic. Pudiciam cum eriperet militi tribunus militaris, in exercitu Caii Marii, propinquus ejus Imperatoris, ab eo interfectus est, cui vim afferebat: Et addidit Epiphonema: facere enim probus adolescens periculose, quam turpiter perpeti maluit. Atque hunc ille summus vir scelere solum periculo liberavit. Quanquam in his quæ ad ostentationem parata sunt, licebit diutius exemplis locupletandis immorari, præcipue si res sit hujusmodi, ut aliqua voluptatis illecebra retineat auditorem. Quod genus fuerit, si quis persuadere studeat, ad prudentiam comparandam multum conducere peregrinationes, multarum rerum inspectionem, in Solonis laude aliquandiu commoratus, & quam civitatem reliquerit, & quam ob causam, & quæ maria transmiserit, & quas barbaras nationes, quo capitis periculo adierit, & quibuscum sit congressus, & quid mirandum conspexerit, & quantum temporis abfuerit, & quanto illustrior simul, ac sapientior in patriam redierit, fusius poterit enarrare. Cujusmodi ferme sunt exempla de Pythagoræ, atque Apollonii peregrinatione, apud D. Hieronymum in præfatione, quam universæ scripturæ divinæ præponunt. Sed hujusmodi rationis commodissimum exemplum

emplum est apud M. T. statim in principio secundi de inventione libri de Zeufide, qui Helenam picturus, virgines aliquot eximie formæ poposcit, ut ex singulis, quod esset optimum, eligens absolutura formæ simulacrum ederet.

*De exemplo Fabuloso.*

Atque eadem dilatandi, contrahendique ratio locum habet in fabulosis quoque exemplis. Nam & fusius, & contractius exponi poterunt, si res ac decorumpatietur. Verum in his quæ omnino fide carent, nisi jocabimur, præfari conveniet. à viris priscis ac sapientissimis ista non sine causa fuisse conficta, neque temere tot jam sæculis magno mortalium consensu celebrata: deinde quid sibi voluerint, interpretabimur: veluti si quis persuadere velit non esse sectandum id, à quo natura quis abhorreat, dicens hoc veteres illos, ac sapientes scriptores, & perspexisse prudenter, & aptissimo figmento significasse prodita Gigantum fabula, quorum temerarii conatus, infelicitèr cesserint. Aut si quis proponat, hominem avarum tam non habere quod habet, quam id, quod non habet; præfatus, adhibebit Tantali fabulam. Si proponat viri sapientis esse munus, ut animi motus ratione judicioque coercet, allegabit, quod est apud Hom. lib. 1. Iliad. de Achille, jam manum admovente capulo, & Pallade à tergo revocante. Item, si quis proponat veram virtutis laudem non parari, nisi quis sit multis jactatus casibus, variisque exercitatus periculis cum hujusmodi, quam diximus, præfatione, Ulyssem adducet Homericum. Quanquam autem non ubique perinde obvia est Allegoriæ ratio, tamen illud extra controversiam est apud antiquitatis peritos in omnibus veterum Poëtarum figmentis subesse allegoriam: vel historicam, velut in pugna Herculis cum Acheloo bicorni; vel Theologicam, ut in Proteo se vertente in omnes formas, aut Pallade è Jovis cerebro nata: vel physicam, ut in fabula Phaëthontis: vel moralem, velut in his, quos Circe poculo, & virga sua verterat in  
bruta

bruta animalia : nonnunquam unum atque alterum allegoriæ genus permixtum. In quibusdam haud magni negotii est allegoriæ sensum deprehendere. Quis enim non intelligit (nam de his quæ ad mores attinent, magis libet exempla ponere) Icarum in mare delapsi figmentum admonere, ne quis altius efferratur, quam pro sorte sua? Sic nimirum fabula Phaëthontis monet, ne quis munus administrandum suscipiat majus, quam pro viribus. Sic Salmones in tartara datus præceps, docet non esse æmulandum, quod longe supra fortunam nostram habeatur. Sic Marsias excoriat, docet non esse certandum cum potentioribus. Quid autem aliud sibi vult Danaes auro deceptæ fabula? nisi quod & Flaccus interpretatur: nihil tam esse munitum, quod non expugnetur pecunia, nihil tam incorruptum, quod non muneribus vitietur. Quid Herculis labores, nisi sudoribus, ac juvandis aliis famam immortalem parari? Quid Midæ votum, nisi avaros, & insatiabiles, suis ipsorum opibus præfocari? Quid iudicium, nisi dotibus ingenii cum pecuniæ studio nequaquam convenire? Quid Bacchus à fulmine flagrans, in Nympharum aquas injectus, nisi vini ardorem, sobrio elemento restringendum esse? quod Græco etiam Epigrammate testatum est. Quid innuit Circes fabula, beneficiis homines vertentis in feras? nisi eos qui nequaquam ratione ducuntur, id quod hominis est proprium, sed totos sese dediderunt turpibus affectibus, jam præter hominis vocabulum, nihil hominis habere, sed ad pecudum degenerasse naturam, puta, libidine in urfos, somnolentia ignaviaque in fues, ferocia in leones, atque item de consimilibus. Quid Ulysses, qui solus poculo epoto, virgaque monstrifica percussus non est mutatus, nisi firmum illum & constantem sapientis habitum, qui nec frangi terroribus, nec ullis affectuum illectamentis ab honesto potest abduci? Quid lotus semel gustata: jam non sinens abire focios, nisi dulce, blandumque turpium voluptatum venenum, à quo non admodum difficile sit abstinere? relinquere posteaquam gustaris, difficilimum? Quid Sirenium cantus, nisi

nisi assentationem, ut rem omnium blandissimam, ita & pestilentissimam? Quid Scylla & Charybdis angusto inter sese discrimine distantes, nisi virtutis viam angustam esse: hinc atque hinc finitimis instantibus vitiis, puta inter luxum & sordes, frugalitatem: Inter quæ sic moderanda est vitæ ratio, ut quoniam medium in omnibus exacte tenere difficilimum est, eo potius vergas, ubi minus sit periculi, quemadmodum fecit Ulysses. Quid moly radice nigra, sed flore lecto herba, mortalibus inventu difficillima, nisi sapientiam, ad quam primus aditus arduus est, ac sudoris plenus, fructus suavissimi? Quid item ramus ille aureus apud Maronem, nisi sapientiam in abdito sepositam, paucisque deprehensam? sed ne longiores simus, hujus generis interpretationum quantumlibet vim suppeditabit Eustathius enarrator Homeri. Nos quoque quondam adolescentes hisce de rebus nonnihil attigimus in libris quos inscripsimus *ἀντιβαλέμενοι*. Porro in hoc genere molliora sunt ea, quæ à Poëtis in hoc ipsum ficta constat, velut quæ ad imitationem humanæ vitæ diis effingunt: quod genus, cum Martem à Vulcano vinculis irretitum facit Homerus. Cum Jupiter *ἀγκυλομήτης* versutus, emissio somnio spem injicit capiendæ Trojæ, cum longe aliud ageret. Nam hæc Regum ars est, quosdam rumores data opera in vulgus spargere, cum multo aliud apud se destinarint. Atque his etiam molliora, quæ sic à Poëtis celebrata sunt, ut ad historiam, non ad fabulas possint referri. Qualis est Orestes parricida cumq; hoc Phyladis amicitia. Sunt enim qui rem gestam asserunt: qualis Alcestis mariti mortem; sua redimens, cujus etiam meminit Val. Maxim. Item Codri ac Menæcei mors. Quint. Curtii, Deciorumque factis annumeratur. Et inter amicorum paria Theseus, & Pirithous; Castor & Pollux referuntur. Qualis item Arion à Delphino reductus in patriam: Nam divus Augustinus historiam autumat. Certe apud Virg. ac præcipue Lucanum, non dubium quin pleraque ad historiam pertineant. Quanquam & Herodoti pleraque fide carent. Et Xenophon Cyropædiam magis

gis ad exemplū instituendæ vitæ, quam ad fidem historię scripsit. Quæ si pro veris accipiantur, fide valent, si pro fictis, cum sint à sapientissimis, ac probatissimis auctoribus prodita, hoc ipso valent quod ab iis conficta sint, quorum auctoritas præcepti rigorem obtinet. Contra, sunt apud Poëtas exempla certæ atque historicæ fidei de Scipione, de Hannibale, de Augusto, de Pompejo, de Julio. Sunt rursus alia, quæ nullus inficias eat, esse conficta. Sed quoniam constat, in hunc ipsum usum esse conficta, & à magnis conficta auctoribus, nimirum exempli pondus habent. Quo de genere sunt Invidia Dea, Fama, Ate, Lite, de quibus supra mentio facta est. Præterea personæ, quæ in dramaticis, aut mixtis Poëmatibus inducuntur præsertim comœdiis, cum quibus dialogi multum habent affinitatis. Etenim si quis suadeat cavendum esse parentibus, ne si quid peccent, testibus liberis peccent, nonne exempli vim habebit Clitipho in sene seipsum excruciante, loquens ad hunc modum: Perii, is mihi ubi adbibit plus paulo, sua quæ narrat facinora! Nunc ait, periculum ex aliis facito, tibi quod ex usu fiet: astutus: næ ille haud scit, quam mihi nunc surdo narret fabulam. Aut si quis suadeat, juxta sapientis responsum; æqualem esse ducendam uxorem, alioqui non uxorem duci, sed heram, si pauper divitem adjunxeris, nonne exempli instar erit Chremes in Phormione, Naufistratam perinde, ut dominam timens. Item, si quis suadeat, neque firmam satis, neque tutam pauperi, cum opulenti esse amicitiam, nonne pro exemplo valebit Euclio in Aulularia Plautina, loquens ad hunc modum: Pauper Megadori divitis deprecans affinitatem? venit hoc mihi in mentem, &c. Nam locus notissimus est. Rursum ubi differas improbe facere parentes, qui sæviunt in libros delinquentes, cum ipsi senes peccent graviora: nonne recte citabitur modo dicta Naufistrata, loquens hoc pacto: Adeo indignum tibi videtur: si filius, homo adolescens, si habet unam amicam, tu uxores duas? nihil pudet quo ore illum objurgabis? responde mihi. Sed ne ego ineptus unum aut alterum exemplum pro-

pro-

profero, cum tota comœdia nihil aliud sit, quam humanæ vitæ simulacrum. Poteram item è tragœdiis, eclogis, dialogis, similes formas proferre. Sed in commentario abunde sapio arbitror viam ingeniosis indicasse. Equidem existimo exempla non solum de his, quæ diximus, verumetiam à mutis animalibus, atque etiam inanimis recte sumi. Quamquam videntur ad *ὁμοίωσιν*, i. e. *similitudinem*, magis pertinere, veluti si quis proposita descriptaque formicarum industria, ad rem labore parandam adhortetur. Aut si quis exposita apum politia, homines ad legum, ac disciplinæ civilis observationem exstimulet. Aut si quis ab impietate in parentes revocet, proferat ciconiæ pullos, qui parentes ætate confectos, vicissim alere, ac gestare dicuntur. Aut si adhortans ad pietatem erga liberos, adducat asinam per medios ignes succurrentem pullis suis. Aut si quis derefteretur ingratitude, adducto exemplo leonis, cujus ex Appione meminit Gellius, & Draconis, qui nutricium à latronibus obsessum eripuit, auctore Plinio. Aut si reprehendens hominem ab amicitia alienum, qui nec amet ullum, nec à quoquam ametur: Delphini proferas exemplum, puerum adamantis: auræ aquilæ, virginis amore flagrantis, aut Magnetis, ferrum ad se trahentis: Sed hisce de rebus plura fortassis, ubi de parabola disputabimus: nunc ad institutum.

*Tertius modus locupletandi exempla,*

Dilatantur exempla utriusque generis, hoc est, tam fabulosa quam historica, præter jam dictos modos, etiam parabola, quam eandem *ὁμοίωσιν* vocant. Cicero collationem vertit: tum comparatione, siue contentione. Parabola est, cum accommoda similitudo, quod adductum est exemplum, ostendit aut simile esse, aut dissimile, aut contrarium. Simile, ut non aliter, quam Camillus rem Romanam à Gallis oppressam, & in extremam perniciem adductam, sua virtute depulsis barbaris restituit. Ita Laurentius Latinas literas inscitia fere barbarorum depræ-



depravatas, obrutas, extinctas in pristinum nitorem velut ab inferis revocavit. Dissimile, ut non par gratia debetur Laurentio & Camillo, propterea quod hic pietate adductus, capitis sui periculo patriam à barbaris liberavit: ille famæ cupiditate commotus, vel potius, quam plurimos taxandi libidine, linguam Latinam non oppressam restituit, sed ad certas quasi leges redegit, quæ feliciter ex eloquentium auctorum lectione discebantur: Contrarium: Marcellus ornamenta Syracusanis restituit: Verres eadem sociis abstulit. Pugnant enim restituere, cum auferendo, hostes cum sociis: Item, Brutus occidit liberos, prodicionem molientes: Manlius virtutem filii morte multavit. Et apud Virg.

*At non ille, satum quate mentiris Achilles,  
Talis in hoste fuit.*

Porro comparatio demonstrat id quod adductum sit, aut par esse, aut minus, aut majus. Minus ut si propter matrimonia violata urbes eversæ sunt, quid fieri adultero par est? Item majores nostri sæpe pro mercatoribus, ac navigatoribus injuriosius tractatis, bella gesserunt: vos tot civium Romanorum milibus, uno nuncio, atque uno tempore necatis, quo tandem animo esse debetis? Legati quod erant appellati superbius, Corinthum, pares vestri totius Græciæ lumen, extinctum esse voluerunt: vos eum Regem inultum esse patiemini, qui legatum populi Romani consularem, vinculis ac verberibus atque omni supplicio excruciatum necavit? Par, ut apud eundem Cicer. Etenim mihi ipsi accidit, ut cum duobus patriciis, altero improbissimo, altero modestissimo, atque optimo viro peterem: superavi tamen dignitate Catilinam, gratia Galbam. Majus, ut pro Milone. Negant intueri lucem esse fas ei, qui à se hominem occisum esse fateatur. In qua urbe tandem hoc homines stultissimi disputant? nempe ea, quæ primum judicium vidit de capite M. Horatii fortissimi viri, qui nondum libera civitate, tamen populi Romani comitiis liberatus est, cum sua manu

nu sororem interfectam esse, fateretur. Ergo in eo quod proprie vocatur exemplum ( Est autem rei geste, aut perinde ut geste, uilis ad persuadendum commemoratio ) aut brevissime significatur: ( quod genus est illud Divi Hieronymi: Memento Daretis, & Entelli: ) aut latius per collationem accommodatur, per simile, dissimile, contrarium, par, majus, & minus, Atque ea collatio sumitur ab omnibus rerum, ac personarum circumstantiis. Adjuvatur autem & orationis artificio, cum verbis, ac figuris ad id accommodis, alia consulto elevantur, alia attolluntur. Porro qui copiosissime volet exemplum tractare, is singulas similitudinis, aut dissimilitudinis partes explicabit, atque inter sese comparabit, quemadmodum facit M. Tull. in exemplo, quod superius retulimus, de legato occiso. Subjicit enim partium collationem. Illi libertatem civium Romanorum imminutam non tulerunt: vos vitam ereptam negligitis? Jus legationis verbo violatum illi persecuti sunt: vos latum omni supplicio interfectum relinquetis? Videte, ne, ut illis pulcherimum fuit, tantam nobis imperii gloriam relinquere, sic vobis turpissimum sit, id quod accepistis, tueri, aut, conservare non posse? Quod tamen quantumlibet copiose licebit facere, si quis plures circumstantias inter se componat: veluti si quis hortetur aliquem, ut filii mortem moderate ferat, & ex ethnicorum exemplis mulierem aliquam objiat, quæ plurium liberorum mortem fortiter tulerit, post enarratam rem ita comparabit: Quod mulier imbecilla potuit: tu vir barbarus non feres? Illa cum sexu vicit & affectum matris: tu ab altero superaberis? Illa complurium liberorum jacturam animo infracto pertulit: tu unum extinctum inconsolabiliter desces? Adde quod illius filii simul omnes naufragio perierunt, morte videlicet ingloria, tuus in bello fortiter pugnans occubuit. Illa non habebat cui filios honeste imputaret, tu filium impendisti patriæ: Illi vere totique perierunt, tuus immortalis gloria semper victurus est: Illa naturæ gratias agebat, quod aliquando tot liberorum mater fuisset: tu tantum memi-

meministi te optimum perdidisse filium: Illa non habebat fardendæ orbitatis spem, quippe major quam ut uterum jam ferre posses; tibi & uxor sœcunda, & ætas etiamnum integra, valensque: Ergo quod barbara muliercula præstitit, tu vir Romanus non præstabis? quod contemnere poterit literarum imperita hoc te tot præditum literis, tantum Philosophiæ professorem frangit? Denique quam animi fortitudinem præstitit pagana; hanc homo Christianus non exhibebit? Illa credens post rogum nihil superesse, tamen luctum indecorum existimavit; tu doctus eos demum vere vivere, qui cum laude excesserint ex hac vita, sine fine clamas tibi periisse filium: Et quod illa æquo animo reddidit naturæ; tu Deo repeteri non reddis? Illa fortiter paruit necessitati, tu Deo repugnas? Ex hac forma satis opinor apparet, quibus modis oporteat exempla conferre; quamquam in veris causis, quoniam major est circumstantiarum copia, facilius est inveniri varias contentiones. Illud obiter admonendum, in hujusmodi contentionibus sententias, & Epiphonemata non inconcinne posse admisceri: veluti in hoc eodem exemplo post primam collationem: Quod mulier imbecilla potuit, tu vir barbatus non poteris? subijci poterant sententiæ: Natura discevit sexum, tu non discernis animum? A muliere nemo fortitudinis laudem expectat? Vir nisi forti sit animo nec viri nomine censetur: Vir, utrumque significat, & sexum robustiorem, & animum infractum: turpiter barbam gestat, qui pectoris robore superatur à femina. Item, post illam contentionem. Illa non habebat cui filium imputaret honeste: tu filium impendisti patriæ. Poterant affingi sententiæ ferme hujusmodi: Magnum doloris solatium est, habere cui honeste possis imputare fortunam: Ut nulli justius, ita nec gloriosius impenditur filius, quam patriæ: Rursum post illam: illi verè totique perierant, tuus immortalis gloria semper victurus est. Adjici poterant hujusmodi: Longe felicius, honesta fama, quam hoc communi spiritu, vivitur. Corporis vita, & calamitosa est, & omnino, ut nihil acci-

accidat, brevis; denique cum pecudibus communis. Illa clara sempiternaque homines in Divorum consortium referens. Ad eundem modum singulis collationum partibus sententiæ subjici poterant: Sed hæc obiter indicasse sat fuerit: nam de sententiis suo loco dicemus.

*De Parabola.*

Jam vero si quis superstitiosus parabolam ab exemplo separet, ut exemplum sit certæ rei gestæ: Parabola, similitudo sumpta ab his quæ fiunt, aut quæ natura, casuve rebus adjuncta sint: ut, Attilius ad hostes reversus exemplum sit servandæ religionis ac fidei: At navis pro ventorum ratione velum tollens, aut contrahens, in hoc aut illud latus transferens, parabola sit, quæ doceat sapientem tempori cedere oportere, ac rebus præsentibus sese accommodare: tamen eadem est dilatandæ parabolæ ratio, quam in exemplo demonstravimus. Nam aliquando verbo notatur: Ut, non intelligis tibi vertenda vela; Aut, desine lavare laterem. Ut jam vel allegoria sit, vel Metaphora. Aliquando latius explicatur, & apertius accommodatur. Quod facit Cic. pro Muræna: Quod si è portus solventibus qui jam in portum ex alto invehuntur, prædicere summo studio solent tempestatum rationem, & prædonum, & locorum: quod natura fert, ut his saveamus qui eadem pericula, quibus perfuncti sumus, ingrediantur: quo me tandem animo esse oportet, prope jam ex magna jactatione terram videntem, in hunc, cui video maximas tempestates esse subeundas? Rursum in eadem oratione, ut ajunt, in Græcis artificibus eos aulædos esse, qui citharædi fieri non powerint: sic nonnullos videmus, qui oratores evadere non poterunt, eos ad juris studium devenire. Superiorem Ciceronis parabolam sic imitatus D. Hieronymus in epistola quadam ad Heliodorum. Et ego non integris rate vel mercibus, nec quasi ignarus fluctuum, & indoctus nauta præmoneo, sed quasi nuper naufragio ejectus in litus timida navigaturis  
voce

voce denuncio: in illo æstu, charybdis luxuriæ, salutem vorat, ibi ore virgineo ad pudicitæ perpetrandam naufragia. Scyllæum renidens libido blanditur. Hic barbrum litus, hic Diabolus pirata cum sociis portat vincula capiendis. Nolite credere, nolite esse securi: licet in modum stagni fuscum æquor arrideat, licet vix summa jacentis elementi spiritu terga crispentur, magnos hic campus montes habet: intus est periculum, intus est hostis. Expedite rudentes, vela suspendite: crux antennæ figatur in frontibus, tranquillitas illa tempesta est. Hic si quis singula pericula quæ à vitis, aut improbis, aut aliunde bonis moribus imminet, velit conferre cum singulis quæ nautis vitæ discrimen adducere solent: deinde per comparisonem majus aut minus, item dissimile aut contrarium ostendere: postremo, sententiis & epiphonematis, ut inciderint exornare: nimirum copiosissime dilatabit orationem, veluti in hoc exemplo: Ut, quo preciosior est res, hoc & diligentius solet adservari, & impendi circumspicius: Ira temporis, quo nihil est preciosius, summa habenda est ratio, ne quid effluat sine fructu. Etenim si curatores dari solent his, qui gemmas, & aurum temerè profundunt: quæ tandem erit insania, tempus pulcherrimum immortalis Dei munus, aut otio, aut inhonestis studiis turpiter consumere? Quid enim perdis, cum tempus perdis, nisi vitam? At vita quid esse potest charius? Et cum una gemmula periit, jacturam vocas: cum totus periit dies, hoc est, bona portio, jacturam non vocas? Præsertim cum illa perdita, aliunde possint recuperari: temporis irreparabilis sit jactura. Præterea illa cum tibi pereunt, aliis plerumque lucro sunt: At temporis dispendium in nullius tranfit compendium: Nilum est damnum, ex quo non aliquis emolumentum aliquid sentiat: præter damnum temporis. Adde his, quod illarum opum jactura sæpe saluti fuit. Nam divitiæ plerumque vitiorum materiam ministrant: ita ut præstet temere profudisse, quam attente asservasse. Quantò cujusque rei usus honestior, tanto turpior profusio. At nihil pulchrius, nihil præclarius, quam bonas horas bene collocare,

locare. Illa ut quam maxime serves, sæpenumero tamen vel casus eripit, vel homo tollit, ut iactura te calamitosum duntaxat, non etiam turpem reddat. At temporis amissio, quoniam non nisi nostro vitio contingit, non miseros solum, verum & infames reddit. Pessimum infamiæ genus, quoties culpa in nullum conferri potest præterquam in eum, qui patitur malum. Illis fundos, aut ædes mercari poteras, bonam mentem non poteras. Hoc præter alia animi ornamenta parare poteris immortalitatem. Nulla est tam brevis vitæ portio, in qua non magnus aliquis ad felicitatem gradus fieri poterat. Postremo de illis male insumptis, patri fortassis rationem redditurus eras; de horis male transactis; Deo. Sed satis est indicasse, in quantam amplitudinem dilatari possit collatio, si quis ad eum modum singulas circumstantias velit componere, arque ornare. De dissimili eadem est tractandi ratio, cujus hoc sit exemplum: Neque enim ut navis utilior nova, quam vetus, sic & amicitia. Nec ut laudanda, quæ pecuniam pluribus largitur, ita, & quæ formam. Neque enim ut in cursu melior est, qui lampadem accipit, quam is qui tradit: ita in bello melior est Imperator, qui exercitum accepit, quam qui tradit. Porro quemadmodum ab omni genere rerum collationes duci possint, superiore commentario demonstratum est.

*De Imagine.*

Εἰκὼν, quam Latini vocant imaginem, collationi videtur affinis; quam si explices, fit collatio: veluti si dicas; ut asinus fuste non depellitur à pabulo, nisi satur, ita bellator non quiescit à corde, donec expleverit animum suum. Collatio est. Sin dixeris aliquem more draconis, aut leonis in hostes insilisse, εἰκὼν est. Aut, Achillem ignis, aut solis instar armis relucentem venisse in prælium, imago est potius, quam similitudo. In utroque ut creberrimus, ita felicissimus est Homerus: tametsi εἰκὼν magis ad evidentiam, aut gravitatem, aut jucunditatem orationis facit, quam ad probationem. Cæterum quan-

quanquam exemplorum, & similium usus ad eadem ista confert, tamen ad faciendam fidem non vulgariter adjuvant præsertim cum per inductionem, quam Græci vocant *παράγωγη*, adhibentur. Quo in genere plurimus est Socrates Platonicus. Exemplum per inductionem adhibebitur hoc modo: Dic mihi, quem tandem fructum attulit Demonstreni insignis eloquentia? nempe, præter alia incommoda, infelicissimum, & miserandum exitium. Quid autem præmii Tib. & C. Gracchis attulit? nimirum eadem, & miseram, nec satis honestam. Quid porro illi tantopere laudato Antonio? Certe & hic latronum sicis crudelissime confossus est. Age Ciceroni eloquentiæ parenti, quam mercedem attulit? nonne mortem, & acerbam, & miserandam? I nunc, & ut vigiliis ad summam eloquentiæ laudem enitere, quæ præstantissimis quibusque viris semper exitio fuit. Simile adhibetur per Inductionem hoc modo: De navigando num melius disputabit nauta, quam medicus? annon medicus rectius de medendi ratione differet, quam pictor? Nonne pictor de colorum, & umbrarum, ac linearum ratione melius dicet, quam sutor? Num auriga de ratione moderandi currum melius, quam nauta? Et si plurima conferantur, faciunt, ut omnino probabile videatur, unumquemque melius de ea re dicturum esse, quam melius norit. Deinde ad rem accommodatur similitudo. At quid orator, qui de omni re profitetur se optime dicturum? notum est exemplum de Aspasia & Æschine.

*De contentione demonstrativa.*

Est & generalis quædam contentio, præsertim in genere demonstrativo, quoties laudandi, vituperandive gratia, personam cum persona conferimus: veluti si quis Julium pontificem Romanum laudaturus, eum cum C. Jul. Cæs. componat: atque illius benefacta, cum hujus comparet. Aut contra vituperaturus, malefacta cum malefactis conferat. Item si quis Maximilianum laudaturus, eum componat

ponat cum M. Antonino Imperatore: Est & rerum comparatio: quod genus est, si quis historiam laudans, ejus utilitates compareret cum eorum beneficiis, qui re bellica Rempub. auxerunt: Aut Poëticam laudare cupiens, hujus commoda cum Philosophiæ commodis committat, atque expendat. Est & unius ad multa comparatio: ut si quis historiæ laudes exaggerare cupiens, eam cum laudatissimis quibusque disciplinis compareret. Atque in his duplex ratio: aut enim alterius partis bona elevas, alterius amplificas: aut alterius partis sic exaggeras laudes, ut præferas tamen, aut certe æques, quod laudandum suscepseris. In vituperando attollis vitia: sed sic, ut scelestiorem tamen, aut æque scelestum ostendas, quem insectaris. In his illud observandum, ut quæ adhibentur ad comparisonem, sint tum confessa, tum insignia: ut, si bonum principem conferas cum Trajano, aut Antonino Philosopho: Contra, malum cum Nerone, Caligula. Rursus, si hominem maledicum conferas cum Zoilo, & Hyperbolo: aut hominem obrectatorem, cum Diopsade, & Regulo: hominem voluptatibus effeminatum, cum Sardarapalo. Crescet autem comparisonis copia, si quem admodum modo attigi, ad unius hominis, aut rei laudem, seu vituperationem, personæ complures, aut res adhibeantur: veluti si quis principem laudaturus, è multis excerpatur, quod in quoque maxime excelluit, è Julio Cæsare felicitatem animique præsentiam; ex Alexandro magnanimitatem; ex Augusto urbanitatem, ex Tiro seniore civilitatem, ex Trajano sanctimoniam, & clementiam, ex Antonino gloriæ contemptum, atque item de cæteris. Similiter & in vituperando. Præterea si iracundiam detestans, conferas eam cum enormi temulentia, cum phrenesi, cum morbo comitiali, aut demoniaco. Aut si linguæ virulentiam damnans, componas eam cum halitu hominis pestilentia laborantis, cum affatu serpentum, quibus est venenum præsentissimum, cum exhalatione quorundam lacuum, aut specuum subitam mortem afferente.



*De Iudiciis.*

Ad Exemplorum genus, ut diximus referuntur & iudicia, quæ Græci *κρίσεις* appellant. Et sunt sententiæ scriptorum illustrium, gentium, virorum sapientum, aut clarorum civium. Ex antiquis, ac celebratis Poëtis magna vis iudiciorum colligitur. Item ex historiographis, ex Philosophis, ex arcanis literis. Nam his rursus eadem varietas, quæ in exemplis ostensa est. Sunt & apud Græcos, qui in his undecunque colligendis, laborarunt, quorum de numero Stobæus quidam. Idem valent sapientum Apophthegmata: cuiusmodi sunt illa celebrium virorum dicta, & quæ referuntur à Plutarcho. Et hoc varium genus est. Etenim si spectemus rem, sunt militaria, sunt Philosophica. Si personas, sunt Regum, sunt sapientum, sunt popularium. Si qualitatem, sunt graviter dicta, sunt facete dicta, sunt acute dicta. Huc pertinent & Proverbia, vel ab auctoribus sumpta, vel vulgo jactata. Nam publica gentium instituta non video, quid ab exemplis differant. Certe oracula, & responsa numinum, iudiciis subijciuntur, veluti si Socratem probes sapientem, quod ita Apollinis oraculo sit iudicatum.

*De Sententiis.*

Est sententiarum genus, non illud quidem petitum ab auctoribus, sed à nobis ad præsentis rei commoditatem confictum. Eas licebit omnibus orationis partibus admiscere. Atque adeo unus locus complures sæpenumero sententias parit. Incidunt enim & in enarrando, & movendis affectibus, non solum in probationibus, quin etiam sæpenumero transitiones per sententias sunt. Quæ si in loco adhibeantur haud mediocrem orationi copiam adjungent? neque id sine gravitate, aut gratia. Sunt autem sententiarum variæ formæ: siquidem aliæ sunt *καθολικαί*, ut, Invidentia ipsa sui supplicium est. Aliæ non placent, nisi ad rem relaxæ, ut nihil tam popolare, quam boni-

bonitas est. Aliæ quæ ad personam referantur, ut princeps, qui vult omnia scire, necesse habet multa cognoscere. Rursum alia simplex; ut: Omnia vincit amor. Alia rationem habet subjectam aut admixtam, ut, In omni certamine, qui opulentior est, etiam si accipit injuriam, tamen quia plus potest, facere videtur. Quædam duplices sunt ex partibus contrariis, nulla tamen addita ratione: ut, Obsequium amicos, veritas odium parit. Quædam ex diversis: ut, Mors misera non est, aditus ad mortem miser est. Huic generi si ad utramque partem ratio subjiciatur quadripartita fuerit sententia, ad hunc modum. Qui adolescentium peccatis ignosci oportere putant, falluntur. Hæc prima sententiæ pars: Ei subnectitur ratio, propterea quod ætas est impedimento bonis studiis. Deinde tertia pars erit: At hi sapienter cogitant, qui adolescentes maxime castigant. Et rursum additur ratio: ut, Quibus virtutibus omnem vitam tueri possint, eas in ætate maturima velint comparare. Id exemplum etiam si est in Rhet. ad Herennium scripta: tamen mihi sane non admodum arridet. At non est arduum aliud hujusmodi fingere. Juventutem decet industria: adjicitur ratio: Nam turpe sit eas dotes quas natura ad bonas artes comparandas, illis annis attribuit, in ocio, fœdisque voluptatibus consumere. At senectutem opulentia decet. Huic quoque subjicitur ratio, quo videlicet ætas naturæ præsidis destitutor, exterarum rerum adminiculis utcumque fulciatur: Item aliud; senectus inops, calamitosa, indocta, turpis. Nam & miserum est tum egere, cum imbecillitas naturæ, pecuniæ subsidia præcipue requirit. Et turpe, tum res optimas nescire, cum nec discere decorum est, & docere pulcherrimum. Rursum est sententia recta, ut: tam deest avaro quod habet, quam quod non habet. Est figurata: ut servare potui, perdere an possim, rogas? simplex erat, facilius est perdere, quam servare. Est communis rerum, ut nocere facile est, prodesse difficilius. Est ad personas accommodata, ut jam minus appareat sententia: ut est illud M. Cic. Nihil habet, Cæsar, nec fortuna

tuna tua majus, quam ut possis, nec natura melius, quam ut velis fervare. Est illud etiam tacitum, & quasi dissimulatum sententiæ genus apud Maronem: Et cæco carpitur igni. Explicuit enim Ovid. Tectus magis æstuat ignis. Item in narrando, Pars major vicit meliorem: explicabis, si dixeris, fere fit, ut pars major vincat meliorem. Jam aliud sententiæ genus quod ἐπεὶ ὁ ὄντης Græci, Fabius acclamationem appellat. Ea est rei narratæ, vel probatæ summa acclamatio. Narratæ, ut apud Virg.

*Tanta molis erat Romanam condere gentem.*

Probatæ, apud Marc. Tull. pro Lig. Quorum igitur impunitas Cæsar tuæ clementiæ laus est, eorum te ipsorum ad crudelitatem acuet oratio? Neque tamen quodvis Epiphonema, continuo sententia est, etiam si plerumque est, verum quicquid in clausula argute additum ferit aurem, ἐπεὶ ὁ ὄντης dici potest. Quod genus proprium est Epigrammatis: ut, in Epigrammate de ove, lupi catulum uberibus alente. Natura hand unquam veritur officiis. Unde apud Martialem sæpenumero. carmen Epiphonemate clauditur: Ut

*Aut vigila, aut dormi, Nasidiene, tibi.*

Item:

*Vis dicam quis sis? magnus es ardelio.*

Utitur & Val. Max. frequenter hoc genere: Item, Seneca suas Epistolas fere claudit Epiphonemate. Neque defuerunt quibus Epiphonematum usus adeo impense placuit, ut omni loco, omni sensui clausulam acclamatoriam subjiciendam existimarent. Sed ut sententiarum omnium, ita & acclamationum debet esse modus, ut ibi demum adhibeas, ubi locus postulat, aut certe patitur. Est Noëma sententiæ genus, quod non dicitur, sed intelligitur: Quod genus est illud dictum in quendam agentem, cum sorore talionis, quod sibi dormienti pollicem resciderat, cum illa fratrem sapius à ludo gladiatorio redemis-

demisset: Eras dignus, ut haberes integram manum: nam intelligitur, ut rursus in ludo depugnares. Simile est illud Hortensii, ni fallor, qui negabat se unquam cum matre, aut sorore rediisse in gratiam. Intelligitur enim nunquam illi cum matre, aut sorore incidisse dissidium. Sunt nova sententiarum genera, ex inopinato, & alio relatis, & ex alio translatis, ex geminatione, ex contrariis: quorum exempla si quis desideret, ex Quintiliano petat licebit.

*De Expolitione.*

Cum hoc sententiarum genere; quod superius ostendimus, ex quatuor constare partibus, cognationem habere videtur Expolitio. Sic enim vocant, quoties eodem in loco diutius commoramur, & eandem sententiam aliis, atque aliis modis variamus, simul & locupletamus: Commutatione verborum, cum eadem res aliis, atque aliis verbis, aliisque figuris, sapius effertur: Commutatione pronuntiationis, cum alio, atque alio vultu, gestu, voce: Commutatione tractationis, cum quod jam sub persona nostra diximus, idem alium, sed patet aliter dicentem facimus: vel, cum quod sedatius est disputatum, id acrius atque inflammatus efferimus. Verum copiosissima expolitio septem constat partibus. Propositione, ratione, duplici sententia: cui ratio item duplex subijci potest, contrario, simili, exemplo, conclusione. Exemplum erit huiusmodi: Sapiens nullum pro Republ. vitabit periculum. Ideo, quod saepe fit, ut, cum pro Republ. perire noluerit, necessario cum Rep. pcreat. Et quoniam sunt omnia commoda à patria accepta, nullum incommodum pro patria grave putandum est. Hæc est prima pars, quæ tota res simpliciter exposita est, & rationibus confirmata, cui subditur duplex sententia auctoritatem, aut pluribus rationibus. Ergo qui fugiunt id periculum quod pro Rep. subeundum est, stulte faciunt. Hæc est sententia, cui subnectitur ratio. Nam neque effugere id possunt, & ingrati in civitatem reperiuntur. Deinde additur sententiæ

pars è contrario. At qui patriæ pericula suo periculo propellunt, hi sapientes putandi sunt. Mox adicientur rationes, cum & eum, quem debent, honorem Reipubl. reddunt, & pro multis perire malunt, quam cum multis. Jam adjungitur huic contrarium: Etenim vehementer est iniquum, vitam à naturâ acceptam per patriam cum servaveris, naturæ cum rogat, reddere: patriæ cum roget, non dare. Et cum possis cum summa virtute, & honore pro patria interire, malle per dedecus, & ignaviam vivere, pro amicis & parentibus, ac cæteris necessariis adire periculum cum velis, pro Reipubl. in qua & hoc, & illud sanctissimum patriæ nomen continetur, nolle in discrimen venire: Deinde adhibetur simile. Itaque uri contemnendus est qui in navigando, se quam navim mavult incolumen: Ita vituperandus qui in Reip. discrimine, suæ salutis plus, quam communi consulit. Additur collatio similitudinis, à majori. Nave fracta multi incolumes fuerunt. Ex naufragio patriæ salvus nemo potest enatare. Sub hæc exemplum adnectitur. Quod mihi videtur Decius intellexisse, qui se devovisse dicitur, & pro legionibus se in hostes immisisse medius. Huic annectuntur sententiæ, unde vitam amisit, non perdidit. Re enim vilissima maximam redemit: Vitam dedit, accepit patriam: amisit animam, potius est gloria, quæ cum summa laude prodita vetustate, quotidie magis enitescit. Demum apponitur conclusio tanquam epilogus: Quod pro Reipub. debere accedere ad periculum, & ratione demonstratum est, & exemplo comprobatum, hi sapientes sunt existimandi, qui nullum pro salute patriæ periculum vitant. Ergo conveniet hujusmodi thematis exerceri pueros, qui ad copiam parandam instituuntur. Quanquam ne hoc quidem exemplum ex Herenniana Rhetorica mihi magnopere probatur, nisi quod utcumque rationem indicat. Potest autem copiosius etiam tractari, si plures sententias & rationes, si plura similia, si exempla plura congeras.

*De Apologis.*

Ad fabulorum genus proxime accedunt Apologi, nisi quod & delectant vehementius, & efficacius persuadent. Delectant, morum faceta quadam imitatione: faciunt fidem, quia verum veluti ponunt ante oculos. Capiuntur his præcipue rustici & imperiti, & si quis alius est, qui mores aurei sæculi sapit. Celebrantur Apologi maxime Æsopi nomine, qui unus est sapientum numero ob hoc ipsum est habitus: etiam si, Quintilianus ab Heciodo scriptos fuisse, certe majoris cujuscumque ingenii opus, existimat: quo minus mirandum si Menenius Agrippa plebem Romanam à periculosissima seditione revocarit, confecto in id Apologo de corporis humani membris adversus ventrem conspirantibus, ut refert T. Liv. Et Themistocles Atheniensibus persuasit, ne novarent magistratus, fabula de vulpe muscis obsita. Quin liberum est cuique pro re confingere genus hujusmodi. Verum ut apte confingas, cum ingenio valeas oportet, tum animantium naturas (sunt autem infinite varietatis) penitus animadversas, habeas, necesse est. Porro quod ad usum attinet, significantur verbo, quemadmodum exempla, maxime si notus sit Apologus: Veluti si dicas: Si tua scripta lacerant ac damnant imperiti, noli laborare: certe doctissimo cuique maxime probantur. Quid enim mirum si gemmam aspernatur Gallus Æsopicus? Aut si quis dicat: nullus hostis quantumlibet impotens, humilisque negligendus, aut contemnendus est: Posteaquam nec scrabatum impune, contempsit aquila Æsopica. Aut hoc pacto: Tuis ipsis benefactis nitere, non majorum splendore: ne tibi usu veniat, quod Æsopi corniculæ. Dilatantur autem præfatione commendationis. Commendamus tum auctorem ipsum, tum Apologorum genus. Ita ut fecit Aul. Gell. lib. 2. cap. 29. in explicanda Castitæ fabula: Æsopus ille est Phrygia fabulator, &c. Nam locus in promptu est. Deinde si describendis animantium, aut rerum formis ac naturis, quos indu-

cis, longius immoraberis. Quandoquidem hoc jam ipsum, & cum voluptate accipitur, & ad eruditionem liberalem pertinet: veluti si scarabæi formam, deinde quemadmodum è stercorebus nascatur, & quo pacto posterioribus pedibus erectis, stercorea protrudat, atque id genus alia, describas. Ad eundem modum, aquilam regnum in avium genus obtinere, amigeram esse Jovis, non offendi fulmine, non connivere ad ardentissimos Solis radios, perniciosissimo volatu ultra nubes ferri: Denique quæcunque vel ad scarabæorum humilitatem exaggerandam, vel aquilæ generositatem attolendam pertineant, quod quidem argumentum nos per lusum tractavimus in proverbiiis. Atque hac in re non prætermittendum, siquid animanti cuipiam fabulis Poëtarum est attributum. Quod genus è Lycaone natos lupos, ex adolescente perdicem, cygnum Apollini sacrum esse, & sub fatalem horam suavissime canere, corvum ejusdem fuisse nuncium, & ob cessationem ex albo nigrum factum, Ant, si quid proditum est historis insigniter ab his factum, veluti de aquila, quæ virginem adamavit, apud Plinium. De Bucephalo Alexandri magni equo, atque item de cæteris: Nam rationem duntaxat ostendimus. Deinde cum ad ipsum apologum erit ventum, fusius ac latius narrare licebit. Id fiet citra tædium, si faceta quadam imitatione, quod est in hominum vita, ad fabulæ mores accommodabimus. Præterea si ad eadem rationem sermones sententias dictaque effingemus. Exemplum aptissimum est apud Horat. in Satyris.

*Rusticus urbanum murem mus paupere fertur,  
Accepisse cavo, veterem vetus hospes amicum  
Asper, & attentus quasivit: ut tamen arctum  
Solveret hospitiiis animum, &c.*

Nam in promptu locus est. Est item exemplum dilatati apologi apud Apulejum de corvo, & vulpe. Rursum apud Aul. Gall. de cassita avicula. Cæterum quod *ἀπολογία* vocant, id est, apologi interpretationem, non admodum refert initio ponas, an in fine.

Quon-

Quaquam & hinc incipere licebit, & in hanc desinere, modo sermonis accedat varietas.

*De Somniis.*

Affinguntur à nonnullis somnia quoque, quæ fortassis adhibenda non sunt, nisi in ostentatione: quod genus Luciani somnium. Aut quoties ea pro veris visis, hortandi, deterrendive gratia narramus. Tale est Prodicti figmentum de Hercule ambigente, utrum vitæ viam ingrederetur, virtutis arduam, an voluptatis proclivem. Simile de Momo, qui hoc reprehendit in homine, quod demiurgos illi finxisset cor finnosum, nec addidisset fenestram: In bove, quod in summis cornibus non addidisset oculos, ut videret, quod feriret. Hujusmodi videtur illud D. Hieronymi, de sese flagris cæso, quod Ciceronianus esset: Et nos item pueri in hoc genere lusimus.

*De fictis Narrationibus.*

Jam fictæ narrationes rerum gestarum, si persuadendi gratia pro veris adhibeantur, quam maxime fieri potest, ad veri similitudinem componantur, oportet. Sunt autem ex arte Rhetorica novæ partes, quibus probabilitas constat: cujusmodi est fabula de Memmio, apud Cicero. & fortasse de Vultejo, apud Horat. Genus hoc video nonnullis nimium placuisse, qui vulgi credulitate freti, stultissima quædam miraculorum ostenta, pro certissimis invexerunt Christianorum literis. Porro quæ risus causa fiunt, quo longius absunt à vero, hoc magis demulcent animos, modo ne sint anicularum similia deliramentis, & eruditis allusionibus doctas etiam aures capere possint: Quo de genere sunt Luciani veræ narrationes, & ad hujus exemplum effectus asinus Apulei. Præterea Icaromenippus, & reliqua Luciani pleraque. Item argumenta ferme omnia veteris comædiæ, quæ non imagine veri, sed allusionibus, & allegoriis delectant. Nam illud fictionis genus, quod ad simulacrum rerum adumbratur,



haud dubium est, quin ad parabolam pertineat. Exemplum hujus est apud Plat. de specu, in quo victi quidam umbris, perinde ut ipsis rebus, delectantur.

*De Allegoriâ Theologicâ.*

At quoties ad pietatem adhortamur, aut dehortamur, plurimum adjumenti conferent exempla veteris, ac novi Testamenti, id est, Evangeliorum. Quæ per allegoriam varie tractantur, & eodem modo ad mores hominum, modo ad corpus Ecclesiæ, Christo capiti connexum, & cohærens: modo ad cælestem illam communionem, rursus ad prisca nascentis fidei tempora, & ad hæc nostra possunt accommodari. Sed hisce de rebus copiosius, & exactius differemus in libello. quem instituimus de Theologicis allegoriis. Atque hæc ferme omnia ad exemplorum genus referuntur, in quibus sumus paulo diutius immorati, quod ex hoc potissimum mundo, copię supellex depromatur. Sed priusquam ab his digredimur, visum est etiam nonnulla paucis admonere.

*Ratio Colligendi Exempla.*

Jam primum quemadmodum unum quodlibet horum varie possit accommodari per similitudinem, per contrarium, per comparisonem, per hyperbolen, per Epitheton, per imaginem, per Metaphoram, per allegoriam, superiori commentario demonstratum est. Nunc qua ratione fieri possit, ut amplissimam horum vim in promptu, ac velut in numero possumus habere, indicabimus. Consilium quidem non perinde magnificum, ut frugiferum: quod utinam juvenes olim ipsi fuisset secuti, (nam tum quoque veniebat in mentem) video quantum momenti literulis nostris fuerit accessurum: Attamen candidi est ingenii, non invidere bonæ spei juvenibus, quod tibi vel negarit fortuna, vel non pararit diligentia. Ergo qui destinavit per omne genus auctorum lectione grassari (nam id omnino semel

mel in vita faciendum ei, qui velit inter eruditos haberi) prius sibi quam plurimos comparabit locos. Eos sumet partim à generibus ac partibus vitiorum virtutumque, partim ab his, quæ sunt in rebus mortalium præcipua, quæque frequentissime solent in suadendo incidere, eaque conveniet juxta rationem affinitatis, & pugnantiae digerere. Nam & quæ inter se cognatæ sunt, ultro admonent, quid consequatur: & contrariorum eadem est memoria. Puta, sit exempli causa primus locus Pietas, & impietas: Huic subjicientur species inter se cognatæ: Prima, est pietas in Deum: Secunda, in patriam: Tertia, in parentes, aut liberos, aut etiam in eos quos oportet parentum loco colere, veluti præceptores, & quorum beneficio servari sumus. Ex adverso est impietas. Jam his cognata superstitio, adjicienda igitur. Atque hic aperit sese campus latissimus de prodigiis Deorum cultibus, ac variis diversarum gentium ceremoniis. Item, ineptia parentum in liberos indulgentia, quæ falsa est pietas. Sit proximus, si videtur, titulus Fides, hanc in species seces licebit: est fiducia erga Deum: est fides humana, est fides in amicos, fides servorum in dominos, fides in hostes, totidem de perfidia. Item, sit titulus Beneficentia. Huic cum suas species subjeceris, restat gratitudo: non illa quidem huic subjecta, neque rursus contraria, sed adhærens, æque ea veluti consequens. Hæc per omnes locos tractari possunt. Primum, quid sit pietas, quomodo differat à cæteris virtutibus, quid habeat peculiare, quibus officiis præstetur, aut violetur, quibus rebus alatur, aut corrumpatur, quid fructus homini pariat. Hic sese aperit campus exemplorum, ac judiciorum. Sed virtutum, ac vitiorum ordinem sibi quisque suo fingat arbitrio, vel à Cicerone, siue malit à Valer. Max. aut ex Aristotele, aut ex D. Thoma petat. Denique si malit, electorum mentorem ordinem sequatur. Neque enim id magni refert. Quanquam nolim illum omnes hujus generis particulas, tam minutim concisas, in ordines referres: verum eas dumtaxat, quæ videantur frequenter in dicendo, usu venire. Id autem vel ex locis

cis causarum licebit cognoscere, nempe demonstratoriis, fautoriis, & judicialibus. Quod genus ferme sunt iurisperiti apud Val. Max. & nonnulli apud Plin. Cæterum quæ extra vitiorum, ac virtutum genera sumuntur, partim pertinent ad exempla, partim ad locos communes. Prioris generis ferme sunt huiusmodi: Insignis longævitæ, vivida senectus, senilis iuventa, insignis felicitas, insignis memoria, subita rerum commutatio, subita mors, mors spontanea, mors prodigiosa, partus prodigiosi, insignis eloquentia, insignis opulentia. Ex humili genere clari, vafres ingenii, insigne corporis robur, insignis forma, egregium ingenium in deformi corpore, atque id genus innumera alia. Quorum singulis oportebit subicere, quæ cum his pugnant, quæque cum his habent affinitatem: ut, insigni eloquentiæ opponitur insignis infantia. Finitima sunt, vocalitas, felicitas in gesticulando, histrionica, & si quæ sunt huiusmodi. Posterioris autem generis sunt istiusmodi: Plurimum interest quibus studiis puer assueas: magni refert, quibuscum vivas: suum cuique pulchrum, facilis offensa, reconciliatio difficilis: tutissimum est nulli credere, amare tanquam o-furus, oderis tanquam amaturus. Bis dat, qui cito dat: fortunam sui cuique mores parant: & lentæ Regum ira: & periculosa Principum amicitia: & dulce in expertis bellum: & infida societas Regni: & optimum senectæ viaticum, eruditio. Sed quid ego hæc recensere pergo cum sint sexcenta millia? Ergo ex his ea sunt deligenda, quæ videbuntur ad dicendum maxime commoda. Ad hunc gregem pertinent & illa comparativa: Cælibatus ne felicior, an conjugium? vita privata, an secus? potior monarchia, an democratia? vita studiosorum, an idiotarum? Tum autem ex superioribus, si quæ sunt quæ virtuti, aut vitio videbuntur esse confinia, ea licebit suo titulo subicere: ut illa: bis dat qui cito dat &, nihil carius constat, quam quod precibus emittitur: & beneficium dando accepit, qui digno dedicit: &, nihil tam perit, quam quod confertur in ingratum: &, beneficii gratiam perdidit, quisquis ex-

probravit. Hæc atque hujusmodi ad liberalitatis titulum referri possunt. Verum ne indigesta rerum turba pariat confusionem, profuerit titulos, qui latius patent, in aliquot secatæ partes. Liberalitatis titulum, ut exempli causa loquamur, ita licebit partiri si subjeceris: Beneficium prompte, citoque datum: Beneficium aptum: Beneficium digno, aut indigno collatum: Beneficium exprobratum, Beneficium mutuum: & si qua judicabuntur magis idonea. Nam nos indicandi gratia duutaxat hæc ponimus. Ergo posteaquam tibi titulos compararis, quot erunt satis, eosque in ordinem, quem voles digesseris, deinde singulis suas partes subjeceris: rursum paribus addideris locos communes, sive sententias, jam quicquid usquam obvium erit, in ullis auctoribus, præcipue si sit insignius, mox suo loco annotabis sive erit fabula, sive apologus, sive exemplum, sive casus novus, sive sententia, sive lepide, aut alioqui mire dictum, sive paræmia, sive Metaphora, aut parabola. Atque ad eum modum pariter fiet, ut & alius infideant animo, quæ legeris & assuescas utilectionis opibus. Sunt enim qui plurima teneant, velut in mundo reposita, cum in dicendo, scribendoque mire sint inopes, ac nudi. Iostremo utcumque postulat occasio, ad manum erit dicendi supellex, certis veluti nidis constitutis, unde, quæ voles, petas. Porro nulla disciplina tam semota est à Rhetorica, unde non facias locos tuos locupletiores. Nam à Mathematicis, quæ remotissimæ videantur sumuntur similitudines. Quandoquidem cum sphaera undique sui similicumque tetragono quocumque cadat, pariter quatuor angulis nixo confertur sapiens, suis opibus felix, nec aliunde pendens, & quæcunque inciderit fortunæ procella, sua virtute firmus, & immobilis: ut ne dicam interim, quod Theologi mysteriorum enarrationem frequenter à Mathematicis petunt, propter arcanam quandam rerum ac numerorum analogiam. Nam à Physicis non solum parabola, verum etiam exempla quædam petuntur. Parabola fuerit, si dicas: Quemadmodum fulmen summos montes frequentissime ferit: ita summa

summa potestas gravissimis casibus est obnoxia. Item, quemadmodum fulmen æs liquefacit, intacta cera, ita Principum animus: in rebelles & obistentes favire debet, in cæteros vii clementia. Exemplo fuerint elephanti, pudore in abdito coeuntes, si quis etiam in conjugatis modestiam, ac voluptatis dissimulationem desideret. Et Delphini fœtus adultos diutius comitantes, nec sinentes parvulos suos ingredi, nisi grandior aliquis ceu pædagogus affit, & custos: si quis admoneat quanta cura servari, atque institui debeat à parentibus prima illa, & lubrica puerorum ætas. Itaque studiosus ille velut apicula diligens, per omnes auctorum hortos volitabit, flosculis omnibus adsultabit, undique succi nonnihil colligens, quod in suum deferat alvearium. Et quoniam tanta est in his rerum fœcunditas, ut omnia decerpi non possint: certe præcipua deligeret, & ad operis sui structuram accommodabit. Sunt autem quæ eadem non solum ad diversos, verum ad contrarios usus quadrare possint, eoque diversis annotanda locis: quod genus si de insanabili cupiditate hominis avari agas, recte accommodabis Charybdis fabulam. Rursum, si de inexplebili ventris ingluvie, aut libidine mulieris inexhausta, nimirum conveniet eadem. Item Apologus Æsopi de hirco, ac vulpe simul in puteum descendentibus, quadrabit vel in prospicientiam, qua fit, ut non aggrediare negotium, nisi prius apud te perpenderit, qua ratione queas explicare, vel in fictum amicorum genus, qui cum videantur amici commodis consulere, maxime tamen agunt suum negotium. Præterea ex morte Socratis non solum ducitur exemplum, mortem non esse formidandam viro bono, cum ille tam alacri vultu cicutam biberit: verum etiam virtutem invidiæ obnoxiam, neque satis tutam esse in turba malorum. Rursum inutile: vel potius perniciosum esse Philosophiæ studium, nisi te ad mores communes deflexeris. Jamque hoc ipsum factum trahi potest & in laudem Socratis & in vituperium. Laudandus enim qui nulla sua culpa, sed sola invidia damnatus, tam fortiter mortem neglexit: vituperandus, qui inu-

inutili Philosophiæ studio : neglectuque morum communium, amicis acerbissimum luctum, uxori, liberisque calamitatem, sibi exitium conciliaris; cum alii soleant utiles esse patriæ, suis præsidio simul, & ornamento, eoque vere sapientes esse, reli-ctis aliquando tetricis illis sapientiæ decretis, vulgi studiis & opinionibus accommodare sese, tempo-rique quod ajunt, servire. Jam si partes exempli cii cumspicias, quor locos licebit elicere? Accusatus per invidiam ab Anyto, & Melito per diuissimis civi-bus. Locus communis est: Veritas odium parit. I-tem alter: Insignis virtus conciliat invidiam. Rursum alius: apud judices plerumque plus valet nobilitatis ratio, quam respectus honesti. Rursum alius, nihil impudentius opulencia, si cum improbis moribus co-puletur. Quid enim absurdius, quam omni facinore dedecoratos Socratem in jus vocare? Rursum alius locus: Non quidlibet cuius decorum est. Eoque Socrates non abiecit sese ad judicum pedes: neque enim conveniebat, ut qui per omnem vitam do-cuerit, mortem non esse formidandam, nisi turpis esset, cum nunc veluti ob mortis metum abjecte supplicem esse. Quæ eadem causa commovit, ut neque iudicium declinaret, neque in media causa exilium eligeret, neque postremo, cum liceret, è carcere vellet effugere, ne ipse à se ipso discrepare videretur. Atque hæc quidem una pars est. Deinde cum moriturus tam otiose, tamque placide dispu-tat, cum non alio vultu cicutam bibit, quam quo vi-num solet, cum mox moriturus jocatur in Phædo-nem, admonens ut gallum persolvat Æsculapio: Lo-cus est, Mortem etiam optabilem esse iis, qui sibi vitæ integre actæ consciî sunt: Rursum aliter locus: cujuscumque fuerit hominis vita, id in morte potissi-mum apparere. Rursum, constantis sui que perpe-tuo similis exemplum est. Etenim cujuscumque fuerat in omni vita Socratis vultus, oratioque, talis erat, & morituro. Tertiâ pars est: dum in carcere agit So-crates, interim nusquam Alcibiades, nusquam Aga-thon, nusquam Phædrus: sed Crito, Phædon, Simias; Atque hic locus est: In periculis demum apparere  
qui

qui sint veri amici: Nam vulgares illi sibi tum consulunt, cum in officiis communibus adsunt. Quarta pars est, cum amicis de animæ immortalitate multa disputat, uxorem ac liberos, cum pauca mandasset, dimittit. Locus est: Philosophum leviter tangi oportere vulgaribus affectibus, id quod mire congruit cum doctrina Christi. Quinta pars est: Statim à morte Socratis versus est in accusatores populi furor: Socrati desiderato aucta posita statua. Locus erit: Vulgus temere odisse, & amare. Rursum alius: Virtutem præsentem odimus, sublatam ex oculis, quærimus invidi, Rursum alius: Fucatam gloriam una cum vita perire, virtutis splendorem à morte maxime inclarescere. Hinc arbitror liquere, in quos usus idem exemplum possit accommodari. Similiter & in parabola fiet: velut in navigatione quod similia duci poterunt? Ut optimum gubernatorem tempestas, ita optimum Imperatorem adverse res declarant. Item, ut nemo clavum committit amicissimo, sed navigandi peritissimo: ita nemo Reipubl. gubernacula mandabit ei, cui studeat maxime, sed quem maxime judicavit idoneum: Rursum, quemadmodum ventis nimium secundis nautæ vela contrahunt: cum parum prosperi sunt tum latius pandunt sinus. Ita cum res vehementer succedunt, temperandus est animus, ne insolescat, contra cum inimica est fortuna, tum fortitudine, ac ipse secururæ felicitatis, dilandus: ac fulciendus. Item, quoties rectum cursum per tempestatem tenere non licet, tum aliquis obliquis flexibus, eo nihilo fecius, quo pervenire velimus, contendere oportebit. Item, quoties artem vincit tempestatem impotentia: tum ancoram jaciunt nautæ, velis collectis: Ita vesaniæ multitudini nonnunquam cedendum est donec oratione tractabilis esse incipiat. Item, quemadmodum nauta non semper eodem modo tenet velum, verum nunc tollit in altum, nunc contrahit, nunc in hoc laus, nunc in illud transfert, utrinque ventorum ratio postulat: Ita sapiens non in omni loco, omnique tempore, & negotio similitudinis tenore debet uti, sed vultum, orationem,

mo-

mores, præsentibus rebus accommodare. Item, sicut in magnis tempestatibus peritissimi nautæ, vel ab imperio nonnunquam admoneri sese patiuntur, quod aliis alia soleant in his casibus in mentem venire: Ita bonus rex in magnis Reipubl. periculis, nullius consilium audire gravabitur. Item, ut minimo periculo navigatur eo gubernatore, qui maximis sit jactatus periculis: Ita tutissimus est civitatis status eo Principe, qui gravissimis casibus sit exercitatus. Item, ut, qui clavum regit, non satis arbitratur se suo fungi officio, nisi circumactis oculis, quid cuique faciendum sit, admonuerit: ita Principem non agit, nisi qui magistratuum etiam inferiorum officia moderatur, ac præstat. Item, quemadmodum insanjat nauta, si propter odium aliquorum, quos navi vehit, navim perire sinat, quæ perditæ, nec ipse possit esse incolumis: ita sanæ mentis non sit, qui ob factiones, patriæ incolumitatem non tueatur, quæ nisi sit incolumis, nec ipse incolumis esse possit. Item, ut non nisi sævissimis tempestatibus sacram ancoram nautæ jacere solent: ita non est nisi in gravissimis periculis, ac rebus prope desperatis, ad extrema remedia veniendum. Sed næ ego ineptus, qui ista persequar, cum jam videas aliquot similitudinum millia hinc sumi posse. Nonnunquam eadem quoque collationis pars ad diversa trahitur: quod genus sit: si lunæ crebras mutationes, vel ad fortunæ vices accommodes vel ad humanæ vitæ instabilitatem, vel ad stultorum inconstantiam. Quin eadem quoque sententia varios in usus deflectitur, ut Facundus comes in via provehiculo est. Jucundior est vita, si non solus agas, sed cum lepidis, ac festivis amicis consuetudinem habeas. Rursum, semper bonus aliquis liber circumferendus, cujus lectione tædium discutias. Item, si letus animus comitetur, & bene sibi conscius, nulla pars vitæ sentiet tædium. Hic optimus est viæ comes si læta narrat. Sin turpium factorum memoriam tibi refricet, tædio enecat. Eadem est proverbiorum & Apophthegmatum ratio, quorum usum ostendimus in principio collectaneorum prover-



proverbialium. Proinde quædam erunt eadem diversis ascribenda locis, aut annotanda certè. Nam sat erit aliquando tribus significasse verbis, ascriptis auctorum locis unde peti possunt; præsertim si paucis exponi non queant. Sed jam, quo res exemplo magis fiat perspicua, sit titulus inconstantia, aut morum inæqualitas: experiamurque quot res ad hunc conferri possint: Primum è Poëtarum fabulis, petam Mercurium, varias formas sumere solitum, ut est vaser Deus nunc apud superos, nunc apud inferos, nunc apud mortales agentem, variis etiam fungentem officiis: nunc Ganymedis agentem partes porrigendo Jovi pocula: nunc nunciaperferentem; nunc animas deducentem ad Charontem; nunc negotiatoribus, ac patronis operam dantem, nunc cithara utentem, nunc virga galero etiam bicolore: Postremo, variis gaudentem cognominibus. Ea sunt apud Aristophanem in Pluto, dicitur enim *σερφαῖ*, *ἐμπολαῖ*, *δολῖ*, *ἡγεμόνι*, *ἐπαιγόντις*, i. e. *versutus*, *negotiator*, *dolosus*, *via dux*, *certaminum præfectus*, apud Hom. & Hesiod: *διακτορ*, *ἀργεῖόντης*, i. *qui animas deducit*, *Argicida*. Dicitur & Cyllenius & *ἰερένι* i. *valde nilis*. Petam Vertumnum Deum cui inde etiam nomen, quod subinde vertat formam: Petam Proteum,

*Omnia vertentem sese in miracula rerum:*

Petam Empusam ex Aristophanis ranis, id est, demonis genus, identidem alia, atque alia specie sese offerentis: Item Morphea, quoscunque velit vultus induere solitum: Item Circen, beneficiis ac magica virga homines in varias ferarum formas vertentem. Nam improbi secum non constant, sed diversis agitantur affectibus. Petam *καιρῶν*, i. *occasionem*, volubilem Deum nunquam sui similem: & huic similem, si videbitur, Rhamnusiā: Petam Jovem, nunc aquilam, nunc cygnum, nunc taurum, nunc aureum imbrem factum. Præterea Chimæram capite leonis, ventre virgineo, cauda draconis: Ac varium illud portentum, quod fingit Horatius in ipsa statim

statim fronte artis Poëticae: Adducam & Janum bifrontem, & triformem Gerionem, & Bacchum, cui Poëtae tribunt *δυσθεαν*, hoc est morum lenitatem ac facilitatem; ac talem in Ranis fingit Aristophanes. Et si qua sunt alia apud illos, quæ prodigiosæ varietatis imaginem habent: Adducam & Ulyssē, quamlibet pro tempore personam gerentem: Unde & *πολυτροπον*, i. moribus versatilem statim in operis initio vocat Homerus: Deinde à Physicis petam lunæ similitudinem, nunquam eodem vultu nobis redeuntis, nunc semiplenæ, nunc plenæ, nunc emorientis, nunc renascentis, nunc pallentis, nunc rubentis, nunc albicantis, nunc antecedentis Solem, nunc à tergo sequentis: Petam similitudinem cœli, verni, aut autumnalis, nunc nubili nunc sereni, nunc tranquilli, nunc ventis commoti. Petam collationem maris assidue vicibus æstuariis decurrentis, ac recurrentis præcipue Euripi mira celeritate septies die, ac nocte reciprocantis: Addam Polypum: cujus mutabilitas etiam proverbio locum fecit: Addam Chamæleonem colorem subinde mutantem: Item pantheram, ac pardum versicoloribus maculis variegatum: ut si quod est aliud animal hujusmodi: Item Anguillam lubricam: Adjungam pueritiæ in horas mutatum ingenium: Adjiciam mulieris peculiarem inconstantiam; vulgus levi momento mobile: Præterea argenti vivi miram mobilitatem: Arundinem ad omnem auram facile mobilem: Foliorum arentium, plumæ ramentæque levitatem: Cerae flexibilem, ac mollem naturam, Somniorum inconstantiam: Rotæ volubilitatem: Adducam laminam, quæ summis turrium, ac templorum fastigiis solet imponi, quo ventum circumactū suo indicet Adducam bilibrem, facili momento huc atque illuc vergentem: Adducam opus vermiculatum, versicoloribus tessellis miram varietatem ostentans. Quædam etiam ingenio finguntur: veluti si quis compareret inconstans hominis animum, nunc hoc nunc illud cogitans, speculo rotundo in foro frequentissimo suspenso, quod huc & illuc discursante turba, figuris innumeris varietur: Aut vitro, quod.

quem-

quemcunque colorem subjeceris, cum imitari videtur: Aut pensili chalybi, quod hinc atque hinc ad motis magnetibus, quorum alter allicit ad sese, alter depellit, levi momento nunc huc, nunc illuc rapiatur, nec unquam conquiescat. Aut sphaera in plano volubili. Jam ex historiis mutuo sumam Græcorum genuinam levitatem, quam describit Juvenalis. Lubricam Allobrogum fidem: Pœnos simili morum inconstantia: Scythas indies mutatis pascuis nullam terram incolentes sedem: Virgam Moysis subinde in aliam atque aliam versam speciem: Aristippum quamvis agentem personam, ut quem omnis, ut inquit Flaccus, decuit color, nunc Cynico utentem pallio, nunc regia purpura: Item ἡμιλευκός. *i. semi album*, illum, de quo meminit Lucianus: Catilinam vario ingenio, ex Sallustio: Hannibalem ex T. Livio, ex Valer. Max. quibus alius fuit vitæ tenor in adolescentia, atque in senectute. Rursum ex tertia Horatii Satyra Tigell.

*Nil aequale homini fuit illi,  
Sæpe velut qui currebat fugiens hostem,  
Tersæpe velut qui Junonis sacra ferret, &c.*

E comædiis exemplum sumetur muliebris inconstantiae. Sostrata in Adelphis: Ah mi homo sanus ne es? an hoc proferendum tibi videtur esse nspiam? Ac paulo post: Au minime gentium, non faciam, proferam. Amantium inconstantiam exprimet Phædria, & rure repente rediens Puerilem inconstantiam Antipho ex Phormione. Sed hoc persequi longum est. E Tragædiis mutuabor Phædræ variatis secum sententiis, nunc volentem, nunc nolentem. Medeam item, ante filiorum cædem diversis agitatam affectibus. Ab Ovidio Biblidem, Narcissum. A Marone Didonem, jam Ænea parante discessum. Atque hoc genus innumerabiles personas passim exhibent Poetæ. Ex Apologis allegabo rusticum illum, qui Satyro admirante, eodem ex ore modo calidum, modo frigidum efflabat: & si qui sunt alii. Nam in præsentia rationem duntaxat ostendimus. E pro-

proverbiis mutabor τὴν παναγαῖαν ἀρτίμην, i. omni-  
bus errantem terris Dianam. Item, ἀνέμικ πεδίον, i. ven-  
ti campus & ὕμεταβολαίτερος ποδῶν, i. versatilior  
cothurno, & ὕδρε πολικωτέρη, hylra magis variis, &  
λευκὸν θηρίον, Lybica fera, aliaque consimilia. Nam  
ipsi in proverbii locos adjunximus, unde ista peti  
possint: Et, saxum quod subinde volvitur, non ob-  
ducitur musco: Et, arbor, quæ subinde transplanta-  
tur, non grandescit. Rursum, ex Apophthegma-  
tis addam illud dictum in Ciceronem: Duabus sede-  
re sellis: Et in eundem à Sallustio scriptum: Aliud  
stans, aliud sedens loquitur. Ex Homero ἀλλοτρέ-  
σσων, mutabilem, qui se omnibus accommodat. Sic  
enim vocat Martem incertarum partium: quique  
nunc cum his sentit, nunc cum illis. Ex Ovidio, ni-  
fallor,

*Et tantum constans in levitate sua est.*

Ex Horatio, Levior cortice, Et, mutat quadrata ro-  
tundis. Et:

*Roma Tybur amo, ventosus Tybure Romam.*

Ex Plauto, Tipula levior. Ex Terentii Phormio-  
ne: Volo, nolo: Nolo, volo, quod dictum est, non  
dictum est, &c. Ex Euripide: πλάγια γὰρ φερέεις, τὰ  
μὲν νῦν, τὰ δὲ πάλαι, τὰ ἑαυτῶν. nam oblique sapienti nunc  
hoc, olim illa, statim alia. Jam apparet opinor, quanta  
hujus quoque generis supellex ex tot scriptoribus  
colligi possit. Eadem est sententiarum ratio, quas  
non tantum ab auctoribus sumere, verum etiam  
pro te novas parere licet. Quibus omnibus si toti-  
dem apponis contraria, deinde subjunxeris utrin-  
que finitima, nimirum quam immensus orationis  
penus futurus sit, vides. At cum tam varius sit u-  
sus, id quod diligentius ostendemus in opere, de  
ratione conscribendarum epistolarum: nihil erit  
quod non aliquo pacto possis ad locupletandam o-  
rationem accommodare. Quandoquidem contra-  
ria quoque adhibentur, vel per ironiam, vel per-  
dissimi-

dissimile, vel per comparationem. Per ironiam, ut si quis hominem nunquam sui similem, Socratem appeller, qui in omni vita semper eodem visus est vultu. Per dissimile, ut si dicas: C. Jul. Cæs. nullius unquam facti pœnituit. Hic nihil unquam decrevit, quod non mox resciderit. Per comparationem, si dicas: Quam Cato ille, quem Cicero præfradum vocat, à sententia non potuit abduci, tam hic non potest in eadem retineri sententia. Porro finitima quæ sunt, facili deflexu ad vicina trahuntur. Quod genus Persianum illud: tecum habita. Nam etsi proprie quadrat in eum, qui majora molitur, quam pro sorte sua: tamen quia non esse, sua sorte contentum, cum inconstantia cognationem habet, huc torqueri poterit, præsertim cum Seneca scribat: Plurimum argumentum compositæ mentis existimo, posse consistere, & secum morari: Quin eadem simul, & in laudem torqueri possunt: ut si omnium horarum hominem, versatilique ac dextro ingenio laudes, ex inconstantia penario fumes, Polypum ad speciem subjecti soli mutantem colorem. Sumes Euripum, ac negabis mare hoc esse tam versatile, quam hujus sit ingenium: fumes flammam stare nesciam: fumes cœlum subinde alia facie: fumes arundinem utcunque flaverint auræ flectentem sese, dices sapientis esse pro re nata, pro tempore, pro loco, mutare sententiâ, ac vitæ rationem: Stupida saxa, ac brutam tellurem unam non moveri: Cæterum ex animantibus, ut quodque præstantissimum est, ita maxime mobile esse. In universa natura, quocumque præclarius est, hoc à quiete longius abesse: Infima est quæ non movetur terra: At mobilis aqua: mobilior aër: ignis hoc quoque mobilior, cœlum, quam maxime mobile: Proinde mentem hominis, auram atque ignem ab antiquis vocari. Contra, stultos, tardos, stupidos, lapides, plumbum, in quas res maxime cadit constantia vocabulum. Per hujusmodi locos pleraque è constantia supellectile ad vituperandum traxeris, & ex inconstantia, ad laudem detorseris. Verum de his, ut modo dictum, alias tempestivius. Nunc, reliquas

quas dilatandi sermonis rationes persequamur.

*De partium Rhetoricarum multiplicatione.*

Crescit oratio numero partium orationis. Ut enim qui brevissimus esse studet, quam potest paucissimis utitur partibus: Ita qui dilatate cupiet, etiam legiūmis illis & arte præscriptis partibus, aliquid accessionis curabit adjungere. Nam cum in summa tria sint Oratione officia: docere, d. electare, flectere, cui placet brevitās, is uno contentus tantum docebit, quod sit narrando, & argumentando, cui copia, simul omnibus utetur, idque in omnibus orationis partibus, non solum in peroratione, aut exordio. Rursum qui studet brevitari, poterit narratione, aut hac quoque prætermittā, si causæ ratio patietur, esse contentus sola probatione. Atque hæc etiam, ut omitti tota non potest: ita potest coarctari, cohiberique. Contra qui copiam affectabit, non modo sex illis utetur, Exordio, narratione, divisione, confirmatione, confutatione, peroratione, sed & suo loco latius explicabit exordiorum locos, & in tota oratione, quoties causā præbebit opportunitatem, exordiola quædam admiscebit, quibus favorem, attentionem, docilitatem retineat, atque renovet, aut ædium discutiat: aut, quæ dicturus sit, præmolliat. Incidunt autem hujusmodi persæpe. Docilitatem potissimum renovamus commodis transitionibus, quarum formulas aliquot superiore commentario proposuimus. Quod genus fuerit: Audistis largitione, corruptela, sanguine, stupro, ac foedissimis artibus paratum honorem: Nunc ostendam illud, quod turpiter est adeptus, turpius administrasse. Attentio renovatur hisce ferme modis: magna sunt hæc, sed levia præ his, quæ nunc dicturus sum, & nunc ad ipsum rei caput accedo. Proinde, quæso, ut hæc animis, quam maxime attentis audiat. Et, sed his longius fortasse sum immoratus, cætera paucis, ac dilucide expediam: si mihi, sicut antehac fecistis aures, atque animos præbere velitis: Et altius paulo repetam, sed ita verba sum facturus, ut neque

quæ sine fructu, neque sine voluptate, suis audienturi. Atque id genus aliis modis; Nam bis mille pro rei natura fingi possunt. Tædium discutitur, aut excluditur; hoc pacto. Rogo diligenter ausculteris. Prima fortasse fronte minutum videtur quod tracto, verum si paulisper attendatis intelligetis nimirum sub hac specie maxima Reipubl. pericula occultari. Et, quæso, patiamini paulisper, mox aperiam quorsum hæc spectent: Et, nunc rem antehac inauditam audietis. Et, rem accipietis omnium maxime ridiculum. Porro favor iisdem rationibus renovatur, quibus paratur. Insuper & argumentamur aliquoties in exordio: si quid erit amoliendum, quod aliqui sit obfuturum reliqua differenti: verum id non nisi consilio ex rei circumstantiis sumpto.

Narratio vehementer locupletatur schemate, quod quidam appellant *Scymocinationem*: qua uni, aut pluribus personis effingimus sermonem congruentem: veluti Hom. Iliad. X. facit Priamum senem, Hectorem dehortantem à prælio; posthunc, Hecubam. Item, Iliad. ζ. Andromachen uxorem deterrentem à prælio, atque his respondentem Hectorem: mire servato cujusque personæ decoro. Neque quicquam est admirabilius historiarum scriptoribus. Nam historicis hoc omnium suffragiis permittum est, orationem personis affingere, de Ethnicis loquor: an idem liceat Christianis, in dubio est, nisi quod simile factum videtur in historia septem Machabæorum, ac præter alios, qui Martyrum vitas conscripserunt. Idem sibi permittisse videtur D. Ambrosius in vita beatæ Agnetis. Narratio, præterquam quod aliquando fusius explicatur, & omnibus argumentis, atque affectibus expletur, etiam crescit *ἑκδιπλασιάζει*: Ea est, ut ostendit Fabius, repetita narratio: quoties res paucis, ac similiter exposita, denuo fusius, & ornatus eadem enarratur. Id quod fit vel invidiæ, vel miserationis causa. Præterea crescit item egressione subjecta. Quod ita denuo permittit Fabius, si excursus ille sic adhæreat, ut sit quasi narrationis finis:

nis : veluti si atrox fuerit circa finem narratio , prosequamur eam , veluti spiritu protinus erumpente indignatione . Atque id quidem in causis seriis , ac periculosis : Ceterum in re ad ostentationem parata , nihil vetat quo minus exposita re , in locum aliquem quam maxime plausibilem , & amœnum expansieris ; quo simul & narrationis tedium abstergas , & voluptate sermonis ad futuram probationem redas alacriores . Hi loci cujuscumque sint , superius est demonstratum :

Propositio dilatabitur primum si pro simplici , duplici , aut multiplici utemur , etiamsi una sit satis , propterea quod alios alia movent : ut , si fecisset , præmio magis , quam supplicio dignus erat . Aut res , hæc nec est honesta , nec expedit nec sine summo periculo fieri potest : quod si maxime sit honesta , maxime expediat , maxime sit tuta , tamen fieri non potest , ut consequamur : Deinde si non nudam omnino , sed argumentis obiter interjectis & affectibus accensam proferemus : qualis est illa Cicer. pro Mil. Hæc sicut exposui ita gesta sunt , judices : insidiator superatus , vi victa vis , vel potius oppressa virtute audacia est . Deinde miscet affectus : Nihil dico quid Respublica consecuta sit , nihil quid vos , nihil quid omnes boni , nihil sane id profit Miloni , qui hoc fato natus est , ut ne se quidem servare potuerit , quin una Rempublicam vosque servaret . Deinde argumenta congerit : Si id jure non posset , nihil habeo quod defendam : Sin hoc & ratio doctis , & necessitas barbaris & moribus feris natura ipsa præscripsit , ut semper omnem vim , quacunque ope possint , à corpore , à capite , à vita sua propulsarent : non potestis hoc facinus improbum judicare : quin simul judicetis , omnibus qui in latrones inciderint , aut illorum telis , aut vestris sententiis esse pereundum . Mox redit ad affectus : quod si ita putasset , certe optabilius Miloni fuit jugulum dare P. Clodio , non semel ab illo , neque tum primum petita quam jugulari à vobis , quia se illi jugulandum non tradidisset . Atque item in sequentibus controversiam



siam constituens; Nam locus est notus, repetit summam argumentorum: quibus usus fuerat in exordio. Id tamen magis licuit Ciceroni, propterea, quod in exordio quæstiones aliquot tractaverat; tamen idem & alibi continget verbis commode interjectis, maxime in enumeratione aut expositione, quæ est altera divisionis pars, de qua supra non nihil attigimus, cum de propositionibus ageremus: quod genus fuerit, si dissuasurus Ciceroni, ne vitam ab Antonio accipiat, exustis Philippicis: sic proponas: Primum illud vide, mi Cicero, num te dignum sit, ut immortalem ingenii tui famam, tot paratam sudoribus, quaque tuos omnes illustrasti, ob tantulum ævi, quod tam grâdi longum superesse non potest, exusto pulcherrimo omnium monumento, repente aboleas. Deinde num forti viro, qui semper omnia posthabuerit libertati, ferendum sit, ut vitam, rerum omnium optimam, & in qua sunt omnia, debeat ei portento, cui quovis etiam nomine obnoxius esse, nemo liber velit. Postremo videat ne parum prudentis sit, in re tanta fidem habere hosti perfidissimo, qui nec amicis unquam fidem servavit: neque perspicere, quod vel cæco appareat, nihil aliud agere versutissimum carnificem Antonium, nisi ut totum extinguat Ciceronem. Nam simpliciter proponi poterat hoc modo: Primum non est tanti vitæ: Deinde miserum, debere vitam inimico: Postremo, decipere cupit Antonius, non servare. Quod si qua propositio durior videbitur, eam oportebit, velut exordiolo præmollire: ut, proposueris laudare Platonis dogma de uxoribus communibus, ut hoc exempli causa sumatur, dices, te non fugere, quod rem omnium sententia absurdissimam polliceri videris: verum illud orabis, ut tantisper iudicium suum differant, donec argumentorum summam audierint: nihil diffidere te, quin penitus exposita re, sint in diversam sententiam pedibus ituri: tantum illud cogitem, hoc quicquid est: non esse temere dictum à tanto Philosopho, quicquæ cæteris in rebus ob excellentiam ingenii divini cognomen promeruit: verum quod in formis hominum, idem in re-

rum

rum iudicio usu venire: quasdam si procul, & oscitanter adspicias, nihil venustius: fuco videlicet oculis imponente: Sin propius, ac fixius contempleris, jam quod paulo ante mire blandiebatur oculis, maiorem in modum incipit displicere. Silenis, nisi explices quid magis ridiculum? Sin explices, quid augustius? Adeo veritas later in abdito, nec oportet in dijudicandis rebus populum auctorem sequi, cui semper pessima, pro optimis, probari consueverint. Ergo seposita paulisper recepta illa, & animis penitus infixa opinione, rem ipsam iudicio perpendant, nec prius in hanc, aut hanc partem flectant animum, quam totum argumentorum orbem acceperint. Quædam enim fore, quæ per se stulta videri possint. Verum si quis inter se conjuncta perceperit, is demum veri concentum, & harmoniam sensurus est. Huiusmodi præfatiuncula pro causæ natura commode afficta, nonnunquam expedit auditoris animum ad securam argumentationem præparare.

Jam vero probationes, præter eas locupletandi rationes, quas superius ostendimus, crescunt labefactione, seu præparatione & asseveratione. Labefactamus autem seu præparamus duobus modis: Propositionibus: nunc autem voco propositiones, non quæ summam causâ complectantur, sed veluti singularium partium collectiones, seu conclusiones, quas oratoribus mos est initio argumentorum proponere, & easdem in fine vehementius per affectus, aut per Epilogum repetere. De hoc genere dictum est superioribus titulis. Præterea cum ita proponimus, ut ipsa orationis figura fidem abrogemus, aut conciliemus. Cujusmodi est illud Cic. pro Mil. Sed antequam ad eam orationem veniam, quæ est propria nostræ quæstionis, videntur ea esse refutanda, quæ in senatu sæpe ab inimicis, & improbis sæpe jactata sunt, & in concione etiam paulo ante ab accusatoribus, &c. Cum inimicos & improbos nominat, jam hoc ipso non parum fidei abrogavit adversariorum propositioni. Deinde propositionem ipsam per ironiam elevat: negant intueri lucem esse

fas ei, qui à se hominem occisum fateatur. Nam atrocitas illa verborum. Negant intueri lucem fas esse, pro eo quod erat, puniendus est, cum irrisione pronuncianda est. Adjunguntur hujusmodi præparationes singulis etiam collectionum partibus: quandoquidem eodem in loco M. Tull. exemplis refutaturus, quod erat propositum ita præparavit: In qua tandem urbe homines stultissimi hoc disputant? Deinde adjungit exemplum M. Horatii, cum sororem occidisset, absoluti. His non absimiles sunt asseruationes: quæ cum argumenta non sint, tamen sæpenumero pondus habent argumenti, si probationibus admisceantur: ut quis tam cæcus, qui hoc non videat? quis tam impudens, ut neget? Et illud: Stultius est, quam ut refelli debeat: Quis e. non intelligit? &c. Et, perfrica faciem, & aude negare. Hæc cum ita sint, quæ tandem impudentia est, &c. Locuplerantur & singulæ collectiones epilogis particularibus, quæ summam rationem paucis comprehensam, auditori denuo sub oculos revocant, ut majore cum fide conclusio succedat: qua quidem in re frequens est M. Tull. propterea quod latius explicet argumentationis aciem. Hujus generis exemplum erit illud ex oratione pro Pompejo: Quare videte, num dubitandum vobis sit omni studio in id bellum incumbere, in quo gloria nominis vestri, salus sociorum, vectigalia maxima, fortunæ plurimorum civium, cum Republ: defenduntur. Denique crescunt & excursionibus per amplificationem, ut singulis probationibus suos affectus adjiciamus, ad quod proprie destinata est conclusio: quam si copiosam esse volumus, geminam efficiemus, ut simul & per Epilogum præcipua argumenta recenseantur, & affectuum omne genus per omnes locos tractetur. Eos ex Aristotele & Quin. petere licebit: Quin & Poëtæ in hoc genere miri sunt. Vehementiores quos Græci *πῶδες* vocant, suppeditant Ilias Homeri, ac Tragædiæ: moderatiores illos, qui del. etant potius, quam perturbant subministrant Odyssæa Homeri & Comædiæ. Quanquam in Iliade Græcorumque tragædiis sæpe miscentur *πῶδες*. Sic enim

enim Græci vocant affectus Comicos: Latinorum Tragedia parcius hoc genere utitur. Inter affectus autem ponenda delectatio; quanquam hæc non in peroratione tantum, verum in tota oratione, cum res feret, debet admisceri. Porro quid cuique jucundum sit, Aristoteles in affectuum locis diligenter prosequitur: & de facetiis Marc. Tull. Et Quintil. de risu scripsere, traditis jocandi rationibus. Delectatio quæ petitur à Comicis affectibus: præcipue locum habet in narratione, vel quia rem veluti subjiciunt oculis, vel quia ab omnibus agnoscuntur. Quis enim non cum voluptate legat, quomodo apud Hom. Andromache Hectori armato occurrit, ad portam civitatis, qua proditurus erat in prælium, non sola (neque enim id decet pudicas matronas) sed comitabantur pedissequæ, puerum in ulnis gestans Astyanactem, Hæctoris filium, patri unice charum, & quod addit Homerus pulchro sideri assimilem, quo per hunc uxor expugnaret affectus mariti. Hæctor tacite arrisit conspecto puero: Andromache propius adstans, dextram porrexit, ac nominatim compellavit. Deinde post affectam utrique congruentem orationem, cum Hæctor infantem appeteret oscularurus: Ille territus armorum splendore, ac crista è galeæ fastigio minitante, clamans reflexit se in sinum nutricis. Hic risit uterque, pater & mater. At Hæctor sublatam è capite galeam humi deposuit, atque ita puerum amplexus, osculatus est. Mox ei fausta precatus, tradidit matri; illa eum excepit in sinum bene olentem *δακρύνει γαλαίσι* *α*, id est, lachrimabile ridens. Ea res Hæctori movet misericordiam, atque uxorem manu sustentans, consolatur, nomine eam appellans, mox reponit galeam: illa marito obtemperans, domum se recipit, ibi muliebri fletu complentur omnia, quod crederent eum ex eo prælio non rediturum. Itaque spirantem adhuc, pro mortuo deslent. Interim non mediocrem addunt gratiam intermixta epitheta, *καρυδαίον* *ἢ* *ἐκ* *α*ρ. i. variegata galea Hæctor, & *παιδὸς ἐρέξατο παίδι* *μ* *ἢ* *α*ρ, i. suum puerum desiderabas clarus Hæctor,

& βουζόγυιο τιθλώνς, i. e. *benecincta nutricis* & λόρον ἱπποχαίτω, i. e. *cristam ex setis equinis*, & πατήρ τε φίλος καὶ πόντις μήτηρ, i. e. *carus pater & veneranda mater*, & κόρυθα παμφανόωσαν καὶ φίλον υἱόν, i. e. *galeam splendentem & carum filium*, & ἀλόχοιο φίλης, i. e. *conjugis dilectæ*, & quod indicavimus. καὶ δ' εἰ κόλπῳ, i. e. *sinus redolenti*, & κόρυθα ἵππερυ, i. e. *conum ex cauda equina*. Hæc virtus præcipue in causâ est, cur nemo legens Homerum saturetur, sed perpetua voluptate ducatur. Hi sunt affectus, de quibus scripsit Ilorat.

*Morataque recte*

*Fabula nullius Veneris sine pondere & arte,  
Valdè oblectat populum meliusque moratur.  
Quam versus inopes rerum nugæque canora.*

Sunt hujusmodi narrationes aliquot insignes apud M. Tull. veluti in Philippica 2. de Antonio: vehebatur in effredo tribunus plebis, lictores laureati antecedeabant: inter quos aperta lectica Mima portabatur, &c. nam indicasse locum satis est: Sunt in eadem oratione & aliæ, quomodo capite involuto ad amicam literas amatorias pertulerit: quomodo consul in lupercalibus cucurrerit. Delectant & illa cum non actio tantum: sed agentium gestus quoque describitur: quale est illud in Pisonem: Ita enim sunt perscripta scite & literate, ut scriba, ad ærarium qui eas retulit, perscriptis rationibus secum ipse, caput sinistra perfricans, commurmuratus sit. Ratio quidem hercle apparet, argentum ἔχειται: Rursus illud. Respondes, altero ad frontem sublato, altero ad mentum depresso supercilio, crudelitatem tibi non placere. Quanquam hæc interim & ad fidem orationis faciunt, quum ea quæ velut extra narrationis necessitatem adjicitur, simplicitatis habent speciem. Fabius miratus narrationem M. Tull. pro Mil. Milo cum in senatu fuisset eo die, quo à senatu dimissus est, domum venit, calceos, & vestimenta mutavit: paulisper, dum se uxor, ut fit, comparat, commoratus est.

Sunt.

Sunt item hęurę, quę ad orationis jucunditatem pertinent, quas non magni negotii est ex artis præceptis petere, & à nobis, nisi multis verbis referrı non poterant. Delectant & allusiones, sed agnoscentem duntaxat. Itaque in loco sunt adhibendę.

*Epilogus.*

Ergo cui placebit Laconica illa brevilloquentiarum primum Atticorum exemplo, præfationibus, & affectibus abstineat, rem simpliciter ac summam exponat: argumentis non omnibus utatur: sed præcipuis duntaxat: eaque non explicatim, sed conferatim adhibeat, ut in singulis probe verbis sit argumentatio, si quis explicare velit: sit docuisse contentus, ab amplificationibus, ab asseverationibus, à similibus, exemplis, sententiis, Epiphonematis, fabulis, Apologis, allusionibus, facetiis temperet, nisi quid horum ita erit necessarium, ut citra flagitium omitti non queat: Item, ab omnibus figuris, quę vel amplam, vel illustrem, vel acrem, vel ornatam, vel jucundam reddunt orationem, abstineat. Rem eandem ne aliis atque aliis formis tractet, & ita singula verbis significantibus explicet, ut multo plus intelligatur, quam audiat, & aliud ex alio colligi possit. Contra, qui copiam sequitur, singula dilatare studebit, his ferme, quas dixi, rationibus.

*Quid utrobique vitandum.*

Ac caveat uterque, ne quod fere fit, affectatione in finitima vitia delabatur. Brevitatis amator videat ne tantum hoc agat, ut pauca dicat: sed ut optima quam potest paucissimis: & cui placet Homericum illud: *παῦρα μὲν*, i. *pauca quidem*. eidem placeat & hoc, quod protinus sequitur. *ἀλλὰ μέγα λίγως*, i. *valde argute*. Et cui probatur *ἔ πολύμυθος*, i. *non multiloquus*, non prætermittat & hoc, quod statim subjicitur, *ἔδ' ἀφ' αἰετοειδὲς* i. *non errans verbis*. Nam nihil æque convenit breviloquentiæ, quam verborum proprietates & elegantia: cui si accesserit simplicitas,

citas, facile vitabitur obscuritas, vitium quod plerumque brevitatis studium comitari consuevit. At hic rursus videndum, ne frigescat oratio, dum nullis affectibus inflammatur. Proinde res ita ponetur ante oculos, ut per se nonnullos aculeos tacite infigat animis: Tum omni Attico lepore condienda erit. Illud imprimis cavendum, ne brevitatis studio necessaria dicta prætermittantur. Contra, qui copiam petet, deletum item adhibeat oportet, & verborum, & rerum, & figurarum: ne rationes sint fuitiles, exempla parum idonea, sententiæ frigida, excursus æquo longiores, parumque tempestivi, ne figuræ durius affectatæ. Quapropter ordinis, ac dispositionis summam oportet habere rationem, ne rerum indigesta turba, totus sermo perturbatus sit, & confusus. Et ubique tædium varietate, jucunditate, risuque levandum. Varietas potissimum petitur à figuris, & ab eisdem, jucunditas. Risus ab his præceptis, quæ tradidit Cicero. Sunt autem peculiare partium varietates non negligendæ: Proinde expediet plurimorum exordiorum formulas in promptu habere. Sunt & narrationis complures modi: sunt argumentationum diversæ formæ: neque simplex affectuum natura, sed hæc à Rhetorum præceptis petantur, oportet. Admonendum hoc quoque, ne quovis in loco parem copiam affe&emus. Sunt enim quædam sterilia. Verum reli&is his quæ natura copiam non admittunt, partes maxime fecundas atque tractabiles deligamus, nisi forte periclitandi, aut ostentandi ingenii causâ libeat aliquando ex musca, quod ajunt, elephantum facere: quemadmodum Favorinus, febrim: Sinesius, calvicium: nos stultitiam encomio, & ancoram Aldinam laudavimus in proverbiiis. Sed in exercendo detur venia, si luxuriat adolescens. Cæterum ubi non luditur, sed res seria cum periculo agitur, ubi Rhetor non stultus adhibito consilio, copiarum modum ex utilitate causæ metietur.

*Teroratio,*

Adjeceram exemplum thematis in arctum contracti & ejusdem fufius explicati, quod hic non addo, ne, sarcina major videatur accessio. Liber extat ad illustriffimum principem juniorem Guilhelmum ducem Clivensem, titulo: De pueris statim, ac liberaliter instituendis.

F I N I S

L 5

EPI:



# E P I T A P H I A,

*Ac tumuli, quibus*

D. E R A S M I

*mors defletur.*

Tumuli xvi i. per Virum Coppum, Selaustadii  
bonas literas profitentem.

I.

**H** Ei mihi quod precibus fatales flectere divas  
Nemo potest. & quod mors sua quemque manet.  
Si vita possent Graja Latiaque Camæna,  
Tempora Nestoreos ducere ad usque dies.  
Unus qui Tylis superaret sacula pensi,  
Hic Desiderius dignus Erasmus erat,  
Ses mores, vitamque viri linguamque disertam.  
Sens spectes docti pondera iudicii.  
Abstulit hunc terris plena jam stamine Parca,  
Viveret ut posthac liber ab invidia.

II.

Non cineres orno, quamvis sim splendidus arte:  
Sed me plus multo condecorant cineres.  
Ævi, me tandem consumet longa vetustas:  
Illos non poterit reddere tempus edax.  
Hoc vir commernit, studio, cui postera secla  
Vix sunt, eloquio progenitura parem:  
Tum Desiderii cessabit nomen Erasmi,  
Cum Rhenns nullas siccus habebit aquas.

III.

Hoc Desiderio marmor decoratur Erasmo,  
Hinc noto celsi sidera ad usque poli.  
Ruptura nunquam fatalia stamina Parca  
Illi, ni superis sic placuisset erant.  
Eloquio similem non huic Germania vidit:  
Nec forsan posthac est habitura parem.

IV. Falle.

# R P I T A P H I A.

## IV.

*Falleris, extinctum vita qui credis Erasmus:  
Jam rursus mæstis vivit ab exequiis.  
Nec mirum, summo si Phœnici studiorum  
Ipse potest vita reddere dona cinis.*

## V.

*Sic vita Desiderius decessit Erasmus,  
Oppetere est vita si meliore frui.*

## VI.

*En Desiderii mæstum post funus Erasmi  
Molliter hoc recubant ossa quæta solo.  
Fama tamen; nomenque viri durabit ubique,  
Gracia donec erit, donec erit Latium.*

## VII.

*Hoc Desiderii saxo tumulatur Erasmi  
Corpus; sed volitat fama per ora virum:  
Qua Scythicus Boreas, qua nubifer intonat auster  
Et quæ tellurem cernit uterque polus.*

## VIII.

*Hic Desiderii cineres conduntur Erasmi,  
Qui junxit Latius Attica mella favis.  
Martia Roma suo quantum debet Ciceroni,  
Huic tantum debet Teutona terra viro.*

## IX.

*Hoc Desiderii tumulo conduntur Erasmi  
Ossa, viri nomen replet utrumque polum.  
Hic meruittanta Germanis laude referri,  
Orator quanta Tullius Ansoniis.*

## X.

*Hoc marmor condit defuncti corpus Erasmi,  
Qui clarus summo floruit eloquio.  
Huic quasitus honos studiis, & fama manebit,  
Gramina dum tellus, dum geret astra polus.*

## XI.

*Clauditur hoc tumulo defuncti corpus Erasmi,  
Quem sinet haud unquam posthuma fama mori.  
Ingenio quasitus honos sine fine manebit.  
Dum fuerint Graji, dum fuerint Latii.*

# EPITAPHIA.

## XII.

O fati leges, ô ferrea jura sororum.  
 Quam nulli fas est perpetuare dies,  
 Urna quiescentis cineres hac condit Erasmus,  
 Fama locum nusquam, quo capiatur, habet.

## XIII.

Post cineres Phœnix vivit, post funus Erasmus  
 Floret, & à tristi major in orbe rogo est.  
 Hunc celebrant Graius, Latius, Germanus, Iberus,  
 Et Gallus: vita est, hac ratione mori.

## XIV.

In dubio est, vivat ne, an sit defunctus Erasmus:  
 Clauditur hoc ejus pars minor in tumulo.  
 Pars melior calum lustrat, terrasque pererrat,  
 Pars melior vivit, pars minor interiit.

## XV.

Lachrymarum te rogo jam siste rivulos  
 Viator, & dulcem quietem floribus  
 Orna, tumulum Sabao thure confovens:  
 Vixi satis: fatis peregi tempora.  
 Non otio, sed duris me laboribus  
 Unus, quo plurimis prodessem, subdidi.  
 Sic docta primum bella gessi Palladis,  
 Ut me duce mirata sit Germania,  
 Summè me sapius Ciceronem dititans.  
 Tandem sacris sum literis immortalis  
 Hac fata lege subire, annon est vivere?  
 Rude donari nisi forsitan mori putas.

## XVI.

Post cineres vivo doctus ego nomine Graius,  
 Hispanis, Gallis, notus & Ausoniis,  
 Eloquio per me pugnax Germania culta est  
 Neque à barbarie vindice tata manet.

## XVII.

Vita me finitum qui credis forte viator  
 Erras, perpetuo nomine vivo, vale.

## SIMON GRINÆUS.

Si sacris fas est urnis inscribere verum,  
 Abstinet & solis manibus invidia  
 Vix mihi vix dederis sua quem sunt non mala secla  
 Mirata, & vivum quem colere magis.

EUSTA.

EPITAPHIA.  
EUSTACHIUS  
Quercetanus.

*Ut Musas, pulsa sub tartara doctus Erasmus  
Barbarie, ingratis reddidit Ausoniis.  
Ne se confectum Musarum nomine sauis  
Morsibus adspiceret dilaniari, abiit.*

GUILHELMUS BIGOTIUS  
Lavalonsis.

*Aspiciens meritis haud respondere favorem,  
Sunt ubi pro meritis pramia, Erasmus abijt.  
Si petis, hic locus est, ubi degere tutus ab hujus  
Temporis ingrati garrulitate queat.*

JOANNES BRESSANUS  
Bergamensis.

*Hoc tegitur tumulo doctissimus undique Erasmus,  
Qui triplicem linguam calluit egregie:  
Scilicet Hebraeam, Graeam, pariterque Latinam,  
Ut genuinam illi quamlibet esse putes.  
Hic tantum studiis studiosus contulit orbi  
Quantum fert Clarii fax radiosa Dei.  
Quid tegitur dixi, quem quilibet ora tuctur,  
Quique oculis hominum notus ubique patet.  
At tegitur corpus: sed nomen, gloria, honorque  
Clara micant, nullo deficientique die.*

N. EX BRABANTIAI

*Hic Desiderius requiescit Erasmus, amarum  
Qui desiderium liquit in orbe sui.  
Mens habitat caelo, nomen vix clauditur orbe,  
Scripta viri & mundum conterit una dies.*

NICOLAUS  
Borbonius.

*Lis oritur meus est Germania dici, Erasmus,  
Gallia reclamans asserit esse suum.  
Hanc interveniens litem mala Parca dirēxit.  
Neutrius hic vestrum, sed meus, (inquit) erit.*

JOAN-

# EPITAPHIA.

JOANNES MORRELIUS

Ebrudunensis.

*Ingenio quisquam si vivit, vivis Erasme,  
Scripta manent ulla non peritura die.  
Nam tua vel prima relegent qui sola juventa,  
Dicere cogentur, magnus Erasmus erat.  
Gloria sit quamvis multorum tacta sagittis,  
Non tamen à quoquam gloria laesa tua.  
Promptius hanc fuerit linguis lacerare malignis,  
Æquo virtutes quam superare pede.  
Jam tua convellant dictis, laudentve, quid inde?  
Stant merita & virtus, gratta, lausque tamen.*

ALIUD EJUSDEM.

*Corpus humo, superis animam, dat nomen in avum  
Lex, pietas, virtus, Roterodamæ, tua.*

WLPVSCISSEUS.

Franekerensis.

*Nosti qui requiescat hic ad aram  
Summam marmore tellus, ô viator?  
Dicam, Roterodamus est Erasmus.  
Illum mors rapuit severa nuper  
Musarum è gremio, hei dolore & alto  
Musis vulnere cordis hinc relicto!  
Harum nam pater & patronus ille  
Vindex, tutor erat, decus, columnas  
Summo barbarie labore pulsa,  
Musas restituit suonitori,  
Scd quæ præmia tandem habet laborum?  
Hac dulcem requiem supernus illi  
Dat cum pace pater, suos & inter  
Electos numerat: vale viator.*

JOANNES HUSERUS.

*Hic magnus parvo sub saxo dormit Erasmus,  
Orbem qui studiis suscitât usque bonis.*

INSCRIPTIO IPSIUS MONUMEN-  
ti in primaria æde sacra inclyæ urbis  
Basilienfis.

CHRISTO SERVATORI S.

**D**Es. Erasmo Roterodamo, viro omnibus modis ma-  
ximo, cujus incomparabilem in omni disciplinarum  
genere, eruditionem pars conjunctam prudentia, po-  
steri & admirabuntur, & predicabunt. Bonifacius A-  
merbachius, Hieronymus Probenius, Nicolaus Episcopus,  
hæredes, & nuncupati suprema sua voluntatis vindices pa-  
trono optimo, non memoria, quam immortalem sibi editis  
lucubrationibus comparavit, iis tantisper dum orbis terra-  
rum stabit superfuturo, ac eruditis, ubique gentium collo-  
caturus, sed corporis mortalis, quo reconditum sit ergo, hoc  
saxum posuere. Mortuus est 4. Idib. Jul. jam septuagē-  
narius, Anno à Christo nato. 1536.

GIBERTUS COGNATUS.

*Magnus Roterodamus ille noster:  
Hac quæ sacula neminem tulerunt  
Majorem, neque prisca clariorem  
Noxunt tempora, nec cui futura  
Parum posteritas habebit, ecce,  
Hoc sub marmore mortuus quiescit.*

NICOLAUS EPISCOPIUS.

*Delitia Christi fugitat super athera Erasmus  
Terricolum insensus fraudibus ac sceleri.  
Cedere polluit decus hoc mortalibus ultra  
Noluit omnipotens, esse suum voluit.  
Divorum inque choro divum versarier usque  
Deserto terris nomine perpetuo.*

IDEM.

# EPITAPHIA.

I D E M.

*Artes omnigenas tentat cum Thæbus in unum  
Cogere, & exemplar perficere eloquii,  
Musarumque suum quæque addit munus acervo,  
Quo parte ex omni sit decor, atque nitor,  
Dotibus in nobis tot cultus produi Erasmus  
Secula cui similem nulla tulere virum.  
At gemmam eximiam vilescere rector Olympi  
Non passus terris, fulgida in astra tulit.*

HIERONYUS  
Frobenius.

*Marmoreo jacet in tumulo modo mutus Erasmus,  
Orbis enim linguam sustulit inde sibi.*

EPITAPHIORUM FINIS:

DE EODEM.

**C**opia commendat sermonem docta probatum.  
Quæ decus ingenii, culta labore, refert:  
Doctrina insignis virtuteque clarus Erasmus,  
Idem non minima dexteritate docet.  
Hic vir, hic est celebris Romana gloria lingua  
Quam studio immenso protulit, arte dedit.  
Percipiet fructus, jucundaque gaudia sumet,  
Perleget illius qui bona scripta vitæ.  
Gloria vera manet doctis, sunt cætera vana:  
Nam virtus nullo tempore clara perit.



INDEX

# I N D E X

## Capitum & Titulorum.

### LIBER I.

<b>P</b> ericulosam esse copiae affectationem.	Tag. 7
A quibus inventa copia.	8
Auctores ut luserint ostentatione copiae;	9
Quibus vitio data copia immodica.	10
Ejusdē artificis esse breviter copiosēque dicere.	ib.
De stulte affectantibus vel brevitatem, vel copiam:	11
Duplicem esse copiam:	12
Quas ad res conferat hēc exercitatio.	12
Quibus exercendi rationibus hēc facultas paretur.	13
Prima præceptio de copia.	14
Prima variandi ratio per synonymiam,	17
Vocabula sordida.	19
Inusitata.	ib.
Poëtica.	20
Prisca.	21
Obsoleta.	ibid.
Dura.	22
Peregrina.	ibid.
Obscena.	23
Novata.	24
Ætatum propria vocabula.	26
Ratio variandi per Enallagen.	28
Variatur numerus.	29
Persona.	30
Genus.	31
Casus.	32
Species.	ibid.
Figura.	ib.
Tempus.	33
Modus.	ib.
Declinatio.	ibid.
	Con-



Conjugatio.	<i>ibid.</i>
Variandi ratio per Antonomasiam.	34
Variandi ratio per Periphrasin.	35
Etymologia.	<i>ibid.</i>
Notatione.	<i>ibid.</i>
Finitio facta variatio.	<i>ibid.</i>
Variandi ratio per Metaphoram.	36
Deflexio.	<i>ibid.</i>
Ab irrationali ad rationale.	<i>ibid.</i>
Ab animali ad non animal, aut contra.	37
Ab animali ad animal.	<i>ibid.</i>
Ab animato ad inanimatum, aut contra.	<i>ibid.</i>
Metaph. reciproca.	38
Variandi ratio per Allegoriam.	39
Variandi ratio per catachresin.	<i>ibid.</i>
Variatio per onomatopœiam.	40
Variatio per metalepsin.	41
Variatio per metonymiam.	42
Variandi ratio per synecdochen.	43
Variandi ratio per æquipollentiam.	44
Variandi ratio per comparativa.	45
Variatio per Relativorum commutationem.	<i>ib.</i>
Variandi ratio per amplificationem.	46
Variatio per hyperb.	<i>ibid.</i>
Variandi ratio per μέσσην.	<i>ib.</i>
Variatio per compositionem.	47
Variatio per syntaxin.	48
Variatio per mutationem figuræ variis modis.	<i>ib.</i>
Experientiæ miræ in variando.	49
Variantur, Tuæ literæ me magnopere delectarunt.	50
Semper dum vivam tui meminero.	56
Quibus modis tribuimus plura ex æquo.	64
Quæ commodius copulent contraria.	66
Quibus modis æqualiter removemus.	<i>ibid.</i>
Quibus modis tribuimus inæqualiter.	67
Quibus modis inæqualiter removemus.	<i>ibid.</i>
Quo pacto tribuamus ordine.	68
Per comparativum effertur sententia.	<i>ibid.</i>
Formulæ augendi positivi.	69
De Variando positivo.	70
	Ra-

Rationes minuendi positivum:	<i>ibid.</i>
Quibus rationibus augetur comparativus.	71
Quibus modis imminuitur comparativus.	72
Quibus rationibus augemus superlativum.	<i>ibid.</i>
Periphrasis comparativi.	73
Quibus modis superlativum variamus.	74
Variorum exemplorum variatio.	76
Communis omnium graduum variatio:	80
De propositione generali.	83
De propositione non generali.	84
Elegantia signorum.	85
Uterque neuter.	86
Semper, sæpe.	87
De varietate negationis.	<i>ibid.</i>
De tribus negationibus.	<i>ibid.</i>
Synonyma negandi.	83
Connectendi formulæ.	89
Transitionum formulæ.	90
A re & persona. <i>ibid.</i>	91
Ex more.	<i>ibid.</i>
Subornandi.	<i>ibid.</i>
Renovandi.	92
Finales formulæ.	<i>ibid.</i>
Causales formulæ.	93
Dignus & indignus.	94
Decet.	95
Necessitatis vocab.	96
Libertatis.	<i>ibid.</i>
Statuendi.	<i>ibid.</i>
Assentiendi.	97
Dissentiendi.	<i>ibid.</i>
Precandi nomina, & verba.	98
Primi supini variatio.	99
Dividendi formæ.	<i>ibid.</i>
Distribuendi formæ.	<i>ib.</i>
Prohibendi aut impiedendi signa.	100
Dubitandi.	<i>ibid.</i>
Sine & citra:	101
Ostentandi.	<i>ibid.</i>
Corrigendi sanandique.	<i>ib.</i>
Blandiendi, sive hortandi:	102
Tua	

# I N D E X.

Tua causa:	<i>ibid.</i>
Verum nec ne.	<i>ib.</i>
Concedendi:	103
Parum abesse.	<i>ibid.</i>
Incertitudinis.	104
Correctionis, & occupationis formulæ.	<i>ibid.</i>
Auctores citandi formulæ.	105
Variatio imp. modi.	<i>ibid.</i>
Variatio futuri.	106
De periphrasi generali verborum.	<i>ibid.</i>
De modo potentiali.	107
Æstimandi verba.	<i>ibid.</i>
Emendi formulæ, & similia,	108
Discriminis formulæ.	109
Affirmandi formulæ.	<i>ibid.</i>
Accusandi formulæ:	110
Formulæ utilitatis.	111
Præfagii formulæ.	112
Officiendi, & juvandi.	113
Functionis formulæ.	114
Quibus modis tribuimus aliquid.	115
Titulorum variatio,	<i>ibid.</i>
Gratulandi verba.	116
Gratias agendi.	<i>ibid.</i>
Referendi beneficium.	117
Originis verba,	<i>ibid.</i>
Pensandi verba.	118
Aptitudinis formulæ.	119
Ablegandi verba.	<i>ibid.</i>
Proficiscendi verba:	120
Conatus.	<i>ibid.</i>
Expl. & implicandi verba.	121
Verba finis seu propositi.	<i>ibid.</i>
Qua est impudentia.	122
Quam ut, quam qui.	<i>ibid.</i>
Bene est.	123
Mea sententia.	<i>ibid.</i>
Plus & plusquam.	<i>ibid.</i>
Ad summum, ut minimum.	124
Morem gerendi.	<i>ibid.</i>
Rogandi.	125

Ignoscen-

# I N D E X.

Ignoscendi.	<i>ibid.</i>
Abrogandi.	<i>ibid.</i>
Ornandi verba.	126
Inter cœnam.	<i>ibid.</i>
Post cœnam.	<i>ibid.</i>
Similitudinis verba.	<i>ibid.</i>
Mutui.	127
Fallendi.	<i>ibid.</i>
Est amicus.	128
Sperandi verba.	<i>ibid.</i>
Ad verbum.	129
Ironiæ verba.	<i>ibid.</i>
Extrahere diem.	<i>ibid.</i>
Paratum ac facile.	<i>ibid.</i>
Depellendi.	<i>ibid.</i>
Agnoscenti.	130
Ab adolescentia.	<i>ibid.</i>
Accurate.	<i>ibid.</i>
Perficiendi.	131
Committendi.	<i>ibid.</i>
Amandi.	<i>ibid.</i>
Cupiendi.	132
Male precandi verba.	<i>ibid.</i>
Pollicendi.	<i>ibid.</i>
Principatus.	133
Ludorum vocabula.	134
Agere delectum.	<i>ibid.</i>
Adimendi honorem.	<i>ibid.</i>
Persuadendi.	135
Inferendi seu ratiocinandi.	<i>ibid.</i>
Nil nisi.	136
Laudandi ac vituperandi.	<i>ibid.</i>
Summæ.	137
Perdendæ operæ.	<i>ibid.</i>
Fructus.	<i>ibid.</i>
Impudentiæ.	138
Affectandi verba.	<i>ibid.</i>
Ignorandi, aut contra.	<i>ibid.</i>
Turpe est, & similia.	<i>ibid.</i>
Quin &, Ut non.	139
Id quod, quod: ita ut, ut:	<i>ibidem</i>
	Am-

# I N D E X.

Amplificandi verba.	<i>ibid.</i>
Reciproca constructio quorundam:	<i>ibid.</i>
Non contentus.	140
Satisfaciedi verba.	<i>ib.</i>
Impunitaris aut contra.	<i>ibid.</i>
Suadendi aut consulendi:	141
Prudens.	<i>ibid.</i>
Causa:	<i>ibid.</i>
Dierum notatione	142
De numeralibus.	<i>ibid.</i>
Adverbia temporis.	144
Annumerandi.	146
Initium, ac finis.	<i>ibid.</i>
Major opinione:	147
Contingendi verba.	148
Refugiendi.	<i>ibid.</i>
Officiorum vocabula.	149
Studii.	<i>ibid.</i>
Vitlandi:	<i>ibid.</i>
Solitudinis	150
Sensus.	<i>ibid.</i>
Præstandi re:	<i>ibid.</i>
Pœnitendi.	151
Diffidii.	<i>ibid.</i>
Reconciliandi.	152
Sapit, aut contra.	<i>ibid.</i>
Excipiendi, sive excludendi.	<i>ibid.</i>
Ut vis aut contra.	153
Comperta.	<i>ibid.</i>
Copia:	154
Indicta causa.	<i>ibid.</i>
Prosperitatis aut contra:	155
Antiquitatis.	<i>ibid.</i>
Totum.	156
Perspicuitatis.	<i>ibid.</i>
Nobilitatis, & contra.	<i>ibid.</i>
Violentiæ.	157
Rumoris.	<i>ibid.</i>
Exempli.	158
Interneccionis.	<i>ibid.</i>
Atrox:	<i>ibid.</i>
	Ri.



# I N D E X.

Rigoris.	<i>ibid.</i>
Affcribendi, & imputandi.	159
Additionis.	<i>ibidem</i>
Facultatis.	160
Jurandi.	161
Dictandi.	<i>ibid.</i>
Tempestive, &c.	162
Ante tempus.	<i>ibid.</i>
Post tempus.	163
Celeritatis.	<i>ibid.</i>
Spacium loci exiguum.	164
Spacium magnum loci, aut temporis.	<i>ibid.</i>
Metuendi.	<i>ibid.</i>
Aptitudinis, aut contrar.	165
Moriendi.	<i>ibid.</i>
Mortis spontaneæ.	166
Mortis adactæ.	167
Propositi.	<i>ibid.</i>
Periculi imminentis.	<i>ibid.</i>
Facile, difficile.	168
Prætextus.	<i>ibid.</i>
Temeritatis.	169
Exequiarum.	<i>ibid.</i>
Consuetudinis, aut contra.	<i>ibid.</i>
Tarditatis.	170
Non ultra.	<i>ibid.</i>

## Capita seu tituli secundi libri.

<b>P</b> rima locupletandi ratio.	171
Rem universam luxu perdidit.	<i>ibid.</i>
Cyclopædiam absolvit.	172
Omnibus naturæ fortunæque dotibus præditus.	173
Totus commaduit.	174
Secunda ratio.	175
Ea ex virgine filium sustulit.	<i>ibid.</i>
Urbem cepit.	176
Tertia ratio.	<i>ibid.</i>
Quarta ratio.	<i>ibid.</i>
Quinta ratio.	177
	De-

# I N D E X.

Descriptio rei.	<i>ibid.</i>
Descriptio personæ.	181
Descriptio loci.	186
Descriptio temporis.	<i>ibid.</i>
Egressio, sexta locupletandi ratio.	187
Septima ratio.	189
Octava locupletandi ratio.	190
Nona ratio dilatandi.	<i>ibid.</i>
Decima ratio.	193
Undecima ratio.	200
Loci communes.	101
Quomodo tractanda sint exempla.	202
Secundus modus locupletandi.	204
De exemplo fabuloso.	205
Tertius modus locupletandi.	209
De parabola.	213
De imagine.	215
De contentione demonstrativa.	216
De judiciis.	218
De sententiis.	<i>ibid.</i>
De expolitione.	221
De apologis.	223
De somniis.	225
De fictis narrationibus.	<i>ibid.</i>
De allegoriis Theolog.	226
Ratio colligendi exempla.	<i>ibid.</i>
De partium Rhetoricarum multiplicatione.	239
Epilogus operis.	247
Quid tam brevitatis, quam copix studioso, vitandum.	<i>ibid.</i>
Peroratio.	249

## F I N I S.







